



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Montis-Sereni Sive Lavterbergense

Mader, Joachim Johann

Helmestadi, 1665

Chronica Montis-Sereni.

urn:nbn:de:hbz:466:1-11088

I



INCIPIT CHRONICA MON- TIS-SERENI.

On sideranti mihi, rerum præteritarum notitiam utilitati legentium crebro proficere, nata est voluntas cum adjutorio Jesu Christi Domini hoc opus assumere, ut annos à fundatione Ecclesie nostræ, & nomina Prælatorum, & successiones, & tempora, & gesta ipsorum, colligerem, & narrationem de his, ut possem, competentius ordinarem. Seniores autem, qui, quod de his verum erat, scire poterant, & quorum dictis grandævitatis fidem faciebat, principio hujus narrationis auctores habui. Nonnulla etiam talium ex *privilegiis* fundationis & aliorum Principum, & ex *Breviariis*, quæ in veteribus libris sparsim inveni coagitata, non sine studio congregavi. Verum quia per pauca hoc vel illo modo de his investigare potui, meumque erat propositum, ut annorum nullus narratione vacuus remaneret; hoc autem ex paucitate gestorum, quæ investigaveram, impleri non poterat; non inutile credidi, quia propria deerant, aliena mutuare, & ad eum, quem prædixi, effectum supplendum, aliorum gesta & casus extrinsecos, hoc est, ad propositum non pertinentes, dignos tamen memoria', nostris interserere: quod etiam usque adeo securus sum, ut pene ubique aliena propriis, pro sola duntaxat delectatione legentium, permissem. Nemo autem pro eo, quod scriptorem fortassis juste

A

con-

2 CHRONICA

contemnit, si quid utilitatis ex hoc opere consequi valuerit, contemnendum pariter arbitretur; quia tritico in se contento vilitas cophini nihil derogat: nec aqua contemnitur, quam usibus hominum plumbi fistula subministrat.

ANNO itaque M' CXXIV. Indictione II. presidente summo Pontifice Calisto II., Pontificatus ejus anno VI. imperante Henrico ejus nominis V. imperii ejus anno XIII. sub Rothero XII. Magdeburgensi Archiepiscopo, Pontificatus ejus anno V. anno à fundatione Ecclesiae Hallensis IX. Dodo Comes, filius Thiemonis Comitis & Ide, Ecclesiam B. Petri in Sereno monte inchoavit; deputatisque in usum ibi Deoservientium ex proprietate sua redditibus, Herminoldo, tunc Gerbstader si Præposito, loci ipsius procurationem commisit; quique administratione priori reicta, Sereni-montis primus est Præpositus constitutus. Verum quia Comes in eum locum resurrectionis Christi visitandi votum habebat, recepta de Episcoporum consilio uxore sua Bertha, quam repudiaverat, quæ erat filia Viperti Marchionis de Groiz, proficisciens, fratremque suum Conradum Comitem totius proprietatis suæ, nec minus boni incepit, ordinans, promotionem ejus ipse fideliciter injunxit. Expletoque voto cum rediret, moriens partem ligni Dominicæ crucis Ecclesiae jam dictæ transmisit; nimirum, ut credo, intelligens, antiquum hostem, qui jam ab illo loco per institutionem Dominicis servitii turbatus erat, per præsentiam ligni salutaris, in quo semel triumphatus est, efficacius debellari. Est autem crux permodica, argento inclusa, quæ ibidem usque hodie conservatur.

ANNO M' CXXIV. Calistus Papa II. obiit, cui succedit Hennerius II. qui & Lambertus, Hostiensis Episcopus. Eclipsis solis facta est III. Id. Augusti hora diei VI. Fridericus Comes de Arnsberg obiit; Rudolphus Marchio obiit.

Anno

Anno M C XXV. Conradus Comes de *VVeitin*, fraternæ devotionis fidelis hæres, capellam *Lubechune*, ad quam pertinent xxvi. & capellam *Oxeroe*, ad quam pertinent iv. mansi; præter hæc etiam de prædio suo cxx. mansos, Ecclesiæ B. Petri in Sereno-monte contulit, promotionis ejus evidenter curam sese gerere demonstrans: unde etiam non immerito fundatoris nomen hæredavit. Uxor quoque illius, *Lucardis* nomine, quæ fuit filia *Alberti* cuiusdam nobilissimi de Suevia, non minori erga locum ipsum solicitudine vigilabat, non solum mariti devotionem suis exhortationibus ad meliora semper incitando, verum etiam prædia, de suis pecuniis emta, ipsi Ecclesiæ conferendo. Ex quibus sunt quæ adhuc eadem possidet Ecclesia; in villa *Hizzendorp* xix. mansi: *Salzemunde* xii. mansi: *Vdene* vi. mansi; *Buzedal* vi. mansi: *Pelli* ii. Quædam vero per concambium aliorum bonorum post mortem ipsius alienata sunt.

Henricus Imperator V. obiit x. Kal. Junij. Hujus Duxes contra Saxones, in loco, qui *Velphisholtz* dicitur, pugnantes, victi sunt, anno M C XV. ubi maxima strages hominum facta est. *Luderus Gevehardi* Comitis filius, Dux Saxonum, *Moguntie* in regem eligitur. *Rotherus* XII. Magdeburgensis Episcopus obiit xiv. Kal. Jan. sedet annis vi. *Gumberus* Havelbergensis Episcopus obiit.

Anno M C XXVI. dissensio inter *Conradum* Comitem de *VVeitin*, & *Henricum* Misnensem Marchionem cognatum ipsius, qui etiam de *Ileburg* dicebatur, præter alias, præcipue tamen pro hujusmodi causa, exorta est. Accidit, ut quidam, occasione narrandi aliquid coram *Conrado* Comite, *Henrici* Marchionis mentionem faciens, eum cognatum ipsius appellaret. Comes vero cum contemtu respondit: *Eum, qui filius est socii, cognatum suum non esse.* Hujus autem sermonis occasio talis fuit: *Henricus* Marchio de *Ileburg* senior, pa-

CHRONICA

ter hujus, uxorem prægnatam fertur moriens reliquisse. Quod cum illa in sepultura ipsius, utero tumenti demonstrato, præsentibus indicasset, quia *Conradus Comes Marchionis* mortui hæres futurus erat, si filium non reliquistet, quidam ministerialium ejus hujusmodi rumorem divulgaverunt, quod ipsa, plumario ventri alligato, prægnantem se esse hoc artificio mentiretur. Quo illa cognito, die quadam universis mariti sui ministerialibus convocatis, in medio ipsorum, in loco eminenti, astans, devoluto ex humeris usque ad nates pallio, nudam se ostendit, dicens; ut ipso, an vere grava esset, judicarent. Postquam vero enixa est, rursus illitalem sparserunt rumorem, quod feminam peperisset, eamque profilio cuiusdam pauperculæ, quæ maritum habebat cocum, quæ & eadem hora pepererat, commutasset. Hac ratione Comes eum *cociflum* appellavit. Quidam ministerialium *Conradi Comitis Heldolfus* nomine, avus *Simeonis & Gevehardi de Zcurbeke*, in quodam colloquio, quod inter præfatum Comitem & *Henricum Marchionem de Ilenburgh* ipso castro agebatur, in Ecclesia B. Petri altare complexus, quasi ad probandum, quod *Henricus pro femina commutatus* fuisset, ita se obligavit, ut si idem filius esset *Henricus Marchionis*, ipse sui corporis perderet sanitatem. Quo rumore comperto Marchio admodum motus, ut suam injuriam vindicaret, omnibus suis fidelibus supplicavit. Quorum duo eundem *Heldolfum* diu insidiis appetentes, tandem opportune in itinere repertum aggrediuntur. Quos ille sibi intran es videns, quamvis suspectos haberet, tamen equo, cui insi ebat, confisus, nec dum agnitis eis fugere devitabat. Sed cum jam prepe essent, recedere volens, equumque calcaribus urgens, movere non potuit, sicque illis irruentibus captus, & oculis, naso, labiis, lingua, auribusque mutilatus, propriæ maledictionis effectum visus est probasse, quo i
Henricus

Henricus Marchio non fuit pro femina commutatus. Quod verbum cum multis vicissim sibi referentibus ad Marchionis notitiam pervenisset, cum & prius amici non fuissent, indignatione gravi permotus, bellum Comiti intulit, eumque caput, & in castro Kirchberg custodiaz traditum, lecto ferreo, & multis malis usque ad mortem suam oppressum, detinuit. Luderus Rex cum exercitu Bohemiam ingressus, repentina invasione hostium plurimis suorum perditis, nec paucioribus hostium occisis, cum paucis evasit, ubi Arnoldus Merseburgensis Episcopus occisus est. In hoc casu Episcopus Hildesheimensis L. milites, quos in ea expeditione direxerat, dicitur perdidisse. Hoc accidit XII. Kal. Martij. Rothero Archiepiscopo successit Norbertus.

Anno M C XXVII. Henricus Marchio obiit: cuius morte in castro Kirchberg nunciata, cum eam ex luctu familiae Conradus Comes intellexisset, persuasis suis custodibus dimissus, & ad Luderum Regem profectus, interventu Richice Reginæ, cuius erat cognatus, Marchiam Misnensem obtinuit. Præterea totius proprietatis Henrici Marchionis hæres effectus est. Eo tempore Herminoldo Præposito Romam ad Honorium Papam directo, Ecclesiam Sereni montis in jus & proprietatem Romanæ Ecclesiæ, sub annua pensione unius aurei, vel fertonis argenti, recipi, & in ea Ordinem Canonicorum regularium institui, postulavit tali modo: Domino beatissimo meritoq; venerabili, & in Christo honorando, Papa Honorio, Conradus Marchio Misnensis, una cum uxore sua Lucarda & filiis, debitam in Christo subjectionem. Quia Deus omnipotens, in cuius conspectu ab initio euncta postfutura sunt presentia, vostrius Ecclesia caput constituit, justum est vestra auctoritate confirmari, quicquid aliquis de sua possessione in jus Ecclesiasticum obtulerit. Nos ergo vestram obsecramus paternitatem, quatenus nostram licet parvulam, oblationem stabilire non dedit nemini, nec hac aliqua usur- pationis

6 CHRONICA

pationis temeritate ad nos delata suspicemini. Obtulimus B. Petro principi Apostolorum, pro remedio anima nostra & parentum nostrorum, ex prædio nostro hereditario, locū qui dicitur Mons. Serenus, cum capella Lobechune, ad quam pertinēt XVI. mansi, & cum capella in Ostravv, ad quam pertinēt IV. mansi, & insuper de prædio nostro CXX. mansos, hac determinatione, ut Canonici sub regula B. Augustini ibidem Deo libere servientes, singulis annis unum Byzantium auri, vel fertonem argenti B. Petro in Roma persolvant, & post præsentem Præpositum in clauſtro ſuo, vel ubi cunq[ue] potiori parti placuerit, alium eligant: chrisma, oleum sanctum, consecrationes altarium vel baſilicarum, ordinationes Canonorum, qui fuerint ad ſacros ordines promovendi, ab Archiepiscopo Magdeburgensi, in cuius ſunt diœcēſi, recipiant; ſiquidem gratiam atque communionem Apoſtolica ſedis habuerit, & ſi ea gratis, ac ſine pravitate, voluerit exhibere. Alioqui liceat eis Catholicum, quem maluerint adire Antiftitem, & ab eo consecrationem & sacramenta ſuſcipere: qui Apoſtolica ſedis fultus auctoritate, quæ poſtulantur, indulget. Me vero, dum vixero, & poſt me ſeniorē de filiis meis, vel quemlibet hāredem meum ſeniorē, Advocatum habeant, cui nihil, niſi ad proprium velle, ſeculari ſervitū debeat. Prædictum etiam montem nulli unquam bellis- cosis propugnaculis munire audeant. Hac omnia ſigillo veftro, ut rogauiimus, in posterum confirmate, & nobis, licet indignis, exoptabilem vestrā benedictionem remandare. Cujus petitioni Pa- pa annuens, privilegium de his per præfatum Præpositum transmisit. Charoldus Comes Flandriæ in Ecclesia à suis fer- vientibus occisus est. Meinfridus Sclavus de Brandenburg, occisus est. VVilhelmus Comes Pictavorum obiit. Henricus Dux Bavrorum Gertrudem filiam Luderī regis duxit uxorem. Eodem anno Conradus, frater Friderici Ducis Suevorum, ma- chinantibus quibusdam principibus, regium nomen ſibi ty- rannice

7
rannice imposuit: propter quod à tribus Archiepiscopis,
Moguntinensi, Salzburgensi & Magdeburgensi, & eorum suffra-
ganeis, excommunicatus, & ab omni Ecclesia anathemati-
satus est.

Anno M C XXIX. *Herminoldus* Præpositus, privilegium
exemptionis ab *Honorio* Papa Ecclesiæ Sereni montis missum,
attulit, xi. Kal. Junij. *Conradus* tyrannus & *Fridericus* frater
eius, ab *Honorio* in die Paschæ excommunicati sunt. *Otto*
Halverstadensis Episcopus Romæ ab *Honorio* Papa deponitur.
Erkenbertus Corbejensis Abbas obiit. *Herminoldus*, primus
Sereni montis Abbas, obiit ii. Id. Decemb. Sedit annis tri-
bus & amplius, quod determinatum non est à senioribus.
Post hunc electus est *Luderus* à fratribus illius temporis, con-
tra placitum quidem *Conradi* Marchionis, quoniam Præpo-
situs idem familiæ Marchionis *Alberti* de Brandenburg, con-
sanguinitate jungebatur. Jamque gravis discordia inter
præscriptos principes inflammata erat, & suspectus videba-
tur Præpositus, ne forte Marchioni *Conrado*, vel suis, in ali-
quo fieret onerosus. Præposituram tamen obtinuit. Hic
majoris Ecclesiæ fundamenta jecit, eamque patrem mona-
sterii, quæ est à turri, usque ad arcem crucis, extruxit. Ante
hoc autem fratres illius temporis celebrationem divinorum
apud Capellam veterem frequentabant, habentes habita-
cula, suis usibus necessaria, ad occidentalem partem ejus-
dem capellæ. De hac siquidem capella nullus seniorum
nostrorum temporis, quorum plerosque amplius quam septua-
genarios vidi, ab aliquo suorum priorum, & que senum,
compertum habuit, quis ejus ædificator vel dedicator fuerit:
licet hoc, ut asserunt, non sine solicitudine à pluribus sit in-
vestigatum. Festivitas tamen dedicationis ejus ex antiqua
consuetudine in Kal. Augusti celebris habetur. Est & hæc
Ecclesia, sicut & major, principis Apostolorum nomine &
opere

§ C H R O N I C A

opere insignis, quod annuo jam dictæ festivitatis tempore fi-
delium illuc concurrentium testatur frequentia; qui varijs
deprehensi incommodis seu periculis, ubi cum oblationibus
ad limina Apostoli in hoc loco devenerunt, ab omni contra-
rij casus malitia, meritis ipsius, se sub celeritate liberari & vo-
ce & votorum persolutionibus testantur. Omnia autem c-
jus beneficia, quibus pro memoria sui nominis, quæ est in
hoc loco, fideliter invocantibus succurrere dignatur, scripto
comprehendere, non minus inutile, quam impossibile credo:
quippe cum in numerositate sui & discohaerentia locorum,
in quibus exhibentur, notitiam effugiant, & fastidiosis lecto-
ribus incredulitatis vel detractionis peccatum valeant procu-
rare. Pauca tamen veraciter comperta ad incitandam de-
votionem eorum; qui fideliter legent, licet per anticipatio-
nem, hic inserere non omittam.

Ædificium capellæ crebris scissuris ruinam minari vi-
debatur, placuitque Præposito Ekkehardo, ut adjecto extrin-
secus novo muro fulciretur: intrinsecus vero rimæ patentes
superducto calcis tegmine celarentur. Perfecto opere, su-
perveniente cujusdam Sabbathi vespera, structuris illis, in
quibus cementarij ad levigandum sanctuarium constiterant,
super altare, & circumquaque, remanentibus; Parochiano,
cujus nomen erat Ebbeko, necessitas obvenerat, ut sequenti
die Dominica populo in majore Ecclesia missarum solemnia
celebraret. Hoc itaque præordinato, cum circa horam
crepusculi, accenso nocturnali lumine, hostio clauso disces-
sit; regressus nocte media ad matutinas dicendas, omnem il-
lam structuram ab altari remotam, & extra sanctuarium in
uno loco compositam, celebrationi divinorum locum re-
perit præbuuisse. Miratus admodum, cœcum, quandam
Keinherum nomine, qui in vestibulo Ecclesiæ dormire erat
solitus, requisivit, utrum strepitum aliquem in eadem capella
noctis

noctis tempore sensisset. Illo cum iuratione negante, se vel modicum motum sensisse, di vinum illud opus fuisse, fideliter credendum est.

Conrado de Cize, tunc parochiano, teste didici, rusticum quendam, *christianum* nomine, de inventione pecunia suffosca apud Nobilem quendam *Fridericu[m] de Crozuc* diffamatum, & ab eo captum, & cum alio compeditum, & in carcere positum, cum nomen Apostoli saepius invocaret, vidi nocte quendam senem venerandi vultus & habitus astantem, sibi que dicentem; *Sequere me*. Qui cum se non solum vinculorum, sed etiam convicti sui, quo minus illum sequi posset, impedimento detineri quereretur; ille ut excitato socio, atque ad egrediendum admonito, se sequeretur iterato praepiens, praetensque, per angustum aditum sequentes eduxit. Cumque jam munitione relista, extra villæ ambitum constituti, nexus compedis repente se carere mirarentur, ille ductor ei, cui apparuerat, ut se *B. Petri* patrocinio liberatos intelligerent insinuans, idque in Ecclesia nominis ejus, quæ in vicino esset monte, eos insinuare præcipiens, disparuit. Hæc ita gesta, eodem Christiano referente, prædictus parochianus se cognovisse fatebatur: ego ipsam compedem in Ecclesia suspensam vidi. Alium æque rusticum, opilionem officio, dominus suus, qui rebus suis inhiabat, captum custodia tradidit, ut, si quid haberet pecunia, tormentis extorqueret. Illo se habere negante, dorso ejus & natibus nudatis lardum, crebris hastulis insertis, hisque accensis, defluentem instillari præcepit. Territus miser auditu supplicij cum nomen *B. Petri*, & corde & ore crebro auxilium ejus petendo, repeperet, seque ipsum cum oblationibus annis singulis ad præfatam memoriam fideliter voravisset, cœpit igneas stillas lardi, ac si aquæ tepidæ, sine sensu doloris cuiuslibet sustinere. Miantibus qui aderant, dominumque ejus, ne amplius cum,

B

qui

qui sic aperte divinitus esset adjutus vexare præsumeret, admonentibus; cum quidem ille, nec motu corporis, nec jaftatione vocis signum aliquod doloris ostenderet, dimissus est. Idem autem pro solutione votorum suorum adveniens, hæc ita gesta, præfato parochiano, liberatori suo gratias referens, enarravit.

Mulier quædam paupercula vestem filij sui parvuli, eum gratiarum actione ad præfatam memoriam afferens, prænominato parochiano retulit, quod cum idem puer ægritudine vexatus, ita jaceret, ut utrum viveret an mortuus esset, omnino dubium remansisset; repente, postquam votum offerendi annuas B. Petro oblationes plena fide obtulit, cum virtùe viderit restitutum.

Memini me audivisse, unum de fratribus nostris, qui eo tempore adjutor erat parochiani, referentem; quendam cum naviculam argenteam ad altare obtulisset dixisse, se prius quam illius munieris votum fecisset, à maximæ tempestatis periculo liberatum.

Alius quidem se leprosum fuisse, & meritis B. Petri in hoc loco mundatum fuisse asserebat. Nolam, cuius signo hujusmodi homines eleemosynam solent petere, quam ipse vidi, ad altare obtulit, & cum fideli protestatione beneficij & gratiarum actione discessit. Hoc tempore Thiderici parochiani factum, ipso referente cognovi. Hæc occasione veteris capellæ dicta sufficiant.

Aano M C XXIX. Luderus rex Penthecosten Quidelingen burg celebravit, monasteriumque S. Servatii ipso instituente feria secunda dedicatum est ab Episcopis Hildesheimensi & Mindensi. Albertus Marchio Hildeburgh quadam nocte cepit & incendit. Spiram rex secundo ob eslam recepit. In commemoratione S. Pauli facta est commotio civium Magdeburgensium contra Norbertum Archiepiscopum, eo quod majorem

majorem Ecclesiam, quam pollutam audierat, nocturno tempore purificavit. Crescente itaque tumultu ascendit in superiora antiquioris monasterij cum Misnensi & Havelbergensi Episcopis, & Præposito majoris Ecclesiæ, ibique diu obsecus est, sacerdibus atque objurgantibus eum civibus, quod altaria fregerit, & reliquias sanctorum furto abstulerit. Sed hunc divina gratia mirabiliter eripuit, & eos postmodum per censuram Ecclesiasticam coactos sibi subjecit.

Anno M c xxx. *Bertoldus* Hildesheimensis Episcopus obiit, pro quo *Bernhardus* ejusdem Ecclesiæ canonicus constituitur. *Vdo* Comes de Franckeleva ab hominibus *Alberti* Marchionis occisus est. *Conradus* de Ekstide apud Hallam à civibus ejusdem oppidi, cum alijs multis occisus est. *Honorius* Papa obiit, cui successit *Gregorius*, mutato nomine *Innocentius*: contra quem alter *Petrus Leo* electus est, mutato nomine *Anacletus*, & ambo una die consecrati referuntur. Ecclesia tamen tota in Pontificatum *Innocentij* consensit. *Henricus* Comes & signifer regis, frater *Ludovici* Comitis de Thuringia clam occisus est. *Burchardus* de Luckenem Comes Frisonum, à militibus Domini sui, voluntate ipsius in quodam cœmeterio occisus est. Hujus perfidiae vindex *Luderus* rex, *VVincenburg* castrum ipsius fregit, & comitatum ipsius dedit *Ludovico* dicto de Thuringia. *Innocentius* Papa *VVirzburg* à *Ludero* rege, & omnibus ibi congregatis, eligitur & confirmatur.

Anno M c xxxi. *Norbertus* Magdeburgensis Archiepiscopus Ecclesiam in gratia Dei, in honorem S. Dei genitricis perpetuae virginis, & S. Victoris martyris, de proprietate nobilis viri *Ottonis*, Comitis de Crudorp, fundavit, primosque lapides in fundamento Ecclesiæ, cum præfato Comite, propriis manibus imposuit; eundemque virum, seculo renuntiantem, in Ecclesia, cuius fundator extitit, Canonicum fe-

Cit, & in Diaconatus ordinem promovit. Primus Ecclesiæ illius præpositus extitit *Emelricus*, qui post breve transmarinavit: post quem *Evermodus* postmodum Ratesburgensis Episcopus, provisori loci ordinatur. Omnes autem ordinis illius clerici Magdeburgensis dioecesis votum Episcopo * & non suis Præpositis faciebant. Synodus generalis apud *Leodium* in quadragesima est habita, præsidente Papa *Innocentio*, præsente *Ludero* & regina *Richza*, ibique ab ipso Apostolico & omni Ecclesia ibi collecta, excommunicati sunt, *Petrus Leo*, *Conradus* tyrannus & *Fridericus* frater suus, cum omnibus illis faventibus. *Otto* etiam Halverstadensis Episcopus, ab Honorio Papa de deposito, ibidem petitione regis & totius Ecclesiæ restitutus est. *Henricus* Magdeburgensis Præfectus, filius *Viperti* Marchionis de *Groitz*, Marchiam, quam patre suo defuncto *Adelbertus* à rege acquisierat, jure legali recepit, anno post mortem patris sui lX. Rex in Saxoniam regressus, collecto exercitu Danos devicit. *Innocentius* Papa II. Synodum *Rhemis* celebrat. *Fridericus* Coloniensis Episcopus obiit.

Anno M CXXXII. Corpus S. *Godehardi* III. Non. Maii levatur, anno à depositione ipsius xcvi. *Eberhtus* Monasteriensis Episcopus obiit, cui succedit *Vernherus* Halverstadiensis *Caionicus*, fratre eius S. *Annonis* Colonensis Episcopi. *Bruno* succedit *Friderico* Colonensi Archiepiscopo. *Cono* Ratisponensis & *Hermannus* Augustensis obierunt.

Anno M CXXXIII. *Conradus* Marchio de *Plözke*, in Italiam cum rege pergens, sagitta transfigitur; cuius corpus in patriam delatum, sepultum est *Kakelinge* cum parentibus suis. Rex mediante *Nortberto* Archiepiscopo II. Non. Junij à Papa cœlebratur cum conjugi sua. Eclipse solis facta est iv. Non. Augusti.

Anno M CXXXIV. *Adelbertus*. Comes succedit *Conrado* Marchioni. Imperator celebrat Pascha Halverstad, ubi quidam

dam de Principibus Danorum, *Magnus* nomine, hominum ei faciens, regnum Daniæ ab ipso suscepit, & postquam præstisit juramentum, Imperatori ad Ecclesiam procedenti, circulo decoratus aureo, gladium portavit: qui in patriam reversus, à quodam *Henrico* occisus est cum V. Episcopis, & LXXV. clericis. Pater etiam ejusdem in civitate *Nesvich* ante Ecclesiam cum suis occisus est. *Norbertus* Magdeburgensis Episcopus obiit ix. Id. Junij: sepultus est in Ecclesia S. Mariæ Magdalena, in qua ipse remotis Canonicis secularibus, Canonicos Præmonstratensis Ordinis instituerat. Imperator festum Apostolorum Petri & Pauli celebrat Magdeburgi, & *Conradus* ejusdem Ecclesie Canonicus, omnium electione, Imperatore consentiente, Archiepiscopus constituitur: qui etiam post rutherfordum electus Episcopatum obtinuisse, nisi quoddam Abbas S. Johannis de monte, & major Praepositus restiterunt dicentes: non esse Subdiaconum eligendum. Imperator cum exercitu Sueviam intravit propter *Fridericum* Ducem & fratrem ejus *Contadum*; qui quoddam oppidum, *Ulma* dictum contra eum munierunt, & cives ad resistendum ei incitaverunt. Sed *Henricus* Dux Bavarorum Imperatorem præveniens, oppidum expugnavit, cepit & incendit Duce & fratre suo *Friderico* inde fugientibus. Postmodum Dux a pluribus sibi faventibus derelictus, necessitate coactus, nudis pedibus Imperatorem adiit, & per Imperatricem gratiam ipsius obtinuit. Qui etiam per Legatum Apostolicum ibi presentem ab excommunicatione VII. annorum eum absolvit, praetito juramento, quod gratiam Imperatoris omni in posterum devotione mereretur.

Anno M C XXXV. dedicatum est monasterium Hallense à *Conrado* Magdeburgensi Archiepiscopo. *Ludovicus* Augiensis Abbas occisus est in Ecclesia à ministerialibus suis, per insidias (sicut fama fuit) *Wdalrici*, fratri *Friderici*, Comitis de

Zolre, qui ei successit, sed ipse eodem anno veneno vitam finivit. Imperator celebrat Pentecosten Magdeburgi, ubi Othilicus Dux Bohemorum, & Legati Bolizlai Ducis Polonorum, & Godefridi, Ducis Lovaniæ: Hungarorum etiam, & Danorum, nec non Slavorum, cum Principibus illuc venientibus adfuerunt. Conradus Misnensis Marchio Hierosolymam profectus est. Congregatio seminarum Canonicorum in Lutere, in regularem Ordinem S. Benedicti commutatur, & Everhardus de monasterio S. Johannis Magdeburgensi illuc cum Monachis primus Abbas mittitur, & eodem anno ab Imperatore & ejus conjuge, positis in fundamento primis lapidibus, novum monasterium inchoatur. Imperator assumptionem S. Mariæ in Mersenburg celebrat, ubi Bolizlaus Dux Poloniæ, & Othilicus Dux Bohemiæ cum ceteris Principibus adfuerunt, ubi etiam Bolizlaus gladiū Imperatori reportavit. Imperator Mülehusen venit, ubi Conradus frater Friderici Ducis deposita tyrannide, Imperatoris pedibus pro voluntus, auxilio Imperatricis gratiam ipsius promeruit, & per Conradum Archiepiscopum Magdeburgensem absolutus est.

Anno M C XXXVI. Conradus Magdeburgensis Archiepiscopus petitione Conradi Comitis Misnensis, Ecclesiam Nunciensem, quam pater & mater jam dicti Marchionis fundaverant, in nomen & dignitatem Abbatia, auctoritatis suæ privilegio confirmavit. Primus Ecclesiae illius Abbas Reinhardus dicebatur. Henricus Marchio & Magdeburgensis Praefectus, filius VViperti, ad curiam pergens Moguntiæ moritur II. Kal. Jan. cui in comitatu Magdeburgensi succedit Burchardus frater Archiepiscopi. Marchiam vero Lufensem, quæ nunc Orientalis dicitur, Imperator Conrado Marchioni Misnensi concessit, qui etiam totius proprietatis hæres factus est, quia alium hæredem non habuit. Havelberga capta est à filiis VVidikindi & Ecclesia incensa. Luderus Imperator secundo Romanum profectus est.

Anno

MONTIS-SERENI.

Anno M^c xxxvii. Luderus II. Sereni-montis Præpositus obiit x. Kal. Maji. Sedit annis ix, mensibus v. diebus xi. Post hunc, ordinatione Conradi Marchionis, electus est Meinherum, Hallensis Ecclesie Canonicus. Hic primum Ecclesia S. Gereonis Coloniensis Canonicus, mutato habitu in Ecclesia Hallensi conversus est: quem etiam frater suus carnalis VVitmannus nomine, ejusdem Ecclesie & ipse Canonicus, ad conversionem occasione tali secutus est. Accidit ut in ludo, qui vocatur puerorum, cui ipse intererat, puer quidam conculeatus moteretur; pro cuius rei pœnitudine seculum relinques, fratrem secutus est, & cum esset Subdiaconus deinceps ad gradum altiorem noluit promoveri. Meinherum autem Præpositum secuti sunt plures ex senioribus Hallensis Ecclesie fratribus viri laudabiles, & per quos Ecclesia Sereni-Montis plurimum noscitur profecisse, tam in religione conversationis exemplo, quam etiam in libris, quos ibi conscripserunt. Ex quibus quartus, Gerhardus nomine, licet Iulius, plures libros ipsi Ecclesie scripsit: Missales VI. Plenarium unum: Lectionarium unum: Gradualia quatuor: Antiphonarium unum: Omelias II. Passionales II. Libros moralium quatuor: Matutinales II. Librum de cura pastorali scripsit Heidenicus, postea Hallensis Præpositus. Omnia etiam Ecclesia hujus officia iidem fratres longo tempore administrantes, primi ei religionis imaginem impresserunt. Imperator nativitatem Domini celebrat in campestribus Boloniae, & Pascha Firme. Deinde ingressus est Apuliam, ubi apud civitatem, quæ Trans dicitur, Bruno Coloniensis Archiepiscopus minuto sanguine tertia die defunctus est. Imperator vero transiens per Romaniam & Campaniam Barum civitatem venit, ibique Pentecosten celebravit, & in sancto die Papa, præsente Imperatore, missam in monasterio S. Nicolai celebravit. Ibi sepultus est Bruno Coloniensis Archiepiscopus, cui Hugo succedit,

cessit, Decanus ejusdem Ecclesie, qui ibidem confirmationem & pallium à Papa suscepit. Eodem tempore obiit *Albertus* Moguntiensis Archiepiscopus. Imperator natalem Apostolorum *Melfie* celebravit: ubi *Hugo* Archiepiscopus phlebotomatus, quarto die obiit, ibique sepultus est. Eodem itinere *Adalbero* Basileensis Episcopus obiit. Imperator apud *Bredinam* villam in fauibus Alpium constitutam in Non. Decembris obiit. Corpus ejus in Saxoniam relatum, *Lutere* sepultum est.

Anno M C XXXIX. *Petrus Leo* Antipapa obiit. *Conradus* frater *Friderici*, Ducis Suevorum, à quib[us]dam Principibus in regem eligitur: Unde dissensio magna in reliquum exorta est. *Meingotus* Episcopus obiit, cui succedit *Ekki* --- sus ejusdem Ecclesie Præpositus. *Lambertus* Illyricus Abbas, & Brandenburgensis electus, rediens à Roma, occisus est à latronibus. Cui succedit in Abbatia *Sigeboto*, ejusdem Ecclesie monachus: in Episcopatu *Vwicherius*, S. Mariæ Præpositus in Magdeburg. *Hugoni* Archiepiscopo Coloniensi succedit *Arnoldus* Præpositus S. Andreæ. *Bolizlaus* Dux Polonie obiit, cuius filiorum senior *Bolizlaus*, genet *Conradi* regis, ducatum patris obtinuit. *Volcmarus* Abbas Corbejensis obiit, cui succedit *Albero* frater Ducis *Henrici*. Castrum quod *Bernburg* dicitur, incensum est propter tyrannidem, quam exercerat inde *Eylica* Comitissa cum suis. Hæc fuit via Comitis *Bernhardi*.

Anno M C XXXIX. *Conradus* rex natalem Domini *Goslarie* celebrat, ubi & publicum conventum habuit, sed nihil ibi de reipublicæ utilitate tractatum est. *Conradus* Archiepiscopus Magdeburgensis auxilio Principum sibi faventium castrum *Bernhardi* Comitis *Plotzke* obsedit, cepit & destruxit *Henricus* Dux Bavavorum & Saxonum veneno occisus est XIII, Kal. Novemb. & *Lutter* juxta *Luderum* Imperatorem sepultus est.

Anno

Anno M C XL. *Ludevicus* Rex Franciæ obiit. *Otto* Bambergensis Episcopus obiit, qui *Pomeranos* convertit: cui succedit *Eilbertus* ejusdem Ecclesiæ Canonicus. *Ludevicus* Comes de *Thuringia* & *VVilhelmus* Comes Palatiæ obierunt. *Sivvardus* Episcopus Mindensis obiit; cui successit *Henricus* Abbas ejusdem loci. *Godeboldus* Episcopus Misnensis obiit, cui successit *Rembertus* ejusdem Ecclesiæ Præpositus. Eodem anno destructæ sunt munitiones istæ: *Groningen*, *Anehalt*, *Gobelenze*, *VVithecke*.

Anno M C XLI. *Richfa* Imperatrix obiit. *Adelbertus* Episcopus Moguntinus obiit: cui successit *Marcolphus* Præpositus de *Aschafneburg*.

Anno M C XLII. *Conradus* Magdeburgensis Ecclesiæ Archiepiscopus XIV. obiit VI. Non. Maij, sedit annis VII. mensibus IX. diebus XXVI. Cui successit *Fridericus* custos majoris Ecclesiæ. *Marcolfus* Moguntinensis Ecclesiæ Archiepiscopus obiit; cui successit *Henricus* Præpositus majoris Ecclesiæ. *Otto* Halverstadensis Ecclesiæ Episcopus obiit. *Gertrudis* Ducissa obiit, filia *Luderi* Imperatoris. *Eylka* Comitissa obiit.

Anno M C XLIII. *Innocentius* Papa II. obiit, successit *Wido*, qui & *Cælestinus*, *Ekkelenus* Mersburgensis Episcopus obiit, cui successit *Reinhardus*. *Agnes* Marchionissa, mater *Conradi* regis obiit. *Conradus* Rex dedit *Conrado* Misnensi, & Orientali Marchioni, & uxori ejus *Lucardæ*, provinciam *Rochelæz*.

Anno M C XLIV. *Cælestinus* Papa obiit; cui successit *Gerhardus* Cardinalis, mutato nomine *Lucius*. *Lambertus* venerandæ memoriæ primus Hallensis Ecclesiæ Præpositus, obiit V. Id. Febr. Sedit annis XXVI. Primus autem dicitur, quia illi Ecclesiæ in loco, qui nunc est, primus præfuit. *Adelgotus* siquidem Archiepiscopus, cum primum inchoandi hanc Ecclesiæ propositum habuit, & Canonicos secundum regulam

C

B. Au-

B. Augustini in ea instituere disponeret, hujusmodi viros de quadam Ecclesia Bavariae, quæ Reidenbug dicitur, unde & Ordo Canonicorum regularium per Saxoniam derivatus est, timore Henrici Imperatoris recedentes, inter quem & summum Pontificem longa discordia trahebatur, tanquam à Deo sibi transmissos suscepit, eosque in castro Givekenstein, data eis ejusdem castri capella, & uno, Beruvigo nomine, qui cæteris præcesset, ordinato, qui etiam Ecclesiæ illius, de qua recedebant, Præpositus fuerat, per biennium detinuit. Infra quod temporis spatium Beruvigus defunctus est. Inde Archiepiscopus ad locum, ubi nunc Ecclesia est Novi operis, eos transtulit, & Lambertum, de quo hic agitur, qui unus erat ipsorum, eis Præpositum feliciter ordinavit; qui mox divino timori se ex toto corde subjiciens, in regulari conversatione ita se exhibuit, ut in paucis annis plurimi, quorum plerique erant nobiles, & ex delicatis moribus, bona opinionis ejus odore tracti, ad locum illum, tanquam ad portum post naufragium, conversionis gratia festinarent. Ex qua re factum est, ut illa Ecclesia, inter ipsa fere suæ inchoationis primordia, numerositate personarum venerabilium, multis veteribus Ecclesiis præstantior haberetur. Lamberto Præposito successit Fridericus. Eodem anno obiit Berta Comitissa, uxor Dedonis Comitis, fratri Conradi Misnensis, & Orientalis Marchionis, xvii. Kal. Junij. Hæc proprietatem suam Croitz dedit Dedoni filio prædicti Marchionis, quem ipsa loco filij enutrierat. Rodolphus Comes de Staden junior, interfecitus est à trans-Albanis Saxonibus, qui Dittmerschen dicuntur. Sifridus Comes de Homburg obiit: Quidam libri habent de Bomeneburg. Salome uxor Bolizlai Ducis obiit.

Anno M C X L V. Conratus Rex ad natalem Domini Magdeburg venit, & quia in comitatu suo Hermannum Comitem de Schalecke excommunicatum duxit, à clero regali more non

non est susceptus. *Lucius Papa* obiit; cui successit *Bernhardus Cardinalis Abbas S. Anastasiaz*, mutato nomine *Eugenius*. *Bertrada Comitissa*, & filius ejus *Conradus Comes de Hornstein* obierunt.

Anno M C XLVI. *Lucardis Marchionissa Serenum-mon-*
tem venit, & à *Meinhero Præposito* devote suscepta, ibidem se
phlebotomari fecit. Sequenti autem vel tertia die petitionem
aliquam Præposito porrexit, de qua ille nolebat ei aliquatenus
consentire. Pro qua re indignata *Gerbestad* recessit, ibique,
ex motu animi, ut fertur, languorem incurrit, ex quo
defuncta est, XIII. Kal. Julii, & in monasterio ipsius loci,
consilio Hojeri Comitis de Mansfeld, qui tunc aderat, est se-
pulta. Eo tempore *Conradus Marchio* à peregrinatione
transmarina rediens, cum in partes *Bavariae* venisset, nuntium
de morte uxoris accepit, statimque, ubi sepulta esset, sollicite
requisivit. Quo cognito, simulque de eo, qui consilium
dederat, comperto, graviter ferens cum iuratione assuruit, se
eum, ut suis eam manibus effoderet, compulsurum; quod
ita factum est. Denique cum rediisset *Marchio*, *Hojerus idem*
indignationem ejus erga se, & causam indignationis, intel-
ligens, nec aliud, nisi reddito corpore *Marchionissæ*, gratiam
ejus se impetraturum, nocte quadam, dimidio jam anno à se-
pultura ejus exacto, *Gerbestad* cum suis clam venit, persuasi-
que pecunia custodibus eam effodiens tulit, & *VVitin*, ubi
ex condicto Marchio ejus expectabat adventum, adduxit: sic-
que sub ipsa nocte, prosequente *Marchione*, in *Serenum-mon-*
tem advecta, ibique sequenti die honorifice sepulta est. Porro
Marchio in die sepulturæ ejus *XIX. mansos* ad dotem trium
altarium, quæ cum monasterio dedicandæ erant, *Beato Petro*
pro requie defunctæ obtulit, *six mansis singulis altari-*
bus deputatis. *Conradus Rex* cum conventum haberet, *VVL-*
dislaus gener ejus ipsum adiit, & recepto ab eo *Polonia du-*

catu, fratres suos exhaeredare conatus est. Denique cum reversus civitatem Posnam cum exercitu ob sideret, fratres ejus collectis paucis ex improviso eirruentes multos de exercitu ejus prostraverunt. Unde coactus est pacem cum eis firmare juramento. Sed ut patesceret perfidia ipsius, divino iudicio terra in loco ipso juramenti, ut fertur, sanguinei fluminis patefecit abyssum. Postea post multas clades fratribus illatas à patria expulsus est. Rex vero collecto exercitu Poloniam ad restituendum generum ingressus est. Fratres autem ad resistendum parati semitas observantes regem ingredi prohibebant. Tandem consilio Adelberti & Conradi Marchionis, obsidibus vicissim datis, regem adeunt, & promissa pecunia patriam ab ipso suscipiunt, juniori fratre ob side dato.

Anno M C XLVII. Eclipsis solis facta est VII. Kal. Novembr, media nocte: *Conradus Rex cum VVelpone & Friderico* Ducibus alijsque plurimis, tam Episcopis, quam Comitibus, multisque Christi fidelibus, cruce signatus, quorum numerus fuit DC. millia, ad partes transmarinas proficisci disposerunt; sed traditione Regis *Gracie* xix. diebus per loca deserta ducti, fame & siti ex parte maxima perierunt, insuper à paganiis *Turci* in hoc labore circumventi, plurimi interficiuntur. *Ludovicus* etiam, Rex Franciæ, LX. millibus in ea expeditione perditis, cum paucis rediit. Hanc expeditionem promoverat *Bernhardus Claræ vallenensis* Abbas, qui hoc tempore floruit. Eodem anno magna multitudo signatorum contra paganos, aquilonem versus habitantes, profecta est, ut eos aut Christianæ religioni subderent, aut omnino delerent. Hujus expeditionis principes erant *Fridericus Magdeburgensis* Archiepiscopus, *Rodolphus Halverstadensis*, *VVernerus Monasteriensis*, *Reinhardus Merseburgensis*, *VVikerus Brandenburgensis*, *Anshelmus Havelbergensis*, *Henricus Moraviensis*, *Episcopi*

Episcopi: *Vibolt* Corbejensis Abbas, *Conradus Marchio*, *Adelbertus Marchio*, *Fridericus Palatinus Comes*, *Hermannus Palatinus Comes*, cum alijs multis, quorum numerus erat *LX.* millia. In alia societate ejusdem expeditionis Principes erant *Albertus Bremensis Archiepiscopus*, *Dithmarus Verdenfis Episcopus*, *Henricus Dux Saxonie*, *Conradus Dux Burgundie*, *Hartuvicus princeps nobilis*, cum alijs *XL.* millibus. Item Rex *Dacie*, cum centum suorum provincialium millibus. Frater etiam Ducis *Polonorum* cum *XX.* millibus. Præterea navalis exercitus *Anglicorum & Colonensium & Flandrensum*, cum ipsis simul terram paganorum ingressi, civitatem quandam munitissimam *Vlyxibonam* nomine, magnolicet labore, ceperunt, interfectis paganis *CC.* millibus &c.

Anno M C XLIX. *Fridericus Archiepiscopus*, & alij quidam Principes Saxonum, cum Poloniæ Ducibus *Bolizlao* & *Mesicone* amicitiæ fœdus in Epiphania Domini celebraverunt, ubi *Otto Marchio* filius *Alberti Marchionis*, sororem *Polonorum* principum uxorem ducendam suscepit. In media quadragesima *Eugenius Papa* concilium *Rhemis* celebravit, ubi seductorem quendam, *Eris* nomine, qui se in *Gasconia* & finitimiis regionibus Deum prædicaverat, errorem suum coram omnibus confessum in caveæ captivitatem deputatum, perpetui exiliij supplicio damnavit. In eodem concilio Magister *Giselbertus* scripta sua, quæ à quibusdam calumniabantur, auctoritate SS. Patrum magnifice defendit. Rex *Romanorum*, & Rex Franciæ *Damascum* obsederunt, sed *Hierosolymorum* rege ope sua eos fraudante, nihil dignum effecere.

Anno M C XLIX. dedicata est capella Hallensis, quæ *Præpositi* vocatur. *Conradus Rex*, & Rex Franciæ, à peregrinacione redierunt.

Anno M C L. *Conradus Marchio* de promotione Ecclesiæ Montis-Sereni sine oblivione solitus, ex eo tantum impediti

pediri videbatur, quod cum *Nimicensis* Ecclesiæ, quam parentes ipsius fundaverant, pietatis respectus curam postponere non sinebat. Considerans tamen hanc ipsam sibi prororum tenuitate non posse sufficere, quodque ex hac causa regularis ordo in ea institutus deficiendi argumentum diebus singulis capiebat, eam cum omnibus ad ipsam pertinentibus in proprietatem & usum alterius transferre, si esset possibile, cogitabat, ea videlicet ratione, ut divinum officium quod in hac nullatum erat, in illa copiosius suppletur, simul etiam ne parentum suorum oblatio inutiliter desperiter. Hujus itaque negotij promovendi causa, legatos idoneos *Anshelmum* secundum *Havelbergensem* Episcopum, & *Gerhardum* Magdeburgensis Ecclesiæ majoris Præpositum ad *Eugenium* Papam destinavit, petens, ut, quod de Ecclesiis hisce facere ordinaverat, auctoritate Apostolica perficere permitteret. Cujus petitioni Papa annuens, ei de hoc rescripsit ad hunc modum. *Eugenius Episcopus servus servorum Dei, dilecto filio, nobili viro *Conrado Marchioni* salutem, & Apostolicam benedictionem.* Literas nobilitatis tuae benigne recepimus, & devotionem tuam, quam erga B. Petrum & Ecclesiam Dei ex eis te habere perpendimus, in Domino collaudamus. Nos autem tuum laudabile votum de Ecclesiis, pro quibus rogasti, adimpleri volentes, petitioni tuae duximus annuendum. Vnde venerabilis fratri nostro Magdeburgensi Archiepiscopo per scripta mandavimus, ut secundum quod à nobis postulaisti, studeat hoc effectum mancipare. Præterea dilectum filium nostrum A. *Misnensem* Præpositum, & Canonicos suos, habeas propensius commendatoris: à prævorum hominum incurribus defendas, atq; in suis oportunitatibus juves & manuteneas. Datum *Tusculani V. Non. Mait.* *Fridericus* itaque Archiepiscopus, quod in mandatis acceperat exequi studens, Ecclesiam *Nimecensem* in proprietatem & usum fratrum *Sereni-montis* transtulit, factumque hoc summi

summi Pontificis, nec non suæ auctoritatis munimine confit-
mavit.

Anno M C L I. Meinherus III. Sereni montis Præpositus obiit, v. Idus Jan. cum sedisset annis XIII. mensibus IX. diebus XVI. Hic majorem Ecclesiam, quam antecessore ejus inchoaverat, consummatam à Friderico Magdeburgensi Archiepiscopo dedicari fecit: cuius dedicationis annum inventire non potui. Post hunc electus est Arnoldus, eisdem Ecclesiæ Canonicus, vir idoneus quidem, & de quo futuræ utilitatis spes haberi poterat; sed Conrado Marchioni non placuit, qui alium, Eckehardum nomine, Hallensis Ecclesiæ Canonicum, famæ laudabilis virum, qui forensi Ecclesiæ jam per annos XIV. præcerat, mortuo Præposito substituere modis omnibus intendebat. Ardentि enim affectu religionem in Ecclesia Sereni-montis propagare desiderans, hac aliter, nisi sumto de Ecclesia Hallensi Præposito, pro sui posse non sperravit, in qui præcipue regularis observantiae studium tunc vigebat. Hac autem ejus intentione agnita Arnoldus idem, hinc quidem considerans plus damni ex offensa Marchionis Ecclesiæ suæ posse accrescere, quam utilitatis ex eo, si ipse in hoc, ad quod fuerat electus, persisteret; illinc autem fratrum, qui se elegerant, & perleverare hortabantur, instantiam attendens, dubitabat, quid maller: sicque hoc negotium per sex pene mentes suspensum est. Solebant autem priores Præpositi hujus Ecclesiæ curam de manu Archiepiscopi Magdeburgensis accipere, sponte an coacti nescio; in quo tamen utriusque rectissime reprehenduntur. Isti siquidem, quod privilegio suo utinoluerunt; illi autem, quia scientes Ecclesiam ipsam ad summum Pontificem immediate pertinere, in alienam segetem falcem mittere præsumserunt. Ex hac consuetudine cum præfatus electus ad Fridericum Archiepiscopum pro eodem negotio Gevenenstein, ubi etiam Mar-

chio

CHRONICA

24
chio & *Vicmannus* Episcopus Nuenburgensis aderant, venisset, *Vicmannus* Episcopus causa cognita ad consulendum ei ingerens dicebat, utile sibi videri & coram Archiepiscopo & Marchione insufficientem se, & paratum, si eis ita placearet, ut ab electione cederet, fateretur. Hac enim ejus humilitate Marchionem placandum, & ut persisteret consensurum. Ille autem consilium tanquam utile simpliciter attendens, coram Archiepiscopo & Marchione insufficientiam de se testatur, etiam in hoc paratum, si eis placeret, ut ab electione cederet, fatebatur. De quo illi eum laudantes, placere sibi ut cederet, responderunt, tamen ille laqueatum se videns, quia referre pedem turpe judicabat, electioni renuntiabat, sicque *Ekkehardus* pro arbitrio Marchionis electus est & confirmatus. Idem autem *Arnoldus Luppoldisberge* postea Praepositus datus, Ecclesiam illam strenue gubernavit; ad cuius religionem conservationis probationem factum memorabile, quod à viris fidelibus didici, hic inserere non pigebit. Congregatio est sanctorum in eadem Ecclesia, quas Praepositus idem ad honorem cœlestis sponsi vigilantissime custodiebat. Ex his una junior antiquo hoste incitante seculum diligens, copiam recedendi, quam difficulter invenire poterat, requirebat. Quae tali proposito æstuans, cum ex consuetudine Ecclesiastica in die resurrectionis Christi ad communionem accedere cogeretur, malæ voluntatis conscientia, quod accipiebat non ausa sumere, per quinque annos, quos discedendi aditum quarens invenire non poterat, quinque portiones Dominici corporis reservavit, easque in vase mundo, prout poterat, diligentius reponens, in loco secreto terræ infudit. Tandem misericors redemptor miseratus miseram, & ut credo sepulturæ impatiens, quam semel resurgendo evaserat, Praepositorum per visum de his, quæ agebantur edocuit. Videbat enim se in quodam secreto claustrum loco

loco stare, in quo fossa pateret, & in ejus imia parte infans decentissimus nudus videbatur, qui manibus protensis, Præpositum quasi ut se educeret precabatur. Quo viso somno excusus visionem recogitans, quid vidisset, mirabatur. Die autem facto claustrum ingressus sorores convocat, eisque quod viderat enarravit, locum, qui ostensus fuerat, designans. Deinde quadam quasi miseratione ductus ex memoria visionis eis, ut fodiendo in eodem loco terram patefacerent, præcepit. Quo facto, vas, quod infossum erat, reperiunt, quod sublatum Præpositus aperiens, viso quod continebat, statim quid esset intelligere sibi videbatur. Omnibus autem ingenti admiratione attonitis, vase in Ecclesia reverenter collocato regressus, infossonis ream sub interminatione poenæ requirere cœpit. Tunc illa misera deprehensam se videns, pedibus ejus prostrata, in lacrymas amarissimas & gemitum erupit, &c, quid cogitasset, quidve egisset, exponens, omnes qui aderant, ad fletum uberrimum provocavit. Sicque post solutas miseri cordiæ Redemptoris gratiarum actiones, poenitentiam injunctam devote peragens, & partibus illis, quas reposuerat, per vices communicata, tentatione qua urgebatur omnino caruit. Sed hæc longe postmodum facta sunt. *Arnoldus Coloniensis Episcopus obiit*, cui successit *Arnoldus Cancellarius*. *Richardis Marchionissa obiit*. *Ludevicus de Wippera obiit*. *Wernherus Episcopus de Monasterio obiit*: cui successit *Fridericus*.

Anno M C LII. *Conradus Rex obiit*. *Fridericus Dux Sueviae* in regem eligitur communi consensu in media quadragesima: qui proximum Pentecoste *Mersburg* celebrans Svenno Regi Daciae circulum regium concessit. *Lambertus Comes obiit*. *Hermannus Comes de Wincenburg* cum *Luchara* uxore sua prægnante in ipsa urbe à suis occisus est. *Fridericus XV. Magdeburgensis Episcopus obiit* xix. Kal. Feb. sedie

D

annis

annis IX. mensibus IIX. diebus XIV. Post hunc electi sunt duo, *Hazzo Decanus*, & *Gerhardus Praepositus majoris Ecclesiae*. His autem aliquamdiu pertinaciter singulis pro parte nientibus, *Vicmannus Nuenburgensis Episcopus* sequester illis accessit, modisque, qui in ejusmodi causis præcipue valent, præmissis videlicet & muniberis pluribus, utriusque partis electoribus abstractis, ut se eligerent, persuasit. Quo facto, vasallis Ecclesiae fidelitatem ei jurantibus Episcopatum obtinuit. Pallium autem, quia de irregulari introitu apud curiam Romanam infamatus erat, biennio per nuntios suos obtinere non potuit.

Anno M C LIII. *Fridericus Rex Saxoniam pacifice intravit*. *Henricus Moguntinus Archiepiscopus* à Cardinalibus *Bernardo & Gregorio* deponitur: cui *Arnoldus Cancellarius* substituitur. Item *Henricus Mindensis Episcopus* deponitur, cui successit *Vernherus*. Item *Bernardus Hildensem* Episcopus ab Episcopatu absolvitur & moritur: cui successit *Bruno Eugenius Papa* obiit, cui successit *Conradus*, qui & *Anastasius*. *Vicboldus* cum alijs multis in Fresia periiit. *Irmingardis Marchionissa* obiit. Dux *Henricus*, & Marchio *Albertus*, discordantes, incendiis Saxoniam turbaverunt. *Fridericus Rex* coram nuntijs Apostolicis ab uxore sua propter notam adulterii separatus est.

Anno M C LIV. *Ekkehardus Sereni-montis Praepositus* ædificium claustrum in australi parte majoris Ecclesiae construere aggressus est in loco præcipiti & scopuloso, & in quo non nisi laborem & impensam perdere omnibus insipientibus videbatur. Quantum autem laborem in hoc ædificio non perdiderit, sed impenderit, nunc insipientibus palam est. *Fridericus Rex Magdeburg Pascha* celebrat præsente *Gerardo Cardinali*. *Anastasius Papa* obiit, cui *Adrianus*, qui & *Nicolaus*, *Albanensis Episcopus* successit. *Vicmannus Nuenburgensis Episcopus*

Episcopus & Magdeburgensis electus pallij impetrandi causa Romam profectus est. Papa autem, licet de introitu ejus agnovisset, tamen quia contradictor nullus apparuit, posito in altari B. Petri pallio, Episcopo, si canonice se sciret electum, ut tolleret præcepit. Quo hæsitante, quidam Canonorum ipsius Tidericus de Hildeslove, & unus militum, eum de hæsitatione argentes, pallium tulerunt, & Episcopo sumendum obtulerunt. Eo anno contigit rumor reliquiarum de Hugisburg. Fridericus secundus Hallensis Ecclesie Præpositus obiit xvii. Kal. Maii : sedit annis x. mensibus ii. diebus vii. Hic majoris Ecclesie Magdeburgensis Præpositus fuit antea, & sub Lamberto Præposito mutato habitu in Ecclesia Hallensi conversus, religionem, cuius studium, sub ejus magisterio servare viderat, prælationis suæ tempore torpescere non permisit. Huic successit Conradus.

Anno M C LV. Fridericus Rex Romanum cum exercitu profectus, ab Adriano Papa in Ecclesia B. Petri in Imperatorem consecratus, & cum Romanis ipso die congressus, mille & quingentos ex eis occidit, victoriamque obtinuit. Spoleto ab ipso deletum est. Anshelmus Havelbergensis Episcopus Ravennæ Archiepiscopus constituitur. Sveno Rex Danorum, à regni illius majoribus pulsus est: cuius regnum à Canuto & VVoldemaro nepotibus illius occupatur.

Anno M C LVI. Conradus Misnensis & Orientalis Marchio gratia divina se præveniente, incertitudinem vitæ suæ considerans, timensque ne, si labenti mundo diu inhærere voluisset, ipse quoque similiter ad lapsum traheretur; ipsum relinquere & monasterium petere stabili secum proposito diffinivit. Volens autem Ecclesie, ad quam anhelabat, scilicet Sereni-montis, quam jam sufficienter, prout oportuum ei fuerat, locupletaverat, in futurum prospicere, VVicmanno Archiepiscopo & Alberto Marchioni de Brandenburg,

D 3

filijs

filii etiam suis Ecclesiasticis & secularibus viris nobilibus & ministerialibus ac cersitis ad locum venit, ut in eorum praesentia, quod intenderet, consummaret. Primo itaque possessiones, quascunque vel ipse, vel uxor ejus, loco contulerant, per manus filiorum suorum, *Ottonis* videlicet Misnensis Marchionis, *Tiderici* Orientalis Marchionis, *Henrici* Comitis de Wittin, *Dedonis* Comitis de Rochelez, & *Friderici* Comitis de Brene, offerri fecit, ne aliqua de his post mortem ejus quaestio nasceretur. Est autem quantitas harum possessionum cxxcii. mansi & dimidiis, exceptis quae ad Numicensem pertinent Ecclesiam, quorum numerus est xx. & dimidiis, & excepta silva, quam in diversis locis nescitur contulisse. Deinde filiorum vel haeredum quemlibet suorum seniorem post se Advocatum loci ordinarium hoc modo statuit, ne advocatio ipsa ulli unquam jure feudi concedatur: & ne Advocatus aliquid servitii secularis extra placitum fratrum in rebus Ecclesie, quasi exjure, sibi audeat usurpare: & ut filii ejus, quod etiam ipsi promiserunt, & ministeriales ipsorum, in hoc loco sepulturam haberent; nimur certus ex hac causa in temporalibus Ecclesiam maxime promovendam. His ita dispositis, coram altari B. Petri veteris hominis vestibus exutus, & regularis vita habitu per manus Archiepiscopi *Vvichmanni* vestitus, voluntariam paupertatem pro amore Christi amplexus est, cum magno favore Principum, quibus etiam uberrimas devotione lacrymas extorquebat, quod tantam in viro talimutationem videbant, in quo videlicet divina gratia & misericordia sensum omnem supergrediens luce clarius apparebat. Tunc demum jam tyro Christi filios advocat, ecclesiamque suam, cuius jam membrum esse fuerat, gratiae ipsorum commendat, ut ei tanquam in qua patrem suum sive viventem sive mortuum haberi scirent & matrem, & in quacum ipsis requieturi essent, opem suam ubique praetendere.

tendere non dissimularent. Hæc acta sunt die B. Andree Apostoli, quo die nemus in Orientali parte montis adjacens, extremam oblationem suam B. Petro obtulit. Vixit autem post conversionem mensibus duobus & diebus quinque. Nec hoc semper sine speciali Dei providentia actum credendum est, quod cum in initio conversionis sue adhuc in servore spiritus existente, de tentationibus hujus seculi Dominus liberare dignatus est. Timeri enim poterat secundum humanam fragilitatem, ne cum vidisset filios suos coram se principaliter gratia pollentes, & ministeriales suos divitijs seculi, & mundiali pompa fulgentes, si non aeternum, tamen animum à quiete monasterij, quam elegerat, vel leviter revocasset. Unde convenienter de illo dici poterat, quod in libro sapientiae de talibus scriptum est: Consummatus in brevi explevit tempora multa. Raptus est, ne malitia mutaret intellectum ejus. Placita erat Deo anima ejus, propter hoc eduxit illum de medio iniquitatum. Mortuusque est Non. Febr. anno vita sue LIX. Sepultusque est à *VVichmanno* Archiepiscopo in medio Ecclesiae, ubi in dextra ipsius uxor ejus, & post eam in eodem latere, soror ejus *Mechtildus* mater Archiepiscopi, cuius anniversarius est XII. Kal. Feb. conseptæ sunt. Exequijs etiam ejus interfuit *EWalo* Havelbergensis Episcopus, & *Albertus Marchio*, & *Herimannus* filius ejus, omnesque filii ipsius præter *Ottонem Marchionem*, & alij multi. Qui quoniam tulerat crucem suam, & Christum secutus fuerat, discipulum Domini fuisse nulli dubium est. Unde merito animam ejus in æterna requie collocare dignabitur: sicut ipse talibus promisit dicens: Amen, Amen dico vobis, qui reliquistis omnia & secuti estis me, centuplum accipietis, & vitam æternam possidebitis.

Fridericus Imperator Halverstad conventum habuit Kal. Maji. *Arnoldus Coloniensis Archiepiscopus* obiit: cui successit

sit Fridericus. Henricus Dux Fresiam hostiliter ingreditur, sed inacte revertitur. Imperator Ratisbona curiam celebrat, ubi ipso mediante Henricus Dux Saxonum Ducatum ~~Bavariae~~ obtinuit. Henricus Bavanicus marchiam illius tetrarum obtinuit. Henricus Dux habita cum Bremensi Episcopo discordia, urbes & beneficia quae voluit ab eo extorsit. Imperator in Pentecoste reginam de Burgundia in uxorem duxit. Hermannus Comes Palatinus Rheni post longam queriam inter se & Episcopum Moguntinum in pace motitur. Relicta ejus seculo renuncians monasterium petiit. Henricus Dux Suenonem Regem Daciarum expulsum restituit.

Anno M C LVII. Evermodus Praepositus de gratia Dei, cum esset vir bonus, suos præter usum cogere voluit, ut in quadragesima alternis diebus in pane & aqua communiter jejunarent. Propter hanc & alias causas, quibus eis gravis erat, amotus est. Lambertus Ecclesiæ illi Praepositus eligitur, vir tenuis scientiæ, sed qui hanc in opiam virtutum copia redimebat. Præcesserant tamen hanc electionem Henricus, qui postea Rhode factus Praepositus; & Siboldus post eum, qui fuit Moguntie major Praepositus, sed quia nihil dignum in illa novitate fecerunt, prior eorum deponitur, Siboldus sponte cessit, Lambertus confirmatur. Brandenburg à Wwichmanno Archiepiscopo & Saxonibus obsidetur & capit, ubi occisus est VVernherus Comes junior de Veltheim. Imperator cum Saxonibus Poloniæ hostiliter ingressus ad dditionem eos compulit: Burgundiam jam ab imperio alienatam recepit. Kanutus Rex à Svenone dolo interimitur, VVoldemarus vero vulneratus vix evadit. Non multo post factum est bellum inter Svenonem & VVoldemarum: Svenonis pars vincit, & ipse occiditur.

Anno M C LIX. Imperator natalem Domini Magdeburg celebra.

celebrat. *Ulricus Halberstadiensis Episcopus & Albertus Marchio cum uxore & alijs multis iter peregrinationis ad partes transmarinas suscepserunt. Dux Bohemia concessu sibi ab Imperatore circulo rex nominatur. Imperator cum expeditione Italianam ingressus, Mediolanum obsedit. In hac expeditione Anshelmus Ravennensis Episcopus obiit. Eckebertus Comes de Bavaria occiditur. In ipsa expeditione Fridericus Coloniensis Archiepiscopus obiit. Henricus Dux cum exercitu Sclaviam ingressus, terram ferro & igne devastat.*

Anno M C LIX. Friderico Coloniensi Archiepiscopo successit Reinholdus majoris Ecclesiae Hildensem Præpositus & Cancellarius. Henricus Dux & cæteri Principes cum expeditione post Imperatorem Italianam ingressi sunt. Henricus Dux propter Christianitatis religionem propagandam Episcopos constituendi in Sclaviam & investiendi potestatem ab Imperatore accepit. Adrianus Papa obiit. Post hunc Rolandus Cancellarius à quibusdam Cardinalibus electus est, mutato nomine Alexander, & à Gallicana Ecclesia susceptus est & approbatus. Cujus electioni Fridericus Imperator, quia cum prius exosum habuerat, tam crudeliter obstatit, ut cum suis fautoribus Octavianum Antipapam è diverso statuerit, quem Victorem vocaverunt, in cuius papatum fere tota Ecclesia consensit propter favorem Imperatoris: qui etiam edicto publico præcepit, ut quicunque ad Alexandrum Papam pergentes inventi fuissent, detinernerentur, spoliarentur, & suppicio subderebantur. Cujus mandati executione multis malitiose utentibus, plurimi iter agentium tanquam Alexandrini, non solum rerum perditionem, sed etiam mortis periculum pertulerunt. Hinc itaque schisma grave & diuturnum in Ecclesia exorum est.

Anno M C LX. Arnoldus Moguntinensis Archiepiscopus ab hostibus suis ejusdem urbis civibus in Ecclesia B. Jacobi

CHRONICA

32
cobi occiditur, ipsaq; Ecclesia cum omnibus ædificijs monasterij igne consumitur. *Henricus* Dux cum Marchione Thiderico terram Sclavorum devastavit, & principem eorum *Nicoloth*, qui & *Nicolaus*, trucidavit, & ipsos sibi subjugavit. *Ulricus* Episcopus Halverstadiensis in peregrinatione constitutus, propter favorem *Alexandri* Papæ ab Everardo Cardinali Legato *Victoris* damnatur: in cuius locum *Gero* Præpositus surrogatur. Imperator cum Mediolanensibus congressus ipsos vicit, multisque eorum occisis, vexillum *B. Ambrosii* abstulit. *Henricus* Dux in Sclavia Episcopos instituit *Geroldum* in Aldenburg, *Evermodum* in Ratisburg, *Bernonem* in Magnopoli, qui translatus est in Zverinensem urbem. *Lampertus* Præpositus de gratia Dei obiit, cui successit *Guntherus*. Imperator generale concilium *Papiæ* indixit, cui *Vigmannus* Magdeburgen sis Episcopus, cum magna multitudine cleri sui interfuit. *Vickerus* Brandenburgensis Episcopus obiit. *Crema* capitur & deletur.

Anno M C LXI. Imperator jam tertio invitat contra Mediolanenses, ubi *Bertoldus* Cicensis Episcopus obiit, cui succedit *Udo*. Duo electi Moguntinenses deponuntur, & *Conradus* Saltzburgensis canonicus regularis substituitur. *Bruno* Hildensemensis Episcopus obiit, cui successit *Hermannus*. *Gero* Halverstadiensis Episcopus dignitatem ferendi pallium à *Victore* Antipapa accepit.

Anno M C LXII. Imperator Mediolanenses longa obsidione ad dditionem coëgit, civitatem destruxit, habitatoribus usquequa dispersis. Eo anno fames magna facta est. *Fridericus* Comes de Sommerschenburg obiit. Imperator generale concilium Bisunce indixit, ubi nihil dignum memoria actum est.

Anno M C LXIII. *Henricus* Dux castrum Sclavorum *Verle* obsidens ad dditionem coëgit. Divortium inter Ducem & ipsius

Verle

ipius conjugem propter consanguinitatem factum est, hoc ipsum Imperatore juramento firmante. Imperator *Maguntie* curiam celebravit, muros civitatis cum turribus destruxit, interfectores Episcopi quosdam vita, quosdam rebus spoliavit. *Henricus Dux Lubeke* congregationem clericorum instituit, ecclesiam ex lignis constructam in honorem S. Matiae & S. Nicolai dedicari fecit ubi pacis gratia principes *Rugiane* insula ad dedicationem venerunt. *Poloni* filium Ducis sui expulsi receperunt, curia eis ab Imperatore indicta. Fluvij inundantes pericula gravia hominibus & animantibus intulerunt. Imperator *Alpes* transivit.

Anno Christi M C LXIII. *VVichmannus* Archiepiscopus peregrinationem ad partes transmarinas suscepit. Tonitru^z & fulgura intempestiva cum vento vehementi v. Kal. Martij extiterunt. Intundatio occidentalium fluminum multa hominum millia & animantium interfecit, & ædificia destruxit. In *Magnopoli* capta & occisa est multitudo magna Christianorum à *Sclavis* XIV. Kal. Martij. Discordia magna inter *Reinoldum* Coloniensem electum & *Palatinum Rheni* facta est propter castrum *Rineke*. Ecclesia de *Dei-gratia* dedicata est VII. Idus Octobris à *VVichmanno* Archiepiscopo, cooperantibus *Gerungo Misnensi*, *Johanne Merseburgensi* & *Udone Cizenzi*, Episcopis, in honorem Dei genetricis & S. *Victoris* martyris & sociorum ejus & S. *Pontiani* martyris, quem eodem die præfatus Archiepiscopus ipsi Ecclesiæ dedit. *Victor Antipapa* obiit, cui succedit *VVido* Cremonensis mutato nomine Paschalis. *Conradus III.* Ecclesiæ Hallensis Praepositus obiit: sedet annis XIII. mensibus IIX. diebus II. Huic succedit *Heidenricus* ejusdem Ecclesiæ Canonicus.

Anno M C LXV. monasterium Sanctimonialium *Hersfeld* incensum est. In curia *Nurenberg* stipendia itineris in *Lombardiam* adjudicantur. Imperator *Lombardiam* intravit, sed sine effectu

effecit. Verona rebellat, Saxones Pomeranorum provinciam vastant.

Anno M C LXVI. Arnoldus Abbas S. Johannis Baptistæ Magdeburg obiit, cui successit Sigfridus de eadem congregatiōne per VVichmannum Archiepiscopum intrusus. Arnesberg destruitur. VVirceburg ab Imperatore & Episcopis & Principibus Teutonicis obsidetur. Paschalis Antipapa sacramento præstito confirmatur, & ab omni Clero, ut id fiat, decernitur. Milites Saxoniæ conjurant, ne jura antecessorum suorum infringi permittant. Factum est incendium Ecclesiarum Hallensis. VVichmannus Archiepiscopus & cæteri Principes Saxoniæ, contra Ducem Henricum provinciam turbant.

Anno M C LXVII. Filius Conradi regis filiam Henrici Ducis in matrimonium sortitus est, cuius invitatione Bohemus in Suevia multa monasteria & Ecclesiæ rapinis & incendio devastavit. VVichmannus Archiepiscopus claustrum Nienburg & castrum Vrakeleve concambio ab Imperatore accepit. Idem Archiepiscopus castrum, quod vocabatur vetus Haldeslevæ, & castrum Niendorp destruxit. Conradus Moguntinus Archiepiscopus cum esset fautor alexandri Papæ, propter vitandam communionem schismatici Papæ & Imperatoris malam voluntatem, relicta Moguntia Sabina recessit. Erat enim Sabinensis Episcopus, & Rom. Ecclesiarum Cardinalis. In ejus locum Imperator Christianum Merseburgensem Præpositum subrogavit.

Anno M C LXIX. Reinoldus Coloniensis Archiepiscopus obiit. Hic schismatis autor & robator præcipuus fuit, priusque Imperatorem, ut judicium Ecclesiarum de electione alexandri Papæ contemneret, instigavit. Quem quidem talem futurum esse, ipse de se cum puer esset, prophetante, ordinator omnium Deus modo mirabili declaravit. Fertur enim, quod, cum in scholis Hildenesheim puer nutritur, quodam

quodam tempore Scholaribus, ut mos est, in meridie quiescentibus, iste inter cæteros dormiens repente hujusmodi vocem emisit: *Ego sum.* Quod cum sèpius repeteret, magister qui præsens erat, nec dormiebat, cum percontari studuit, dicens: *Quis es tu?* Tunc ille respondit: *Ego sum ruina mundi.* Exinde à coætaneis suis RUINA appellatus est. Huic Imperator, cum Mediolanum everteret, trium Magorum corpora, ibi reperta, dedit, quæ ille ad propriam sedem, scilicet Coloniam, munus eximium deportavit. Reinoldo successit Philippus Cancellarius, VVichmannus Archiepiscopus cum multis auxiliatoribus castrum Haldisieve obsedit, in quo, Bernhardus de Lippa cum multis alijs à Duce Henrico locatus provinciam civitati Magdeburgensi adjacentem rapinis & incendijs devastabat, ita ut nonnunquam etiam ad muros civitatis accedere non timeret.

Anno M D LXIX. In Syria quædam civitas terræ hiatu absorpta est. Daniel Pragensis Episcopus obiit, cui successit Fridericus de choro Magdeburgensi assumptus.

Anno M C LXX. Gerungus Misnensis Episcopus obiit in infirmitorio fratrum in Sereno-monte. Hic etiam Ecclesiam Sereni-montis magno semper affectu coluit, multisque eam suæ largitatis beneficiis affecit. Sepultus est autem in Ecclesia Misnensi. Huic successit Martinus ejusdem Ecclesiae Canonicus. Albertus Marchio de Brandenburg obiit.

Anno M C LXXI. Everhardus Nuemburgensis Abbas obiit: cui successit Sifridus Abbas S. Johannis Magdeburg, prior tamen dignitate pariter retenta. Verum quia de Nuemburg Ecclesia loquendi se præbuit occasio, libet de exordio ejus aliqua hic inserere, cum pro honestate ipsius Ecclesiae, quia videlicet regularis vitæ vestigia à viris Deum timentibus impressa in ea nec dum penitus deleta sunt, tum etiam, quia ejus & Sereni-montis fundatores quædam consanguinitatis ra-

tio videtur copulare. Temporibus denique primi *Ottonis* Imperatoris duo fuerunt fratres *Gero* Dux & *Marchio*, & *Sifridus* Comes. Horum soror *Hilda* dicebatur. *Gero* filium habuit unicum *Sifridum*, qui in juventute obiit, de cuius morte pater adeo turbatus est, ut Romam petens coram altari B. Petri arma deponeret, impetratoque S. *Cyriaci* à Pontifice brachio domum rediens, cum omni hæreditate sua ad Christum confugit, construens Ecclesiam, quæ *Gerenrode* ejus nomine dicitur, filiique sui viduam *Heruvigam*, quam ille annis VII. habuerat, à *Bernhardo* Halberstadiensi Episcopo velatam, eidem monasterio præfecit: consummatisque feliciter omnibus XIV. Kal. Julij obiit anno D CCCC LXV. *Sifridus* quoque frater ejus in honorem B. *Viti* construxit Ecclesiam, quæ *Croninge* dicitur: *Hilda* vero nupsit *Christiano* Marchioni, qui genuit ex ea *Geronom* Coloniensem Archiepiscopum, & *Dithmarum* Marchionem. Hi fratres & mater ipsorum defuncto patre fundaverunt monasterium in honorem Dei genetricis in loco qui *Dancmaris velt* dicitur, & est in confinio castri *Anhalt*, congregatis ibi fratribus Deo juxta regulam B. *Benedicti* servientibus, & præposito eis Abbe, qui *Hageno* dicebatur, quem etiam Imperatoris consanguinitas illustrabat. *Hilda* autem servandæ viduitatis habens propositum, & Deo devota existens, Dominicæ passionis locum studio devotionis petiit, ubi constituta, à Rege *Hierosolymorum*, quia formosa erat, adamata, in conjugium perebatur. Quod ipsa fortiter contemnens, cum regis instantia gravaretur, faciem suam, pro cuius decore molestabatur, de honestate non timuit, nasumque sibi mire truncans, terreno amatori deformem se studuit exhibere, sciens interiori suo decori, quo cœlesti sposo placere satagebat, nihil ex illius deformitatis vitio deperire. Hæc *Hierosolymis* mortua & sepulta est. Prius vero quam moreretur filijs mandavit, ut locum.

1203

locum suæ novellæ plantationis Dei genitrici non placere: sed eam alium elegisse, videlicet castrum ubi *Sela & Beda* fluvij convenirent. Verum quia castrum idem, quod tum *Northringen* dicebatur de hæreditate fuit *Geronis Marchionis* avunculi ipsorum, quam ille totam Deo tradiderat datis pro eo Ecclesiæ *Gerenrodeni* IV. villis, quæ omnes uno nomine *Polige* vocantur, ipsum redemerunt. Contigit autem inter hæc castrum ipsum à *Slavis* trans-albiniscapi, quod *Dithmarus* Marchio, multis quidem suorum perditis, recuperavit, qui occisi partim ibi sepulti sunt: qui etiam nostris temporibus crebro cum armis suis, ita ut nec calcaribus carerent, reperti sunt. Tempore itaque *Ottonis II. Imperatoris*, Anno Domini DCCCC LXXV. *Dithmarus* Marchio & *Gero Coloniensis* Archiepiscopus, congregationem suam de *Dancmaris*-velde transtulerunt in castrum *Northringe*, quod nunc *Niemburg* dicitur, ipsamque Ecclesiam, ut firmiori eam stabilitate promoverent, Imperiali majestati pro tuenda ejus libertate tradiderunt. Abbas vero ille *Hageno* cum alijs transferri non consensit, sed Deo potius in solitudine servire volens, in loco priori remansit. Erat circa locum ipsum venatio publica Imperatoris. Cum itaque Imperator aliquando ad locum ipsum venaturus venisset, ibi prædictum Abbatem reperit, eius audita intentione & laudata, locum quendam ejusdem solitudinis ad incolendum ibi dedit ipsi, quem ille *Hagenrode* de suo nomine appellavit: & est hodie præpositura attinens Ecclesiæ *Nienburgensi*. Dedit quoque idem Imperator Ecclesiæ *Nienburgensi* castellum *Grimmisleve* dictum, cum eccc. mansis, quem secutus *Otto III.* dedit eidem Ecclesiæ civitatem. *Niemeze* vocatam, cum omni provincia ei attinente, quæ habet VII. millia mansorum. *Henricus* quoque hujus nominis II. Imperator dedit ipsi Ecclesiæ duas civitates, *Tribus* & *Lubichoh* diæas, istasque suas donationes privilegiis

firmaverunt. *Conradus* quoque II. & *Henricus* III. Imp^r. præfatae Ecclesiæ libertatem privilegiis, sicut hodie videri potest, roboratam, salvam reliquerunt. Post mortem vero istorum incertum, utrum ex negligentia Prælatorum, an ex oppressione Imperatorum, proveniens consuetudo privilegiis antedatis contraria inolevit, ut Imperatori *Saxoniam* advenienti xx. talenta de ipsa Ecclesia redderentur, insuper etiam regalis expeditio ei administraretur. Tempore vero *Friderici* Imperatoris *Vichmannus* Archiepiscopus avaritia stimulatus iniquum censum xx. talentorum, & servitium, & jus patronatus, quod Imperator in præfata Ecclesia habebat, datis ei de proprietate sua duabus in *Suevia* civitatibus, ab ipso redemit, salvo tamen omni jure, quod Ecclesia in suis possessionibus usque ad id temporis habuisset. Hoc itaque concambio vel mercatu facto, præfatus Archiepiscopus in festo Palmarum proximo, tanquam probaturus juga boum, quæ emerat, *Nienburg* advenit. Quale vero servitium exhibitum ei tunc fuerit ex eo perpendi potest, quod ipso die ad matutinalem comedionem, quæ puerorum tantum esse solet xv. cœsores procurator Abbatis se afferuit expendisse. Accepto autem hoc gustu mercatus sui propter expensas sibi factas plurima Ecclesiæ ipsi bona superfluere reputans, civitatem *Niemeze* & provinciam ei attinentem, præterea *Tribus* & *Lubichob* civitates abstulit, easque Imperatori pro provincia, quæ *Dame* dicitur, dedit, promittens se ablata bonis alijs restituere velle; quod tamen minime cognoscitur. Vereor autem, netanta injuria, quam intulit matri misericordiæ, nunc sit ei causa misericordiæ. Consanguinitas vero inter *Nienburgensem* & *Sereni-montis* Ecclesiarum fundatores ratio sic est: *Dithmarus* Marchio duxit filiam *Hermannii* Ducis à *Luneburg*, *Suanebillam* nomine, ex qua genuit *Geronem* Marchionem. *Gero* genuit *Dithmarum*; *Dithmarus* genuit *Odonem*, qui sine liberis obiit,

obiit, & in eo posteritatis propagatio cessavit. Hi omnes provinciæ Lusicensis Marchionis fuerunt, quæ nunc Orientalis Marchia vocatur. *Odonis* Marchionis meminit scriptura passionis B. Adelberti, ubi dicitur: *Odo pugnax Marchio lanceis vexillis terga verit.* Mortuo Dithmaro, *Svanebildis* ejus relictæ nupsit Ekkehardo Marchioni filio *Guntharij* Marchionis de Thuringia, qui *Nuenburgensem* fundavit Episcopatum, qui genuit ex ea plures filios & filias. Unam filiarum ejus, quæ ex matre soror fuit *Geronis* Marchionis, *Machtilden* nomine, duxit *Tidericus*, genuitque ex ea *Thiemonem* Comitem & fratres ejus. *Thiemo* vero genuit *Dedonem* Comitem & *Conradum* Marchionem Ecclesiae Serenæ montis fundatores.

Anno M C LXXII. Eclipsis Lunæ facta est in octava Epiphaniæ in plenilunio, & luna per quatuor fere horas non comparuit. In Februario crebra micuerunt vulnera. *Ludovicus Landgravius* obiit.

Anno M C LXXIII. *Ludovicus* Monasteriensis Episcopus obiit: cui successit *Hermannus* de choro Wirtzburgensi. *Villimarus* Brandenburgensis Episcopus obiit, cui successit *Sifridus* Adelberti Marchionis filius, de Ecclesia S. Mariæ Magdeburgensi. *Vulradus* de Griez collecta transvonsuum militum copia Zpurcie venit villam ipsam despoliaturus: quibus *Fridericus Comes de Brene*, & *Conradus Comes*, filius *Tideri* Marchionis cum paucis supervenientes, opprobriose eos fugere compulerunt, multis eorum vulneratis, pluribus vero captis. Hoc accedit xv. Kal. Febr.

Anno M C LXXIV. Imperator post assumptionem S. Mariæ Longobardiam cum exercitu intravit. *Eckehardus* Serenæ montis Præpositus, destructo veteri sanctuario, quod pro sui brevitate congregationi erat inconveniens, (nam ubi modo chorum intrantes ad gradus inclinant, ibi ante majus erat altare) eam partem monasterij, quæ est ab arcu crucis, ædificare

ficare aggressus est. Ad operis hujus promotionem Otto Milnensis Marchio Advocatus Ecclesiae duo juga boum, & carratam ferri, & centum modios, & x. marcas, annis singularis, donec consummaretur, de suis redditibus deputavit. **Dodo** Comes de Groitz monasterium Cillenense in honorem Dei genitricis fundavit, cui primus præfuit **Tidericus Serenimontis** Canonicus, ab **Ekkehardo** præposito missus, cui præfatus Comes ipsam Ecclesiam commiserat promovendam.

Anno M C LXXV. (*Henricus Dux Aschersleve incendit, Landgravius castrum Helpede, insidiis circumventum, cepit*) **Conradus** Comes, filius Tiderici Marchionis, in exercitio militari, quod vulgo *Torneamentum* vocatur, lanceæ iætu occisus est xv. Kal. Decembris. Tum enim idem pestifer ludus in partibus nostris ita inoleverat, ut infra unum annum xvi. in eo referantur milites perisse, pro qua re **VVichmannus** Archiepiscopus omnes eos frequentatores excommunicationis vinculo innodavit. Comperta autem præfati Comitis morte, tunc in *Austria* partibus constitutus, missis nuntiis cum à sepultura præcepit Ecclesiastica separari. Tempore vero procedente, cum Archiepiscopus idem convocatis suffraganeis suis, cum magna cleri frequentia conventum in Ecclesia Hallensi haberet, pater occisi Comitis & fratres ejus, **Ottovi** delicit Milnensis Marchio, **Dodo** Comes de Groiz, **Henricus** Comes de Witin, & **Fredericus** Comes de Brene, cum multis nobilibus viris & ministerialibus advenientes pedibus Archiepiscopi ac totius cleri, cum magno ejulatu ac fletibus provolvuntur, postulantes, ut occiso communionem concederet fidelium sepultis, afferentes constanter, eum antefinem suum poenitentem & absolutum communionem Dominici corporis meruisse. Cum enim idem Comes vulnera debilitatus jaceret, contigit sacerdotem quendam religiosum

sum transire, qui potentibus amicis ejus ad vulneratum accedens, magna ab ipso instantia rogatus est, ut pœnitentiam ejus & confessionem ejus admitteret, & à vinculo cum excommunicationis absolveret, fideliter promittens, si divina misericordia ei vita spatiū largiretur, nunquam se de cætero tali causa excommunicationis sententiam meritum, quin potius & de hoc, & de alijs suis peccatis, Deum sibi modis omnibus placaturum. Super hoc autem ad militandum Deo cruce signari devote petiit, ut ejus contritio manifestius appareret. Sacerdos vero ille cordis in eo contriti signa percipiens, confessione ejus audita, pœnitentia injuncta, ab excommunicationis nodo eum absolvit, sicque reconciliatum Dominici corporis participem faciens, sicut petierat, cruce signavit. Quibus peractis post modicum defunctus est. Cum itaque hoc Principes prædicti coram Archiepiscopo & clero assererent, sacerdos horum omnium executor, cum prius esset juramento obligatus, hæc confirmare, ut nulla remanceret dubietas, rogabatur. Quod ille alacriter implevit. Ipsi præterea principes, exigente hoc ab eis Archiepiscopo, in reliquis juraverunt à torneamento in perpetuum abstinere, nec usquam in omni ditione sua hujusmodi exercitium permettere, hominesque suos & ministeriales ab eo modis omnibus coercere. Sicque demum Archiepiscopus mortuo sepulturam concessit, salva tamen sedis Apostolicæ auctoritate. Unde factum est, ut tamdiu sepultura careret, donec unus militum, familiaris ejus, *VVernherus* nomine, consensum de hoc summi Pontificis reportaret. Qui etiam transmarinam peregrinationem pro ipso postmodum peragens, fidelem se ei manifestis indicij, declaravit. Sepultus est autem in Sereno monte xv. Kal. Febr. ante introitum Ecclesie majoris occidentalem, juxta quam *VVernherus* idem postmodum tumulatus est. Obiit autem Ti-

E

dericus.

*dericus Marchio pro anima filij sui B. Petro x. mansos in vil-
la, quæ Marcgrevendorp. dicitur.*

*Anno M C LXXXVI. Imperator cum Longobardis con-
flictum faciens, victoriam perdidit, licet multos eorum in-
terfecisset.*

*Anno M C LXXXVII. Alexander Papa in vigilia B. Jacobi
præsentibus Cardinalibus & infinita multitudine Episcoporū
& Abbatum & Principum secularium & populorū Venetiū ante
monasterium S. Marci Imperatorem in osculo reconciliatio-
nis suscepit, mortuo jam Paschali anti-papa, & Johanne qui ei
successit deposito. Et hæc dies reconciliationis ab ipso Papa
& Imperatore & clero & populo solemnissime peracta est.
Hujus autem concordiæ reformandæ præcipuus cooperator
fuit Wicmannus Archiepiscopus, cujus industria Impera-
toris animositas ad tantam mansuetudinem deduxa est ut in
condemnationem erroris sui coram summi Pontificis pedi-
bus prosterneretur. Fertur autem, quod cum sublevandi
eum Papa moram faceret, Tidericus Orientalis Marchio, qui
cum Imperatore aderat, quasi cum querela & redargutione
exclamavit, cur imperiale auctoritatem tante injuria subje-
cisset? Papa vero idioma Teutonicum non intelligens, inqui-
sivit, quid diceret Alemannus? Quod cum didicisset, festinus
accedens, Imperatorem sublevavit, & ad osculum suum
erexit. Sequenti die concilio celebrato, schismaticos o-
mnes, & à schismaticis ordinatos anathematisavit; depositos
quoque sui causa in gradum pristinum restituit. Christianum
intrusum Moguntinum mediante Imperatore confirmavit.
Conradum vero Salzburgensi Ecclesiæ præfecit. *Ulricum*
Halberstadensem Gerone deposito restituit. Inter *Ulricum*
& *Henricum* Ducem gravis discordia exorta est. Castrum Hor-
neburg ab hominibus Ducis funditus revertitur.*

*Anno M C LXXIIX. Alexander Papa à Moguntinensi &
Worma-*

Wormatiensi alijsque pluribus Episcopis & Principibus & viris nobilibus, quos Imperator cum ipso direxerat, Romam reductus, honorifice susceptus est. *Philippus Coloniensis Archiepiscopus* cum infinita multitudine ad repetendam hæreditatem *Ottonis Comitis de Asse*, sui nepotis, & *Christiani Comitis de Aldenburg*, contra *Henricum Duce* venit: sed *Vicemannus Archiepiscopus* multo labore pacem inter ipsos reformavit. *Ulricus Halverstadensis Episcopus*, auxilio *Ottonis Marchionis Misnensis* & *Bernhardi Comitis*, urbem novam in quodam monte prope *Halverstad* construxit. Generale concilium ab *Alexandro Papa* indicitur.

Anno M C LXXIX. Concilium generale *Rome* celebratum est ab *Alexandro Papa*, cui interfuerunt Patriarchæ tres, Archiepiscopi, & Episcopi & Abbates diversarum provinciarum, millenarium numerum excedentes: aliorum vero clericorum innumerabilis multitudo. Castrum *Horneburg*, redificatum est. *Halverstad* ab hominibus *Henrici Duci* cum omnibus Ecclesiis suis & monasterijs exusta est: in quo incendio tres majoris Ecclesiaz Canonici, pluresque presbyteri, aliorumque scolarium magna multitudo. Laicorum autem tam virorum quam foeminarum, exceptis puellis mille & amplius qui dignosci non poterant, perierunt. *Sclavi Lithewizen* & *Pomerani* vocatione *Duci Henrici* provinciam *Interbok* invaserunt, ipsaque vastata, & multis interfectis plures captivos, viros & foeminas abduxerunt. Abbas etiam monasterii, quod *Cinna* dicitur, qui & primus, tunc fuit interfactus. *Henricus Dux Calve*, & inde provinciam totam usque *Vroſe* incendio vastavit.

Anno M C LXXX. *Ulricus Halverstadensis Episcopus* à Duce *Henrico* captivatus, multis pro absolutione sua & suorum feodis concessis & juramento firmatis dimissus & ad se dem propriam reversus est. Verum omnia quæ juraverat,

F 2

Aposto-

Apostolica similiter & Imperiali auctoritate, tanquam vio-
lenter extorta, irrita fieri iussa sunt. Imperator in octava
Epiphaniae Heripoli curiam celebravit, ad quam *Henricus*
tertio vocatus venire renuit. Quamobrem ex sententia
omnium Principum reus majestatis damnatus est; omnisque
ei hereditaria proprietas & beneficiaria possessio abjudi-
cata est. Horum vero malorum causa fuit Duci superbia
ipsius. Fertur enim quod, cum Imperator Mediolanum obside-
ret, viribus suis jam valde attritis, Principes *Saxoniae* ad lo-
cum, qui *Bartenkirke* dicitur, & est in introitu Alpium, evo-
cavit, & ut negotiis suis auxilium ferrent, rogavit. Omni-
bus autem alijs hoc alacriter spondentibus, Dux, licet in prio-
ribus expeditionibus fidelem se ei exhibuisset, hac tamen
vice, quia jam cum *Longobardis* contra Imperatorem conspi-
raverat, suum ei prorsus auxilium denegavit. Imperator
vero cum tanta humilitate, ei supplicavit, ut etiam pedi-
bus ejus prostreretur, cum quidem ille cum negligens,
nec jacentem attolleret, nec in eo quod petebatur ali-
quatenus consentiret. Quod factum Imperatoris ei o-
dium acquisivit, & utrum juste an injuste, lector judicet.
Præter hæc autem inductu ejus *slavi* provinciam *Tiderici*
Marchionis ingressi usque *Lubin* omnia vastaverunt. Qui-
dam vero ministerialium ejus ad resistendum collecti à *sla-*
vīs fugati, nonnulli capti, plures etiam occisi sunt. Inter quos
& *Tidericus de Bejerstorp* occisus *xiii. Kal. Octobr.* in Sereno-
monte sepultus est. Hujus itaque vulneris dolore Marchio
stimulatus, Ducem, tanquam qui contra Imperatorem con-
jurasset, ad duellum coram Imperatore sèpius provocabat.
Sed ille, male sibi conscientius, Imperatoris præsentiam decli-
nabat. *Sifridus Brandenburgensis* Episcopus filius *Adelberti*
Marchionis, *Geilenhusen* coram Legatis Apostolicis ad Ar-
chiepiscopatum Bremensem translatus est. Frater quoque
eius

*e*ius *Bernhardus* Comes Ducatum *Saxoniae* ab Imperatore obtinuit. *Ludovicus* quoque Landgravius *Turingiae*, Comes *Palatinus* effectus est. *Henricus* Dux congregato exercitu *Saxoniam* aggreditur, folles *Goslariensem*, incidit, officinas operis eorum destruxit, ipsosq; cives fame, multisq; aliis modis afflixit. *Ludevicus* Landgravius & frater ejus cum cccc. & eo amplius capti sunt. *Bernhardus* Dux cum ceteris fuga lapsus est. Castrum *Northusen* & monasterium *Sanctimonialium* in eo situm igne consumptum est. *Sifridus* Abbas S^{te}. *Johannis* *Baptistæ* *Magdeburgensis* & *Nienburgensis* ad *Hersvel-diam* Abbatiam electus est, cui in Ecclesia *Magdeburgensi* successit *Henricus* ipsius Ecclesiæ filius: In *Nienburgensi* vero *Heidenricus*. Imperator post festum S. *Jacobi* cum Orientaliis & *Saxoniæ* principibus *Henricum* Ducem aggreditur, & castrum *Lichtenberg* obsessam ad dditionem coëgit. *Ulricus* *Halverstadensis* Episcopus obiit, cui successit, *Tidericus* de *Crozuc*, ipsius Ecclesiæ Canonicus. Plurimi fautorum *Ducis* in castris, quæ tenebant, timore Imperatoris ipse tradiderunt. Imperator *Ducis* urbes ædificare cœpit, unam in monte, qui dicitur *Bischovesberg*, quæ ab Episcopo *Ulrico* incœpta erat, & intermissa: alteram *Hartisburg*, quæ olim ab Imperatore *Henrico IV.* ædificata, & à *Saxonibus* destructa est. Eodem tempore tradiderunt ei ministeriales has urbes: *Hen-nenberg*, *Levvenburg*, *Reginstein*, & alias plures. Imperator vero à *Saxonia* tunc recedens in nativitate S. *Mariæ*, statuto in *Bavaria* novo Duce, circa festum S. *Martini* dispossuit redire. Dux autem absente Imperatore collectis viribus, urbem Comitis *Adolphi* *Sigeberg* dolo cepit, cum pacem juramento firmasset, & velut confederatus in castro receptus fuisset. Dehinc expulsa matre Comitis & qui cum ipsa erant, urbem suis fidelibus communivit. Imperatori reverso in *Saxoniam*, *Hircesberg*, *Stoufenburg*; viri etiam nobiles

biles de *WValtingeroth*, de *Scartfelt*, de *Dannenberg*, de *Ilfeld*, se cum castris suis tradiderunt. *Cazamirus Sclavorum Princeps* repentina morte defunctus est.

Anno M C LXXXI. *WVichmannus Archiepiscopus Hal-*
densleve civitatem secunda obsidione vallavit, priori ex hu-
jusmodi occasione soluta. Civitas eadem in palude ædifi-
cata erat, triplici vallo & muro forti munita. Palus autem
circa civitatem porrecta, non patens sed sub cespite latens
erat, & cespes ipse non solidus, sed vestigiis cedens, quasi im-
mersionem desuper ambulantibus minabatur. Super hunc
machinæ multæ, diversi generis, multo labore, & sumtibus
magnis, ad capiendam civitatem construebantur. Interim
vero hi, qui obseSSI fuerant, stultum judicantes nihil per se
agere, quoniam hujusmodi materies flammæ admodum ca-
pax est, cespitem ex ea parte, qua extremo civitatis vallo jun-
gebatur, obseSSoribus ignorantibus incenderunt. Ignis au-
tem subterraneo meatu serpens cito dilatatus est; qui cum
ad locum machinarum venisset, cespes subter igne exesus
molem superpositam ferre non valens repente subsidit, to-
taque illa structura cadendo secuta, copiosum igni pabu-
lum ministravit. Equi etiam plurimi in hujusmodi caver-
nis ruentes in igne debilitabantur. Philippus etiam Coloni-
ensis Archiepiscopus huic obsidioni fortis auxiliator acces-
serat. Quatuor enim, ut fertur, loricatorum millia, viri-
bus suis confisus, aliquid dominationis in hoc negotio præ
ceteris principibus, qui simil aderant, sibi arrogabat. Ideo
Orientales Principes, Otto videlicet, Misnensis Marchio, &
fratres ejus, fastum illius non ferentes, cum suis omnibus
recesserunt, volentes maxime ei insultum hostium provoca-
re: quod tamen non evenit. Quatriduo enim post illos re-
mansi, & sic demum nullo se impediente ad propria remea-
vit. WVichmannus autem Archiepiscopus & machinarum per-
ditione,

ditione, & auxiliatorum discessione debilitatus, obsidione soluta discessit. Verum hi, qui in civitate erant, adhuc si possent eam amplius munire cogitabant. Cum enim fluvius *Ora* ex una eam parte præterfluens valde muniret, alium tamen fluolum, qui *Bivera* dicitur, ad alteram ejus partem derivantes, inaccessibilem penitus reddiderunt. Aquis enim circumquaque stagnantibus quasi insula videbatur. Sed hæc res civitati perditionem procuravit. Deprehensum etenim ex hoc situ terræ considerato, quod si decursus aquarum aggere jacto prohiberetur, civitas aquis sursum crescentibus mergeretur. Hoc etiam ad obsidionem Episcopum mox revocavit. Labore itaque maximo infra tres menses & duas hebdomadas aggere consummato in tantum aqua excrevit, ut pene super muros civitatis influeret. Tunc demum Episcopus naves armatorum plenas civitati jussit applicari. Obsessi autem & jam captivati rebus suis desperatis pacem ab ipso petiverunt, & salvis rebus suis & corporibus civitatem ipsius tradiderunt potestati. Quod consecuti, bono omne discesserunt. Episcopus vero civitate potitus eam funditus evertit, utile nimis opus perficiens & valde suis posteris profuturum. Inde *Magdeburgum* rediens cum magno gaudio cleri & populi, & divinis laudibus est suscepitus. *Henricus Comes de Witin*, filius *Conradi* marchionis, obiit III. Kal. Septembr. sepultusque est Sereno-monte ad sinistram patris sui. *Fridericus Comes de Brene* filius *Conradi* Marchionis obiit II. Non. Januarij, sepultus & ipse post patrem suum ad occidentem.

Anno M C IXXXII. Dedicatum est altare in septentrionali parte majoris Ecclesie Sereni montis ab *Hugberto* venerabili Havelbergensi Episcopo in honorem S. Johannis Apostoli, & Evangelistæ Kal. Augusti. *Heidenricus IV. Ecclesie Hallensis* Præpositus obiit III. Id. Julij. Sedit annis XIV. mensibus VI.

bus vi. diebus ii. Huic succedit *Arnoldus* ejusdem Ecclesie
Canonicus.

Anno M C LXXXIII I. Dedicatum est oratorium in australi
parte chori, Kal. Augusti in honorem Dei genitricis à *VVich-*
manno Archiepiscopo. *Henricus Rex*, filius Imperatoris, pro
sopienda discordia, quæ erat inter *Conradum* Moguntinum
Archiepiscopum, & *Ludovicum*, Landgravium Turingiæ, tra-
hebatur, *Erfordiam* venit: ubi cum præfatis Principibus &
alijs viris nobilibus ipsum negotium die B. Jacobi tractabat.
Domus vero Præpositi Ecclesie Dei genitricis in qua conve-
nerant tribus mansionibus super se vicissim ædificatis distin-
cta erat: in cuius superiori parte colloquium agebatur. Plu-
rimis autem ad audiendum ingressis domus, multitudinis
pondere victa, ruptis trabibus repente subsedit, aliamque
subterpositam dejiciens plurimos superstantium ad casum
traxit, ex quibus nonnulli quidem casu vexati, quidam vero
mortui sunt, quorum nomina sunt hæc: *Fridericus Comes de*
Aveberge, *Henricus Comes de Svartzburg*. Hiduo in cloaca,
quæ erat in extrema parte domus, mersi sunt, *Gosmarus Co-*
mes de Zigenhagen, *Ludovicus Comes de Wartberge*, *Gosma-*
rus Comes de Kirchberge, *Beringerus de Meldinge*. Iste fuit
ministerialis, & quidam civitatis ministerialis, qui *Bribode*
dicitur. Rex autem & Episcopus, qui in fenestra domus
considerant, ruinæ periculum evaserunt, scalisque applica-
tis depositi sunt. Landgravius quidem ruinæ particeps fuit,
sed sine læsione permansit.

Anno M C LXXXIV. Kal. Augusti, secundo dedicatum
est monasterium Sereni-montis in honorem B. Petri ab
Everhardo Episcopo Merseburgensi, *Hugberto Havelbergensi*,
& *Balderamo Brandenburgensi* Episcopis. Ipso die dedica-
tum est altare in septentrionali parte chori à præfato Merse-
burgensi Episcopo in honorem S. Johannis Baptistæ. Eo an-
no Im-

no Imperator in Pentecoste festivitatem magnam celebravit
Moguntie, in qua *Henricum* Regem filium militem fecit, mul-
tis illuc Principibus convocatis. Ibi *Tidericus Orientalis* Mar-
chio, filius *Conradi Marchionis*, ægritudinem incurrit, qua
longo tempore detentus est. In vigilia vero B. Thomæ in
Montem Serenum adductus, in infirmitorio claustrum decum-
bens, ingravescente eadem molestia v. Id. Februarij defunctus
est. Hic ab uxore sua quæ soror erat *Mesconis* Ducis Poloniæ
Dobergana nomine, quæ & *Lucardis* vocabatur, de qua filios
suscepserat *Conradum Comitem*, & *Gerdrudem Gerbestaden-*
sem Monacham, longo tempore separatus, aliam conjugem
Conigundam nomine, *Comitissam viduam Bernhardi de Ploz-*
ke, quasi superinduxerat, ex qua genuit *Tidericum Episcopum*
Merseburgensem. Hic etiam parochiam in *Hileburg*, & ca-
pellam ejusdem castri, quæ in honorem B. Petri consecrata
est, (ad quam pertinet *Culsoë villa*, & silva quæ *Luch* dicitur,
& duo molendina, *Gostemize villa*, *V Velpride villa*, *Nenne-*
vvize villa, & quinque mansi in *Ride*) Ecclesiæ Sereni montis
contulit, recipiens in concambio villam *Numik* cum parochi-
is suis, quas tamen parochias cum vi, mansis in decimatione
beato Petro restituit, exceptis curtibus majoris ecclesiaz, quas
ad villam *Numik* *Conrado de Moſiz* & uxori & filijs ejus jure
feodali concessit. Molendinum etiam super fluvium *Mil-*
dam, in villa quæ *Groiz* dicitur, præfatae ecclesiaz dedit. Civi-
tatem *Schildoe* in fundo ipsius ecclesiaz ædificavit, & in adja-
centibus villis LX. ut fertur, mansos de proprietate ejus ab-
stulit, quos tamen cxxx. mansis silvæ ad nigram *Alestram*
restauravit. Affectu autem magno *Ekkehardum* præpositum
& fratres Sereni-montis excoluit, quæ res eos à provincialium
infestatione maximè tuebatur. Unde etiam idem præpositus
inter cetera, quibus ei obsequiosus erat, vineam minorem
in *Podegruz*, quæ *Marchionis* vocabatur, ad usus ipsius singulis

G

annis

CHRONICA

annis excolebat; quæ tamen eo defuncto ad ecclesiam reversa est. Dedit etiam beato Petro dorsale quoddam magnum, & duas marcas & dimidiā, ad opus calicis unius; qui postmodum à Comite *Ulrico de Witte* apud *Judeos Hallis* impignoratus, cum quidam civitatis ipsius eosdem *Judeos latrocinio* invasisset, imperfecto qui cum habebat, cum rebus alijs ablatus est. Otto etiam Misnensis Marchio, & *Dedo Comes*, fratres Marchionis prædicti, ad comparandos trium talentorum redditus, pro anima ipsius LX. marcas promiserunt: cuius pecuniæ partem mediam Otto Marchio statim solvit. Postmodum autem, cum *Ekkehardus præpositus* redditus quosdam in villa *Kokere à Dedone*, tunc Orientali Marchione emeret, quam villam ille ab ecclesia *Pigaviensi* redemerat, idem Marchio de pecuniâ sibi promissa xxx. marcas ecclesie & Præposito relaxavit. Sepultus est autem *Tidericus Marchio* post patrem suum in dextera *Fridericus Comitis* fratribus sui. Hic fundavit ecclesiam *Cisterciensis* ordinis in loco, qui *Doberluge* dicitur. Castrum etiam, quod *Landisberg* dicitur, construxit.

Anno MC LXXXV. v. Kal. Augusti, dedicatum est altare S. Crucis in Sereno-monte à *VVichmanno* Archiepiscopo. *Arnoldus* ecclesiæ Hallensis præpositus, vir bonus, & secundum Deum simplicitati studens, à seculi actionibus, quantum posset, abstinentis esse decreverat, sapientiamque mundi, quæ nimis apud Deum stultitia est, negligens, veram sapientiam sectari studebat, de qua dictum noverat: *Qui minorabitur, actu eam inveniet.* Pro qua re ei tanquam desidi, & commissaria administrationi minus idoneo, quidam de fratribus suis ei apud Archiepiscopum detrahebant. Nec erat inefficax derogatio eorum. Quia Episcopus alium de fratribus *Hugoldum*, curiæ suæ Capellanum, in locum præpositi substituendi jam dudum habens propositum, ut tedium ipsi ficeret, gravem se ei

se ei in causis quibuslibet exhibebat. Derogantes autem illi, Episcopi proposito concordantes, promotionem *Hugoldi* modis omnibus adjuvabant, ita ut etiam incantationes & horribilia quædam arcana, negocij promovendi causa tentare non abhorrerent, duce usi matre ipsius *Hugoldi*, quæ usum talium & peritiam habere ferebatur, justo Dei judicio ad hanc devoluti miseriam, ut qui talem virum, qualem non nisi à Deo datum pie querentibus contempsissent, in querendo alio non Dei, sed adversarij, se sperarent auxilio gubernari. Præpositus autem, satis ostendens dominandi cupidinem sibi nequaquam dominari, citò voluntati Episcopi satisfecit, resignatoque administrationis officio, ad privatæ vitæ quietem pristinam est reversus. Non autem ei succedit alias, nisi is, quem fratres illi talibus, quibus dictum est, studiis meruerunt.

Anno M C LXXXVI. *Vdo Cizensis* Episcopus obiit, cui successit *Bertoldus Nüenburgensis* Ecclesiæ Canonicus. Imperator malam voluntatem circa se Episcoporum Teutonicorum intelligens, *VVormatiam* eos convocans, machinationem contra Imperium eis objecit. Sed illi negantes, juramento se, præter *Moguntinum*, purgaverunt. *Coloniensis* autem nec venit, nec per alium pro se satisfecit. Imperator offensus, curiam ei *Straceburg* super expurgatione indixit.

Anno M C LXXXVII Pax inter *Urbanum Papam* & Imperatorem reformata est. *Saladinus* rex Damasci, Ægypti & Syriae, cum multitudine infinitâ paganorum, terram Hierosolymitanam intravit. Cui occurrerit Hierosolymitanus Rex cum Templarijs & Hospitalarijs militibus, & alijs Episcopis terræ, & omni exercitu Christianorum, crucem Domini habentes in comitatu. Divino autem judicio Christiani vici sunt. Patriarcha Rex & Episcopi cum toto exercitu occisi sunt, & crux Domini capta est. *Saladinus* vicit totam terram obtinuit,

tinuit. Solam civitatem Tyrum filius Marchionis de Monteferrato de Constantinopoli adveniens salvavit. Urbanus Papa obiit, cui successit Gregorius Cancellarius. Hic Imperatori & Principibus pro adjutorio terræ sanctæ nuncios misit. Henricus junior, Comes de VVitin, filius Henrici, filii Conradi Marchionis, obiit v. Kal. Januar. in castro Gevekenstein: sepultus verò est in Sereno-monte ad sinistram patris sui. Pro eo oblata est beato Petro villa Terniz, juxta villam Nunik, cum ixx. mansis; quam Otto Comes de Brene à VValtero præposito redemit, redditibus in villa Clevvizz, pro ipsa & equivalentibus, restitutis.

Anno M C LXXXIIX. Imperator, pro legatione Papæ, pro adjutorio terræ sanctæ, curiam Moguntiæ celebravit, ubi Colonensis Archiepiscopus gratiam Imperatoris, se & civitate sua omni conditione remota traditis, obtinuit. Imperator in præsentia Albanensis Episcopi, Legati summi Pontificis, deinde filius ejus Dux Sueviæ, Lantgravius, & multi Episcopi, Duces & Comites, cum multis alijs nobilibus, & quatuor millibus virorum electorum, cruce signati sunt. Expeditio autem in annum integrum dilata est, & in die beati Georgij Ratisbonæ constituta. Civitas Magdeburg in vigilia Pentecostes penè tota exusta est. Monastetia etiam S. Maria & S. Sebastiani, cum parochijs & capellis xii. exusta sunt. Otto Sereni-montis canonicus ecclesiae Gerbestadensis præpositus efficitur. Otto Misnensis Marchio à filio suo Alberto captivatus est, pro causa hujusmodi. Cum esset duorum pater filiorum Alberti & Tiderici, Albertum, qui major natu erat, Marchionem post se ordinaverat, juniori sufficientibus alijs deputatis. Mater verò juniorem plus diligens, marito persuadere conata est, ut foeda, quæ meliora habebat, ipsi assignaret. Ad postremum etiam, ut testamento mutato ordinationem de seniore factam in juniores transferret. Ad hoc

hoc cum Marchio inclinatus facere intenderet, eo comperto senior filius consilio, ut fertur, Bernhardi Ducis avunculi sui, & aliorum quorundam amicorum fidelium, patrem captum, in castro Devinde tenuit, testamenti ab eo prioris exigens confirmationem, deputatis ei custodibus, quorum unus fuit *Conradus Comes*, filius *Dedonis Marchionis*, fratris *Ottonis Marchionis*. Unde etiam presumptum est ipsum *Dedonem* captivationis ejus concium fuisse. Imperator vero rem gestam audiens graviter accepit, certumque erat, quod morte *Alberti factum* vindicaturus fuisse, nisi eum peregrinationis suæ promovendæ intentio prohibuisset. Missâ tamen legatione, ei sub obtentu gratiæ suæ præcepit, ut patrem à captivitate relaxaret, monens etiam patrem, ut dissimulato dolore in gratiam filium suum revocaret. Filio vero suo regi *Henrico* injunxit sollicitè, ne facti detestandi negligeret ultionem. Sicque Marchio solutus est, thesauris suis, quos plurimos habebat, à filio ex parte jam maxima devastatis.

Anno MCLXXXIX. Imperator Henrico regi filio suo Imperij procuratione relicta, peregrinis, juxta conditum, die beati Georgij Ratisbonæ collectis, inde cum ipsis per Austria& Vngariam profectus, in octava Apostolorum Danubium transiit, ubi Ungarorum & Græcorum regnum dividitur. Ubi in ripâ fluminis tentorijs fixis, exercitum diebus aliquot requiescere fecit. Deinde Bulgaria ingressus, maximis laboribus Græciā intravit. Rex autem Græciæ Kirschach nomine, Saladino regi paganorum contra Christianos confederatus, receptis ab eo DCCC. sagittarijs Turcs in auxilium, Imperatorem à transitu regni sui modis omnibus prohibere intendebat, licet pax inter eos juramento firmata fuisse. Et primò quidem transeuntes silvam Bulgarorum peregrinos, latrocinijs tam diurnis, quam nocturnis, impetens, multis eos malis affecit: ad extremum vero fines Græcorum ingressos

G 3

bello

bello manifesto invasit. Propter quod Imperator ei tanquam perjuro, cum etiam legatos peregrinorum de pace missos non solum captivavit, sed etiam incarceravit, nequaquam ultra parcendum decernens, Græciam totam cladibus implevit, igne eam & ferro devastans, innumerabilesque hominum cædes faciens. Cum itaque per sex continuos menses Græcia peregrinorum gladijs tradita vastaretur, tandem rex, perfidiæ suæ ferò poenitens, Imperatori nuncios de pace dixit. Cui Imperator non aliter consensit, nisi juramento iterato obsides adderet. Quod ille gratanter accipiens, juravit & obsides dedit, vicissim à nuncij Imperatoris solo juramento recepto. Hoc factum est Dominica *Invocavit*. Pace firmata, Imperator ad portum maris, quod *brachium S. Georgij* dicitur, cum toto exercitu venit, ubi naves cc. à rege paratas invenit. A die vero *Cœnæ Domini*, usque ad tertiam feriam Paschæ, omnes prospere transierunt, ita ut nec unus homo de tanta multitudine periret. Erat enim numerus bene armatorum, præter vulgus, C. millia. Ab eo loco Imperator misit ad terram Teutonicorum, qui omnia quæ sibi evenerant, Henrico regi filio suo, & cæteris Principibus, nunciarent. Otto Misnen-sis Marchio obiit *xii. Kal. Martij*: primusque fratrum suorum, contra fidem patri datam, videlicet ut in ecclesia *Sisteriensis* ordinis, cuius ipse fundator fuit, quæ *Cella* dicitur, sepulturam accepit. Uxor enim ejus, cum aliquando in Sereno monte hospitio fuisset excepta, & inter loquendum cum fratribus, qui illi forte aderant, de Advocatia ecclesiæ ipsius audisset, eam ad Seniorem de progenie Conradi Marchionis, de constitutione ipsius Matchionis, pertinere; rediens ad maritum, mirari se dixit, cur ecclesiæ illi tantopere prodeesse conaretur, cum filij ejus jus advocatiae in ea habituri non essent. Rectum sibi potius videri, ut ecclesiam propriam ipse construeret, in qua

qua tam ipsi, quam hæredibus suis, jus dominationis in perpetuum servaretur. Hâcque occasione ecclesia Cellensis fundata est. Idem vero Marchio, cum esset advocatus ecclesiæ Sereni-montis, tanto ei affectu erat obnoxius, tanto per eam gravantibus infestus, ut aliquando fratrem suum Henricum Comitem de *VVizin*, qui *Ekkehardo* præposito gravis erat, locatis in itinere ejus insidijs, captivare disponeret: sed ille præmonitus vix elapsus est. *Ekkehardus* etiam præpositus, cum bona quædam à *Friderico* Comite de *Brené* emeret, pro c. marcis, quas in continentia dare debebat, villam *Rochtenthorps* ad certum terminum ipsi impignoravit. Instante autem termino, cum pecuniam ipsam non haberet, ad Marchionem recurrit consilium quæstiturus. Marchio verò Comitem, qui ipsi in c. marcis tenebatur, pro solutione debitū sollicitavit, qui ei villam assignavit pro c. marcis, quam Marchio ad dotem altaris beati Petri in consecratione ejus obtulit, sicque ad ecclesiam reversa est. Centum etiam marcas ad emptionem bonorum in *Lubarisdorp* eidem præposito dedit, præterea ad opus monasterij, quod per x. annos tractum est, x. marcas annis singulis dedit, & c. modios frumenti, & carratam ferri, & duo juga boum: in alijs etiam loco ipsi largitatis & benevolentiae suæ monumenta plurima derelinquens. *Tidericus*, Cellensis præpositus primus, obiit vii. Kal. Decembris. Huic succedit alter *Tidericus* Sereni montis canonicus.

Anno M C XC. Imperator cum peregrinis Laodiceam veniens, quæ est terminus Græciæ, consilio principum obsides honorifice remisit. Inde Turciam Ingressus, *Soldanus* rex Turcorum & *Melchin* filius ipsum primo latrocinijs valde affixerunt, cum tamen ex illis multi singulis diebus interficiantur. Nam *Fridericus* Dux Sueviæ filius Imperatoris uno diecccc. ex eis occidit: quadam verò die plusquam c. millia repente

pentè prostraverunt: alijs autem ut evadereat nox adjutorium tulit. Ex peregrinis autem tres tantum servi occisi sunt. Melchin autem, congregata omni multitudine sua, sexcentis videlicet millibus equitum, peregrinos aggressus valde vexabat. Illi autem fortiter resistentes, adversariorum ducentos occiderunt, alios autem in fugam verterunt. Imperator vero eos secutus, Soldanum cum multis nobilibus, qui Meral dicuntur, in Iconium compulit. Filius vero Imperatoris civitatem repente aggressus cepit, in quā innumerabilis multitudo hominum occisa est. Imperator extrinsecus hostes invadens forti eos pugna vicit, quorum innumerabiles occisi sunt. Soldanus autem cum principibus suis in castro civitatis, quod erat fortissimum, receptus, nuncios Imperatori misit, promittens, pacem se peregrinis per terram suam servaturum, si ipse ab Iconio recederet. Quod Imperator amplexus, receptis ab eo obsidibus pacis, civitatem reliquit, transitaque tandem Turcia Armeniam intravit: occurreruntque ei legati Leonis Ducis Armeniæ, munera ei plurima deferentes. Transeuntes autem Armeniam venerunt ad quendam fluvium, quem propter asperitatem viæ terrestris Imperator transvadere cupiebat, sed equo non satis confisus, contra voluntatem omnium qui secum aderant, misit se in flumen, volens natando transire. Aliquandiu vero natans, vixtus aquæ impetu, in medio flumine mersus est iv. Idus Junij, iuctum maximum omnibus peregrinis derelinquens. Translatus est autem à militibus in civitatem Selepii, ubi & intestina ejus humata sunt, corpus vero Antiochiam delatum ibique elixatum est, & caro quidem in ipsâ civitate terræ tradita, ossa vero Spiram reportata & tumulata sunt. Porro Fridericum filium ejus Ducem Suevia exercitus omnis pro ipso principem sibi constituit, à quibus & militia, quæ de Tentonica domo appellatur, eodem tempore instituta est. Henricus rex

rex ducendæ uxoris causa ad partes Apuliae profecturus, De-donem Orientalem Marchionem secum voluit proficisci. Qui iteneris illius asperitatem & aëris qualitatem corpori suo, quia crassus erat, contrariam sciens, pro tollenda intestino-rum arvina medico adhibito, ventris incisione mortuus est, xvii. Kal. Septembris, & in ecclesiâ Cillenensi, quam ipse fundaverat, est sepultus. Continet autem scriptura, quæ anniversarium ejus repræsentat, quod oblatus sit pro ipso mansus unus beato Petro in Sereno-monte, & unus pro uxore ejus Machtilda Marchionissa, cujus anniversarius dies est xiii. Kal. Febr., quod hâc ratione verum est. Tidericus Marchio, frater Dedonis, Groiz possessionem quandam suæ proprietatis super fluvium Mildam Cunigundi Comitissæ & Tiderico filio ejus Mersenburghensi Episcopo dedit, quamdiu viveret, possiden-dam. Eo verò mortuo, cum inter Ottonem Misnensem & Dedonem Orientalem Marchiones proprietatis ejus divisio fie-ret, jus proprietatis præfatae possessionis in partem Dedonis cessit, & post eum ad filios ipsius, Conradum scilicet, Orienta-lem Marchionem & Tidericum Comitem de Summerschenburg transivit. Tempore autem præcedenti, VValtherus posses-sionem memoratam à Tiderico Episcopo emit. Jus autem proprietatis à Marchione & Comite fratribus pro lx. marcis comparavit xxx. marcis singulis eorum deputatis: quorum tamen uterque x. marcas suæ partis remisit, ut duo mansi possessionis ejusdem pro parte & jure ipsorum ascriberen-tur, qui singuli mansorum illorum x. marcis constabant. Con-radus Marchio etiam reliquas xx. marcas sibi promissas Præposito relaxavit, cuius tamen factum laudabile frater imi-tatus non est. Albertus Marchio, filius Ottonis, auditio, quod pater suus partem pecuniae in Cella repositam moriens dimi-sisset, ad locum venit, pecuniamque ipse à Monachis exegit. Erant autem marce ccc. millia de justis omnino proventi-bus, & quæ nihil iniqui mammonæ admixtum habebant,

H

quas

quas Marchio pro remedio animæ suæ ecclesiis Dei deputaverat distribuendas. Monachi vero responderunt se depositum illud, ad quod prædictum est, conservandum in fide suscepisse, nec posse id tradere ad quodlibet inde faciendum, quia potius cum ipso ad ejus asylum velle configere, cuius erat custodiæ deputatum. Hoc dicto, pecunia tota in altari Dei genitricis posita, eventum reisoli citi expectabant. Marchio vero, neglecta tantæ custodis reverentia, ablatis omnibus discessit. Nec mirum si mortuo patri violentus extitit, quem vivum non timuit captivare. Nec etiam fratri pepercit, sed in bonis partis illius violentus existens, paulatimque eum à castris, quæ ipsorum erant communia, excludens, exheredare cum modis omnibus conabatur.

Anno M C XCI. Henricus rex à Cœlestino Papa in Pascha xviii. Kal. Maji in Imperatorem consecratur. Tidericus II. Cilenensis præpositus obiit iv. Non. Aprilis. Hujus successor factus est *Henricus* ex plebano ecclesiæ, quæ Zuencoue dicitur. *Albericus* Leodiensis Episcopus occiditur, juvenis ætate, suis omnibus admodum carus; quia præter alia animi bona, quibus abundabat, singulorum motibus mirabili quodam moderamine se noverat conformare. Hic erat frater Ducis Brabantiae, eratque vehemens opinio, imperfectorem ejus Imperatori, ne durius aliquid dicatur, non displicuisse, quia timebat, ne Dux, ejus confilis auxilio, novi aliquid contra Imperium moliretur. Tali autem opinioni etiam hoc fidem faciebat, quod Imperator mortem ejus non solum ultus non est, sed etiam imperfectores ejus à gratiâ suâ, post perpetratiōnem tanti sceleris, non removit.

Anno M C XCII. *Wichmannus* xvi. Archiepiscopus Magdeburgensis obiit iix. Kal. Septembri, vir gloriæ secularis appetitu detentus, qui in hac assequenda plurimum prosperatus est in comprimendis adversarijs quibuslibet.

Victorio-

ann.

Victoriosus quippe, qui & viribus potens, & animo liberalis,
 & ad large dandum promptus erat, paci suorum temporum
 præcipue studens. Obiit in possessione sua, quæ Couze dici-
 tur. In eo etiam veritas sententia beati Gregorij asserta est,
 quod vis animæ ex subtilitate sue naturæ nonnunquam futura
 præsentiat, modo aliquo declarata est. Apud ipsum denique
 populus histrionum magni favoris gratiam obtinebat, & præ-
 sentia eorum valde erat ei delectabilis & jucunda. Ante
 quinque autem ferè menses, quam ex hac vita discederet,
 quadam die Calve positus, cum esset in prandio positus,
 quendam talium coram se intrantem conspiciens, vehementer
 exhorruit, eq; ut exiret, clamare coepit. Ille vero ad jo-
 cum secundum consuetudinem hoc eum facere credens, ipse
 quoq; arridens se amplius ingerebat. Episcopus vero indigna-
 tionis nimietate exagitatus, magno vocis strepitu, manuunq;
 agitatione, eum expelli præcipiens, omnes qui aderant in ad-
 mirationem convertit. Mortuo autem eo, cum præsentibus,
 ut exenterari debuisset, visum esset, quia crassus erat; ille hi-
 strio in corpore ejus carnificis officio functus est, ventremque
 ejus cultro aperuit, & intestina ejecit, quæ in prædicta posses-
 sione humata sunt. Corpus autem sale infusum, ne astu-
 corrumperetur, Magdeburg adductum est. Sepultus est au-
 tem in majori ecclesiâ ante altare S. crucis. A morte au-
 tem Friderici Archiepiscopi, cui successit VVichmannus, usque
 obitum VVichmanni, colliguntur anni XLIII. ita tamen, si
 duos menses & XI. dies anni primi istius collectionis, qui re-
 stabant à morte Friderici usque ad incarnationem Domini,
 totius anni appelles nomine: & rursus quinque menses &
 duos dies ultimi anni, qui fluxerunt ab incarnatione Domini
 usque ad obitum VVichmanni, item totius anni nomine nun-
 cupare velis. Post VVichmannum electus est Ludolfus majo-
 ris ecclesiæ Decanus. Cum eo autem denominatus fuit

Rocherus major præpositus à nonnullis canonicis: sed Romarus quidam ipsius Concanonicus denominationi ejus vehementer obstatit, cum irrisione asserens, *cum injuste ad episcopatum denominari, qui tertia ante hanc die filiam suam nuptius tradidisset; quod quidem verum erat.* Idem tamen præpositus, *salva reprehensibilium veritate, honestate præcipius erat,* ita ut in hoc ei nemo se facile comparaverit: cui assertioni quoddam ejus factum memorabile attestatur. Quadam namque die sedente eo ad ludum scacorum puer familiaris intravit, ministro qui promptuario ejus præterat, eique tunc adstabat, in aurem loquens, *nuncium cuiusdam mulieris pauperculæ, quæ infirmabatur, modicum vini petere.* Præpositus autem casu verbum exaudiens, eidem, ut potenti vinum daret præcepit. Quo respondente, se vinum non habere, nisi in uno vase, quod nondum esset initiatum, ille nihilominus, ut daret, cum instantiâ præcepit. Servus autem reniti pertinaciter non ausus, quasi ut iussioni satisfaceret, egressus, *nuncium cum indignatione vacuum rejecit.* Vix autem horarum duarum spatio emenso, sonantibus circumquaque ecclesiarum signis, intelligens præpositus, hoc de exequiarum officio esse, misit qui inquirerent, qui esset, qui obiisset. Reversus nuncius indicavit, mulierem illam, quæ paulo ante vinum rogaverat, mortuam esse. Tunc præpositus, utrum vinum ei datum fuisset sollicitè inquirens, non datum esse cognovit. Unde valde turbatus, accessito ad se vini ministro, ei ut dignus erat, cum vehementi indignatione exprobans præcepit, ut vinum omne quod haberet in terram decurrere faceret, dicens; *nihil de hoc unquam in suos usus sumendum, cuius pars minima Christo in paupere negata fuisset.* Ipsum denique ministrum à suo servitio removit, cum intermissione penè ei indicens, ne unquam de cætero in suâ præsentiâ appareret. Ekkehardus quartus Sereni-montis præpositus obiit

obilit VII. Kal. Febr. vir longævus & qui LXXX. excesserat. Verum diuturnitas vivendi corporis in eo robur valde attriverebat, vigorique sensuum ejus non parum detraxerat, ita ut per V. annos, quos extremos in hac vita habuit, cum frequentia fratrum imbecillitas eum interesse non permitteret, extra claustrum privata mansione cum deputatis sibi necessarijs uteretur. Quæ res observantia regulari, quæ in annis prioribus cum ipso laudabiliter viguit, defectum irreparabilem procuravit, pravisque moribus, tanquam remoto obice, irreperiendi aditum patefecit. Sedit annis XLI mensibus. V. diebus XXIV. Incipit autem hæc computatio anno MCLII. die beati Jacobi minoris, quando videlicet idem præpositus primo in Sereno-monte receptus est: à quo die retrorsum usque ad obitum præpositi Meinheri VII. menses vacui relinquuntur, qui cum Arnoldo, qui ante ipsum electus fuerat, expensi sunt. Post mortem Ekkehardi præpositi, die sequenti fratres ad electionem collecti inter se divisi sunt. Nam pars eorum major *VValtherum* unum de fratribus, pars minor alterum, *Gosfridum* nomine, elegit. Licet autem uterque ad hoc opus esset idoneus, *VValtherus* tamen pro quibusdam causis utilior videbatur. Quia à puero ab antecessore regulariter enutritus, bonis pollebat moribus, cum alter jam proiectior de seculo ad monasterium transisset; tum etiam quia in annis prioribus, cum in defectu esset præpositus Ekkehardus, ipse ejus vicarius, strenuè exteriora administrans, universis provincialibus, præcipueque principibus, notus & acceptus erat. Unde, quia in minori strenuus & fidelis apparuerat, etiam in majori futurus similis sperabatur. Cito autem & intra unius horæ spatium fratres, Dei gratia se præveniente, mediante Ottone Gerbestadensi præposito qui tunc aderat, ad concordiam sunt reducti, cum etiam *Gosfridus* electores suos, ut ad consensum alterius partis, utpote senioris,

H 3

redirent

redirent, instanter & fideliter hortaretur: siveque *Waltherus* communiter electus, cum Dei laudibus ecclesiæ præsentatus & confirmatus est. Sepultus est vero die dehinc altera *Ekkehardus* præpositus, in Aquilonari parte ecclesiæ, ante altare S. Johannis Baptistæ, a *Conrado Mersenburgen* abbe, præsentibus etiam *Ulrico S. Mariæ Magdeburgensi*, & *Hugoldo Hallensi*, & *Ottone Gerbestadensi*, præpositis, alijsque pluribus ecclesiasticis & secularibus viris, nobilibus & ministerialibus. Translata sunt quoque eodem die ossa *Meinheri* præpositi ab australi parte chori, ubi dudum requieverant, & in sinistra *Ekkehardi* præpositi tumulata.

Anno M C XCIII. *Hugoldus Hallensis* ecclesiæ præpositus a *Ludolfo Atchiepisco* deponitur, assignata ei ad privatos usus ecclesia *Stronvene* cum sibi attinentibus bonis. Huic succedit *Budo*, de ecclesia S. Mauritiij ejusdem civitatis translatus, cuius erat præpositus idem, & primus. Libet autem hic ejus occasione de principio ecclesia S. Mauricij inferere. Apparet enim in eo, quod Deus malis hominum voluntatibus ad impulsionem suæ bonæ voluntatis utitur ordinatè. Temporebus itaque *Heindenrici* præpositi, fuit in ecclesia Hallensi frater quidam *Rudolfus* nomine, *Scholastici* agens officium. Huic quadam die scholares sui, quos provectionis ætatis plures habebat, manus injicientes, usque ad fastigandum ipsum ausu nimis temerario processerunt. Qui licet ultiōne emendatoria regulariter coerciti fuissent, quidam tamen divitum civitatis prædictæ fratres illius, quod acciderat graviter tulerunt admodum, nec tamen palam aliquid contra age-re præsumentes, occultum ulscendi aditum perquirebant. *VVichmanno* enim Archiepiscopo, oportunitate captata de amplianda scilicet civitatis suæ, scilicet *Hallen*is, honestate, sermonem intulerunt, modum etiam suggestentes; videlicet ut novam in ea ecclesiam conventualem institueret, quia hoc & ho-

& honestati civitatis proficeret, & insuper ipsi æternæ retributionis Deum constitueret debitorem. Ne vero, ut solet, difficultas principij negotio dilationem pareret, de possessiōnibus suis ipsam se ordinaturos ecclesiam se promiserunt. Valde tamen à simplicitate sermonis eorum dissidenbat intentio, quoniam ipsi hoc facto nihil aliud, nisi detrimentum ecclesiæ Novi-operis, clicere conabantur, scilicet ut congregatione, sicut volebant, noviter instituta, quicquid hujus incrementis accederet, hoc illi ecclesiæ deperiret. Tali igitur occasione ecclesia S. Mauritiū, quæ prius parochialis erat, tum in conventualem translata est à VVichmanno Archiepiscopo anno M C LXXXIV. primusque ei præpositus missus est Dudo de capitulo Novi-operis XIV. Kal. Junij, & cum eo alij fratres, quorum Rudolphus, de quo hic agitur, unus fuit. Transumto etiam Dudone ad matricem ecclesiam, Rudolphus idem ei successit.

Anno M C XCIV. Tidericus Comes de VVizenvels, fratri sui violentia diu pressus, pro auxilio petendo ad Hermannum Turingiæ Lantgravium se contulit: quem ille aliquandiu suspendit, dicens, se, ut Marchioni bellum inferret, occasionem idoneam non habere. Habebat autem filiam jam nubilem. Comite verò petitionem jam sèpius iterante, Lantgravius respondit, si gener ejus fieri vellet, se ei modis omnibus succursurum. Quod ille primò quidem, quia puella oculis ejus propter sui deformitatem displicebat, renuit, sed necessitate coactus tandem consensit, conjugioque facto, ex hinc auxilio Lantgravij fratre cœpit superior apparere. Denique cum Marchio castrum novum in hoc, qui Sibodenberg dicitur, construeret, Comes superveniens ipsum fugavit, pluresque ex militibus ejus captivavit. Cum itaque jam manifestis Lantgravius inimiciis Marchionem appeteret, ille in loco, qui Reveninge dicitur, militibus collectis, ipse quoque

quoque hostem se Thüringis ostendere modis omnibus intendebat. Cujus conatum Lantgravius anticipans, castra ejus cum suis improvisus irrupit, turbatisque omnibus, qui circa ipsum erant, eos ad fugam coegerit, non paucis eorum, licet aliquandiu viriliter recisterent captivatis. Marchio vero cum tribus vel quatuor socijs fugiens Serenum-montem venit, quorum equi horrendis vulneribus debilitati, signa certaminis ostendebant. *Waltherus* autem præpositus equos alios procurans, ipsum Marchionem cappa claustrali pro dissimulanda persona indutum, aliquanto viæ spatio *Lipzeke* tendentem prosecutus est. Verum Marchio, licet his adversis, nihil à magnanimitate suâ alteratus reparandi belli firmum haberet propositum, non parum tamen cum Imperatoris, de qua erga se certus erat, dehortabatur indignatio, cuius ministeriales speciali cum bello jam appetere disponebant. Necessarium itaque credens, si id efficere posset, Imperatoris primò gratiam recuperare, ad partes transalpinas, ubi tunc Imperator constitutus erat, profectus est. Sed cum non solum recuperandæ gratiæ omnimodaci difficultas esset facta, verum etiam vitæ sibi periculum impendere cognovisset, suis omnibus apud Imperatorem relictis, uno tantum comite sumito, fuga quidem propter insidias Imperatoris difficiili usus, ad propria reversus est. Recogitans itaque, quoniam nulla nisi ardua virtus ipsi etiam Imperatori, si sic necesse esset, repugnaret, dispositi munitiones suas alias, præter *Lipzeke*, & *Chamburg*, & *Misnam* destruere; has autem viris & victualibus bello præparare, finali consilio ordinavit: certumque erat cum cladem maximam patriæ procuraturum fuisse, si non cum vitæ terminus prævenisset. *Gotfridus Sereni-montis Canonicus Rezovvieni* ecclesiæ præpositus datur.

Anno M C XCV. *Albertus Marchio* veneno, ut fertur, à quodam

quodam familiarum suorum *Hugollo* nomine sumpto ægreditinem incurrit. De *Vriberge* vero, uti ægrotare coepit, *Misnam* festinans, cum nec equo nec curru propter evidētiam morbi vehi posset, à viris in gestatorio ad hoc ipsum composito portabatur. Verum emenso unius milliaris spatio ingravescente molestia etiam portari non sifferens in villa quadam *Henrichsdorff* depositus, ibique defunctus est. Kal. Julij. Sepultus vero est in cella juxta patrem suum, Vxor quoque ejus paucis evolutis diebus eodem veneno extincta est. *Henricus* Dux de *Brunesvich* obiit, sepultusque est in monasterio S. Blasii, quod ipse construxit, juxta uxorem suam. Hæc fuit soror *Rikardi* regis Anglie: de qua hos habuit filios *Henricum* Comitem palatinum Rheni, *Otonem* Imperatorem, *Villehelnum* de Lüneburg, *Luderum* qui in adolescētia obiit. *Sifridus* Hersfeldensis abbas, Nienburgensem abbatiā resignavit ad cuius administrationem *Heidenicus* electus est.

Anno M C XCVI. *Tidericus* Comes in partibus transmarinis morte fratris sui cognita, cum redire disponeret, Imperatoris insidijs adeo arctatus est, ut publice navem ingredi non auderet, sed à fidelibus suis lagena inclusus, & navigio illatus, sicque, donec in altum navis procederet, occultatus est. Imperator denique Marchiam Misnensem suis reservans usib⁹, fidelibus suis eam commiserat procurandam, quæ etiam usque ad mortem Imperatoris per eosdem administrata est.

Anno M C XCVII. *Cœlestinus* Papa obiit, cui successit *Innocentius* hujus nominis tertius. *Henricus* Imperator hujus nominis vi. moritur in Apuliâ anno Imperij Iui vii. regni vero x. Hic Neapolim & Salerum civitates prælio vicit, Apuliam & Siciliam Calabriamq; subegit: Panormi palatum obtinuit, thesauris infinitis refectum ex collectione Regum priorum

rum Siciliensium in tantum, ut priores divitias paupertatem putaret, Filiam regis Græcorum ibi captam fratri suo **Philippo** uxorem dedit. **Tidericus** Comes ad patriam reversus omnem hæreditatem paternam obtinuit & Marchiam Misensem.

Anno M C XCVIII. **Philippus** ultimus filiorum Friderici Imperatoris in campis *Erpsfordia* à *Ludolfo* venerabili Archiepiscopo, cæterisque Saxonizæ, Suevizæ & Bavariæ principibus, in Regem eligitur Romanorum. Eodem tempore **Otto** Pictaviensis Comes, filius **Henrici** Ducis de Brunesvich, à Coloniensi Archiepiscopo & Principibus Rheni ad Imperium evocatus est. **Odoacerus** rex Bohemiæ **Philippo** regi confoederatus, cum exercitu Moguntiam venit, transitoque *Mosella* fluvio, & *Ottone* rege, qui vadum ejus occupaverat, violenter pulso, *Bunnam* civitatem, reliquaque oppida & contermina, depopulatus est.

Anno M C XCIX. Factum est incendium ecclesizæ Serenimontis, in quo quidem præter utilium amissionem à pluribus superfluis & noxijs ædificijs locus ipse, purgatus est: atque utinam à causis incendijs fuerit emundatus. Ut autem hi, qui hoc flagello castigati sunt, earundem causarum recognitio- nem ignorare non possent, judex æquissimus eos, impenden- te jam hujus animadversionis articulo, in excessu valde no- tabili labi permisit, ut videlicet se intelligerent culpis non le- vibus provocasse, quos in tanto conatu poena superveniens invenisset. Quidam enim ex fratribus, cum eis potus com- munis displicuisset, die beati Felicis in cellarum ingressi violenter tantum inde vini abstulerunt, ut & sibi, & alijs sumere volentibus, ad prandium & in coena, ex eadem copia ministrarent. Die verò clauso, & nocte ex parte aliqua iam transacta, cum adhuc vinum esset in ore ipsorum, ecce clau- mor factus est, qui incendium bunciaret. **Ædificium** enim

quod-

quoddam mansionis præpositi ex lignea materia, inmitatio claustrī à parte occidentali adhærebat, in quo miles quidam eadem nocte receptus hospitio, cum propter frigus vespertinum ignem copiosum construeret, ipsum accendit, ita ut, priusquam ipse hoc sentire potuisset, domus ignem conceptum à parte superiori flammis erumpentibus eructaret. Ventus vero subinde tanquam ad negotium promovendum exsurgens tanta vi torquebat incendium, ut parte claustrī proxima necdum bene attracta, pars ulterior jam arderet. Sicque totam claustrī & ecclesiæ majoris, præter turris superficiem, & ædificia eis adhærentia, ignis depopulatus est. Vetus tamen capella in medio pene periculo constituta, non sine admiratione multorum servata est. Poterat autem, si non Deus in ira misericordiæ memor fuisset, grandis ex oppressione hujusmodi, sub illa ruina trabium & saxonum, pro ereptione rerum quarumlibet, diversantium miseria provenisse, quorum omnium nemo, non dico periit, sed nec leviter quidem Iesus fuit, cum etiam luna clare splendens discurrentibus deserviret. Aberat tunc *Vvaltherus* præpositus in partibus Poloniæ, ad colloquium quoddam à *Conrado Marchione* evocatus. Rediens verò, & personas omnes à periculo per Dei gratiam servatas agnoscens, de perditione ædificiorum parum doluit, sed de excessu fratrum admodum turbatus est: quos nimirum bene agentes, male flagellari potius voluisse. Nec tamen factum, sicut oportuerat, ultus est, tum propter numerositatem reorum, tum propter parentes unius ex ipsis, qui capitaneus facti erat, de quo ad dicendum in sequentibus locus opportunior reservatur. Ex eodem tempore, usque ad reædificationem claustrī, fere biennio *domus hospitum* fratribus præbuit mansionem. Nullum autem hujus occasione mali necessariorum suorum defectum fratres sustinere coacti sunt; nec quenquam eorum ad locum alium,

I 2

propter

propter intolerantiam expensarum, præpositus voluit defiliare. Sed non similiter religio claustralium integritate sua gastra est: immo vero perditionem ædificiorum tanta euina mortum subsecuta est, ut veraciter quis religionem cum claustro dixerit conflagrasse. Quia enim flagellandi noluerunt suscipere disciplinam, evenit modo miserabili, ut ex medicamento, quo curari debuerat morbus, sumeret incrementum. Horum autem probatio, qualesque ex his fructus provenerint, diligentia lectoris ex consequentibus apparebit. *Conradus Moguntiensis Archiepiscopus de peregrinatione transmarina rediens, non biennio supervixit.* Qui dum ante paucos obitus sui dies languens ad mensam comesturus consedisset, paululum obdormiens & in extasi factus, repente tui batis vocibus exclamavit, *indignum esse, ut Dominus Sifridus de Eppenstein tales injurias præsumeret irrogare.* Cumque querelas iteraret, & circumstantes de qualitate injuriarum eum interrogarent, manum ad sinum reducens, nunquid ait, *non videtus, quam dedecorosa profusione vestem meam contaminaveritis.* Qui statim ad se rediens, futuri schismatis maculam ecclesiæ sua per ipsum Sifridum inferendam, significari prædixit. Mortuodeinde ipso, *Lippoldus Wormatiensis Episcopus pro eo eligitur:* sed quia *Philippo regi favebat, cui summus pontifex adversabatur, electionem ejus Papa cassavit, & prædictum Sifridum à tribustantum electum, missō ei per nuncios suos pallio, consecrari præcepit.*

Anno M. CC. *Alberto Præpositus de Lusinitz de dilapidatione rerum ecclesiæ suæ, & incepsatione foeminarum, quibus præterat, multiplicitate infamatus, à Beroldo Nuembergeni Episcopo ab administratione remotus est, & successit ei Marcius wardus Sereni-montis Canonicus. Henricus tertius Cillenensis ecclesiæ Præpositus obiit, cui succedit Willibodus, Sereni-montis canonicus. Dudo Hallensis Ecclesiæ præpo-*

præpositus. fratrum suorum importunitatem non ferens, administrationem suam resignavit, & deinceps usq; ad terminum vitæ sue vixit privatus. In locum autem electi sunt duo de eadem ecclesia, *Appollonius* præpositus de *VValbeke*, & *Conradus* custos *Hallenensis*: sed partibus concordantibus *Appollonius* obtinuit. *Conradus* Herbipolensis Episcopus, *Henrici* Imperatoris, & post ipsum *Philippi* Regis Cancellarius, eidem regi in suspicionem venerat, eo quod parti *Ottonis* Regis consentire pro favore summi Pontificis ferebatur. Hinc occasione & consequendi sumpta fiducia, *Henricus* majoris ecclesiæ Magdeburgensis Decanus Concellarij officium ambiebat, & pro eo apud Regem cooperat negotiari: quod Cancellarium non latuit. Fertur autem quod comperto ejus conatu annulum ei aureum miserit, mandans gemmam ejus contram orbum perfidie multum valere. Ille autem callide respondit: mirari se cur ea ipse carere voluerit, qui maxime hoc remedio indigeret. Cum itaque Decanus, prædictum agens negotium, die quadam ad Regem pergeter, *Gerhardus* frater Cancellarij, cognomento *Überbein* / juxta claustrum *Haldisleve* ex insidijs cum armatis ei occurrens, oculos ejus eruit, ut ad scriptoris officium, ad quod anhelabat, deinceps inutilis haberetur. Idem tamen *Gerhardus* præter pecuniariam quam Decano possimodum exhibuit satisfactionem (nam duas manus ei solvisse dicitur) tanta poenitentia humilitate Deum placare studuit, tantumque divinae gratiae consecutus est, ut etiam diem mortis sue feratur non ignorasse; quod ex facto illius colligi potest. Denique cum in monasterio *Hilbergrodes*, quod ex proprietate majorum ejus fundatum erat, moriturus ægrotarer, die beatæ Mariæ Magdalena ad missæ celebrationem in ecclesiam se portari rogavit, ibique sago superpositus, cum in fine Evangelij legeretur: *Fides tua te salvum fecit, vade in pace;* animam reddidit. *Everhardus* Mer-

seburgensis Episcopus obiit, pro quo electus Tidericus ejusdem ecclesie Caonicus, filius Tiderici Marchionis.

Anno M C E I Heiduvigis comitissa, vidua Friderici Comitis de Brene, monasterium foeminarum in villa Brene cepit, xix. Kal. Septemb. Hæc in annis prioribus, adhuc viro suo vivente, Ekkehardi Præpositi & fratrum Sereni-montis familiaritatem consecuta, defuncto marito postulavit ab iisdem, ut in parte aliquâ montis ædificium sibi construere permetterent, in quo ipsa à tumultu secularium tempore requiesceret oportuno. Sed quia hoc impetrare non potuit, pro eo quod famæ suæ negligens esset, & lasciviam sectaretur, à priore voluntate alterata, cum prius iisdem fratribus favorabilis admodum extitisset, extraneam se eis & malivolam cœpit exhibere; ac postremo ut repulsæ suæ permaclesiæ pentem rependeret ultionem, in detrimentum illius ecclœ novum hoc monasterium inchoavit. Primus autem eidem monasterio præfuit Meingotus de ecclesia Hallensi. Heidenricus Nienburgensis Abbas obiit, cui successit Hermannus de eadem congregacione. Terræ motus fuit. Waltherus Sereni-montis Præpositus cum Conrado Marchione, qui pro Philippo Rege apud Innocentium Papam legatione functus est, Romam profectus, magnamque summi Pontificis gratiam consecutus, privilegium exemptionis ecclesie suæ renovari petiit, & obtinuit, fratribusque licentiam publici & communis usus carnium impetravit. Est autem hoc ejusdem licentia rescriptum. *Innocentius Episcopus, servus servorum Dei, dilectis filiis Preposito & Conventui Sereni-montis salutem & apostolicam benedictionem. Exposuisti nobis, fili Preposite, in nostra presentia constitutus, quod cum ecclesia vestra sit in excelsi montis cacumine constituta, & disset non modicum à locis illis, in quibus piscium consuevit abundantia inveniri, non posset vobis congrue in esu piscium provideri: propter quod humiliiter postulabas.*

Iudas à nobis, ut vobis infra septa ecclesia vestra vescendi carnis licentiam praberemus, cum & necessitas postulet & utilitas hoc requirat, quia sufficientiam piscium absq; magnis impensis habere nequitis, & abstinere tam à piscibus, quam à carnis, gravissimum reputatis. Nos igitur devotionem vestram in Domino commendantes, quod sine speciali licentia nostra consuetudinem ecclesia vestra noluisti infringere, presenti vobis paginare respondemus: quod cum regula beati Augustini, quam estis profecti, vobis esum carnium non inhibeat, sed concedat, vos secundum tenorem regulae, nisi voto vos astrinxeritis speciali, ab esu carnium penitus abstinere, carnes certis & statutis diebus, dummodo sine scandalo fiat, de nostra licentia commendatis. Sic autem id moderate fieri concedimus, quod & regularis ordo servetur illas, & vos videcamini non ad saturitatem, sed ad necessitatem, potius postulasse. Datum Laterani XI. Kal. April. Pontificatus nostri anno V. Ejus Romanæ profectionis socius Tidericus Mersburgensis electus, qui pro eo, quod non erat de legitimo matrimonio natus, non videbatur sine licentia summi Pontificis posse promoveri. Sed interventu Conradi Marchionis Papa eum legitimavit, &, ut consecrationem ab Episcopo Hildesheim acciperet, præcepit: quia Ludolfus Magdeburgensis Archiepiscopus pro favore Philippi regis gratiam sedis Apostolicæ non habebat. Apollonius Hallensis ecclesiæ Præpositus administrationem illius ecclesiæ resignavit, priori scilicet de Valbeke servata, & successit ei Conradus custos Hallensis.

Anno M CC II. Waltherus Præpositus de partibus rediens transalpinis XVII. Kal. Junij Serenum-montem advenit, privilegiumque exemptionis, quod obtinuerat, secum exhibens, fratribus, tam de sua salute, quam de prospero successu, magnæ lætitiae causa effectus est. Elapsis inde paucis diebus, cis de licentia commendandi carnes innotuit, ut & sub certa forma

CHRONICA

72

forma fieri hoc ordinavit: videlicet, ut tribus tantum diebus in hebdomada, die dominica, feria tertia, & quinta carnisibus uterentur. Tribus autem hebdomadibus ante festum S. Johannis Baptistæ, si occurserent infra ipsum & octavam Pentecostes, & à festo S. Martini, usque ad natalem Domini, à carnisibus abstinerent, diebus tamen Dominicis exceptis, & per totum Adventum ad nonam comedentes lacticinijs uterentur. In Dominica vero Circumderunt carnis privium haberent, reliquis diebus usque Efto mibi lacticinia comedentes: & hanc formam requisito omnium à maximo ad minimum beneplacito & consensu in perpetuum in ipsa servari Ecclesia districte præcepit. Conradus Herbipolensis Episcopus & Cancellarius occisus est. Hic Ekkehardum quendam nobilem civem Herbipolensem exaltaverat, cuius confiliis in quibusque negotijs, quia justi rex erat, eique fidelissimus, utebatur. Duo quoque fratres, quorum nomina sunt Henricus & Bodo, de Ravensburg, quorum avunculus erat Henricus de Calathin, Marschalcus regis Philippi, cives erant ejusdem civitatis: inter quos & prædictum Ekkehardum discordia diu tracta hunc finem habuit, ut Ekkehardus idem ab iisdem interficeretur. In cuius facti ultionem Episcopus, cum quidem illi personaliter evasissent, ædificium ipsorum, quod in civitate habebant munitum, funditus evertit: vinum LX. ut dicitur carras effudit, omniaque, quæ illorum erant, vastavit. Nec vero illi impune se lædi patiebantur, sed è contra Episcopo, quæcunque poterant, damna vel contumelias interrogabant. Sed non erat dubium Episcopum cum omnimodo illorum detimento se ulturum fuisse, si non eum ipsorum audacia prævenisset. Rebus enim suis desperatis, cum nec regis quidem petitio Episcopum ab imperio cohibere potuisset, avunculo, qui vir erat crudelis ingenij, eos ad malum incitante, die quadam hora vespertina cum aliquibus armatis clam

tis clam civitatem ingressi, Episcopum ad Ecclesiam euntem aggressi, occiderunt, opus nimis temerarium perficientes. *Philippo* autem regi Herbipolim venienti occurrit cleru*m* omnis cum multitudine populi de interfectione Episcopi conquerentes, & manu*m* ejus, quam ille, cum occideretur, capiti opposuerat, & quæ abscissa fuerat, cum vestibus cruentis ostendentes, & cum multis lacrymis cantantes Responsorium: *Videns Jacob &c.*, regisque super his judicium implorabant. Et rex quidem compassibiliter lacrymatus est, sed tamen judicium facere dissimulavit: alijs dicentibus, cum de morte Episcopi, propter hoc quod in parte *Ottonis* sentire cœperat, non vere doluisse: alijs vero afferentibus, cum timore *Marschalci* à ferenda contra homicidas sententia impeditum. Non autem iidem maligni etiam cœlestis regis judicium evaserunt. Tempore enim schismatis quod inter *Innocentium Papam* & *Ottонem Imp.* ortum est, cum *Otto Herbipolensis Episcopus*, sicut & cæteri Episcopi, excommunicato Imperatori oppositus esset, illi collectis in civitate armatis pluribus Episcopum expulerunt, juvenem quendam, Ecclesiæ ipsius canonicum, alterius ipsorum filium, pro eo auctoritate Imperatoris instituentes. Episcopus vero militibus collectis mature quidem civitatem recuperavit, illos autem, equis & armis, & omnibus quæ in civitate habebant, relictis, nudos fugæ præsidium querere coegerit. Deinde castrum *Ravensburg* obsedit, cepit & destruxit. Omnibus autem, quæ illorum erant, rapinis & incendio devastatis, tam illi duo fratres maiorum Capitanei, quam cæteri qui parricidij participes extiterant, vagi & profugi effecti, diversis cladibus attriti sunt; alij quidem interfecti, alij vero divinitus cœcati, seu alijs morbis gravibus correpti, & ad mendicitatem publicam deducti, miserandum de se spectaculum præbuerunt. *Hermannus Thuringiae Landgravius* *Philippo* regi fidelitatem juravit: de-

K

inde

74
inde hortatu Innocentij Papæ ad OttoneM rediit, secumque regem Bohemix Odacarum à Philippo defendere persuasit.

Anno M CC III. Otto Rex benedictionem regalem à quodam Cardinali Episcopo, Apostolicæ sedis Legato, Coloniæ accepit. Idem vero Legatus Ludolfum Magdeburgensem Archiepiscopum multis comminationum literis ad partem Ottonis defletere conatus est. Sed quia hoc efficere non potuit, exercitum Bohemorum & Thuringorum, cum alijs regis auxiliatoribus ad oppressionem Episcopie evocavit. Qui venientes in confinio Merseburgensis & Hallensis oppidi considerunt, & per ix. hebdomadas totam adjacentem provinciam depopulati, cœmeteria, Ecclesias, & ecclesiasticas personas, multis damnis & contumelijs affecerunt. Tantus autem eorum timor omnes invaserat, ut nec in civitate Magdeburg se tutos credentes, ad partes trans-albinas res suas cum uxoribus & filiis deportarent. Cum vero die quadam pars aliqua ipsorum ad prædandum Ronam fluvium transissent, Otto Comes de Brene cum paucis socijs armatis, revertentibus in confinio castri Landisberg occurrens, cccc. ex eis prostravit, inter quos & nobilis quidam, quem valde planxerunt, occubuit, cæteri fugere sunt compulsi; & ex illo die discurrere cessaverunt: Videns autem Cardinalis se contra Archiepiscopum nihil proficere: cum & personaliter evocatum multis eum verborum contumelijs affecisset, inobedientiam ei reprobrando, & delirum senem appellando; illo, quia vir erat literatissimus, omnes assertiones ejus efficaciter evacuante, cum excommunicavit, ipseque cum rege Coloniam rediens, cæteros ad propria quemque redire permisit. Constantinopolis à peregrinis S. sepulchri & Venetianis, ordinatione Philippi regis, propter sacerdotum ipsius regem à Græcis expulsum; obsessa & capta, prædaq; ejus inter victores

divi-

divisa est. Ibi *Conradus Halverstadensis Episcopus*, qui unus
fuit peregrinorum, multiplicem ornatum Ecclesiasticum in
indumentis pontificalibus, & rebus alijs consecutus, multis &
maximis reliquijs ibidem acquisitis, Halverstadensem Eccle-
siam insignivit: ad quarum venerationem dies proxime se-
quens Assumptionem Dei genericis deputata est, multis undi-
que ad ipsam celebritatem concurrentibus: quando & reli-
quia ipsæ aspectui omnium, vel etiam contactui, exponuntur,
& advenientes peccatorum suorum, auctoritate Apostolica,
consequuntur remissionem. Ex eo tempore, captionis vi-
delicet urbis, Græci ad communionem Romanæ Ecclesiæ
redierunt. *Otto comes de Brene* obiit x. Cal. Januarij Sepul-
tusque est à matre in Ecclesia Brene. Pro eo oblatus est beato
Petro in Sereno-monte mansus unus in villa Chlevviz.

Anno M CC IV. *Philippus Rex* collecto forti exercitu VVi-
zense obsedit omni circumiacente provincia depopulata.
Landgravius autem Regem Bohemiæ ad auxilium suum mul-
tis precibus advocavit. Qui adveniens consideratis copiis
Regis, qui ab obsidione recedens, ei occurrebat, congre-
endi fiduciam non habebat. Erant enim in exercitu Regis,
præter milites qui ipsius erant speciales, *Ludolfi Archie-
piscopi* expeditorum pugnatorum xxx millia, *Tiderici vero
Marchionis Misnenis* milites quidem M D peditum autem
c M. Accensis itaque focis plurimis, quibus suam præsen-
tiā mentirentur, relictis omnibus, qua oneri esse poterant,
Bohemi totam fiduciam ad fugæ præsidium contulerunt.
Diluculo autem fuga eorum cognita, Rex electos pugnato-
res post eos occupandos direxit, qui ad undecimum millia-
rium insequentes reversi sunt. Landgravius auxilio nuda-
tus ad gratiam Regis se contulit, fidemque illi servare, datis
obsidibus, iuramento firmavit. *Philippus Rex* dimissis auxilia-
toribus Goslariam cum suis regreditur; ubi cum Rex *Otto*

militibus collectis cum ipso congregati tentaret, *Henricus Palatinus*, frater ipsius, ad *Philippum* transit, præstitaque ei fidelitate, *Advocatiam Goslariensem* ab eo promeruit. *Tidericus Merseburgensis*, electus *Hildenesheim* ab *Hartberto Hildenesheimensi*, & *Dithmaro Mindensi*, *Northerto Brandenburgensi*, & *Hellemberto Havelbergensi*, Episcopis, in Dominica post jejunium decimi mensis in Episcopum consecratus est. Moram vero ejus consecrationi fecerat, quod *Otto Rex* transitum ei noluit concedere, nisi episcopatum suum ab ipso reciperet: à qua tamen conditione liber, postea conducedum Regis per *Waltherum Sereni-montis Præpositum*, & *Rudolphum Stiderburgensem Præpositum*, impetravit.

Anno M CC V. *Ludolphus Magdeburgensis Ecclesiæ Archiepiscopus* obiit xvii. Cal. Septemb. Pontificatus sui anno XIII, vir strenuus & Ecclesiæ suæ utilitatibus efficaciter intentus. Gratiā vero summi Pontificis, priusquam moretur consecutus, & ex ejus mandato communioni Ecclesiæ restitutus est. Post eum, ex arbitrio *Conradi Halverstadensis Episcopi*, electus est *Albertus majoris Ecclesiæ Magdeburgensis Præpositus*, eo tempore *Coloniae* in scholis constitutus. *Philippus Rex Aquisgrani* à *Coloniensi Archiepiscopo*, qui tunc in gratiam ejus rediit, & per quem ipsam civitatem receperit, benedictione Regali consecratus est. Propter quod etiam idem Episcopus à Domino Papa excommunicatus est, aliusque in locum ejus electus. *Albertus Brandenburgensis Marchio filiam Conradi Marchionis Orientalis majorem*, duas enim habebat, *Mechtildem nomine*, duxit uxorem; cuius nuptias *Tidericus Comes de Summerschenburg* in castro *Groiz* cum magna gloria & expensarum copia celebravit. His nuptijs *Waltherus Sereni-montis Præpositus* à *Conrado Marhione* vocatus interfuit, indeque rediens statim ægritudinem incurrit, de qua & mortuus est II. Cal. Septemb. Sedit annis

annis XII. mensibus VII. diebus v. Sepultusque est in dextera antecessoris sui à Tiderico Merseburgensi Episcopo. Vir iste plurimum à Domino gratiae consecutus, & si non usque quaque irreprehensibilis, talibus tamen, quales nunc ecclesia patitur, prælatus dissimilis cognoscitur exstitisse. Fuit enim, prout se nostrorum status habet temporum, laudabiliter religiosus, & quantum ab exteriorum occupatione negotiorum vacare potuit in congregazione, choro, & refertorio, assiduus, nec aliud sibi licere judicavit. De commissorum sibi utilitate indeficienter solitus, moribus temperatus, quales disciplinatos vocare consuevimus, quæ duo severitatis aliquid moribus ejus admiscuisse videbantur. Disciplina enim & solicitudine gravis non facilis erat ad risum, nec favores hominum verbis, quæ non intenderet, aucupabatur. Unde & à quibusdam, qui hanc in eo causam perpendere nesciebant, superbus judicatus est. Honestate non mediocriter pollebat, sed plus alijs, quæ acceperat, verecundiæ in eo donum eruit, quæ etiam in eo ex vultu gratia, qua non carebat, modo quodam decentior videbatur. Poterat ejus industria religiosis ruina maxima ex parte restaurata fuisse, si non eum & sua & aliorum negotia, & maxime *Conradi* marchionis Orientalis, cuius rebus promovendis valde erat deditus, retardassent. Emit autem Ecclesiæ suæ in villa *Othmarisdorp* v. mansos & pratum unum : *Kokere* III. mansos : *Groiz* IX. *Kobirshagen* VII. molendinum *Türgowve* construxit, cuius fundum *Ylricus Comes de Witin* pro calice aureo, qui pro ipso inpignoratus apud Judæos Hallis perditus fuerat, Sancto Petro dedit. Allodia etiam *Groiz*, & *Lubacisdorp*, ædificavit, in quorum altero multitudinem armentorum, quorum numerus fuit c. l. cum alijs pecoribus aggregavit, de quorum usu commodum magnum fratribus præstabatur. Vineam novam in *Podegrüz*, quæ major est, plantavit. Duæ enim aliæ antecessorem ipsius

K 3

auctorem

auctorem habuerunt. Omnia claustrī ædificia post incendium reparavit. Ædificium curiæ, quæ Præpositi vocatur, construxit. Ambitum emunitatis claustrī muro amplexus est: à parte meridiana, ad cuius introitum primus portam fecit, cum prius usque ad Domum hospitum & usque ante Dormitorium fratrum, accessus transversatibus patuisset. Parietem chori occidentalem cum omni suo opere ædificavit, & præter hæc multa opera utilia per diversas Ecclesiæ possessiones fecit, quæ superfluum est enumerare. Hujus viri terminus Ecclesiæ Serenimontis multorum malorum principium fuit. Denique eum eo mortuo fratres omnes, quinque tantum exceptis, fratrem ipsius carnalem, Iohannem nomine, in Præpositum elegissent. Illi excepti alium Tidericum nomine, qui tempore incendiij in ablitione Vini capitaneus fuerat, elegerunt. Erat iste filius Hermanni Cameratij de Landisberg habebatque fratres clericos, Bertoldum Merseburgensem Præpositum, & Henricum ejusdem Ecclesiæ Camerarium, qui fratri postmodum in Præpositura successit. Laicos vero Hermannum de Resinvelt, Ottonem de Zvirze, & Fraelhelnum: universisque ministerialibus, qui de Landisberg appellabantur, alijsque pluribus provincialium, consanguinitate proxima jungebantur. Propter quod à primæ voti tempore à Prælatis & magistris cæteris delicatus enutritus, & in quadam sui æstimatione habitus, ipse quoque ex alieno favore, non ex virtute propria se metiens, magnum aliquid de se jam dudum sentire, & dominandi cupidine se teneri, signis quibusdam erumpentibus declarabat; videlicet derogando majoribus, & de mala eorum administratione ratiocinando, & meliora de se, si unquam eum posse contingere, promittendo. Si qui etiam pro suis excessibus forte regulariter corriperentur, his quasi compatiendo & nonnunquam pro eis litigando, & iniuriam judicantium accusando, commissiones & potationes

sui

sui similibus intempestivas proculando, & cum eis jucundis quibusque & ludicris insistendo, quibus rebus stultorum animi quam maxime capiuntur. Electus itaque, licet propositum obtinendi, propter suorum paucitatem, nullam haberet fiduciam, cum eis *Johannes*, votis & solemnitate debita praecedentibus, prælationis honore, cum summa omnium gratia, potiretur, aliquandiu tamen restitit; donec amicorum ejus quibusdam, præcipueque *Conrado Hallensis Ecclesiae Præposito*, adnitentibus, *Hospitalis pauperum* procuratione sibi commissa, ad fratrum rediit unitatem; qui post electionem privatus remanere de forme nimis & contemtibile judicabat. Ad hoc primum tempus fratres Sereni-montis Appellationis, & verborum Decretalium, eis haecenus ignotorum, usum habere cœperunt: quarum rerum præfati *Tiderici electores*, à *Bertoldo Mersenburghensi Præposito*, & *Henrico ejus fratre informati*, auctores fuerunt. Ad sepulturam *Walteri Præpositi* super sigillo Ecclesiae appellantes, ne quid videlicet vel pro parte adversa, vel contra ipsos, nomine capituli scriberetur.

Anno M CC VI. *Johannes Sereni-montis Præpositus* administrationis suæ tædio fatigatus, cum onus ejus deponere cogitasset, singulis privatim fratribus suam aperire cœpit voluntatem, dicens, se ut pote procurationis prorsus inexpertum, tantis rebus gubernandi non sufficere, nimisq; dolere, si pro eo tantum, ut ipse *Præpositi nomine & honore* gauderet, status Ecclesiae laudabilis deperiret: pro quo divinum posset formidare iudicium. Licet autem pro se hæc allegaret, nulla tamen ratione ad resignandum, nisi privatæ vitæ commodo, trahebatur. In omnibus enim, quæ curæ domesticæ poscit necessitas, in nullo fratre suo *Præposito* minor erat, excepto eo (sitamen etiam hoc in talibus necessarium judicatur) quod linguae officium expeditum non habebat. Nam tantum balbus erat, præ propere,

propere, &c, ut de talibus dici solet, inguttur loquens, in quotidiana locutione minus bene intelligebatur. Si autem cum mora aliquanta cum loqui contingebat, non valde in eo defectus hujusmodi apparebat. Rogabat vero singulos, ut in locum suum *Rudolphum* Stiderburgensem Præpositum eligarent, qui pro experientia rerum (nam illam Ecclesiam novem annos rexerat) eos posset se melius gubernare. Verum cum fratum, qui eum in principio elegerant, nullus ei ad propositum consentiret, adjecit; Deponenda administrationis intentionem se indeclinabiliter concepisse, & si absolute id ficeret, gravem eis de electione pralati posse discordiam oboriri. Ideoq; esset melius, ut in personam præminimatum, quia esset idonea, consentirent. Omnibus itaque ejus instantia pluribus tamen pro ejus reverentia & dilectione, qua eum nec in petitione prouersus irrationali contristare volebant, deflexis, nono à morte *V Valtheri* Præpositi mense, & ipsius mensis die XII. sequenti videlicet Ascensionis Domini die fratribus à voti vinculo absolutis, administrationem resignavit, & *Rudolphus*, qui tunc præsens erat, pro ipso, ut petierat, electus est. Huic in Ecclesia Stiderburgensi successit *Otto de Schoninge*, *Martinus* custos campanam de L. centenarijs fudit, quam *Hellembertus Havelbergensis* Episcopus consecravit, *Petroneillam* nominans. *Hellembertus Havelbergensis* obiit, cui successit *Siboto de Steintale* Decanus. *Ulricus Comes de Witin*, filius *Henrici*, filij Marchionis *Conradi Senioris*, dysenteria laborans, obiit in castro *W Witin*, iv. Cal. Octobr. relinquens filium *Henricum* ex filia *Bernhardi Ducis*, *Hettwitzge* nomine, sepultusque est in Sereno monte in sinistra *Friderici Comitis* patrui sui de *Brene*. Pro eo oblati sunt beato Petro agri in villa *Lethnitz*.

Anno M CC VII. *Hermannus Niemburgensis* Abbas administrationem suam resignavit, in cuius locum *Fridericus ejusdem Ecclesie* Præpositus est electus. Ecclesia major Magdeburgensis

deburgensis cum claustro die Parasceve, quæ fuit XII Cal. Maji igne deleta est. Sequenti Sabbatho Engelhardus Nuenburgensis electus in Presbyterum, & die Sancto Paschæ in Episcopum, ab Alberto Magdeburgensi Archiepiscopo consecratus est. Tidericus Comes de Summerschenburg, filius *Donis*, filij *Conradi* Marchionis Senioris, cognito, quod *Vlricus* Comes de *VVit* adhuc vivens pecuniam uxori suæ & filio servandam in monte-Sereno deposuisset, eam ablaturus hac ratione quia tutor pupilli erat, feriâ secunda Paschali ad locum venit, scrutatusque ecclesiæ Secretaria, in quibus ipsam pecuniam se repertum speraverat, non invenit, quia Rodolphus Præpositus in solitione ejus præcognita, nocturno eam tempore inde sublatam, fecerit diligentius occultari. Erat autem summa ut ferebarū eccl. marçæ. Cum itaque inveniendi desperatione ab inquisitione cessans jam abire disponeret, quidam de fratribus quorum unus fuit *Tidericus* supra memoratus, ad eum accedentes, locum ei ubi, quod quærebat, occultatum erat, monstraverunt. Qui inventum afferens depositum, *Heripolim*, quo eum *Philippus Rex* cum alijs Principibus evocaverat, profectus est. Die dehinc quarta, septimana Pentecostes, quæ fuit Idus Iunij, mortuus est, sepultusque in Ecclesia Cillenensi juxta patrem suum. Oblati sunt pro eo tres mansi beato Petro in villa quæ *Kukukisdorp* appellatur. *Tidericus* Cellerarius novum organi instrumentum fecit: Vetus enim incendio ecclesiæ periit.

Anno M CC LIX. *Rodolphus Sereni-montis Præpositus*, *Ileburg* in domo parochiani ægrotans, obiit feria IIII Palmarum, quæ fuit IV Non. April. Eodemque die dominum redditus, die Cœna Domini sepultus est in australi parte chori ante lavatorium sacerdotum. Hic à *Friderico Comite de Brene* XIV. mansos in villa *Niendorp*, partim pecunia, partim aliorum bonorum commutatione redemit, quod factum,

M 2

est.

et si aliquid in persolutione pecuniæ difficultatis, multum
ramen utilitatis cognoscitur habuisse. Ex eoenim tempore
fratres longe melioribus quam prius pane & cerevisia uti
cooperunt, beneficio tritici, quod de ipsis mansis solveba-
tur. Comes etiam ecclesiam ipsius villæ cum quatuor man-
sis ei attinentibus beato Petro dedit, hoc se velle insinuans,
ut defuncto *Hervvico Mersenburghensi canonico*, qui etiam
tunc tenebat, fratrum usibus, modo aliquo qui esset conve-
niens, aptaretur. Emit item Præpositus iv. mansos in villa
Groiz ab Ottone de Pouch seniore. Post mortem ejus fratres
omnes, exceptis electoribus *Tiderici*, iterato *Johannem* con-
corditer elegerunt. Sed nec illi excepti vacabant, suum
rursus eligentes Præpositum, ab unitate recedere non timu-
erunt. Ipse quoque electus, licet paucioribus quam prius
electoribus niteretur, (hac enim vice tantum tres habebat)
non tamen tam facile, ut antea, quiescere passus, sed ex of-
ficio hospitalis, cui præterat, equos habens, discurrere, &
per se agere cœpit; adeo ut *Albertus Archiepiscopus Conrado*
Orientali Marchioni pro ipso scriberet, admonens, ut favo-
rem suum ipsi impenderet, asserens quod *triū sacerdotum ra-*
tionabilis esset electio. Miror autem quare non & alterius partis
rationabilem asseruerit electionem, quæ cum fratribus mi-
noribus plus quam xv sacerdotes habebat: nisi forte, quia
illi præpositum, plenitudine potestatis utentem, jam haben-
tes, ejus testimonio non egebant. Marchio itaque die quo-
dam itineris occasione ad locum veniens, habens in comi-
tatu *Fridericu[m] Comitem de Brene*, & plures ex *Tiderici* pa-
rentibus eorum inductus suaſione à præposito & conventu
petitionem exegit, ut contra ipsum *Tidericum* & ei cohären-
tes nihil innovarent, donec per se ad negotium tractandum
potest accedere, quia hoc ei ad præsens non vacaret, & ut
illi medio tempore de his quæ ad regularem disciplinam peri-
tine-

tinerent, non ad Præpositum, sed ad Priorē, respectum haberent. Sed cum pluribus elapsis diebus causam neglegētū daret, & illi suā libertate gaudentes pro velle viverent, & insuper verbis sēpe Præposito & fratribus injuriosi existarent, Præpositus Tiderici Marchionis Milnensis adjutorium, contra eorum insolentiam postulavit. Qui missis nuncijs, eos à consortio fratrum fecit & ab ecclesia removeri. Quod factum Conradus Marchio, quia advocatus erat Ecclesiæ, non bene ferens, eos per suos nuncios remisit. Postmodum tamen & ipse personaliter accessit, adhibito secum Tiderico Merseburgensi Episcopo, multis opinantibus Tidericum propter expulsionis injuriam eo die Præpositum futurum. Fratribus autem potentibus ut privilegium, quod *VV altherus* præpositus ipsius adjutorio impetraverat, recitatatur, Marchio consensit: auditoque quod ibi contineretur, quod is qui à fratribus omnibus, vel à parte majori & seniori, in præpositum electus fuerit, obtineat; consilio habito Tiderico & suis præcepit, ut in electione cæteris suis fratribus concordarent. Et hunc finem habuit secunda electio Tiderici. Veruntamen Præposito, usque ad vitæ ipsius terminum adversari, tam ipse, quam suis sodales minime desierunt. Inter hæc mortuum *Hervuvico* Mersenburgenſi Canonico, *Johannes* Præpositus Ecclesiæ *Niendorp* uni de fratribus commendavit, volens eam juxta placitum donatoris fratrum usibus applicare. Evoluto tempore aliquanto Archiepiscopus Ecclesiæ ipsam *VV althero* cuidam Ecclesiæ majoris Decani filio concessit, dicens donationem ejus ad se devenisse, quia Præpositus eam infra legitimum terminum personæ tali, quali oportuerat, non locasset, quoniam curam parochiale habere claustralibus non liceret; eumque per archidiaconidia, *Conradum* videlicet Hallensem Præpositum, in possessionem misit, de quo erat opinio, quod ipse ad hæc Archiepiscopum

L 2

inci-

incitasset. *Johannes* vero Præpositus rumore comperto motus animo, mature die altero *Niendorp* venit, & *Walthero* jam abeunti occurrens, & cur ecclesiam suam contrajus occupasset, inquirens, manu injecta violenter eum de equo depositus, & nisi hic qui circa ipsum erant, eum continuissent, certum erat, quod nequaquam sine gravi contumelia recessisset. Eitamen ire permisso interminatus est, ne de cætero occasione simili villam ipsam intrare præsumeret, alioquin passurum, quod non sperabat, veraciter affirmabat. Hoc facto permotus Archiepiscopus contra Præpositum, tanquam pro violenta manus injectione in clericum in canonicam incidisset, denunciationis gladium eduxit, quo eum sine dissimulatione ferire cœpit, qua-qua-versum excommunicatum eum præcipiens denunciari. Eo tempore *Simeon de Dibele miles* capellam, quam in *Sereno* monte supra sepulturam uxoris suæ in Septentrionali parte majoris Ecclesiæ construxerat, dedicare volens, Archiepiscopum ad locum invitavit. Quem cum fratres cum processione solemni vellent suscipere, non consensit, nisi prius absolverentur, præstito juramento, quod starent ejus mandato, quoniam excommunicatos eos, pro communione Præpositi asserbat. Qui mandato gravari timentes diu renuerunt; donec consilio eorum qui aderant accedente, præcipue tamen *Simeone*, ne in expensis quas copiose procuraverat, damnificaretur, suppliciter rogante, consentiente Præposito per *Sibodonem Episcopum Havelbergensem*, sine omni gravamine absoluti sunt: qui tamen Episcopus constanter dicebat hoc ab eis exigi non debuisse, quoniam etsi præpositus juste forsitan excommunicatus fuisset, conventum pro ejus communione hoc vinculo non teneri. Sicque acephala, id est sine capite, Præposito videlicet, facta processione, in suscepso Archiepiscopo, ab eodem Archiepiscopo, & *Sibone*

done Havelbergensi & Baldvino Brandenburgensi, Episcopis capella dedicata est, II. Cal. Octobris. *Philippus Rex à Palatino de Vitelingesbach Bovenberg occiditur*: necis ejus *Ekkehardus Bavenbergensis Episcopus*, & frater ejus *Marchio de Andesse confocij ferebantur*. Sive autem hæc opinio vera fuerit, sive non, certum est Episcopum periculum à fidelibus Regis timentem, propter hoc diebus plurimis exulasse: fratrem vero ejus suis omnibus exsoliatum, & Marchiam ejus à Duce Bavariae occupatam. *Palatinum vero Henricus de Calarhin*, Marschaleus Regis, postmodum interfecit. Post mortem *Philippi*, *Otto Rex communi consensu Principum in Romanorum Imperatorem electus est*. Ab hoc *Waltherus prothonotarij officium consecutus*, honoris novitate deleatus, ecclesiæ *Niendorp renunciavit*, & *Iohanni Præposito reconciliatus est*. Archiepiscopus etiam, priori indignatione deposita, denunciationem ejus revocavit, & injuriam eum passum publice protestatus est. Sicque demum præpositus ecclesiam illam uni de fratribus concessit, qui eam sine cuiuslibet quæstionis scrupulo possedit.

Anno M.CC.IX. *Tidericus Misnensis Marchio colloquio in Sereno-monte quibusdam fidelium suorum indiso ad locum venit*. *Tidericus vero ejusdem Ecclesiæ canonicus jam commemoratus*, & quidam de fratribus ei cohærentes, *Arnoldo* cuidam clero Marchionis non bono persuaserunt consilio, posse eum ecclesiam *Niendorp adipisci*; si Marchio pro ipso petitionem porrigeret voluisset. Ille consilio credulus, Marchionem ad petendum induxit; cui cum nec præpositus, nec fratum aliquis acquiesceret, exceptis qui consilium dederant, hi enim statim consenserunt, indignatus vehementer inquisivit, an sciret quis esset, qui peteret, & utrum ei aliquid negare, ac per hoc malam ejus voluntatem mereri sibi crederent expedire. Fratres autem reniti non

valentes, quoniam petitiones Principum coactionem habent, Præpositum invitum admodum turbatum Arnoldo ecclesiam concedere permiserunt. Consiliatorum vero fuit intentio, ut consensu speciali devotos se principi mentirentur, & si exauditus non fuisset, ipsius ex parte una, si vero exauditus fuisset, Comitis ex parte altera offensam Præpositus incraretur, & in ultimo quidem intentione fraudati non fuat. *Conradus* orientalis Marchio Lubus castrum saceri sui *VVlodislawi* Ducis Poloniæ, propter multas quas ab eo patiebatur injurias, obsedit. *VVlodislaus* vero obsidionem visolvere volens, collecto exercitu copioso, Marchioni mandavit, se ei altera die congressurum. Vespere autem diei præcedentis *Oderam* fluvium cum suis omnibus transgressus, improvisus super venire hostibus moliebatur. Vnus vero eorum, qui *Supani* dicuntur, vehementer ei coepit obsistere, monens ne tempus pugnæ statutum præveniret, quia hoc factum nullius rectius, quam infidelitatis posset nomine appellari. Quem cum Dux timiditatis argueret, & fidelitatis, qua ei teneretur, commoneret, respondit: *ego quidem ad pugnam pergo, sed scio me patriam meam de cetero non visurum.* Habebat autem Ducem belli Pythonissam quandam, quæ de flumine cribro haustag nec defluentem, ut ferebatur, ducentis aquam, exercitum præcedebat, & hoc signo eis victoriæ promittebat. Nec latuit Marchionem adventus eorum, sed mature suis armatis & ordinatis occurrens, fortis congreſsu omnes in fugam vertit, Pythonissa primitus interfecta. Ille etiam Supanus viriliter pugnans cum multis alijs interfectus est. Et nisi hora tardior fugientibus præsidum attulisset, cruentam nimis victoriæ fieri contigisset. Multitamen ex eis cum fugerent, mersi in paludibus ferebantur. Marchio vero post victoriam reversus, castrum cepit, tutoribus ejus suspendio condemnatis. *Ottio Rex ab Innocen-*

nocentio Papa III in Imperatorem consecratur. Primi prædicatores genti *Prutenorum* misli sunt. *Elizabeta* Marchionissa, uxor *Conradi Marchionis*, soror *VVlodislai ducis*, obiit *iv. Non. Aprilis*, sepultaque est *Doberluge*. Hæc beato *Petro* præter multa alia bonæ voluntatis indicia *xix.* marcas obtulit.

Anno M. cc. x. *Conradus Marchio Orientalis*, filius *Desdonis*, filij *Conradi*, Marchionis senioris, obiit, *ii. Non. Maij*, sepultusque est *Cillene* apud patrem suum: Vir audax & in armis strenuus, largus & fidelitate præcipue famosus. Ecclesia sereni-montis turbatione non minima fluctuabat. *Tiderico* enim ejusque socijs machinationibus novis assidue Præpositum impotentibus, cum fratres alij, præcipue juniores, inconsulta animositate se ejus opponerent, frequentes & asperæ inter eos verborum pugnæ excitabantur. Illis quidem occasionem nullam, si qua eis forte porrecta fuisset, obmittentibus, quin Præpositum detractationibus lacerarent; de mala enim administratione culpantes: Iстis autem obsequium se Deo præstare arbitrantibus, si eum, quem injuriari certissime noverant, etiam litibus tuerentur. Sed non eo modo servitur Deo, quia in scissura mentium Deus non est. Inter hæc unus de fratribus senioribus, qui quidem alias laudabilem ducebat vitam; sed derogantibus facile credebat, cum petitionem ejus aliquam Præpositus non admisisset, & pro hac re turbaretur, ad animum ejus turbatum accessit *Tidericus* sape dictus, perditionis filius, & fermentum omnis turpitudinis, docens nullo erga eum affectu teneri Præpositum, sed solummodo voluntati juniorum inclinatum, qui ut pro eo litibus deservirent, eos, ut ipse posset perpendere, ad placitum vivere non vetaret; persuasit homini, & ita eum à priori intentione subvertit, ut palam adversarium se Præposito demonstraret. Non parum autem

auto-

auctoritatis parti suæ apud extraneos, qui causam veraciter nesciebant, tali socio acquisivit, quibus jam prorsus irrationabilis non videbatur ejus motus, quem talis viri probaret assensus. Cum vero & alius quidam de junioribus ad partem ejus declinasset, tantâ fiduciâ uti cœpit, ut ad Tidericum Marchionem Misnensem, ad quem advocatia loci mortuus *Conrado* Marchione devenerat, crebro curreret, & Præpositum accusaret, petens, ut ecclesiae illi mature consuleret, alioquin in brevi ad extreum desertum per negligentiam Præpositi foret ventura. Et ne forte à Præposito pro hujusmodi discursu gravaretur, literam quandam cum sigillo Marchionis Præposito missam exhibuit, cuius tenor fuit, *velle Marchionem, ut Tidericus & ejus socij, qui ibi nominatim exprimebantur, pro ecclesia sua negotiis liberè ad ipsum irent & redirent, nec debere eos propter hoc quicquam gravaminis sustinere.* Vtrum autem hæc litera subreptitia fuerit, an vera, incertum est. Præpositus tamen propter illam nec plus nec minus patiens fuit, sed eodem modo semper æquanimiter toleravit. Tanta autem instantia coopersantibus amicis suis accusationem promovit, ut ad cognoscendam causam Princeps accedere cogeretur. Verum quod illo tempore inter ipsum, & filios Bernhardi Ducis avunculi sui *Henricum Comitem Aschariæ, & Albertum Ducem*, discordiæ vigebant, cavens, ne eorum pateret insultui, cum c & xxx militibus, die natali Apostolorum, Serenum montem venit, ita contra Præpositum animo concitatus, ut nullus dubitaret eum administratione removendum. Aderant cum eo Episcopi duo *Tidericus Mersenburghensis & Philippus Razispurgensis*. Aderat quoque fortis Præpositi adversatrix conjunx Marchionis, contra ipsum ob querimonias seminarum conversarum, quæ sorores appellantur, vehementer incitata, propter quoddam earum ædificium superfluum & nocivum, & de quo

quo non semel locus fuerat, infamatus, quod Præpositus destruxerat, in quo grave eum fecisse damnum ecclesiæ querebantur. Harum etiam apud Principem legatione *Tidericus* functus est. Quomodo non vir iste flagellum in se Dei cognosceret, contra quem etiam propter feminarum illarum deliramenta Principes commovebantur? Propter quod patientiæ semper studebat, ne malitiæ alienæ per impatienciam auctor existere videretur. Verum *Philippus Episcopus*, cum de toto negotio à fidelibus Præpositi plene fuisse instructus, vespere ad Marchionem accedens, eum diligenter de singulis expedivit, ostendens omnem eum motum illorum adversus Præpositum non ex zelo Dei, sed ex radice malitiæ principium ducere, eumque ab indignatione ex parte maximare vocavit. Veruntamen Marchio talia se de Præposito auditurum arbitrabatur, propter quæ non posset ab ejus gravamine temperari. Die sequenti Præposito cum fratribus in domo capituli congregatis Marchio cum Episcopis & tribus nobilibus *Guncelino de Crozuc* *Conrado de . . .* . . . & *Burchardo de Mansuelde*, & quibusdam ministerialibus intravit. Consedentibus autem omnibus, accusatores isti in medium procedentes, advocatione à Marchione petierunt *Ekkehardum Merseburgensem canonicum*, qui erat consanguineus *Tiderici* in quo etiam non parum, quia competenter literatus erat, confidere videbantur. Marchio respondens, inconveniens sibi videri, ut *Ekkehardus*, cui ignota esset regularis ordinis disciplina, causæ illius advocate existeret; eligerent potius unum de fratribus suis, vel ipso pro se, ut possent, melius loquerentur. Tunc frater ille senior jam dictus inquisivit; an secundum jus ecclesiasticum ei justitiam de Præposito se promitteret exhibere? Marchio audiens jus ecclesiasticum, veloci intellectu conjectit, quod erat verum, eos aliquid causæ criminalis objecare

M

ctare

pe
etare velle: & respondit, se confessionis audiendæ officium non habere, nec de peccatis sibi judicium usurpare, sed si de dispensio rerum suarum aliquid haberent dicere, ut hoc ad emendationem veniret, se modis omnibus cooperaturum. Illi vero protulerunt scripturam, accusationes Præpositi multiplices continentem, quarum aliquæ parum quidem rationis habebant, sed tamen malitiam accusantium non celabant: Quædam vero satis erant graves, sed ad Præpositum non pertinentes, licet ad eum violenter detorquerentur. Quis enim rectum sapiens, si, verbi gratia, Prælati cuiusque subditus quilibet ipso ignorantे, & quantum potest prohibente, fornicationem, vel aliud peccatum grave, commiserit hoc Præposito dixerit imputandum, ita ut pro eo ipse criminalis culpæ reus teneatur? Propter quod etiam audientibus cunctis accusationes illi valde displicuerunt, ita ut diceret, eos digne tali loco detrudendos, in quo solis aspectus eis per anni spatum negaretur. Omnibus autem objectis à Præposito dissolutis, cum etiam Marchio nonnulla ipsum præveniens improbaret, considerans illos ad hoc nisi tantum, ut, si fieri posset, Præpositus gravaretur; quia tamen de defectu præbendæ inter cætera non siluerunt, benigne Præpositum admonuit, ut de hoc quantum posset fratribus suis satisfaceret: tum quia ipsi hoc cotidiano Dei servitio mererentur, tum ut eis malignandi contra se accusationem de cætero amputaret. Cum vero etiam Præpositus de illis querimoniam deponeret, respondit Marchio, rectius eum de subditorum excessibus in capitulo suo tractare secundum sui ordinis disciplinam: sicque discedens illius colloquii finem fecit. Præpositus considerans proterviam sibi adversantium sua nutriti patientia, die altera fratres ipsos de his quæ contra ipsum & ecclesiam suam commiserant in capitulo arguere cœpit. Illi autem contra stimulum cal-

citran-

citrantes, ad præsentiam Marchionis appellaverunt, & contumaciter de capitulo recesserunt. Præpositus vero missis post eos fratribus benigne eos commonere studuit, ut se Deo pro suis excessibus humiliantes, ad pœnitentiam redirent, nec se à fratribus, suorum consortio amputarent. *Philipus* quoque Episcopus qui post discessum Marchionis in loco remanserat, à Præposito & fratribus rogatus, ad melius eos exhortando diutius laboravit. Sed cum admonitione nullatenus flecterentur, Præpositus consilio Episcopi excommunicationis contra ipsos sententiam promulgavit, præcipiens etiam eis vietualia denegari, sicque pariter ab Ecclesia recesserunt. Frater autem ille senior aliquantis evolutis diebus cum humilitate redditum petens, cunctis gratulantibus receptus est, licet rancorem conceptum usque ad finem visu fuerit tenuisse: Cæteri autem diversis Tiderici amicis eos colligentibus, hospitia mutantes diutius remanserunt. Inter hæc Præpositus duos de fratribus ad gradum sacerdotij promovendos *Alberto* Archiepiscopo Magdeburgensi destinavit, quod Tidericum non latuit, sed etiam ipse & duo ejus socij pariter affuere, rogantes Archiepiscopum & capitulum ne ordinarentur, dicentes, eos in suum judicium promoveri. Petebat autem pro eis *Albertus* Decanus, qui *VValthers* filij sui veterem adhuc videbatur in Præposito injuriam vindicare. Consilium autem capituli fuit ut Archiepiscopus missos ordinaret, quia si hoc propter istorum vanam suggestionem non faceret, isti secundum suum privilegium libertatem haberent à quocunque vellent Episcopo ordinari, quo facto tantum juris ei in illa ecclesia deperiret. Sicque remotis contradictoribus illi ordinati, & ab Archiepiscopo cum literis commendatitijs ad suam ecclesiam remissi sunt. Amici vero Tiderici minis multis Præpositum attentabant, qui etiam ab ejus injurijs, ubique ad eorum venisset præsentiam,

M e

sentiam,

sentiam, videlicet in placitis provincialibus, vel aliis locis, ubi eum diversari ecclesiæ suæ cogebat necessitas, minime temperabant. Sed cum ille propter hoc in nullo à sui rigore propositi laxaretur, cum nulla eis de Marchione fiducia remansisset, tandem ad preces convertuntur, primo quidem hoc obtainere volentes, ut absolute & sine pœna qualibet recipierentur, & Tiderico Hospitalis officium redderetur. Quod cum penitus impetrare non possent, tandem eo contenti furerunt, ut cæteris cum disciplina debita receptis, Tidericus tantum nudis pedibus & habitu nigro veniam petens, nihil pœnæ alterius sustineret. Post-inde autem multis pro eo potentibus, & præcipue Tiderico, Mersenburghensi Episcopo, Præpositus ei officium hospitalis reddere coactus est. Sed cum nec dum ab ejus vexatione ille quiesceret, tandem consilio habito eum in parochiam Illeburg destinavit, fratre, qui eam prius tenuerat in Hospitalis officio collocato. Tidericus Marchio Misnensis Marchiam orientalem pro xv. millibus marcis ab Imperatore redemit ex quibus x. millia solvit, quinque vero Imperator ei remisit. Hervigis Comitissa de Brene obiit xi. Cal Martij, sepultaque est in Ecclesia sua Brene, Pro eo oblatæ sunt beato Petro xv. marcæ.

Anno m c c x i. Conradus Hallensis Ecclesiæ Præpositus, cruce signatus ad partes trans-marinas proficiscens in itinere obiit in portu, qui Ancona dicitur: ubi & Albertus Decanus Magdeburgensis, & multi alii ejusdem peregrinationis socii, obierunt. Huic successit Poppo ejusdem Ecclesiæ canonicus. Gothefridas quoque Præpositus de Rezovve, administratione sua resignata, canonicus Sereni montis, ad claustrum quoddam sui ordinis Lenin nomine, non quidem in habitu, sed in loco specialiter sibi deputato manens, se constituit, ubi & mortuus est. Pro quo prædictus Poppo electus, & in præposituram, inductus, audita morte Præpositi Conradi

radī pedem retraxit, à voto sōrorum, & cura suscipienda in-
terim se suspendens, & attentans tam per se quam per alios,
si forte in ejus locum sibi daretur cōpia succēdendi. Quod
consecutus, suo promovit consilio ut Ecclesiæ, ad quam
primo electus fuerat, unus de suis Canonicis *Ericus* nomine,
quo libenter carebat, in Præpositū eligeretur. *Fridericus*
Nienburgensis Abbas obiit, cui succēdit *Gernotus*. Hic in
Ecclesia Elvvardisdorp nutritus, inde recedens *Nienburg*
hospes collectus est. Vbi cum pueris aliquandiu præfuisset,
à *Friderico* Abbatte in capellānum aſſumptus, & ab eodem
Præposituræ officio prælatus, ei in abbātia advena successor
factus est. *Otto* Imperator cum in consecratione sua, ut fi-
eri solet, jurasset, se bona Imperij conservare, & à quolibet
detenta repetere velle, *Viterbium* & quasdam alias civitates,
quas antecessores sui beato Petro contulerunt, hac ratione
cepit impetrare, quas etiam multis & gravibus damnis affecit.
Præterea *Henricum* Regem Siciliæ, *Henrici* Imperatoris filium,
persequi & expugnare aggressus est, cumque regnum suum
de manu ejus accipere compellebat. Pro his causis ab *In-*
nocentio Papa excommunicatus est. Fertur autem, cum in
Siciliā moraretur, somnium vidisse, quod ursus parvulus
lectum ejus, cum ipse in eo quiesceret, ascendisset, qui pau-
latim ita crevit, ut ipsum de lecto eiiceret, & solus lectum
occuparet. Quod cum fidelibus suis retulisset, ipsi hoc su-
per eodem Rege Siciliæ interpretati sunt, quod videlicet
pro eo esset imperium habiturus. *Iohannes Sereni-montis*
Præpositus ex multa animi turbatione, cuius ei cottidiana
sibi adversantium insultus causa fuerunt, ægritudinem in-
currēns decubuit. Cumque dietim deficientibus in eo vi-
ribus morbus augeretur, sciens pulsanti Domino aperiendū
esse, ad mortem æquanimitate ex ipsius voluntate per-
ferenda se studuit præparare. Cui etiam hoc præsentis vi-

tæ tædium generaret, quod cùm per eos, cùm quibus, & pro quibus, salvari sperandum ei fuisset, ad salutis periculum duceretur. Deinde memoria retinens, quoniam iudicabit Dominus extrema terræ, hoc est, unum quemque hominem, secundum ea, in quibus eum finis invenerit: facie. n ejus devota & fideli confessione præveniens evocatis ad se fratribus, omnes generaliter, deinde nominatim eos, quos adversarios habuerat, soliciter rogavit, ut ea, in quibus per ipsum aliquando gravati fuissent, pro vera caritate ex corde sibi remittere dignarentur, quod ei se facere fideliter testabatur, ac eum sacri olei unctione & Christi corporis communione ad communem exitum præpararent. His cum deyotione debita consummatis, vestiri se petiit & calciari, sicque à circumstantibus a lecto levatus, ipsis juvantibus supra cilicium cinere aspersum sternitur, in eo suæ vocationis horam desiderans exspectare. Cum vero in hoc stratu pernoctasset, & die sequenti per signa sudoris erumpentis evasurus speraretur, fratribus rogantibus in o cogentibus, ad lectum reduci se permisit, qui ejus salutis desiderio tenebantur. Tempore vero non longe ante hoc exacto, aliud in eo malum apparuerat, à quo tamen per Dei gratiam medici fidelis adjutorio liberatus est. In toto enim corpore, etiam in volis pedum, cutem per loca crebra rumpebat, & ipsæ rupturæ sanie plenæ quasi cauteria videbantur. Febre itaque per sudorem terminata, nasus ab interiori parte paullatim nigrescens, in hoc malo toius occupatus, & omnino à capite separatus, magnæ deformitatis spectaculum intuentibus exhibebat. Nec deerant etiam medicinæ artis periti qui veneni hæc esse signa manifesta testarentur. Igitur cum infirmari Præpositum Illeburg nunciatum fuisset, Tidericus statum ejus cotidianis nuncijs studuit explorare, quem desperari audiens, ipse quoque personaliter advenit, & o-

lim

Im sibi attēntato negotio nunc totis viribus insistebat, multis & diversis promissionibus, parti suæ fautores conciliando; quorum etiam rebus prospere cedentibus in tantum auctus est numerus, ut pene adhuc Præposito vivente consideret se eligendum. Verum, cum, sicut dictum est, febre liberatus, naſo perditō victurus crederetur, hoc ei præ crimine cœperunt obijcere, dicentes se nolle habere Præpositum denasatum. In quo tamen divinæ voluntati, licet diuersa fuerit voluntatum qualitas, concordabat. Nam quod Deus quoque justa & bona voluntate non esse diutius Præpositum voluerit, declaravit, quem tertio illius mutilationis die ab hac luce subtraxit. Obiit autem feria quartahora vespertina die martyrum Perpetuae & Felicitatis; atque utinam ad perpetuam abierit felicitatem. Sedit annis III, mensibus XI, diebus IIII, sepultus vero est à Poppone Præposito in dextera *Waltheri* Præpositi fratris sui. Hujus temporibus *Fridericus Comes de Brene* propter rancorem, quem de Ecclesia *Niendorp* habuit, quædam bona in villa *Lubarisdorp* & locis vicinis, quæ ecclesia *Sereni-montis* diu possederat, cœpit repeteare, dicens, ea suæ proprietatis esse, & sine suo consensu vendita fuisse. Pro his dedit ei Præpositus L. marcas. Ab eodem Comite emit tres mansos pro LXX. marcas. Magnam etiam partem pecuniae, quam *Rodolphus* Præpositus pro villa *Niendorp* reddere tenebatur solvit; & inter hæc domi omnibus bonis abundavit.

Post humationem *Iohannis* Præpositi die sequenti, quæ fuit sextaferia septimanæ *Letare Ierusalem*, fratribus in capitulo collectis, Prioris hoc fuit consilium, ut exhortatio & electio, donec post solemnitatem Paschalem differretur, ne forte ejus occasione aliqua inter ipsos turbatio in sacro tempore proveniret. Sed illi qui de *Tiderico* eligendo jam concordaverant, isti consilio non consenserunt. Sicque ad eorum

rum instantiam electione facta fratres inter se divisi sunt. Prior enim & alij cum eo xii. unum de fratribus *VVichnandum* nomine elegerunt. Erant autem isti, qui *Iohanni Praeposito* usque in finem familiarius adhaeserunt: alii omnes vicenarium numerum excedentes, multiplicati enim erant super numerum, *Tidericum* elegerunt. Iste nihil aliud, nisi electionem suam ipso jure roboratam indissolubilem judicantes, partem alteram, utpote infirmam, ad consensum suum deflectere conabantur, & instanter hoc agebant, adeo ut simul omnes coram illo procedentes eos ab electione sua quæ stare non posset, cedere postularent. Illi vero cum eis similem reverentiam exhibuissent, similia ab eis petentes, verentes tamen, ne numero confisi aliquid violenter agerent, electionem suam appellatione sua interposita munerunt, & ita ab invicem recesserunt, uno ex eis, qui *Tiderico* à primo conatu suo cooperatores extiterant, dicente: ut considerarent, quod electus ipsorum vir talis, & cuius parentibus hac occasione ecclesiæ obligatis, bonum maximum incommune eis procuraturus esset, jam tertio ab illis maxime, à quibus etiam nunc conventus, rejiceretur, ea sola causa, quia scirent, se potestate, qua haec tenus super eos injuste se extulissent, faciente ejus justitia carituros, & ut pro his etiā indignari addiscerent, quod illi pauci tot inique opprimere molirentur. Alter vero hoc electum suum admonebat, ut memoria retineret, non idcirco eum ab illis electum, ut cum illi honoris causa extiterint, postmodum confirmatus nunc sibi adversantes in dignitatibus & commodis agere, se autem privatos & abjectos vivere patiatur. Erat autem in parte altera Prior, & proximus eius senior Parochianus capellæ veteris, Hospitalarius qui electus, Custos, Cellerarius, Parochianus de Numic, Parochianus de Zaubicke, ad quorum officia plerique istorum aspirabant: nonnulli autem ipsorum

non

non propter ista sed pro solo odio quorundam fratum alterius partis in electione Tiderici consenserant, scientes eum Præpositum factum occasione inventa ab eorum gravamine nullatenus abstinere. Talibus causis, scilicet spe commodi vel honoris consequendi, & pro privatis odijs vindicandis, vir ille electus; neque enim Dei caussa eligi potuit, qui Dei timore semper vacuus, & dominandi cupidine plenus fuit. Talem enim fuisse nulli melius quam electores sui noverant, sed eis ob causas prædictas maximè idoneus videbatur. Miror autem considerantibus electionis rationem, si non horrenda videtur ejusmodi electio. Eligere namque aliquid, est ipsum optimum judicando è numero aliorum legere, id est tollere. Verbum vero electionis simile est verbo jurationis. Cum enim dicitur: *In nomine patris & filii & Spiritus sancti, eligo talem in patrem spiritualem & Præpositum*: tale est, ac si diceretur: *dico per Patrem Filium & Spiritum sanctum, talem optimum hominum mihi videri ad ecclesiam regendam, tam in spiritualibus, quam in temporalibus*; ut pater spiritualis ad spiritualium, Præpositus ad temporalium, provisorem pertinere videatur. Quamvis in communis sermone nomine Præpositi utrumque intelligere soleamus. Propter hoc vaassumenti nomen Dei summi in vanum, & per invocationem tanti nominis aliud quam gloriam Dei querenti, & ob hoc inutilem & nonnunquam noxiā scienter electionem facere non timenti. Verum isti licet finem causæ magnoperè desiderarent, tamen usque ad Pascha quieverunt. Interim diversis Tiderici amicis partem alteram attentantibus, si ad compositionem faciendam eos vellent admittere, non consenserunt: sed unum de numero suorum feria III. Palmarum ad Tidericum Marchionem destinantes rogabant, ut eis & ecclesiæ suæ in hoc negotio provideret, electionem alteram impediendo, cum & ipse virum illum ad regimen ecclesiæ minus idoneum non ignoraret,

N

ignoraret, quod etiam Marchio fatebatur. *Tidericus* vero, me-
tuens ne conatus ejus per Marchionem impeditetur, die Pa-
rasceve ad Priorem accedens dicebat, se cum dolore pensare,
diuturnitatem illius dissensionis valde damnosam esse, se
omnino ad rei finem tendere & *Tidericu*m Merseburgensem
Episcopum, ut fini adesset, invitare velle; petebatque ut lite-
ras invitatorias sigillo ecclesiae sigillaret. Prior vero nihil
aliud his verbis significari credens, nisi quod ab electione
cedere vellet, & se consilio Episcopi submittere, literis illis
sigillum apposuit: quod ille callide consecutus, fratribus
alterius partis ignorantibus, ad secundam feriam Paschalem
Episcopum ex parti capituli invitavit. Eo tempore *Alber-*
mus Archiepiscopus contra Imperatorem sedis Apostolicæ le-
gatus fuerat constitutus, ad quem duo de Electoribus Tide-
rici venientes petebant, ut parti ipsorum adjutor fieri digna-
retur. Quo, de modo adjutorij ab eis inquirente, talem
modum suggesserunt, ut electo ipsorum curam porrigeret,
eique preposituram confirmaret, quia hoc eum ratione le-
gationis suæ posse facere videretur. Archiepiscopus respon-
dit: se non ignorare quantum juris in ecclesia ipsorum ha-
beret, et si hoc ipsi forsitan scire nollent, nec aliqua ratione
jus sibi summi Pontificis usurpare.

Anno M CC XII. *Tidericus* Merseburgensis Episcopus, à
capitulo Sereni-montis se invitatum credens, feria II. Paschæ
ad locum venit. Eo anno solemnitas Paschalis evenerat
in die Incarnationis Christi, Die sequenti, hora diei tertia,
omnes *Tiderici* Electores, adjunctis sibi pluribus laicis, fra-
tres, qui omnes in parte ipsorum sentiebant, ad Episcopum
convenerunt, petentes, ut numerositate eorum considerata,
electioni ipsorum favorem suum impenderet, addentes se,
quod jure facere deberent, in facto suo velle præcedere,
electo suo solemnitatem debitam impendendo. Episco-
pus autem

autem hoc non esse sui consilij dicente, nimis stultè eos agere, & ut quiescerent potius exhortante, illi ab eodem recesserunt, & eodem itinere claustrum ingressi secundùm quod ipse electis eis ordinaverat, assumitis scolaribus, quorum magister partis ipsorum erat, elevatis in cantum vocibus, electum suum ducentes, ad Ecclesiam festinabant. Quorum unus, qui tamen præcipuus negotij executor fuerat, nescio unde corde motus, alteri cuidam loquens, *vererisē* dixit, *ne ille sublimis cantus flendi eis causa fieret.* Tantus autem fuit eorum impetus, ut per duo ostia ecclesiæ, quæ ad claustrum ducunt, simul irruerent, processionis ordine non servato. Custodes etiam tam ad ostia quam ad signa de suo numero, ne quod à parte altera impedimentum surgeret, & unum fratrem laicum in pulpito, qui populum ad Dei laudes pro electo sibi Præposito commoneretur, & ipse primus canere inciperet, ordinarunt. Sicque clero & populo concurrente, & signis consonantibus *Tidericus* ad faciem patroni ante altare producebatur. Inter psallendum verò clericorum dextrum, & laici fratres sinistrum chorum tenebant; quod monstrum nunquam prius in ecclesia visum est. Ad quod tamen figurandum istos fortassis antiquum Romanorum induxit exemplum, qui aliquando pro sui paucitate servos ad militiam assumere sunt coacti, licet isti legitimarum personarum numero abundarent. Fratribus sane laicis in electione Prælatorum nihil unquam juris fuit: nec ad solemnitates hujusmodi admittebantur, tantum electo simpliciter obedientiam promittebant. Verum isti numerum extrinsecus tantopere requirentes, parum se de causa suæ justitia confidere declarabant. Fratres vero alterius partis, etsi possent, nihil tamen ineptè contra agere molientes, quidam turbati se subtrahebant, quidam vero illis admixti finem negotij exspectabant. Episcopus præsentiam suam supervacuum esse considerans, & se fraude quasi ad spectandam in-

epiam invitatum intelligens, graviter tulit, & refectione festivè percepta discessit. *Tidericus* itaque omnibus suis fœminis etiam sororibus, per quas non parum adjutorij parti ejus accessit, voto sibi obligatis, de cætero pro Præposito se gerebat. Denique Cellerario missō nuncio mandabat, ut claves cellarij & coquinæ, quas ille remotis corundem officiorum fratribus, tulerat, sibi præsentaret. Quod cum ille renueret, alium pro eo Cellerarium ordinavit, sic quod per biduum in Præpositi dignitate se exhibens feria quinta *Ileburg* profectus est. Nuncius interea hujus solennitatis ad fratrem illum, qui alterius partis legatione apud Marchionem fungebatur, & nec dum ab eo recesserat, directus est. Marchio statim rumore comperto fratrem ipsum ad quendam fidelem suum *Tidericum de Sladebach*, qui ab eo tempore castrum *VVittin* tenebat, destinavit, mandans ei ut personaliter accedens ad locum, omnia quæ à *Tiderico* innovata fuerant, irritaret, ipsumque ab omni præpositi excluderet potestate. Mandaverat etiam omnibus ejus fautoribus victualia denegari, à quo eum frater ille, ne hoc majoris discordiæ causa fieret, revocavit. Ille itaque juxta mandatum adveniens novum Cellerarium ab officio removit, vetere restituto. Cui etiam claves curiæ Præpositi præsentari fecit, rebus *Tiderici*, quæ illic erant comportatae, exportatis, fratribus etiam laicis in officijs constitutis præcepit, ut si gravamine carere vellentei & non alteri obedirent. Hac itaq; mutatione facta *VVittin* reversus, unum post se servorum suorum relinquens, per quem, si quid novi surgeret, scire posset. His autem *Ileburg* nuntiatis, *Tidericus* videns difficultatem sibi factam, ab accessu claustrí interim sibi abstinere melius judicavit. Veruntamen quidlibet adgredi quam ab incepto cedere, apud se irreocabiliter diffinivit. Nec defuerunt inter hæc fratribus in claustro constitutis contentiones & pugnæ verborum, his qui erant

rant partis ejus hoc fixe proponentibus, quod si corum Præpositum aliquid, quod non sperarent, à Marchione pati contingeret, nequaquam se ab alterius partis gravamine temperarent. Consilio itaque fratris sui Henrici Mersenburghensis Præpositi & aliorum quorundam amicorum animum Marchionis per Ekkehardum Mersenburghensem Canonicum suum consanguincum attentare cœpit, si eum ad suum consensum posset aliquo modo inclinare. Quid multa, flexus Marchio Priori mandavit & capitulo, ut in Dominica qua cantabatur, *Jubilate Deo*, sex de partibus singulis Lipzke ad ejus præsentiam mitterentur, cum quibus de causa Præpositoræ tractare vellet. Prior partis suæ quinque senioribus fratribus secum assuntis prospectus est. Tidericus verò duobus tantum junioribus domi relictis alijs omnibus suis comitatus venit. Episcopi qui cum Marchione aderant, *Engilhardus* Nüenburghensis, & *Tidericus* Mersenburghensis de verbo Marchionis à paribus exegerunt. Quo compromisso collocuti Marchioni redierunt, *Tidericum* Præpositum esse debere ex arbitrio pronunciantes, & ut ab eis qui essent præsentes alterius partis in continentि eligeretur præcipientes, quod sic factum est. Episcoporum sane alter Mersenburghensis, postmodum hujus arbitrij non parum pénitens, pro voluntate Marchionis sententiam se tulisse, cuidam familiarium suorum confessus est, eumque pro consensu suo accepisse pecuniam testabatur. Ipse etiam Marchio, eo tempore quo *Ekkehardus* apud eum negociabatur, cuidam clericorum suorum lx. marcas sibi pro Præpositura Sereni-montis quasi jocando retulit oblatas fuisse. Idem annis singulis vinum, quod fratribus superesse poterat, emere solebat, ex quo mercatu tempore quo *Johannes* Præpositus obiit fere ccc. marcas reddere tenebatur. Cujus debiti cum ejus *Conradus* Episcopus de Sichem petente capitulo postea commo-

N 3

meret

neret, totum sibi dimissum esse respondit. In ipso autem instanti quo arbitrium promulgandum fuit, cum cunctari aliquantum Marchio videretur, & familiares ejus secreto cum Tiderico crebro colloquerentur, frater ille senior, quem Tidericus a familiaritate Johannis Praepositi averterat, cuius erat nomen Hartmodus, suspectum habens negocium, ansa familiaritatis quæsivit ab eo, quæ esset causa horum colloquiorum, & pro qua re Marchio cunctaretur. Ille autem, tum pro reverentia, viri tum etiam inquisitionis instantia, verba quibus veritatem convenienter palliaret non inveniens, ægrè quod verum erat respondit, causam, prout vellit, terminari non posse nisi in continentia c. marcas Marchioni promitteret sed daturum. Hæc frater ille post modicum, rebus inter ipsum & Praepositum aliter quam tunc se habentibus, fatebatur. Uxorem etiam Marchionis & quosdam familiares ipsorum expertes donationis non fuisse compertum est. Sed has omnes difficultates Henricus Mersenburghensis Praepositus, utpote vir literatus & prudens, breviter solvit, dicens: *fratrem suum non Praeposturam, sed gratias comparasse Marchionis, pecunia.* Viderit tamen ipse utrum recte appellaverit gratiam, non gratis datam. Tidericus itaque Praepositus confirmatus, habens in Comitatu Eccehardum Marchionis nuncium, domum venit, collectisque fratribus ejus qui de parte altera restabant, idem nunciis verbis Marchionis præcepit, ut in electione alijs concordarent, aut de loco ipso sibi emigrandum cognoscerent. Illi confortio fratum suorum carere malum maximum judicantes licet contra suam conscientiam, eligere quam recedere maluerunt. Poterat Ecclesia Sereni-montis alterum æquè fortassis utilem & minori constantem pretio Praepositum habuisse: si non æquissimus ille rerum ordinator hujus importunitate victus, atque utinam non iratus, hoc nomen eum sequi permisisset,

Albertus

mas Albertus Archiepiscopus Apostolicæ sedis legatus Imperatorem crebro excommunicatum denunciabat, & ne quis eum Imperatorem appellaret, sub pena excommunicationis prohibebat. Nec verò Imperator ei parcerat, omnia quæ illius & suorum erant quantum poterat devastando, quamvis & ipso nonnunquam ex parte Episcopi damni aliquid pateretur. Tanta autē fuit & hujus in denunciando, & illius in devastando, constantia, ut rectè quidam dixisse laudetur: *quod Episcopus Magdeburgensis ab Ottone Imperatore & Alberto Archiepiscopo constructus, ab Ottone Imperatore & Alberto Archiepiscopo destrueretur.* Äquivoci enim erant constructores & destructores: licet Archiepiscopus non aliunde destructor fuerit, nisi quod occasionem præbuit destruendi. Eo maximè tempore Ecclesia Magdeburgensis Ludolfi Archiepiscopi sensit industriam in ædificatione castri Hunoldisburg, quod præcipue excursus Brunsvicensium frenabat. Imperatore itaque, ut solebat, devastante Magdeburg adjacentem provinciam, Episcopus militibus collectis cum eo congregari tentavit. Imperator talium peritissimus, cum & audacia & corporis viribus parem non haberet, adventu hostium cognito paulatim cessit, eosque insequentes longius à civitate protraxit. Deinde cum impetu ad eos convertens omnes in fugam convertit ecc. ferè militibus captivatis, quæ pugna maximum Episcopo damnum procuravit: cum ipse pro captivis solvere cogeretur: & Imperatore, quicquid solvere poterant, ab eis non negligenter extorquentे.

Anno M CC XIII. Cum Ecclesia Hilseneburg Abbatem careret, Albertus Archiepiscopus ratione legationis suæ, quia Fridericus Halverstadensis Episcopus, Imperatori favens, excommunicationis jugum ferebat, in cuius diœcesi est illa Ecclesia, Hartvicum Pigaviensem Monachum ei Abbatem dedit. Quem cum monachi recipere nollent, Archiepiscopus

piss:

pus eos excommunicationis vinculo innodavit. Sed cum difficile inveniri potuisset, timore Imperatoris, qui ipsius sententiæ literam Hilsenæburgensibus exhibit, Hartuicus cognatum Henricum de Rekkin Sereni-montis Canonicum cum ad se tacito negocio vocavit, quem permittente Præposito ad se venientem cum eisdem literis destinavit. Qui exhibitis literis factione monachorum captus, & suis omnibus expoliatus est. Interim monachi misso cum suis literis nuncio, Tiderico Præposito de Henrico conquesti sunt, quod Ecclesiam suam exhibitione illarum literarum, ad perturbationem maximam produxisset. Præpositus occasionem non negligens, (nam Henricus unus fuerat electioni suæ adversantium) eum, cum in castro Vernigerode captivus tenetur, communione sua suspendit, & ab ingressu claustris, si redierit, arceri jussit; cum tamen regula nusquam aliquem à societate fratrum projici jubeat, nisi quis peccans emendatoriam vindictam non curaverit sustinere. Henrico vero cum pace redeunte, Præpositus eum ab ingressu claustris prohibere conatus est. Quod cum implere non posset, eò quod plures de fratribus ei faverent, districte cum præcepit ab omnibus evitari. Cujus motum ille mitigare cupiens, nudis pedibus in veste nigra scopam ferens, cum Priore & quodam alio fratre seniore, pedibus ejus prostratus petebat, ut si quid peccasse ostensus fuisset, de hoceum in claustro poenitentiam agere pateretur. Præpositus verò nihil his mitior factus, cum ille à claustro abesse nullo modo consentiret, egit ut per Hartmannum quendam villicum Marchionis ab Ecclesia pelleretur. Qui veniens, & cum armatis claustrum ingressus, hora refectionis Henricum de refectorio protractum, extra claustrum à suis servientibus educi fecit: sicque ille discedens magnam fratribus tristitiam dereliquit, cum etiam eos, qui ei faverant, gravari à Præposito contigisset.

Erat

Erat autem studium ingens his qui Præposito adhærebant, ut eos, qui in electione diversæ partis fuerant, à suo confortio removerent, in qua intentione etiam eis Præpositus concordabat. Henricus itaque à *Sifrido Pegaviensi* Abbatे patruo suo receptus, Archiepiscopo quam paſſus erat injuriam initiauit. Archiepiscopus vero, legationi suæ contumeliam in hoc irrogatam affirmans, cum occasione facti sui gravari illum contigerit, Præpositum de receptione ejus crebrò studuit commonere. Sed cum nec monendo nec petendo quicquam proficeret, ejusdem legationis auctoritate excommunicationis contra eum & quosdam collaterales ipsius, qui maximè ei in hoc factō cooperatores extiterant, sententiam promulgavit.

Anno M CC XIV. *Henricus de Rēkkīn Sereni-montis Canonicus* expulsus, causæ suæ oportuno tempore captatæ in Sabbato Paschali Præposito ad benedictionem foris astante venit, & prius appellatione interposita literam Archiepiscopi excommunicationis sententiam continentem ei porrexit, quam cum ille non reciperet, ministris simul adstantibus & post eos singulis fratrum exhibere curavit. Nulla autem eam recipiente, ipse in medio Ecclesiæ stans, excelsa voce recitare cœpit, Præposito è diverso benedictionem foris sublimiter pronunciante : *Intellectum tamen est quid illa litera contineret.* Post recitationem *Henricus* exiit, & finito baptismo officio Præpositus ad pulpitum eum excommunicatus excommunicavit, & omnes ei consentientes, credens aliquos fratrum hujus facti consciós extitisse. *Henricus* autem extra Ecclesiam occultatus, explorabat, utrum Præpositus post sententiam celebraret : de quo certificatus itinere suo discessit. Familiaribus verò Præpositi consilium dantibus, sequenti secunda feria *Magdeburg* ad præsentiam Episcopi veniens, ad cautelam absolvit.

Q

vit.

vit. Quem ille iuxta formam Ecclesiæ absolví fecit, sed præstito juramento: absolutoque, ut Henricum reciperet, præcepit sub debito juramenti, quod ipse minimè complevit. Henricus cum literis Archiepilcopi, causam suam Papæ significantibus, Romam profectus judices contra Præpositum impetravit. Eo tempore, indicio ab Innocentio Papa Romæ generali concilio, universi Ecclesiarum Prælati ad profectionem se parabant. Præpositus vero sicut & plerique alii ad concilium prævenire cupientes, ut cōmodior ei copia fieret sua negotia promovendi, cum à judicibus Henrici citatus fuisset, appellavit, & copiosa sumta pecunia Romam profectus est. Et de causa quidem appellationis apud summum Pontificem siluit: referebat autem, se subditum quendam habuisse, qui cum officium cellararii sibi contra ejus voluntatem usurpare voluisset, & ex hac causa lites concitare cœpisset, ipse eum à consortio stratum & ab Ecclesia rejecisset: petebatque, ut si talis ad ejus veniret præsentiam, accusacionem ejus non reciperet, sed potius eum ad Ecclesiam suam compelleret redire, quia eum pœnitentem recipere paratus esset, meruens ne, si Henrico audience data fuisset, ejus ineptiæ publicarentur. Et ut efficaciter, quod intenderat, consummaret, Notarium quendam non parva conductit pecunia, ut huic negocio præcesset, & se Henrico, si veniret, pro se adversarium exhiberet. Cui etiam alium Marchionis Clericum de Niendorp, qui præsens erat, & post eum in curia remanebat, adversarium ordinavit. Aliorum autem quæ petiunt nihil potuit impetrare. Erant autem hæc: ut in die dedicationis Ecclesiæ sua populus adveniens indulgentiam haberet: & ut Papa ei unum Episcoporum terra sua, quem eligere maluisset, vice sua judicem ordinaret: & ut ei in causis Ecclesiæ sua excommunicandi concederet potestatem. Præpositus à quia recedens, Henricum se in sequentem Bolonia invenit, missoque

soque ad eum quodam civitatis magistro, tentabat si cum eo in concordiam redire posset: in quo ille nulla ratione volebat consentire. Cum vero in præsentiam Apostolici venisset, volens Papa ut ad Ecclesiam suam rediret, literas, per quas restitueretur, suggeste Præpositi notario dari ei præcepit. Henrico autem instanter audientiam sibi dari postulante, Papa motus ejus instantia & causa cognita jussit, ut literas datus domibus scinderet, quod literis cassatis fieri solet; jam enim, alijs etiam referentibus, de statu Ecclesiæ Sereni-montis Papa cognoverat, & Henricum de singulis subtiliter interrogabat, ita ut expressè de nemore monti proximo, quod Præpositus nimis damnosè incidi & vendi fecerat, an ita esset percunctari studeret. De omnibus autem, quæ ille vera fatebatur, juramento sibi fidem facere compellebat, ac sic demum literas ei dari mandavit, quibus Præpositus redire ad concilium cogebatur. Alias etiam pro Abbate Pigaviensi contra Marchionem literas impetravit. *Arnoldus* vero Clericus Marchionis impedire eum volens & non valens, de eo quod adversatus ei fuit let pœnitentiam agens, reconciliari cum sibi humiliter postulavit. *Henricus* de partibus rediens Trans-alpinis *Heripolim* venit, ibique *Arnoldum* qui se præcesserat invenit. Cumque inde recederet, priusquam *Pigaviam* pervenire potuisset, ejus *Arnoldi* traditione ab hominibus Marchionis captius, & suis omnibus spoliatus atque in castro *Hagenesberg* incarceratus, aliquamdiu detentus est. Et hic casus Præpositum à necessitate redeundi ad concilium liberavit.

Tempore quo Præpositus Romam proficisci parabat, & cum eo *Villehelmus* Cillensis Præpositus, *Tidericus* Marchio *Zurbeke* constitutus, eis, ut in die profectonis suæ ad se venirent, mandavit, intendens ut ablatis omnibus quæ haberent, eos ab itinere prohiberet, quoniam hujusmodi

modi expensas supervacuas asserebat. Præpositus conatus
ejus per quosdam suos amicos cognito, diem profectionis
præveniens, solus ad eum accessit, diuque ei familiariter
collocutus, eum ad suum placitum inclinavit. Exiit au-
tem talis rumor quod xl. vini carratæ, quas Marchio de re-
centi solvere tenebatur, Præposito licentiam impetrassent.
Denique cum post profectionem ejus Prior & capitulum
unum de fratribus pro quibusdam Ecclesiæ caussis ad prin-
cipem destinasset, ille rumoris veritatem explorare cupiens,
eum tam deveteri quam de novo studuit commonere. Mar-
chio respondit se totum debitum persolvisse: quod autem
nec ante, nec post solverit, & quod Præpositus nunquam
exegerit, certum est. Imperator cum Rege Franciæ pu-
gnâ commissâ victoriam perdidit, multis ex parte ejus ca-
ptis, & plurimi ex utraque parte occisis: ex quo tempore
nomen Teutonicorum satis constat apud Gallicos viluisse.
Vernherus de Ecclesia S. Mauritij, Hallensis primus Præpo-
situs, *Lipzke* missus est. In civitate Hallensi factus est con-
cursus ex hujusmodi caussa. Presbyter quidam ex vicarijs
parochiani Ecclesiæ forensis, *Petrus* nomine, egit arte quam
ipse noverat, ut ad imaginem quandam crucifixi, quæ in
ipsa erat Ecclesia, sanitares conferre ægris adventantibus
putaretur. Quo rumore diffamato, provinciarum omni-
um circumiacentium populis ad civitatem confluentibus,
tanta fuit offerentium multitudo, ut infra paucos menses,
quibus illa duravit insania, præter oblationes ceræ, supra
cl. marcas sit sacrificium computatum. Ex his cesserunt
in partem Archiepiscopi, ut fertur, lxx. marcas, reliqua in
uifus Ecclesiæ Novi operis sunt recepta. In tantum vero eti-
am prudentes viros eadem delusio dementavit, ut non so-
lum *Popo* Præpositus assidua prædicacione virtutes quæ ibi
sierent, populis intimaret, & contradicentes vel irridentes
post

post excommunicationis quoque sententiam prohiberet : sed etiam *Conradus de Sichem* horum veritati publicè in suis sermonibus testimonium perhiberet. Interim servitii sui tempore exacto, Presbyter à civitate recessit, & omnis ille virtutum effectus cum eo pariter emigravit. Constat enim nihil ibi talium postmodum accidisse.

Anno M C C X V . *Fridericus rex Aquisgrani die beati Iacobi coronatus est & cruce signatus. Christianus primus post beatum Adelbertum genti Prutenorum Episcopus consecratus est. Tidericus Episcopus Mersenburghensis mortuus est IIII. Idus Octobr. pro quo ex arbitrio *Conradi Episcopi de Sichem*, & duorum Canonorum Mersenburghensium, *Ekkehardus ejusdem Ecclesiae Canonicus electus est. Oratorium S. Augustini in Sereno-monte dedicatum est à Conrado Episcopo de Sichem v. Idus Octobris. Synodus Universalis Romæ in Ecclesia Salvatoris, quæ *Constantiniana* vocatur, mense Novembri celebrata est, Præside *Innocentio Papa III. Pontificatus ejus anno XVIII*, in qua fuerunt Episcopi CCC XII. inter quos erant Patriarchæ duo, Constantinopolitanus & Hierosolymitanus. Antiochenus languore detenus misit suum vicarium Anteradensem Episcopum. Alexandrinus, sub Saracenorum dominio constitutus, fecit quod potuit ; misit pro se Diaconum germanum suum. Primates autem & Metropolitanani fuerunt LXXI. Abbates & Priors ultra DCCC. Absentium vero Archiepiscoporum & Abbatum non est numerus comprehensus. Legatorum verò regis videlicet Siciliæ in Romanum Imperatorem electi, Imperatoris Constantinopolitani, Regis Franciæ, regis Hungariae, regis Hierosolymitani, regis Cypri, regis Arragonensis, nec non aliorum Principum & magnatum & civitatum, aliorumque locorum ingens affuit multitudo. *Sifridus Abbas Pigaviensis Henrico de Rekkin Montis-Sereni Canonicō expulso in concilio***

O 3

com

commissionem obtinuit, cuius exemplar h̄ic inserere libuit
pro testimonio veritatis. Innocentius Episcopus servus servorum
Dei dilectis filiis Praeposito S. Nicolai A. Cellerario & H. Canonicō Mag-
deburgensi salutem & Apostolicam benedictionem. Cum olim ex lite-
ris venerabilis fratri Alberti Magdeburgensis Archiepiscopi Aposto-
licae sedis legati, quam ex conquestione dilecti filii Henrici Canonicī
Ecclesiae montis Sereni Magdeburg. diocesis, nostro fuisse Apostola-
tui referatum, quod Tidericus ipsius Ecclesiae Praepositus eundem Hen-
ricum, pro eo quod nostras & ejusdem legati detulerat literas, ab ea-
dem Ecclesia turpiter expulisset, faciens quosdam laicos ad h̄ac spe-
cialiter convocatos in eundem manus inycere violentias, & quosdam
de fratribus suis, quia noluerunt tyrannidi consentire, punire gra-
viter presumisset, & insuper cum complicibus suis, post excommu-
nicationem a prefato legato pro ipso in eisdem prolatam, divina non
fuisse veritus officia celebrare, quodque, postquam à jam dicto le-
gato fuit iuxta formam Ecclesiae absolutus, memoratum Canonicum
ad suam Ecclesiam revocare nullatenus voluisse, licet hoc iſi ab eo-
dem injunctum fuisse sub debito prestiti juramenti, vobis dedimus
in mandatis, ut si res taliter se haberet jam dictum praepositorum ut
Canonicum memoratum benignè recipere & tractaret, monitione
præmissa per censuram Ecclesiasticam appellatione remota compellere
cureis, t̄ ſi & complicibus ejus pro prefatis excessibus pœnam Ca-
nonicam nihilominus inflicturi, ut ea docente cognoscerent, quod
temerarium esset contra stimulum calcitrare. Cum autem, ſicut ex
veſtrarum intelleximus continentia literarum, Praepositorum ipſum
auctoritate mandati nostri peremptorie citassetis, ut veſtro ſe conſpe-
ctui praesentaret, jam dicto Canonico ſuper his que præmisimus re-
ſponsurus ipſe nec venit nec pro ſe mihi idoneum reſponsatem, verun-
tamen quidam Clericus, nullis tamen exhibitis literis, comparuit
coram nobis, qui pro eo à vobis in nullo gravato ſedem Apostolicam
appellavit. Licet autem appellationem ipſius reputassetis frivolum &
ignancem, quia tamen intellexistis, eundem ad ſedem Apostolicam ac-
ceſſiffe.

cessisse, ut in præsentia partium plenus veritas appareret, jamdum cum uestris Canonicum literis processum uestrum continentibus ad nostram præsentiam transmisisti. Nos igitur ejusdem Canonicorum comparientes laboribus & expensis ipsum ad vos duximus remittendum, per Apostolica vobis scripta mandantes, quatenus si res ita se haberet ad locum & beneficium suum restituente eundem, non permittatis ipsum super his à quoquam indebitè molestari, nihilominus Præposito à dictis & suis complicibus de illatis injurijs sibi competenter sati fieri, facientes contradictiones per censuram Ecclesiasticam appellatione postposita. Ceterum quoniam Præpositus memoratus de Simonia, dilapidatione, perjurio & alijs multis criminibus dicitur infamatus, & quod etiam excommunicatus divina celebrare presumserit, ac insuper ante confirmationem à nobis obtentam administratione Ecclesie Montis Sereni, tam in Spiritualibus quam in temporalibus scilicet impudenter ingessit, à quibusdam de fratribus Ecclesiae coram seculari judice obedientiam exigens & extorquens, discreriōne uestre per Apostolica scripta mandamus, quatenus inquisita super his diligentius veritate, quod canonicum fuerit, appellatione postposita, statuatis facientes quod statueritis per censuram Ecclesiastica firmiter observari. Quod si non omnes &c. Acceptis itaque his literis, Henricus, priusquam per eas aliquid agere potuisset, summi Pontificis morte preventus est.

Anno M CC XVI. Ekkehardus Epif. opū Mersenburghensis Electus, consecratur die S. Bonifacij, qui tunc fuit in octava Pentecostes, ab Alberto Magdeburgensi Archiepiscopo, Brunone Misnensi & Balderamo Brandenburghensi Episcopis, & Conrado Episcopo & Monacho de Sichem. Innocentius Papa III. obiit, vir strenuus & literatus & qui in multis causis honoris & utilitati Ecclesiæ cognoscitur præuisse. Huic successit Honorius III. Ecclesiæ monti-Sereni gravis iubatio nata est ex hujusmodi causa. Tidericus Præpositus fratribus illis, quos in electione sua adversarios passus fuerat,

impor-

importunum se confueverat exhibere, & causas, pro quibus eos justè persequi videretur, nonnunquā confingere, ita ut aliquando in capitulo dicere non erubuerit, quod à quibusdam amicis suis veraciter audivisset, timendum sibi esse, ne ab his vitæ periculum sustineret. Totus enim contra ipsos ejus motus facilè ad minus in superficie mitigari potuisset, si illi suo eum arbitrio in his quæ agere voluisset relinquentes, mulcere adulationibus voluissent : quibus tantum delectabatur, ut per eas à sibi faventibus ad permittendum eis quid libet duceretur. Verum quia hoc ab istis consequi non poterat, qui non solum ei non adulabantur, sed etiam ubique cunque contra utilitatem & honestatem Ecclesiæ aliquid agere voluisset, fiducialiter resistebant, non solum ipse eos persequi, sed & numerum eos impugnantium augere studebat, juvenes immaturæ ætatis propter hoc ipsum emancipando, & ad sacros ordines promovendo, quod tamen non usquequaque pro ejus arbitrio procedebat : quia illorum nonnulli, postquam libertatem consecuti fuissent, consideratis causarum circumstantiis, ei adversantium numero jungebantur. Tanta autem erat libertas ad libitum vivendi his, qui ei contra non suos militabant, quod duo ipsorum, quorum alter fuit filius fratris ipsius *Hermannus de Rosinvelu*, in tantam exarsisse feruntur insaniam, ut in cameram quandam, quæ erat in extremitate claustrī à parte occidentali constructa, mulieres introducendi consuetudinem fäcerent, ut securè possent suas miseras augmentare, quæres maximè Dei consuevit iracundiam provocare. Tali enim iniquitas ex adipe prodire dicitur, hoc est, ex superabundantia & securitate. Quod cum non solum familix, sed etiam provincialibus, notificari cœpisset, Præpositum latere non potuit, de quo etiam cum Priore & aliis quibusdam sæpe conquerendo tractabat, ita ut aliquando cum uno ipsorum se creto

cretò ad considerandum locum accessit, ubi mulieres fama vulgabat introduci. Dissimulabat tamen sicut de omnibus electionis adjutoribus, & quibuslibet sibi adulantibus, facere solebat, vel memor beneficii, vel adulationibus delestatu, vel etiam, quod minus verum non est, ut si forte aliqui ipsorum contrariari ejus sententiæ cœpissent, haberet unde orationem obtundere potuisset. Cum itaque aliquando à servientibus claustrum diffamatum esset, mulieres ad locum illum introductas fuisse, rumore in tantum dilato, ut in villis & castris circumiacentibus de eodem facto etiam cantaretur, cum & mulier ipsa, ut consuetudo talium est, quasi pro jaestantia, ad claustrum se fuisse, cunctis audire voluntibus testaretur: Præpositus die quadam fratribus in capitulo congregatis, nullo de hac re verbum movente, dicebat, iniquè agere eos qui fratres suos de causis turpibus malâ voluntate compositis infamarent, quod nuper factum es-
set, declinans omnino rem verbis manifestioribus aperire. Quidam enim familiarium illorum, quos infamia pulsabat, ei suggesterant, rumorem illum à quibusdam sibi adversantibus confitum pro odio eorum, quilibenter ei servirent. Licet autem Præpositus hoc non fictum, sed potius verum esse crederet, volebat tamen sibi suaderi, ut crederet fictum esse, & ut dissimulationem suam, quæ nimis erat damna-
bilis, sibi excusaret, conscientiæ suæ vim faciens, se ipsum quod non credebat credere compellebat. Volebat vero per illum suum tractatum hoc efficere, ut his, quorum verebatur insultum, de hac re quidquam loquendi audacia tolleretur. Sed aliter quam putabant evenit. Denique quidam ipsorum ex hoc magis moti, quodipse causam, de cuius correptione pro timore Dei & honestate Ecclesiæ suæ tractare deberet, suppressore conaretur, responderunt; frustra sibi super hac re silentium imponi, quæ per ora omnium pro-

P

113.

vincialium volveretur, petebantque ut de camera illa vindictam Deo faceret, quia de ea frequenter infamia nata esset, quod ipsi non aliunde magis, quam ex ipsis narratione dicidissent. Præposito autem cum indignatione negante, se de hac re quicquam scire, nec aliquid ab eo de hoc auditum fuisse, illi eum Prioris, cum quo de hac re tractaverat, testimonio convicerunt. Vnde magis motus, & pene quid ageret nesciens, dicebat se conscientiam puram declarare velle, quia judicio illorum hujus facti conscius videretur, & stola sumpta reos tacitis nominibus excommunicationis vinculo innodavit, præcipiens Priori, ne in confessione secreta eorum reciperet, nisi peccatum suum publicè faterentur. Ad se autem post iram reversus, graviter tulit, se pro illorum instantia tulisse sententiam, eosque die sequenti incusavit, quod ipsi fratres suos infamassent, & ut de hoc Deo & sibi & capitulo satisfacerent, præcepit. Illis autem pro eo, quod se non fecisse sciebant, poenam sustinere recusantibus, eos excommunicavit, præcipiens eos à fratribus evitari. Hinc orta est inter fratres gravis dissensio, plurimis eorum dicentibus, injustè eos gravari, qui Dei causam exequi viderentur, nonnullis etiam, ut eos vitarent, nulla ratione consente volentibus. Verum illi, ne turbationem augerent, à celebratione divinorum se subtrahere decreverunt. Hæc in adventu Domini gesta sunt. Porro familiares eorum quos opinio reos judicabat, in familiam illam falsa dicta esse contendebant, eamque excusantes, alterius facti, de quo melius taceretur, vestre pallio nitebantur. Neque vero ipsa sibi excusatio, diversis diverso modo excusantibus concordabat, nec videbant excusantes suis se conatibus impediri. Si enim nihil factum erat, quare excusando laborabant, ubi enim mali conscientia non est, excusatio necessaria non est. Vbi vero excusationem prætenderis, ostendis te ha-

te habere aliquid, quod excusatione indigeat, colorari igitur aliquid factum erat. Sed cum excusatio ipsa, præter hoc quod in rei veritate scitur, falsa fuisse etiam alio modo, scilicet sui diversitate, seipsum impugnans, destrueret, nonne tibi videtur id quod fama clamabat verum esse. Fratum verò illorum, qui à Præposito gravabantur, (erant autem tres) unus ad Marchionem profectus, de violentia Præpositi conquestus est, nec tamen causam gravaminis ei etiam cum instantia requirenti voluit indicare, ne fratres suos infamasse apud principem videretur. Petebat autem ut Præpositum per nuncium suum ab eorum vexatione compesceret, per quem etiam posset ei causa competentiū intimari. Marchio eum *VVitin* ad *Tidericum de Sladebach* cum suis literis destinavit, mandans ei ut causam sibi insinuandam cognosceret, & si posset amico fine terminaret alioqui eam suæ juberet audientiæ reservari. Prævenerat autem fratrem illum nuncius Præpositi de ipso & sociis suis Marchioni querimoniam faciens, & petens, ut eos, quia sibi obedientes esse nollent, ab aliorum præcipere confortio removeri. Marchio respondit se neminem ejicere, nec ut ipse quenquam ejiceret, pati velle. Militem verò de suis fidelibus, *Elegerum* nomine, qui causam, prout posset, convenientius terminaret, misit: Sed ne fratres illi in aliquo gravarentur interdixit. *Elegerus* villico quodam Marchionis, *Ulrico* nomine, cum aliis armatis, propter discordiam quæ inter Marchionem & Principes Transvannenses vertebatur, assumto, Dominica quæ cantatur *Gaudete*, ad locum venit, & ipse inermis, cæteriverò armati, quidam etiam in nudis loriceis claustrum ingressi, duos de fratribus illis, quia tertius à Marchione nec dum redierat, coram Præposito & capitulo, pro qua causa Præposito inobedientes essent, minaciter percunctati sunt. Illis autem pro se loqui volentibus,

P 2

Præ-

Præpositus audientiam non esse eis dandam dicens, iracundia præcipitatione impulsus, causam illam nudis verbis expressit, addens illos hoc de suis fratribus confinxisse, scilicet quod mulier ad cameram illam introducta fuislet, & hac occasione misera illa fabula tota in auribus laicorum illorum effusa est. Consilium autem Præpositi cum illis tale fuit, ut duos illos terroribus tentarent, quod facere non dissimularunt, præcipientes eis ex parte Marchionis ut Præposito satisfacere maturarent, alioqui scirent à fratum suorum consortio removendos vel certè incarcerandos, & Marchionis præsentia reservandos. Cumque in hujusmodi negotio magna parte consumta illi nihil à suo Præposito remollii, alter ad recedendum paratus esset, alter verò vim potius exspectare velle se diceret; Elegerus fines mandati transire non præsumens, Præpositum cum nihil proficeret, ut ad concordiam cum eis rediret, & ab excommunicatione eos absolveret, hortabatur. Præposito hæc se facere promittente, si jurarent stare mandatis ejus. Illi petebant ut à Priore & fratribus inquireretur, utrum eos talem absolutionis modum antecessorum suorum auctoritas docuisse. Priore vero respondente, hæc ipsorum consuetudinem non habere, nuncius, ut eos sine juramento absolveret, postulabat. Quod cum se nulla ratione facturum diceret, ille indignatus, cum suis discessit, caussa in medio remanente. Porro Præpositus conatum suum inanem esse videns, graviter tulit, seque jam de facili contemni posse considerans, pro eo quod ejiciendi à claustrō sibi adversarios copia ei videretur ablata, in quo maximè ejus erat fundata. Educia, convocatis fratribus iracundia stimulatus, recessum se, nec de cætero quamdiu inobedientes illos & excommunicatos ibi esse cognosceret redditum, nec in aliquo corum necessitatibus provisum, animi motum gestu corpori-

corporis exprimens, minabatur. Quia verò plerique de fratribus junioribus à communione illorum abstinere nullatenus patiebantur, ut de his quoque vindictam caperet, quia erat in jejunio Decembbris, alias eis inferiores in sacris ordinibus supponere conabatur, quod tamen per Dei gratiam efficere non potuit, Episcopo Mersenburghensi, à quo promovendi erant, causis aliis à faciendis ordinibus impedito. Duravit autem hæc dissensio usque post circumcisitionem Domini: post quod tempus Præposito jam de Merseburg, ubi natalem Domini celebraverat, reverso, *Tidericus de Sladebach* ipsum, & tres illos fratres, ut causam illorum, secundum Marchionis mandatum, cognosceret, *VVitelin* evocavit: & adnitente *Poppone* Hallense Præposito, qui ibi aderat, negocium ad hoc usque tractando produxit, ut illi eo modo, quo Prior faciendum diceret, absolutionem petentes à Præposito absolverentur, & hoc fine totam discordiam terminaret. Die sequenti, quæ fuit vigilia Epiphaniae Domini, Prior assumto Præposito Hallensi, juxta condicuum fratribus illis dixit, ut in habitu quotidiano venientes veniam peterent & absolutionem. Deinde de suo tām ipse quām Præpositus cum instantia eos rogabant, ut scopam pariter secum exhiberent. Et hoc facto tām ipsi quām hi qui eis communicaverant, à Præposito absoluti ad concordiam redierunt.

Anno M C C XVII. Hujus anni die primo hoc est, iux Kal. Aprilis obiit *Henricus* puer, Comes de *VVitelin*, filius *Ulrici*, filii *Henrici*, filij *Conradi* Marchionis Senioris, anno etatis suæ XII. sepultusque est in monte-Sereno in sinistra patris sui. Pro eo oblati sunt beato Petro duo mansi in villa *Richenbach*. Magna hunc puerum gratia Deus prævenisse cognoscitur, quia usque ad vitæ terminum calculi morbo cæligatus est, & priusquam hæreditatis paternæ, quæ non us-

quequaque justa erat, dominatum acciperet ex hac vita su-
blatus est. *Tidericus Sereni-montis Præpositus* gravi debi-
torum pondere, quod ipse sibi alligaverat, pressus, stulto
nimis & noxio cum quibusdam sibi familiaribus consilio ini-
to, xxiv. mansos, quos *Rodolfsus Præpositus à Friderico Co-*
mite de Brene, et si difficulter admodum tamen utiliter, eme-
rat in villa *Niendorp*, eidem Comiti inconsulto capitulo ob-
tulit redimendos hoc modo, ut ipsorum mansorum precio
computato à cc. marcis quos Iudæis reddere debebat, quoſ-
que ignorantibus fratribus mutuo acceperat, eum absolve-
ret, & reliquam partem redditibus aliis compensaret. Eo tem-
pore castrum *VVitin* ad jus Comitis, pacto inter ipsum & *Ti-*
dericum Marchionem factō contigit devenire. Conventi-
one autem inter Præpositum & Marchionem facta, Præpo-
situs die quadam fratribus in capitulo insinuarē cœpit, quod
Comes ei de bonis prædictis emendis instaret quia eis ad ca-
stri sui servitium carere non posset. Volens autem ut coa-
ctionem etiam quadam ex parte Comitis intelligerent, di-
cebat Comitem hoc asserere, quod tempore primæ emti-
onis illorum bonorum talis inter ipsum & conventum fu-
isset facta promissio, ut partem residuam conventus tem-
pore emeret consequenti, quod etiam privilegium conti-
neret. Vnde vellet, ut juxta promissum emtionem diutius
non differret. Hæc autem à se ipso ad sternendam negotio-
viam, ut tamen salva Dei gratia exprimatur veritas, compon-
nebat. Quomodo enim est credibile, tam contrariis mo-
dis principem pro se agere voluisse. Si enim bona Ecclesiæ
emere necesse habebat, cur bona sua Ecclesiam emere com-
pellebat. Fratribus verò dicentibus, illud privilegio non
contineri, consulto privilegio, illud ibi non haberí inven-
tum est. Quasdam præterea difficultates ab amicis suis ex-
pressas proferebat, quibus, quod amissio illorum bonorum
eis

eis Comite mortuo immineret, ostendere conabatur. Insuper advocationem honorum eorundem, quam bonis venditis, Comes se non vendidisse affirmabat, ipsum Comitem *Burggravius de VVit in concessione dicebat*: à quo utique gravem essent violentiam toleraturi. Sicut autem, qui pugilis aequaliter congregatur, quā parte ferire velit ex ejus gestu solet cognoscere, ita fratres ex assiduis tractibus, quasi ex congregandi consuetudine, omnes Praepositi conatus facile intelligentes, responderunt; quod si bona illa vendendi, sicut sibi videretur, haberet propositum, sciret eos sibi in eo nullatenus consentire. Ille verò tale proprièse non habere dicebat, sed tamen ista eis, ut voluntatem Comitis & scrupulos in bonis ipsius latentes cognoscerent, intimaret. Nec de hac re de cetero verbum movit: sed inde ad Comitem abiens, juxta modum præscriptum, negotium terminavit. Reditus autem alii, quos Comes recompensavit, habentur in villa *Provostinhagen & Richenbach. in Söderiz* quidem xxv. chori, hoc est *VVieschepele* triticum, reliquis verò duabus vi chori siliginis & xix marcæ fertone minus. Porro mansi de *Nienborch* in foribus ecclesiæ positi solvebant lxxx. choros de quatuor generibus frumenti, & servitium rusticorum.

Anno M CC XIX. Fames magna facta est, quæ priori anno inchoata tantum invaluit, ut modius siliginis qui vulgo *Heimece* dicitur, tribus marcis & non nunquam carius venderetur. Hujus temporis necessitatem ecclesia Sereni-montis præ cæteris experta est. Cum enim multæ provinciales ecclesiæ rebus haec longè inferiores nullum in se famis haberent vestigium, in ista tantum viguit, ut fratres die quadam panem quod ad prandium uti debebâit mutuare in villis circumiacentibus cogerentur. Quadam verò vespera pane deficiente, incœnati manentes, omnium vicinorum suorum fabu-

fabula sunt effecti. Tunc etiam hordeaceo & avenatico pane uti didicerunt: quibus priorum Prælatorum temporibus filio nonnunquam intolerabilis videbatur. In aliis quoque eorum cibarijs tanta erat tenuitas, ut, quod dictu verecundum est, eos non semel in die lacticiniorum solo pane cerevisia remollito, vel fece calida contentos esse oportet. Quoddam verò verbum serebatur, quod hi, qui ex ore Præpositi illud audiverant, recitare solebant, eò videlicet tempore quō electores sibi conciliabat, illis cum promississe se, quod si fieret Præpositus, ita eos procurare veller, quod contra ipsum vociferari compellerentur. In quo promisso hoc tempore verax apparuit se cognoscitur, licet cum promitteret, aliter hoc intelligi voluisse.

Anno M C C XIX. Nova ecclesiam Sereni-montis quassabat turbatio, cuius principium tale fuit. Præpositus Tiderico parochiano Capellæ veteris officium Hospitalis, cùm ille hoc appeteret, concessit, Parochiam vero ab eo receperat alteri juniori, Ottoni nomine, commendavit. Otto parochianus factus, Tidericum de quibusdam parochiæ rebus ablatis, & nonnullis sibi retentis, primò per se, deinde per Præpositum cœpit impetrare, pro qua re ab invicem dissiluerunt, cum prius speciali concordia jungerentur. Marcam etiam unam, quam ex veteri consuetudine Camerario in dedicatione ecclesiæ de sacrificio ipsius diei Tidericus dare tenebatur, usque ad tempus, quo ipse à parochia recessit, quod fuit circa festum Michaëlis non dedit, ad cujus redditionem à Præposito arctabatur. Habebat idem unum de fratribus familiarem, qui cùm timoris Dei & suæ famæ negligens esset, multiplicititer excedebat, ita ut etiam ad villas circum-jacentes noctib' cum fama discurrere testaretur: sed patrocinio Tiderici tutus esse videbatur. Erat hic duorum alter, propter quos in causa Cameræ superiùs posita turbatio facta est.

est. Hunc enormiter vivere Præpositus, multis eum accusantibus, non ignorabat: sed propter patrui sui gratiam accusationem dissimulatione solita negligebat. Verum rancore inter Præpositum & Tidericum caulæ Ottonis orto, Præpositus etiam hujus ineptias de cetero nō dissimulandas discernens, pro his eum disponebat impetrare, intendens etiam, ut erat opinio, eidem causæ, si posset, Tidericum involvere, quia de eo quoque propter omninodam illius familiaritatem sinistræ suspicionis habere aliquid videbatur. Tidericus verò tum pro his, tum pro prioribus, non nihil sollicitus, conatum ejus quem jam senserat prævenire cupiens, fratribus illis quos Præpositus adversarios deputabat quosque pro hac re continuis vii. annorum labore attriverat, à quibus se pro nonnullis, quæ per ipsum & propter ipsum passi fuerant, minus diligi certus erat, satisfactionis verbis per quosdam alios interpositos reconciliatus est: eisque quid haberet propositi indicavit, non aliud tamen ab eis pertens, nisi tantum ne se ei adversarios exhiberent. De quo certior factus die quadam, quæ fuit vigilia Apostolorum, cum Præpositus eum in capitulo de marca Camerario reddenda alloqueretur, in medium processit, & super damnis quæ Præpositus ecclesiæ suæ plurima intulisset, ad præsentiam summi Pontificis appellavit. Poterat Præpositus improviso ejus insultu in admirationem duci, vel etiam terri, sed litigandi consuetudine, quâ seipsum & sibi subditos vexare consueverat, appellationem quasi familiare aliquod alloquium attendebat. Experimento autem sciens, valde cum ex officio hospitalis ad agendum contra se adjuvari posse, ipsum officium ei interdixit, quod etiam incontinenti fratri alteri commendavit. Sed tamen Tiderici diligentia præventus est. Duos enim equos de eadem domo ante horam capituli ad locum tutum, suis servandos usibus,

desti-

Q

destinavit. Paucis evolutis diebus Tidericus de suo acturus negotio egressus est. Præpositus quoque Merseburg ut à suo fratre Præposito consilium caperet, protectus est. Inde rediens, juxta datum consilium, fratribus in capitulo collectis, scire se velle dicebat, qui essent ipsorum Tiderici faventes, quoniam ille hunc rumorem, quod majorem capituli partem sibi faventem haberet, in locis pluribus divulgasset. Præcepitque singulis sub debito obedientiæ, ut si appellationi ejus consentirent, aut non, inquirenti sibi, ita, vel non, simpliciter responderent. Cumque plures requisiti se consentire negarent, quidam contra suam conscientiam absolute negare nolentes, videri sibi illum super causa necessaria appellasse, & si quid communiter utile promovere posset, in hoc se ei, & non in alio, consentire se responderunt. Præposito autem gladio præcepti imminentे, ut absolute negarent vel affirmarent, ad aliud responsum induci nullatenus potuerunt. Vnde eos, tanquam illum, qui appellaverat, pro adversariis habere cœpit: quos tamen in hac causa sibi adversantes nullo modo expertus fuisset, nisi dicta inquisitione suam eos conscientiam prodere coegerisset. Erant ipsi, non solum ex contradictoribus, sed etiam ex primis electionis ejus fautoribus, adunati. Pluribus enim suorum jam dudum valde displicere cœperat, propter omnimodum tam exteriorum quam interiorum desectum, ex ejus culpa ecclesiæ impendentem: quod tamen plerique eorum calide occultabant: tum ne privatis forte commodis privarentur, tum per experientiam impetus ejus, quod inconsideratè contra adversarios suos serebatur. Nonnulli verò, quod deterritus est, post tergum eum lacerantes, si sortè, quod in cotidiano usu erat, litem cum aliis cum movere contingeret, contra ipsos ei, oblii verecundiæ assistebant: non quidem gratis, sed ad placitum vivendi sibitali obsequio licentiam procuran-

curantes. Interim *Tidericus*, incertum verò, an audacis incopti pœnitens, an amicorum suorum inductus consilio, ad *Tidericum* Marchionem accedens, ei de Præposito & damnis ecclesiæ suæ conquestus est, simul etiam quod ipse super his appellaverat, indicavit. Marchio super appellatiōne indignatus, ne eam persequeretur, interdixit. Ad ejus verò instantiam *Conradum* Episcopum de *Siehem* patruum ejus, & *Ekkihardum* Episcopum Mersenburghensem suis rogavit literis, ut ad ecclesiam *Sereni-montis* personaliter accederet, de causa illa, prout eis videretur utile, ordinarent, mandans etiam Præposito, ut per eos terminari negotium consentiret. Episcopi diem 11 Kal Augusti, qua petitioni Principis satisfacerent, statuerunt. *Tidericus* quoque die illa proxime præcedente, hora jam tardiore, venit, ut in crastinum Episcoporum se præsentia exhiberet. Præpositus verò adventu ejus cognito, equos, quos ille de hospitali sumptos in suis habebat usibus, auferre volens, cum fratribus sibi familiaribus non sine impetu excurrit. Videns autem eos per inermes auferri non posse, quoniam fratres *Tiderici* *Conradus* & *Iohannes* & servientes ipsorum, qui cum eo advenerant, evaginatis gladiis hoc prohibere parati erant: ipse per se vocem, qua vulgari voce ad arma evocari populus solet, cum clamore saepius edere cœpit. Ad quam tota familia cum armis concurrit, nec non & institore, qui juxta consuetudinem ad celebrationem Dedicationis jam plures fuerant congregati. Quidam etiam juniores de numero fratrum *Tiderico* tacentium tumultu evocati procurrentes è clauistro, defensoribus equorum juncti sunt. Porro collaterales Præpositi, alii lapidibus, alii armis quibusdam raptis, magnis perstrepentes vocibus, ad tollendos equos eos, qui erant de familia, hortabantur. Tam verò illi quam hospites qui convenerant, fratres contra se altrinsecus di-

Q²

viles

vifos videntes, simul etiam Tiderici fratres attentes, à quibus occasione hujusmodi fortassis in posterum gravari potuissent, violenter aliquid agere vverebantur. Sicque illis quiescentibus, & equos abduci finentibus omnis ille conatus Præpositi ad nihilum deductus est. Fratres verò qui cum Tiderico aderant, multis tam à Præposito quam à suis verborum contumeliis affecti, cùm tumultu finito ad claustrum regredi voluissent, præclusam sibi januam invenerunt, ad hoccōrum æmulis nitentibus, ut si noctis tempore foris eos manere contingeret, & ipsi quietem perderent, & major contra eos Præposito daretur occasio malignandi. Difficulitate itaque facta unus ipsorum murum iuxta infirmatorium fratrum transgessus per ecclesiæ januam ceteros intromisit. Eo tempore Albertus Archiepiscopus & Ekkehardus Merseburgensis Episcopus ad ecclesiam Novi-operis acceſſerant, pro cuiusdam causa turbationis, quam hic inferere non pigebit. Femina quædam insanæ non obscuræ ad prædictam ecclesiam conversionis, quantum ad habitum, intentione veniens, primò, ut ad tempus aliquod more hospitis colligeretur, & cum sororibus ecclesiæ, quarum una mater ipsius erat, mansionem acciperet, dato officialibus expensarum pretio impetravit. Erat tunc ibi quædam Præpositi neptis Popponis de ecclesia quæ dicitur Steyerlingenburg, cui illa obsequiosa cœpit existere, ut per eam rei quam intendebat adiutum præpararet. Evenit itaque aliquando de conversione ejus sermonem moveri, Præposito ad consensum ejus & quibusdam fratribus inclinatis. Quibus etiam, ut fertur, per quosdam Archiepiscopi notarios negotium promoventibus, ejus præcepto ad magnum ecclesiæ illius malum à Præposito recepta est. Verum cùm receptioni ejus nonnulli fratrum vehementer obſisterent, illa neptis Præpositi graviter fereſ, quod post ejus consensum aliqui reclamare præſumarent,

rent, procaciter eis obloqui & verborum cœpit injurias erogare. Vnde illi permoti legationi scriptæ sigillum ecclesiæ, incertum unde illud habuerint, imprimentes, eamque conventui illius feminæ destinantes, de ea conquesti sunt, ut ad suam revocaretur ecclesiam postulantes. Quam literam illa à suo conventu cum sigillo sibi transmissum Præposito cum gravi querimo niâ & indignationis lacrymis demonstravit. Præpositus magna iracundiaæ stimulis molestus, Archiepiscopo de fratribus illis conquestus est. Quos ille inquisitione facta confessos, de consilio Episcopi Merseburgensis, cuius favorē sibi Præpositus conciliaverat, qui eos falsarios dicebat, tanta districione punivit, ut præter alias quas sustinere compulsi sunt poenas, toto corpore usque ad femoralia nudi scopas ferentes diebus Dominicis cruces præcedere cogarentur, & per diversas sigillatim ecclesias ad agendam pœnitentiam distributi nunquam de cetero ad suam ecclesiam, nisi revocante Præposito, præceptum acciperent redeundi. Nunc ad propria recurrentum est. Præpositus sequenti die tumultus prædicti, qui fuit vigilia Dedicationis ecclesiæ, manè *Hallis* profectus, Archiepiscopo & *Merseburgensi* Episcopo se prosternens, cum gravi querimonia omnem *Tiderici* causam cœpit evolvere eumque multipliciter infamare: & cum ad locum tumultus hesterni venisset, dicebat, fautores *Tiderici* mores claustrī trāscendisse, & super se armatos cultris & securibus exurrisse, pro quare, si ipsi hoc dignum judicarent, celebrationem divinorum in præsentia ipsorum se velle suspendere memorabat. Episcopi, si res ita se haberet, dignè eum hoc agere responderunt. Inter hæc verò *Tidericus* advenit, Episcopum Merseburgensem, ut ad causam tractandam juxta conditum accederet, rogaturus. In quem ille propter ea quæ à Præposito audierat vehementer infectus, dicebat se ad causam

Q.3

sam ubi cultris & securibus ageretur nullatenus accessurum.
Conradus interim Episcopus de *Sicem*, *Tiderico* de *Hallis* re-
verso, adveniens, cum *Merseburgensem* venturum non esse di-
dicisset, dolens quod conturbationem ecclesiae post se re-
linqueret, discessit. Præpositus autem à consultatione Epi-
scoporum rediens, cum jam vespertinum celebrandum es-
set officium, fratres convocat, à celebratione divinorum
eos cessare præcipiens, nisi se illi à quibus tantum fuisse pas-
sus contumeliam absentarent; volens intelligi eos in Cano-
nem incidisse. Quibus in hoc nulla ratione acquiescenti-
bus, tantæ solennitatis consideratione, & multorum peti-
tione, inter quos *Villehelmus* Cillensis Præpositus coram
ipso prosterni volebat, induci non potuit, ut sententiam
revocaret. Sicque vespertinum & matutinale officium no-
ste illa omissum est. Die tamen sequenti missæ celebra-
tionem fieri concessit, cui solus ille absens fuit. Archiepi-
scopus verò ipso die adveniens vespertinum officium cum
fratribus præsente Præposito celebravit, quā peractō, con-
vocatis eis dicebat, quod si voluntas eorum esset, ad infor-
mandam inter ipsos concordiam se vellet interponere; ad-
dens, quod, licet ecclesia illa juri suo pertinens non es-
set, tamen cum in annis prioribus ex oportuno ejus statu
diœcesis sua ad modum honestata fuerit, & sui ipsius & mul-
torum judicio nimis esse vituperabile, si ruinæ ejus jam jam-
que imminentि non aliquo consilio subveniret. Præposito
verò ad consensum veniente, ut per ipsum causa tractaretur.
Tidericus & fratres partis ejus per hoc solum à consensu se
retardari respondérunt, quod causa ad Marchionis advocati
sui notitiam ex eorum querimonia venisset, & ignorarent,
utrum per alium, quām per se tractari pateretur. Nam si
hoc ei contrarium non esset, libenter se acquiescere con-
silio Pontificis affirmabat. Ille responsum eorum appro-
bans,

bans, causam quandam Marchionis & Sifridi Abbatis *Pigaviensis* in assumptione Dei genetricis *Pigaviae* tractandam memorabat, ubi ipse adesse deberet, jussitque ut permittente Præposito aliqui ipsorum die prædicta de hac re Marchionem consulturi ad locum illum accederent. Sicque demum, ut medio tempore Præpositus in quiete & tranquillitate eos agere sineret, ordinans, non parvum commodum eis præstisset visus est. Porro isti contentionis suæ causam considerantes, hanc videlicet, quod Præpositum damna ecclesiæ suæ multiplicia non sine fratum injuria irrogasse asserebant ut ea primitus demonstrare possent, singula scripto distinguere curaverunt. Erant autem hæc, quod in consultis fratribus mansos ecclesiæ vendidisset, nemora succidisset, vinum pro pecunia infœdasset, & de hoc privilegia occulte cum sigillo ecclesiæ præbuisset. Ad hæc diligentí compunctione facta ostendere parati erant, quod in vino, quod annis singulis natum erat, & aliorum venditione bonorum, & pecuniam quam à diversis mutuo acceperat, præter annuos ecclesiæ reditus, IIM. & DCL. marcas in octo annorum spatio percepisset, exceptis aliis, quæ eorum notitia non patebant, & tamen fratres in rebus necessariis inopiam sustinerent, adeo ut tam sacerdotes, quam' alios altaris ministros crebrò sine camisiis & femoralibus contingeret ministrire: defectum similem in aliis indumentis sèpissimè tolerantes. Die verò prædicta quidam ipsorum *Pigaviam* accedentes, Præposito etiam illuc adveniente, in præsentiam Marchionis venerunt. Qui cùm verbo illi de Archiepiscopo noluisset consentire, ne forte occasione tali aliquid in ecclesia illa juris sibi in posterum arrogaret, illi querimonias suas ei ad plenum verbo significandi copiam non habentes quod propriis impediretur negotiis, scripturam querimonias ipsas continentem ei porrexerunt, petentes ut otiosus

tibi

sibi eam faceret recitari. Marchio diebus aliquo: eos detinens, cum causæ discutiendæ se vacare non posse conspiceret, redire eos præcepit, promittens quod auditores eis Popponem Hailensem, Marquardum S. Mauritii, . . . Nuemburgensem, VVillehelnum Cillensem, & VVernherum de Lipzke, Præpositos destinaret & secundum ea quæ ab illis audiaret, inter eos proculdubio judicaret. Illi autem, quamvis per prædictos se potius impediendos quam promovendos certissimè præviderent, quod etiam Marchioni expонere non neglexerunt, tamen ordinationi ejus obstinatius resistere non audentes, reversi sunt. Cumque negotium totum ad præsentiant illorum qui mittendi erant, crederent differendum, Præpositus repente eos, qui partis Tiderici in vespertino illo tumultu de clauistro exierant, cœpit impetrare, eos, ad sui læsionem alserens exurisse, novoque corrigendi modo, priusquam reatum faterentur vel convincerentur, vel satisfactionem promitterent, continuato sermone pœnam, quam nos ferre vellet, exposuit. Intendens sicut quidam judicabant, ut eos auditu penè territos contra pœnitentiam induraret, & consequenter contra eos tanquam contumaces posset sententiam jaculari. Illis autem de exitu quidem intempestivo satisfactionem promittentibus, de intentione vero eum lœdendi omni modo, quo fratres ipsorum judicarent, se expurgare volentibus, ipse purgationem eorum se non admittere cum indignatione respondit, & utrum pœnam, quam innotuisset, ferre vellet, minaciter inquisivit. Renuentibus eis, statim intentionem suam facto declarans, manu ad tergum porrecta, stolam ibi occultatam protulit, & priusquam appellationis clypeo se munirent, excommunicationis eos gladio percussit, tam in divinorum celebratione quam rebus aliis, à ceteris fratribus districte eos præcipiens evitari. Accidit autem,

tem fratribus à divinorum celebratione cessantibus, cùm
videlicet illi se absentare voluissent, Comitem quendam de
Yeljekke Ernestum nomine ad locum venire. Hic à quibus-
dam Præpositi familiaribus inductus ad sopiaendam illam
discordiam, se cœpit interponere, & tam Præpositi quam
fratrum illorum animos suasionibus attentans, tantum pro-
fecit, ut Præpositus promitteret se eos absolvere si tantum
anno die pœnitentiam injunctam servare voluissent. Sicque
illis in hoc acquiescentibus, motus ille sedatus est. Deinde
Tidericum absentem quidem & quasi in perfectionis suæ pro-
motione extra occupatum, Præpositus excommunicavit,
pro eo quòd equos hospitalis abstulisset, & vinum & quas-
dam res alias ad cibum pertinentes de domo illa vendidisset
quodoq; marcam illam, quam Camerario dare tenebatur fra-
trum suorum usibus subtraxisset. Et ne quis eiredeunti for-
tassis communicaret, districtè omnibus interdixit. Hæc cir-
ca festum nativitatis Dei genetricis gesta sunt. Instante verò
appellationis ejus termino, qui fuit in festo S. Michaëlis,
fratres illi, qui causam cum eo communem sibi fecerant,
judicantes cum tædio negotii perfectionem suspendere,
hoc secum diffinivérunt, ut si infra terminum præscriptum
proficiisci negligenteret, ipsi eum tanquam excommunicatum
cum ceteris evitarent. Quod ille intelligens graviter tu-
lit, citò tamen consilium, quo , sicut dici solet, spinam de
pede suo evulsam illis infigeret, invenit, mandans eis & suo
& amicorum suorum judicio, bonum non esse ut solus illud
iter acciperet, velle se ut socium de numero suo ei darent,
quia & ex duorum ingenio plus elicetur consilii; & si ipse ægri-
tudine vel alio casu detentus fuisset, ille in promotione cau-
ſæ succederet. Præterea testis ei esset quo studio ipse in il-
lo negocio desudaret. Laudandum consilium : intentio
tamen ejus secundum illorum opinionem fuit, ut qui tanto

R

labori

labori se subjiceret, inter eos non invento, quod quasi certum habebat, ipse culpa in eos refusa, se modo aliquo a causa illius vinculo expediret. Verum illi secum collocuti omnem causam circumstantiam considerantes, quantum videbant, licet damni ecclesiae suae intus & extra ex culpa Praepositi provenisset, quantisque ipsos ei resistentes laboribus subjici contigisset, hocque solum perfectioni sui operis deesse, quod querimotiam suam nec dum innocentiam sed Apoloticæ detulissent, quæ res per nullum melius quam per ipsum, utpote res habentem, impleri posset, labori ejus sine magna difficultate socium invenerunt. Zelum enim Dei habebant, licet non secundum scientiam. Quid sit enim non secundum scientiam, consequentibus Apostoli verbis exponitur; quia scilicet ignorantes Dei justitiam & suam volentes constitueret, justitia Dei non erat subjecta. Iustitia enim Dei idem Deus justus peccatis exigentibus talem eis rectorē dederat, secundum quod dicit: *Dabo tibi reges infurore meo*: cuius iustitiae isti voluntate subjecti non erant, quia eisdem rectoris sui depositioni modis omnibus intendebant, sua iustitia hoc se facere justè pro eo quod esset inutilis judicantes, magisque eligentes Dei ordinationi resistere, quam scipios accusare; cum utique rectius eis fuisset de peccatis suis, quibus inutili subjici meruerant, pœnitentiam agere, eum tanquam à Deo datum æquanimiter tolerando, & ab ipso datore remedium expectare. Ut enim dicit beatus Gregorius lib. moral. xxv. *Dum salva fide res agitur*, id est, quamdiu actio Prælati fidei contraria non est, virius est meritum si quicquid prioris est toleratur. Et ut subditis fortassis Zelum Dei habentibus ejusdem zeli moderamine erga Prælatos tenendum ostenderet, continuò subiecit; *Debet tamen humiliter suggeri*, si fortasse valent, quod sibi displitet, emendari. Sed curandum summopere est, ne in superbum transeat iustitia in ordinato

nata defensio , ne dum rectitudo in cantiè diligitur , ipsa magistra re-
ctitudinis humilitas amittatur . Iuxta hanc lineam se dirigant ,
qui Prælatis suis inordinatè aliquid agentibus resistere consuerunt ,
ne si ab eis rectitudine distorti inventi fuerint , inde pœnam sibi
acquirunt , unde remedium expectabant . Igitur Tidericus dato
sibi comite , & per eum excusandi occasione sublata , vix tan-
dem ægrè expeditus die martyrum Sergii & Bachi profectus
est . Eo tempore Papa , Romanis ab eo discordantibus Vi-
terbis morabatur . Præpositus vero cum Tidericum prius , ut
dictum est , excommunicasset , etiam socium ipsius , cum jam
profectu esset , licet antè appellasset , eidem sententiæ inno-
davit . Post horum duorum recessum Prælati illi à Marchi-
one missi advenientes , cum eis qui erant residui fratribus , de
causa Præpositi & ipsorum tractare coeperunt . Auditis ve-
rò eorum querimoniis , & responsione Præpositi , commune
sibi cum Præposito hoc negotium reputantes , ut in illo se
ipso tuerentur , querimonias quidem , quibus tota conclu-
mabat provincia nihil habere ponderis , esse verò difficile &
prosperus intolerabile tam Præposito quam omnibus Prælati
ut nihil præter subditorum suorum bene-placitum agerent ,
aut de singulis quæ egissent rationem ipsis redderent , judi-
ces æquissimi responderunt . Nec tamen causam in lite re-
linquere utile videbatur , ne ipsæ frivola & sine pondere
querimoniæ iterato ad Marchionis notitiam deferrentur ,
cujus nimirum de his suæ dissimilem fore sententiæ vere-
bantur . Ideoque fratribus illis suadebant , ut litigandi in-
tentione deposita , appellationis consensi renunciarent ,
& ipsis mediantibus se concordari cum Præposito patet en-
tur . His verò ad compositionem quidem faciendam eorum
voluntati acquiescentibus , ut saltem usque ad duorum , qui
profecti erant redditum à vexatione Præpositi respirarent ,
sed verbo renunciandi omnino contradicentibus , illi ipsum

verbum, ne impedimentum eorum intentioni faceret, dis-
simulantes, eisque ut nudis pedibus scopas ferentes coram
Præposito veniam peterent injungentes, & è diverso, ut
Præpositus hac satisfactione contentus, eis reconciliaretur
decernentes, illam viii sunt discordiam terminatæ, & hoc
quidem xi. Kal. Novemb. gesta sunt. Porro Tidericus & e-
jus socius circa principium Februarii de partibus transalpi-
nis cum mandato summi Pontificis redierunt, quo de *Vval-*
kinride & de Riddageshusin & de lapide S. Michaëlis, Abbatibus
injungebatur, ut de veritate eorum, quæ Præposito ab his
objicerentur, inquirerent, & causam ipsam regulariter ter-
minarent; revocantes in irritum, quicquid post appellati-
onem contra prædictos, vel eorum fautores, à Præposito
invenissent temerè attentatum. Abbates, juxta quod in
mandatis acceperant, missis Præposito literis præcepérunt,
ut fratribus suis convocatis die beati Georgii ipsorum in
ecclesia Sereni montis præstolaretur adventum, ubi de in-
uncto sibi essent negocio tractaturi. Gernotus Nienbur-
gensis Abbas cum Henrico Comite Ascharie, filio Bernhardi
Ducis pro-advocatia ecclesiæ suæ longi temporis habens
discordiam, ab hominibus ejusdem Comitis oculis erutis
cœcatus est: cui etiam cum iidem linguam conarentur ab-
scindere, recurvato eam sagittæ ferro eique infixo trahen-
tes, illo violenter retrahente, scissam per medium relique-
runt. Vnde cum postmodum prorsus impeditum haberet
loquendi officium, adhibito medico partem linguæ scissam
truncari, eamque ad modum naturalem informari fecit.
Ante hac autem, tempore nuper elapso, unus de fratribus
ecclesiæ Nienburgensis obierat, quem Abbas pro eo quod
inter res ipsius, quas moriens dimisit xix nummos inven-
erat, extra cœmpterum sepulturæ tradi jussit, ipsosque dena-
rios super eum jactari à dicentibus: pecunia tua tecum sit in per-
ditione;

ditione; mandans insuper, ne quis pro eo orationem privatam vel publicam celebraret. Nocte vero, quæ diem mutilationis Abbatis antecedebat, frater idem mortuus alteri cuidam fratri in somnis visus est in claustrō deambulare, vas aliquod ferens pruni ardentibus plenum, cui cum casu Abbas, ut videbatur, occurrisset, prunas ipsas in faciem ejus jactavit & disparuit. Die altera, visione jam per plurimos divulgata, fratres inter se jocose quidem interpretationem ejus hanc asserebant, quod videlicet frater ille exacturus esset de Abbatē de illata sibi contumelia ultionem. Cum vero de casu Abbatis nuncium accepissent, non sine admiratione visionis illius recordati sunt. Hoc ideo commemorare libuit, ut intelligatis, non semper Prælatorum sententiam Dei judicio approbari, sed ipsos saepius pro eo, quod potestate sibi a Deo commissa non ad corrigitos sed ad gravandos, ut non dicam damnandos, subditos abutuntur, homines videlicet non peccata persequentes ultionis divinæ sententiam promereri. Rusticum etiam quendam ex iussu Abbatis captivatum, judex villæ Nienburgensis in vinculis diu detinuit, causa tali contra ipsum composita, quæ mortis esset sententia puniendæ; hoc Abbatē intende, ut timore sententiæ rebus suis se redimere festinaret. Cum vero ille innocentiae suæ conscius ad dandum pro se aliquid induci non posset, & diu maceratus ad magnum corporis venisset defectum, judex de ipso Abbatii suggestit, petens, ut eum a vinculis relaxaret. Illo nolente sed potius, ut juxta causam contra ipsum compositam de eo judicaret, præcipiente, invito & plurimum dolente judice rota fractus est. In eodem autem campo, quo ille accepit sententiam: Abbatem postmodum contigit excœcari, credo ut ex hoc intelligeret, se ad tanti reatus pœnitentiam commoveri.

R 3

Bern.

Bernhardus Comes de Lippia, vir seculi actibus deditus, post multa bella, inter quæ rapinis & incendiis multis injurious extiterat, Deo inspirante, animo habituque mutato, in quadam ecclesia novella, quæ primitus *Hosevinkle* dicebatur, primum Cistertiensis ordinis monachus, demum ejusdem loci Abbas factus, ac deinde cùdā Provinciæ *Lionensi* Episcopus electus, & à filio suo Episcopo de *Vtreche* consecratus est. Cum quo etiam sequenti anno alium filium suum *Bremensem* Archiepiscopum consecravit.

Anno M C C XX Abbates de *Valkinride* & de *Lapide S. Michaëlis* die beati Georgii *Serenum-montem* venerunt tertio videlicet *Riddageshusin*, quod interesse non posset, sed quicquid illirationabiliter agerent, hoc ratum haberet nuncio & literis affirmante. Quæ verò in horum præsentia gesta sunt, ex scripto ipsorum, quod subjectum est, melius declaratur. Fridericus D: i gratia de *Valkinride*, Conradus de *Riddagehusin* & Tidericus de *lapide S. Michaëlis* Abbates, universis, ad quos presens scriptum pervenerit, notum esse volumus, quod cùm à summo Pontifice accepimus in mandatis, ut ad reformatum statum ecclesiæ *Sereni-montis*, super quibusdam articulis de Præposto ejusdem ecclesiæ à suis subditis ipsius auribus intimatis, inquireremus diligenter veritatem, ad locum ipsum accedentes, partes, ut ad bonum pacis redirent, multipliciter hortabamur, quæ tandem se post allegationes multimodas P. Novi operis in Hallis & VV. in Lipzke Præpositorum, H monachi in *Valkinride*, & A montis-*Sereni* canoniciorum regularium arbitrio submiserunt, tam in nostras quam ipsorum arbitrorum manus fideliter promittentes, vel quod omnes, vel eorum tres, pareibus præciperebant observandum, ipsi modis omnibus adimplerent: nobis nihilominus hac autoritate concessa, ut per censuram ecclesiasticam compesceremus, si qua partium eorum statutis præsumeret obviare. Nos igitur, ut in negotio liberius possent proce-

procedere arbitrii memorati, excommunicationis vinculo innodavimus partem, quæ eorum arbitrio ausu temerario contraireret. Forma igitur arbitrii hæc: Dominus Tidericus Praepositus Sereni-montis quos se dicit excommunicasse, ad abundantem cautelam in continentibus debent absolvire sine pœna. Reliquum arbitrii dominis delegatis & eorum fratribus, & hujus ecclesiæ conventu presentibus promulgabitur in capitulo. Dominus T. & Dominus C. tam pro se, quam sibi faventibus, coram Praeposito venient petentes, & Dominus Praepositus levabit, & in osculo pacis pro omnibus recipiet. Dominus Praepositus pro se sigillum habebit: conventus pro se sigillum habebit: sub sigillo ecclesia Praepositus nihil scriberet sine consensu conventus, & è converso. Dominus Praepositus summam pecunia, quam Dominus Marchio debet huic ecclesiæ, vinum scilicet & manus seu curtes ad consilium conventus bona fide, quæ recuperare potest, recuperet. Imposterum vero possessiones ecclesiæ aut vinum, sine consensu capituli in beneficiare non præsumat. De personis in collegium fraternitatis recipiendis, tam in viris quam in feminis, nullum recipere præsumat Dominus Praepositus sine consensu capitulo, maxime sacerdotum. Dominus Praepositus de rebus ecclesiæ violenter ablatis in quolibet laicos judicariè canonicam debet expetere ultionem. Dominus Tidericus de Crozuk comparavit quædam imagines ad ornatum altarie, quas si habet, bona fide restituat. Omnis rancor inter fratres cessare debet: & hinc inde objecta omnino sine iesopita, & si quis ea revocare vel tractare præsumserit pœna arbitrii subjicebitur, si fuerit convictus. Dictum est, quod Dominus Praepositus negligens fuerit circa disciplinam claustralem. Autem dicunt arbitrium, quod nemo claustrum egrediatur sine licentia Praepositi, vel Prioris, ad cavendam infamiam. Si quis egrediatur pro inobediente judicator. Clausuris & proprietatibus careant. Iama claustrum, cum janua scholarum, firmius claudatur de nocte, clavis etiam mittatur Priori. Actum in Monte Sereno Anno Dominicæ

minicæ incarnationis M C C XXVII Kal. Maii. Hunc finem habuit contentio occasione Tiderici excitata, quæ Serenimontis ecclesiam decem mensibus inquietavit. Ex hoc quidem arbitrium ad reformandum in melius ejusdem ecclesiæ statum sufficiens fuit, efficiens verò prorsus ad aliud non invenitur, nisi ut eis, pro quibus factum est, salutis ex eo periculum procreetur, quod tamen de ejus observatione non provenire certum est. Ecclesia autem major Halverstadensis consecratur sequenti die Assumptionis Dei genetricis à Friderico Halverstadensi, Sifrido Hildesheimensi, Conrado Mindensi, Havelbergenſi & Christiano Pruciæ Episcopis, anno, postquam à Duce Henrico exulta est, xli. Caput S. Mauricij ab Alberto Archiepiscopo ablatum è Magdeburg. Castrum Tuch ab eodem Archiepiscopo contra Tidericum Marchionem edificatum est. Fridericus Rex ab Honorio Papa III. in Imperatorem consecratur Romæ, in die beatæ Ceciliae cum summa pace. Tidericus Misnensis & Orientalis Marchio, filius Ottonis, filii Conradi Marchionis Senioris, obiit xiii. Kal. Martii, sepultusque est in cella juxta patrem suum. Albertus Archiepiscopus, rogatus à Tiderico Praeposito, in quatuor temporibus quadragesimæ primitus in ecclesia Sereni-montis clericorum ordines celebravit,

Anno m cc xxi. Poppo Hallensis ecclesiæ Praepositus à Prælatis capituli Goslariensis in patrem electis Tidericum Sereni-montis Praepositum excommunicavit pro hujusmodi causa. Tidericus Marchio Orientalis, filius Conradi Marchionis senioris, hortatu Ekkehardi Praepositi Sereni-montis, ad servitium patrum jam dicti capituli, in die exaltationis S. crucis, reditus duorum talentorum dedit in villa Storcviæ sub hac forma, ut per manus Praepositi Sereni-montis, qui pro tempore fuisset idem, redditus eis annis singulis ministrare-

straretur; & si celebrationem illius capituli quo cunque modo deleri contingeret, ecclesia Sereni-montis ipsa bona liberè pos sideret: & hoc factum privilegio confirmavit. Præter hæc autem quidam fidelium, pro bonæ voluntatis arbitrio, tantum de rebus suis ad idem opus annis singulis, quamdiu vixérunt, dare consuevérunt, ut summa v. marcarum colligeretur, de quibus eis, qui ad capitulo die prædicta convenissent, Præpositus serviebat. Annis verò pluribus evolutis, & eisdem datoribus mortuis, soli Marchionis redditus remanserunt, de quibus cùm Tidericus Præpositus aliquot annis juxta priorum suorum consuetudinem servire negligeret, propter bonorum illorum, ut ipse asserebat, à bellantibus devastationem, Prælati illi coram Patre capitulo Præposito Hallensi sæpius con questi sunt, injuriā tamen ei parte aliqua irrogantes, quoniam ab eo supra duo talenta etiam hoc, quod ab aliis fidelibus addi consvererat, quodque eis defunctis dari cessaverat, exigeabant. Popo verò Præpositus, cum eum priori anno ab officio suspendisset, quod tamen nunquam ei sicut oportuit significavit, sequenti anno ad conquerentium instantiam hoc adjecto, quod biennio à capitulo se subtraxisset, excommunicatio nis contra eum sententiam promulgavit, cuius rei potestatem eum habere Prælati illi asserebant ex quibusdam verbis, quæ in privilegio Eugenij Papæ, quod de confirmatione capituli Goslariensis dedit, continentur, hæc probantes; quæ ita se habent: *Fratres quoque qui de nostris claustris assumti in alijs ecclesiis sunt constituti Præpositi, aut in posterum statuentur, si forte in ipsis, aut in religione, sive in ordine canonico, deliquerint, aut circa suos subditos negligentes extiterint, licitum sit Præpositus hujus convenitus eos pro excessibus suis corrigidis monere, & si post eorum motionem reprehensibilia sua mutare nulla-tenus voluerint, severius corripere.* Hoc quod hic dicitur severius corripere, illi ita

S

inter.

interpretati sunt , id est excommunicare . Quæ interpreta-
tio etiamsi vera esset , tamen ex diligentí loci illius consi-
deratione longè ad aliud cognoscitur pertinere . Diebus de-
hinc effluentibus , cum Præpositus Hallensis denunciationem
differret , quidam defratribus Sereni - montis familiaritatem
ejus habentes , de compositione inter ipsum & Tidericum Præ-
positum , non jussi quidem tractare cœperunt . Ad quod ille
eis consentiens , ad Screnum montem venit , illisque median-
tibus negotium tractare coepit . Tidericus Præpositus de con-
silio fratrum suorum compositionem libenter se admittere re-
spondit , si tamen ille voce & scripto fateretur , suam quam con-
tra ipsum tulisset sententiam nullam esse , nec aliquid firmita-
tis habere potuisse . Præpositus verò Hallensis qui hoc modo
componere volebat , ut ille absolutionem ab eo petens accipe-
ret , à se istud exigi audens , graviter accepit , nec aliquatenus
in hoc se assensurum respondit , & Tiderico Præposito ad sedem
Apostolicam appellante , eum excommunicatum fratribus de-
nunciavit . Verùm Ekkehardus Merseburgensis Episcopus ,
comperto quod acciderat , utrumque ad se vocavit , & verbo
illo , cuius occasione Poppo Præpositus excommunicandi auto-
ritatem sibi arrogabat , cum viris literatis diligenter excusso , o-
stendit eum inanem sententiam protulisse , & ad hoc produxit
negocium ut Præpositus Hallensis , & Pater Patrum capituli
Goslarie nsis , & viva voce , & literis fateretur ; sicque eos ad pri-
orem concordiam revocavit . Porrò forma literarum talis est :
*Poppo Dei gratia Novi- operis in Halle Præpositus & Pater Patrum
capituli Goslariensis omnibus præsentem paginam inspecturis gra-
tiam in præsentii , & gloriam in futuro . Noverint universi quod
nos sententiam excommunicationis , quam de consilio capituli Goslari-
ensis in venerabilem fratrem nostrum Tidericum Præpositum Montis-
Sereni pertulimus , nulla præcedenti absolutione , in præsentia Domini
Ekkehardi Merseburgensis Episcopi , dicimus non tenere ; & ad ma-*

jorem rei certitudinem hanc nostram paginam sigillo Domini Episcopē petimus insigniri. Henricus de Vrideberge Halverstadensis ecclesiæ canonicus, clericatu rejecto miles factus, castrum quoddam in confinio civitatis Quidelingeburg ædificare cœpit, quod Henricus comes de Regenstein obsedit & cepit, & xxiv. homines in eo deprhenso decollavit. Damiata civitas à paganis recuperatur. Bresuz castrum ædificatur. Fridericus Comes de Brene, filius Friderici, filii Conradi Marchionis senioris, in partibus trans marinis infirmatus, ad vitam Templariorum se transluit, defunctusque est die beati Galli in civitate quæ Teutonicæ akris dicitur. Reliquit autem duos filios Ottонem & Tide-ricum, & duas filias. Wernherus primus Præpositus de Lipzke obiit xvi. Kal. Martij: cui successit Willehelmus, qui à capitulo Sereni-montis in numerum fratrum suscepitus est.

Auno m cccxxii. Poppo Novi operis, & Otto S. Mauri-
cii Hallensis Præpositi, xvii. Kal. Iunij à Sereno-monte in Pru-
siam profecti sunt. Henricus Præpositus de Goslaria, cogno-
mine Minneke, à Conrado Hildesheimensi Episcopo de hæresi
Manichæorum convictus, depositus & in custodia diutina de-
tentus est. De inundatione aquarum ex pluvia in villa Isleve,
& in vicinis villis, et amplius homines perierunt, i. i. Kal.
Augusti, & ædificia plurima eversa sunt. Gozwinus Misnensis
S. Afræ Præpositus obiit: cui successit Albertus Sereni-montis
canonicus. Civitas Misna incendiō deleta est in vigilia S. Bar-
tholomæi: Oratorium S. Mariæ Magdalæ in Aquilonati
parte majoris ecclesiæ Sereni montis ab Ekkehardo Mersebur-
gensi Episcopo die beati Galli dedicatum est. Colloquium
inter Honorium Papam & Fridericum Imperatorem, in Epiphania
Domini in Verona indictum, est, ad quod multi de univer-
sitas provinciis, tam ecclesiastici quam seculares viri inter quos
etiam Tidericus Sereni montis, & Wilhelmus Cillenensis, Præ-

positi, xiv. Kal. Novembr. prosceti sunt. Sed cùm colloqui-
um in aliud tempus delatum fuisset, Tidericus Præpositus Ro-
manam processit, commissionesque plures de ecclesiæ suæ nego-
tiis, impetravit. Quoddam etiam suis viribus majus tentare
ausus est, videlicet, ut ei Pontificalibus uti Papa permitteret:
quod nullâ ratione potuit obtinere, licet magnis petitionem
muneribus prævenisset. Obtinuit autem indulgentiam xx di-
erum, omnibus ad dedicationem ecclesiæ suæ, quæ est ad vin-
cula S. Petri, advenientibus. Præterea potestatem excommu-
nicandi, omnes, qui ecclesiæ suæ violenti existerent. Sed hanc
literam per Henricum de Rekkin Serenì - montis canonicum,
quem Præpositus expulerat; contigit impediri. Is enim
Præpositum proficiscentem insecurus, sed ægritudine in
via detenus, cùm jam Præpositus redire disponeret, Ro-
manam venit; & per quandam Papæ Camerarium, ut ad respon-
dendum sibi detineretur, obtinuit, Præpositus verò intelligens,
quia si litem cum eo ingressus fuisset, usque ad finem negotij
remanendum sibi esset, insuper carens, quippe qui in prædi-
ctis negotiis promovendis profusus extiterat: xc, enim mar-
cas tune dicitur expendisse: Præterea conscientia stimulante
judicium reformidans, cùm ea, quæ Henricus ei objicere para-
bat, non ignoraret, per magistrum Jacobum poenitentiarium
cujus sibi favorem non paucis marcis redemerat, cùm etiam
infirmari videretur, ut à Camerario prædicto abeundi licenti-
am acciperet, impetravit, constituto tamen pro se procurato-
re Iohanne quodam Episcopi Herbipolensis clero. Eo tem-
pore Papa usque ad desperationem infirmabatur, ita ut à mul-
tis etiam mortuus diceretur, nec facile cuiquam ad eum erat
accessus, quæ res maximè Præposito recedendi copiam pro-
curavit. Henricus enim de verbo Apostolici eum detinere
satagens, in præsentiam ipsius venire non potuit, licet tres mar-
cas pro uno introitu cubiculariis obtulisset. Tanta autem ad-

eccc.

recedendum Præposito fuit festinatio, ut literas prædictas, scilicet, de indulgentia, & potestate excommunicandi, quæ eâ die ad audientiam deferendæ erant, non expectaret, sed nocte discedens cuidam magistro *Luthero*, Nuenburgensis ecclesiæ canonico, relinquere promovendas. Quas cum Henricus in audientia recitare audiret, literam quidem indulgentiæ modis omnibus amplexus transire permisit: excommunicationis autem literæ, quæ in ejus præjudicium impetrata videbatur, contradixit. Tenor enim talis erat, quod Papa inter cætera affirmabat, ex insinuatione Præpositi se didicisse, quod quidam Prælati terræ suæ excommunicatos ipsius manu tenerent, in ipsius præjudicium & gravamen, contra quos Præposito potestas ferendæ sententiæ conferebatur, qui articulus Henrico suspectus erat propter patrum ipsius *Sifridum* Abbatem Piggaviensem, qui eum expulsum collegerat, & hōc modō litera illa suspensa & sequenti die à magistro contradictarum scissa est. Præpositas verò paucis post festum Purificationis diebus domum reversus est, absolutione profectionis suæ in Pruciam sub testimonio literatum pœnitentiarij impetrata, quia ad subfidiū terræ illius cruce signatus erat. Modus autem absolutionis erat, ut tres marcas annis singulis terræ illi solveret, donec xx. marcarum numerus expleretur. Terræ motus magnus per omnes trans-Alpinas provincias usque *Romam*, præterea *Venetij*, &c in pluribus aliis maritimis civitatibus, factus est, qui die media Natalis Domini incipiens usque in octavam ejus duravit, de quo multorum ædificiorum ruinas & hominum oppressiones contigit provenire. Sanguis etiam cum pluvia postmodum descendere visus est.

Anno m. ccxxiiii. *Henricus de Rekkin Sereni* montis canonicus, de consensu procuratoris Præpositi causæ suæ judicibus impetratis, ad Pascha rediit de partibus trans-Alpinis

S 3

cum

cum mandato summi Pontificis, cuius continentia talis erat: Honorius Episcopus Servus servorum Dei dilecti filii S. Mariae Magdalena & de Gratia Dei, diœcesis Magdeburgensis Praepositus, & magistro Alberto canonico Misnensi, salutem & Apostolicam benedictionem. Cum olim tam ex literis venerabilis fratris nostri Magdeburgensis Archiepiscopi Apostolica sedis legati, quam ex conquestione dilecti filii Henrici canonici montis sereni Magdeburgensis diœcesis feceris recordationis Innocentij prædecessoris nostri Papæ fuisse apostolati reseratum, quod Tidericus ipsius ecclesiae Praepositus eundem Henricum, pro eo quod ipsius prædecessoris nostri & dicti legati detulerat literas, ab eadem ecclesia turpiter expulisset, faciens quosdam laicos & clericos ad hoc specialiter evocatos in eundem manus iniuste violentias, & quosdam defratribus suis, qui ejus noluérunt tyrannidi consenire, punire graviter præsumisset, ac insuper cum complicibus suis, post excommunicationem à præfato legato pro ipso in eosdem prolatam, divina non fuisse veritus officia celebrare; quodque, postquam à iam dicto legato fuit juxta formam ecclesiæ absolutus, memoratum canonicum ad suam ecclesiam revocare nullatenus voluisset, licet hoc ipsi ab eodem injunctum fuisse sub debito præstiti juramenti: præfatus prædecessor noster dilectus filius Praeposito S. Nicolai Acellario & H canonici Magdeburgensis suis dedit literis in mandatis, ut si ita esset, iam dictum Praepositorum, ut canonicum memoratum benignè reciperet & tradaret, monitione præmissa per censuram ecclesiasticam, remota appellatione, compellere prouaret, ipsi & complicibus ejus præfatus excessibus pœnam canonicam inflaturi, ut ea docente cognoscerent, quam temerarium sit contra stimulum calcitrare. Cum autem, sicut idem prædecessor noster ex ipsorum intellectu continentia literarum, eidem judicis Praepositorum ipsum auctoritate mandati apostolici peremptoriè citassent, ut eorum se consueci præsentaret, iam dicto canonico, super his, quæ præmisimus, responsurus, ipse nec venit, nec misit pro se idoneum responsorem. Verumtamen quidam clericus, nullus tamen exhibitus

tu

tis literis, comparuit coram eis, qui pro eo ab ipsis in nullo gravato sedem apostolicam appellavit. Licet autem appellationem ejus reputasset frivolum & inanem, quia tamen intellexerunt, eundem Præpositum ad sedem apostolicam accessisse, ut in præsentia partium melius vel plenius veritas appareret, jam dictum canonicum cum suis literis processum eorum continentibus, ad nominati prædecessoris nostri præsentiam transmiserunt. Saepatus prædecessor noster, ut ejusdem compatiens laboribus & expensis, ipsum duxit ad eosdem judices remittendum, dando eis per suas literas in præceptis, ut si res taliter se haberet, ad locum & beneficium suum canonicum restituente, eundem non permetterent ipsum super his à quoquam indebitè molestari, nihilominus à dictis Præposito & suis complicibus de illatis injuriis sibi competenter satisficeri, contradictiones per censuram ecclesiasticam appellatione postposita compescendo. Ceterum quoniam Præpositus memoratus de Simonia, dilapidatione, perjurio ac aliis multis dicebatur criminibus infamatus, & quod etiam excommunicatus presumisset celebrare divina, ac insuper ante confirmationem obtentam in administratione ecclesiae montis sereni tam in spiritualibus, quam in temporalibus se impudenter ingesserat, à quibusdam defratribus ejusdem ecclesie coram seculari judice obedientiam exigens & extorquens; eidem dederat in mandatis, ut inquisira super his diligentius veritate, quod canonicum esset appellatione postposita statuerent per censuram ecclesiasticam firmiter observari, ita quod, si non omnes mandatis exequendis possent apostolicis interesse, duo ipsorum eanihilominus exequi procurarent. Di-
cli vero judices licet in prefato negotio usque ad citationem partium processissent, per eos tamen negotium ipsum terminari non potuit, propter ipsius obitum mandatoris. Quare prefatus canonicus fatigatus diutius laboribus & expensis à nobis humiliter postulabat, ut super his providere sibi paterna solitudine dignaremur. Ne igitur occasione hujusmodi justitiae derogetur, discretioni vestra per apostolica scripta recipiendo mandamus, quatenus in eodem negotio juxta jam dicti prædeceſſo-

decessoris nostri mandatum sublato appellationis obstaculo ratione p̄-
via procedatis. Quod si non omnes his exequendis potueritis inter-
esse, duo vestrum nihilominus exequantur. Datum IIII Kal. Martij.
Pontificatus nostri anno VII. Harum auctoritate literarum pri-
ori dic ante octavam apostolorum Pr̄positus à p̄scriptis ju-
dicibus peremtoriè citatus est, terminum habens octavam be-
ati Laurentii, & locum monasterium Nienburg propè Salam.
Castrum Bresluz à Ludouico Landgravio destruitur. Woldemarus
rex Daciæ à comite Henrico de Zwerin cum uno filiorum suo-
rum captus, & primò in castro Lenszin, postea Dannenberge de-
tentus est. Sifridus Pegaviensis Abbas vir strenuus, & qui in
multis ecclesiæ suæ cognoscitur profuisse, maximè in conser-
vanda ejus libertate, tam in spirituali jure quam in seculari, pro
quare multis desudans laboribus etiam viæ suæ periculum
nonnunquam expertus, quorum omnium principium à falsis
ejus constat fratribus pullulasse. Denique cum factus Abbas
eos ad regularis observantiam disciplinæ coartaret, cogitans
Deo se pro eis redditum rationem illi in ejus odium excita-
ti, eum apud Everhardum Merseburgensem episcopum de ma-
la administratione frequentius accusaverunt, ita ut pro eorum
instantia, licet ei semper obsequiosus extiterit, ad suam eum
præsentiam venire p̄ciperebat, administrationis sua redditu-
rum rationem, monachis nonnullis pariter evocatis. Eccle-
sia enim Pegaviensis, quamvis à prima sua fundatione exempta
fuisse & libera; Prælati tamen ejus jure suo uti dissimulantibus
vel non audentibus, vel etiam quod salva eorum reverentia di-
ctum sit, nescientibus, sine obstaculo Episcopis Merseburgen-
sibus ancillabatur, donec veniret cui repositum erat opus i-
stud, homo natus ad laborem Sifridus Abbas, ut, quamvis per
multos labores, ejus industria in libertatem propriam respi-
ret. Monachis itaque querimonias suas contra eum exagge-
ranti

rantibus, intelligens ab episcopo se gravandum, priusquam feciretur prætenso clypeo se muniens, ad sedem apostolicam appellavit seque & ecclesiam suam tuitioni committens summi Pontificis soluto colloquio discessit. Porro episcopus super novo ejus ausu in admirationem ducetus, unum de monachis quem familiariter diligebat, quo etiam Abbas pro capellano utebatur, qui Abbatे discedente apud episcopum remanserat, cui erat nomen *Thiemo de Colditz*, secreta & cum instantia rogavit, ut sibi proderet, si sciret, qua fiducia nisus Abbas appellare præsumisset. Illo respondente quod fiducia exemptionis hoc fecisset, cuius videlicet privilegium haberet. Episcopus majori rogabat instantia, ut de hoc eum certificaret, ipsum ei si posset privilegium exhibendo. Quod cum ille clavem cistæ in qua continebatur privilegium habens promisisset, & promissum persolvisset, episcopus lectum privilegium, ut dicitur, in ignem projectit: de cuius exustione non parvum sibi contentionis incendium suscitavit. Praefatus autem *Thiemo* cum custodis fungeretur officio, & alii quidam monachi officiales ecclesiæ Pigaviensis, consilio cum Episcopo inito, duos currus ab Episcopo missos ornamenti onerantes ecclesiæ, omnia Meissenburg transtulerunt & Abbas monachos quidem illius facti auctores, suis privatos administrationibus, de cetero contra se invalidos reddidit. Ipse verò Romam projectus cum Episcopi nunciis contra se missis, qui eum contra jus à subjectione Mersenburgensis ecclesia resiluisse querebantur, longò tempore coram summō Pontifice contendit, tandemque de eorum consensu judicibus impetratis reversus est. Episcopus verò judicium sententia, ut omnia, quæ de ecclesia Pigaviensi ablata erant, ad locum ipsum reduce ecegebatur postea cum Abbatē de jure suo litem habiturus, quod ille usque quæque injuriosum reputans, sed tamen contra stimulum cœli-

T

mare

trare non valens ea ad Portensem ecclesiam deduci fecit, iudicibusque eum amplius cogere dissimulantibus, à loco illo ab Abbatie sublata Pigaviam reducta sunt. Verum quia privilegio non restituto ecclesia Pigavensis adhuc expoliata ostendebatur, Episcopi contra Abbatem conatus supervacuus videbatur. Contentione autem inter eos per annos plurimos perdurante, Abbatii magnum rebus accessit divinitus procuratum. Contigit enim translationem fieri corporis *s. Ottonis Bayenbergenensis* Episcopi, cuius reliquias cum Abbas impetrasset, & ecclesiam ex lignis in ejus honorem juxta civitatem Pigaviensem construxisset, tantus illuc fidelium concursus factus est, ut DCCC. marcas de sacrificio primi anni computarentur. Durat autem usque hodie concursus idem, et si offerentium videatur numerus decrevisse. Non autem Abbas circa tanti boni patronum negligens erat, sed primò ipsum oratorium ligneum à duobus Cardinalibus, qui tunc apostolicæ sedis legarione in Teutonia fungebantur, dedicari fecit: deinde paludem, in qua construtum erat, sumtibus magnis desiccans, circa ipsam ecclesiam decentem ex coctis lateribus ædificavit, redditusque quantos poterat tempore oportuno loco ipsi acquirens, regulares in eo canonicas instituere intendebat, habens de hoc ex promissione summi Pontificis potestatem. Fiducialiter itaque eo contra Episcopum agente ille tantum expensarum pondere lassatus est, ut ad *Henricum Imperatorem* confugeret, & pedibus ejus prostratus, adjuvari se contra Abbatem postularet, de multis eum accusans, & etiam contra Imperatorem eum agere affirmans, tantumque ejus animum concitavit, ut latinis verbis, *mortis eum esse filium*, proclamaret, præcipiens quibusdam suis fidelibus, quorum unus *Cuono de Mincenberg* dicebatur, vir crudelitate famosus, ut ubique inventus fuisset, eum perimere procurarent. Postmodum ramen consilio & auxilio *Tiderici de Mule*.

Mulhusen Camerarii Imperatoris gratiam ejus recuperavit, qui
Abbati consanguinitate proxima jungebatur. Perpendens vero
julices suos personae Episcopi contra justitiam reverentiam
habere, appellans de latere Papae judices postulavit, missisque
sunt ei Decanus de Tridento & magister Prænestinus, quibus ne-
gocio diligentiam adhibentibus ad hoc productum est, ut ab u-
traque parte testes producerentur. Quibus auditis & attestata-
tionibus scriptis & utriusque parti assignatis, priusquam in præ-
sentia summi Pontificis publicarentur, Everhardus Episcopus
& vivendi & litigandi finem fecit. Et sciendum Abbatem in-
ter ista nequaquam malis domesticis caruisse. Nam Thiemo de
Colditz monachus saepe dictus custodia se privatum dolens,
Henrico fratri suo secretè persuasit, ut missis armatis Abbatem
captivaret, scilicet ut eum officio suo restitueret compellen-
dum. Quod illi perficientes, & in vicino nemore seminudum
& incibatum per triduum eum detinentibus, ut monachum re-
stitueret, compellebant. Sed cum nec verbis minacibus, nec
gladiis evaginatis promissionem saltem ab eo extorquere va-
luissent, quarto die peditem eum redire Pigaviam permiserunt,
confessi postmodum, factum istud Thiemonis consilio consum-
matum: propter quod à fratribus expulsus consortio, dignam
sui facti mercedem consecutus est. Alio dehinc tempore qui-
dam monachorum, conspicati domum quandam firmam in
confinio claustrorum, fratrum usibus ædificatam, occupaverunt,
communemque cellarium exsolliantes omnia ad victimum per-
tinentia in eam contulerunt, militesque & servosarmatos quos
conduxerant in ea locantes Abbatem expellere nitebantur. Ad-
vocatio ecclesie Pigaviensis immediatè ad Imperatorem per-
tinet, nec jure sedi cuiquam conferri potest, sed habet pote-
statem eligendi Abbas, ad quantum temporis spacum volue-
nit, quemcunque sibi viderit expedire. Quam libertatem si-

T 2

fridus

fridus Abbas ecclesiæ suæ multis laboribus & expensis præmè à Friderico, postmodum à filio ipius Henrico, & nostris temporibus à Friderico Henrici filio, datis sibi privilegiis acquisivit. Tempore igitur, quo hæc gerebantur, Fridericum quendam de Groitz ex Imperatoris fidelibus advocatum habens, ejus auxiliū contra monachos invocavit. Qui collectis auxiliatoriis ad dictum accessit Abbatem, sed priusquam aggressionem faceret armatis qui intus erant collocutus persuasit ut ablatis rebus suis abscederent, quorum plerique ei hominio tenebantur. Monachi eorum præsidio nudati in nullo segniores apparabant, sed per fenestras domus pugnanter stantes, eos qui voluissent accedere lapidibus proturbabant. Fridericus verò cuppam altero ejus fundo excusio super currum stabilitam lignis siccis repleri fecit pice & resina & lardo pariter introjectis. Quibus succensis præcepit suis ut currum ante se impellentes domui applicarent. Pugnatores verò illi incendio territi & fumo vexati, à parte altera ubi domus aggerem habebat, terræ molliciis desilientes, fuga elapsi sunt, & hoc fine destruxerat domo, tumultus ille clausus est. Verùm monachi cum universaliter Abbatis odio tenerentur, & viderent, quod manifestis conatibus jugum ejus à cervicibus suis non possent excutere, de morte ipsius negociari cœperunt. Nam die quadam Abbe cum suis ad prandium considente unus ipsorum, Tobias nomine, cibum aliquem delicatè paratum ei attulit, sed cùm aliquantum à conspectu ejus recessisset, repente in gemitum cum fletu erupit. Quem cùm Abbas revocari præcipiens, cur flet interrogasset, respondit; id eo se fliere quia ministerio cibi illius venenati mortem ei certissimam procurasset. Abbas verò ipso cibo, de quo nondum gustaverat, & omnibus quæ in mensa erant projectis, territus surrexit, monachum vero consolatus est dicens; se ei pœnitenti hanc culpam remittere, quia ille

ille non se facti illius auctorem, sed aliorum fuisse nuncium fatigebatur. De quibus tamen Abbas inquisitionem facere non curavit. Praepositura est ecclesiae Pigaviensis in loco qui Zcholenne dicitur, cui Abbas monachum praefecit, ad quem cum aliquando venisser, ille gratanter, ut videbatur eum suscipiens & diligentiter procurans, inter cetera cibum delicatè ipsi duntaxat soli preparatum ei apposuit de quo Abbas modicum gustans, eum fratri suo Henrico de Rekkin, qui pater fuit Henrici de Rekkin Sereni-montis canonici, & ibi aderat, misit, & ab illo ad alios pervenit: cuius effectum breviter omnes, qui inde gustaverant experti sunt. Et Abbas quidem ad desperationem usque infirmatus, Dei adjutorio evasit. Frater vero ejus & duo cementarii & quatuor exinde pueri mortui sunt. Monachum vero tanti, ut putatur, mali auctorem non solum ab illa administratione, sed etiam ab ecclesia Pigaviensi Abbas removit, ipse vero in cibis sumendis postmodum cautior fuit. Numerati sunt autem ultra xxvi. quos pro hujusmodi causis, diversis fermentibus expulisse, quorum paucissimi ante vitæ ejus terminum recipi potuerunt. Odii vero, quod erga ipsum tam pertinaciter movebantur duplex fuit causa. Una quidem, quia illicitorum nulla eis sub illo erat licentia: altera, quia officia ecclesiæ eos administrare nullo modo permittebat, quia, cum olim ea administrassent, de his contra eum armati, multorum malorum causas & principia inventi sunt procurasse. Sed nec ex Everhardi Episcopi morte ne impugnantium se monachorum expulsione malorum terminum ei habere concessum est. Denique post mortem Henrici Imperatoris, Philippus rex advocatiam Pigaviensem Tiderico comiti de Summerschenburg, qui etiam de Groiz dictus est, contra privilegia ipsius ecclesiæ concessit, qui eam procaciter usurpans, & cives Pigavienses sibi violenter servire compellens, nec ab ipsius Abbatia

T 3

injurie

injuriis temperavit. Nam & ab hominibus ipsius aliquando captivatus est, & ab ipso ab ecclesia Pigaviensi expulsus, per annum integrum in castro *Wrbene à Bernardo Duce Saxonie* receptus, cum suis commoratus est. Accidit autem ut officiales comitis vinum de vinea Abbatis, quæ est in villa *Hilpertiz*, auferrent, *Groiz* ad castrum comitis deducendum. Quo comperto, Abbas eos, qui circa se erant armatos misit, ut eos, si esset possibile, prohiberent. Habens vero dextrarium electum, qui etiam propter ipsum notissimus erat, unum servorum suorum, qui *Bruno* dicebatur, habitu suo hoc est cappa indutum, in eo misit, præcipiens, ut ille signum ducens ceteros anteiret. Illis itaque cum vino jam recentibus, viri Abbatis eos cum festinatione infecuti sunt. Quorum unus post tergum respiciens, & signiferum illum cappatum videns, equumque agnoscens, Abbatem venire vociferatus est. Tantus autem repente metus custodes illos invasit, ut relictis curribus, priusquam in aliquo hostes experirentur, solum fugæ præsidium quærerent, cùm tamen eis, quos fugiebant, numero longè præstantiores fuissent. Ipsi verò curribus cum vino ablatis, *Wrbene* reversi, nō sine iucunditate ab Abbatे suscepiti sunt. Hæc ideo commemorare libuit, ut intelligatur, nomen Abbatis non nihil pondēris habuisse, eumque etiam hujusmodi adjutoriis uti solitum fuisse, non tamen ad nocendum, sed ad nocentes cavendum & repellendum. Postmodo discordantibus inter se *Tiderico Misnense* Marchione & *Tiderico* comite, Abbas favore Marchionis animatus *Pigaviam* reversus est, militibusque in civitate locatis violentiæ comitis cœpit resistere; Donec pertinaciter reluctando cum contra se redderet segniorem, quamvis eo vivente nunquam quieta gavisus fuerit libertate. Mortuo comite *Conradus* Marchio fratre ejus advocatiam Pigaviensem, quam cum ipso a Rege *Philippo* sibi concessam receperat, invasit, sed tamen

aperte.

à personalibus Abbatis injuriis abstinuit, quia filium ejus in baptismo susceperebat; quod ipsum tamen multis marcis si esset possibile, se velle redimere adhuc vivente fratre dixisse fertur, omnibus hoc ita interpretantibus, quod si talis eum non tenuisset occasio, à corporali ejus lassione nullo modo temperasset. Movebatur enim pro fratre carnaliter, quia ille in obtinendo proposito Abbatie inferior videbatur, maximè autem pro quodam verbo, quod Abbas minus cautè protulerat. Comitem scilicet apostamat appellando. Idemque denique Comes ecclesie Magdeburgensis canonicus existens, etiam ad Subdiaconatus gradum promotus erat. Accidit autem cum in scholis esset Parisiis, ut contentione inter Burgenses & clericos orta, servientes ipsius ad auxilium clericorum ab eo missi homicidium committerent, pro qua te de sua promotione desperans, clericatum dicitur rejecisse. Post mortem Conradi Marchionis, qui triennio tantum fratri supervixit, Tidericus Marchio Misnensis modis omnibus ambiebat, ut ipse ecclesie Pigaviensis advocatus eligeretur, quod cum Abbas sibi non convenire sciens facere negligeret, ille ex saudore & amico in hostem mutatus, valde eum vexate coepit, multa & damna & injurias irrogando. Ad extremum vero ante castrum Groiz, quod ei hereditario jure obvenerat, villam muniens, forum instituit telonium & monetam omnibusque provincialibus ab illa parte tam emere quam vendere volentibus ne Pigaviam pergerent interdixit. Abbas vero judicibus contra eum à sede apostolica impetratis, Episcopo & Decano & Scholastico Heripolensis, omnem ejus conatum evacuavit. Iudices enim testibus ejus auditis pro ipso rulerunt sententiam eique Brandenburgensem Episcopum executorem dedecrunt. Qui Groiz adveniens, convocatis castrenis & villanis, forum, teloneum & monetam, in loco illo haberi auctoritate apostolica interdixit, omnesque qui in ipsa villa

ad

adjus forense residentiam facerent, eadem auctoritate excommunicationis vinculo inodavit. Verum cum adhuc Abbas Marchionem de damnis ab eo, & ab his quorum hereditatem perceperat, sibi illatis impeteret, quae usque ad vii m. & d. marcas computaverat & propter hoc tota terra Marchionis interdicto ponenda esset, Albertus Archiepiscopus partes suas interposuit, & ut ipsius & Nuemburgensis & Mersenburgenhs Episcoporum, Engelhardi scilicet & Ekkehardi, arbitrio negotium committeretur, à partibus impertravit. Ipsiisque partibus convocatis arbitrium promulgantes, sententiani de foro Grotz prolatam confirmaverunt, & Marchioni, ut Abbatii pro damnis illatis d. marcas daret, sub poena excommunicationis præcepérunt: Statuentes insuper, si ita necesse esset, successores ipsorum ab heredibus Marchionis sub eadem poena pecuniam ipsam repererent, Abbatis successoribus persolvendam: sicque omnibus qui aderant gaudentibus, Marchio & Abbas se vicissim in pacis osculo receperunt. Et Abbas quidem à multis laboribus, quibus pro ecclesia sua per xxx. & amplius annos decertaverat, ab hoc tempore respiravit, magnum inter omnia mala solatum favorem sedis Apostolicæ semper habens. Nam & Cœlestino primitus, & post eum Innocentio, ac demum Honorio summis Pontificibus gratus admodum extitit & acceptus, quorum privilegiis ecclesiæ suæ libertatem ita munivit, ut omnibus eam expugnare volentibus redderet inaccessam. Denique Tidericus Mersenburgenhs Episcopus, qui Everardo successit, hoc ita esse sciens, toto tempore episcopatus sui, quem ultra x. annos tenuit, induci non potuit, ut litem contra Abbatem, quam antecessor suus pendentem reliquerat, suscitaret. Ekkehardus autem episcopus ei succedens cum esset juvenis & juris peritus, contemptibile nimis judicans in toto negotium omittere virum experiri voluit, sed accepto magnanimitatis ejus gusto, cùo à pro-

proposito resiluit. Tempore namque, quo *Gernodus Nienburgensis* Abbas cœcatus est, *Albertus Archiepiscopus* cum eodem Mersenburghensi, & aliis suis suffraganeis episcopis, in hoc convenit, ut propter casum memoratum in toto archiepiscopatu Magdeburgensi divinorum celebratio omitteretur. Hac ratione præfatus Episcopus Abbatι literas destinavit, quarum principium tale fuit : *Ekkehardus Dei gratia Mersenburghensis Episcopus Sifrido Abbatι Pigaviensi salutem, addito deinceps mandato, ut, tam in monasterio, quam in civitate celebrationem omitteret divinorum.* Abbas verò ei respondit in hunc modum & rescripsit: *Domino Ekkehardo Mersenburghensi Episcopo Sifridus Dei gratia Pigaviensis Abbas salt. pur, salt & una avant.* Sunt autem hæc salt. pur, verba Gallica, & sic sonant in Latino : *Salutem pro salute & una salt & una plus.* Post salutationem verò adjecit : *Ex secca & cruda salutatio avant. ne vestra cognoscimus, quid debis, quæ intrinsecus latent, perpendere debeamus.* Sciatis autem non pro mandato vestro nos à divinorum celebratione cessaturos, cùm ab omni Episcopi iurisdictione simus excepti, sed magis pro reverentia & dilectione Domini Archiepiscopi, cui nos semper fideles exhibere volumus & devotos. Licet autem episcopus his literis valdè moveretur, tamen nec factum unquam publicavit, nec tale aliquid deinceps attentavit. Abbas sanè nulli voluptati seu levitati deditus erat, quippe quem nec istis vacare adversitatum & negotiorum stimuli permittebant. Nam rebus ut libus semper intentus, licet interdum ab actione quiescens dum agenda studiose disposeret, etiam in ouo negotio non carebat. Habitus ei tam in forma quam in genere cum subditis communis erat, qui in nullo ab exemplari veterum discrepabat ut videlicet seculi conformitatem proorsus abhorret & religionem exprimeret & necessarii corporis non deceleret, ut nec regumento quidam capitis alterius modi quam ex ovi pellibus sus tuisse inveniatur. Audiant quæso hoc exemplum

nostri temporis Prælati, qui tot novitatibus, ut eas rædiosum & ridiculosum sit enumerare, primi tamen habitus simplicitatem non solum ipsi corrumpere, sed etiam subditis permettere non verentur. Qui etsi pro Dei timore id non agant, tamen ut saltem Prælatorum ad subditos manifesta esset distantia, minor cur eisdem subditos à talibus non compescant. Sed utinam nos solius habitus deformatio accusaret. Decubuit autem Abbas ultima sua ægritudine die beati Iacobi patroni sui, mortuusque est iv. Non. Augusti cum sedisset annos xxxix. *Tidericus Sereni montis Præpositus* ad dedicationem ecclesiæ suæ concurrentibus xx. dierum indulgentia impetrata, hoc quaqua versum tam per se, quam per alios, studuit divulgare: in quo eius intentio, quam de eadem indulgentia obtainenda habuerat, considerare volentibus prodebat. Rebus namque, quarum administrationi erat præpositus, ad infirmum statum ex ejus maximè negligentia deductis undecunque sibi providendum judicans, etiam de opere pietatis questum facere aggressus est, ut videlicet occasione prædicta crescente concurrentium multitudine etiam offerentium numerus augeretur. Et in concurrentium quidem numerositate consiliî sui effectu fraudatus non est: Vtrum autem & offerentium, ipse viderit. Constat enim cc. & xl. talenta cerae hoc anno de consueto sacrificii pondere defuisse. Post mortem *Sifridi Abbatis Pigaviensis* *Henricus de Rekkin Sereni montis canonicus*, de consilio amicorum suorum, mediante *Ekkehardo Mersenburgen Episcopo*, causæ suæ, quam contra *Tidericum Præpositum* habebat, post tres hebdomadas & x. annos quam inchoata fuerat, renuncavit & Præposito reconciliatus est sub hac forma, ut ipse quidem ad ecclesiam suam rediens & in capitulo veniam petens, sine omni poena à præposito reciperetur: Præpositus verò se eum injuriasse excommunicationis tulisse tententiam, sed quia

præ-

præcessit appellatio ab ipso apostolicam, legatione interposita, sententiam nostram nihil firmitatis dicimus habuisse. Hæc sequenti die assumptionis beatæ virginis Mariæ gesta sunt. Non parvum autem ex his erga subditos morum Præpositi datur iudicium, quia videlicet utrum justè an injustè id ageret non curans, citò in eos excommunicationis sententiam jaculabatur, tantum ut per hanc in causa qualibet eos sibi substerneret; unde eveniebat, ut sententia ejus eadem facilitate contemnatur, quâ proferebatur. Quidam Præpositorum Capituli Goslariensis supra redditus, qui in privilegio Tiderici Marchionis expressi sunt, ad servitium diei in quo capitulum celebratu^m, vide licet exaltationis S. Crucis, à Tiderico Præposito pecuniam exhibebant, contra quos ille judicibus à sede Apostolica impetratis eos citari fecit, sibi super exactione in debita responsuros. Poppo verò Hallensis ecclesiæ Præpositus ab eo petiit, ut usque ad diem Capituli memorati à causæ executione quiesceret, promittens se elaboraturum, ut negocium ibi sine amicabili clauderetur. Partibus itaque ad Capitulum Goslariam convenientibus obtinuit, ut arbitrio se submitterent, electique sunt arbitri ex parte quidem Præpositi Willehelmu^s Cillenensis & Willehelmu^s de Lipzke Præpositi, & Gerhardus Sereni montis Canonicus: ex parte verò altera Iohannes de Richinberge, Rudolfus S. Iohannis Halverstadenis & de Bruneshusin Præpositi, qui concordantes tale protulerant arbitrium ut præpositus, qui eo anno copiosum ei procuraverat servitium, sequenti quoque anno, quasi pro pœna defectus priorum annorum, simile exhibet; deinceps verò tam ipse quam successores ejus duas tantum marcas ad Capitulum venientibus presentantes, nullam supra hæc exactiōnem a quolibet patarentur. In eodem capitulo statutum tunc fuit, ut jejunium sextæ feriæ nullius festi o^r casioⁿe solveretur, excepto festo Natalis Domini, si in ea feria eve-

T 2

nire.

niret. *Henricus de Rekkin Sereni monticus Canonicus Romam* profectus est pro hujusmodi causa: *Sifridus Abbas Pigaviensis* patruus ipsius olim eum novellæ *S. Ottonis* ecclesiæ Præpositum constituere voleñs, nunquam ejus consensum ad hoc potuit inclinare. Infirmitate verò sua ultima detentus finem suum suspectum habere coepit, cum evocavit, & quibusdam amicis suis præsentibus, devotioni ejus, qua ei semper studiosè & non-nunquam periculosè collaborasset, gratias agens petebat, ut bono eam fine terminaret, quippe cùm ipse eum relicturus in proximo videretur, nec petitionem ejus ultimam pro causa præmemorata duceret contemnendam, cùm magno eum hujus rei teneri desiderio certum haberet. Ille verò, quia amicorum morientium petitiones ad obtinendum efficaces solent existere, consensurum se promisit, tantum ne eis tristitiam generaret. Abbas Deo gratas agens quòd hoc obtinuerat, statim eum ecclesiæ *S. Ottonis* Præpositum instituit, & in spiritualibus & in temporalibus, monacho cuidam *Henrico* nomine, qui procreationem ejusdem ecclesiæ dudum commissam habebat, præcipiens, ut cum aliis, quos simul mittebat, eum in possessionem Præpositoræ suæ duceret, omnemque ecclesiæ familiam ei, utpote domino suo, obaudire præciperet, cunctis ei tam ecclesiæ quam aliorum locorum clavibus assignatis. Hæc tertio ante mortem Abbatis die peracta sunt. Abbate verò mortuo, præfatus *Henricus*, monachus in Abbatem electus est, vir priori quidem prorsus dissimilis, sed qui monachis absque jugo vivere volentibus, idoneus videbatur, unde & in electione ejus tanta festinatione usi sunt, ut cùm Abbas tempore noctis obiisset, ortum diei ad eligendum nullatenus expectarent: ipse quoque quasi vicissitudinem eis respondens, officia ecclesiæ, ad quorum administrationem Abbas eos non admiserat, statim eis distribuit, quod etiam adhuc vivente Abbatе dicitur promisile.

Is

Is itaque cum eisdem suis electoribus consilio, ne factum
Abbatis de ecclesia S. Ottonis durare permetterent, per quod
tanta bona eorum usibus deperirent, præsertim cum ille hoc
in ægritudine desperata & jam penè moriens ordinasset, ideo-
que esset revocabile: quibusdam ipsorum destinatis, Henri-
cum de ecclesia S. Ottonis violenter eiecit, unum ex eis loci
ipsius instituens provisorem. Ad hoc etiam missio nuncio
Tidericum Præpositum Pigaviam venire rogavit, ut Henricum
excommunicationis subjacere sententia quam olim contra
ipsum tulisse dicebatur, ex ipsius confessione cognoscens, in-
stitutionem in tali persona factam causam esse facilis demon-
straret. Præpositus venire non differens eum se excommu-
nicasse confessus est, & ille consequenter juxta ejus confessio-
nem excommunicatum publicè denunciabat. Sed illa festi-
natio Præposito confusionis aliquid procuravit. Paucis enim
evolutis diebus cum Henrico reconciliaretur cum famæ suæ,
quam per illam confessionem lacerat, restituere compulsus
est, missis eidem electo literis, quarum forma talis est: Reve-
rendo & in Christo dilecto Domino Henrico Eleto & Capitulo Pegar-
vieni, Tidericus Præpositus Montis-serenii cum devotis orationibus
& obsequio sinceram in Domino caritatem. Innotuit nobis, quod cum
apud vos essemus, occasionem sumentes ex verbis nostris, post discessum
nostrum Dominum Henricum & fratrem nostrum & Præpositum
S. Ottonis, de excommunicatione gravioriter infamasti, cum tamen vo-
bis eum non denunciaverimus excommunicatum: hoc tantum vobis sug-
gerentes, quod aliquando sententiam excommunicationis contra eum
tulerimus. Sed quia constat appellationem præcessisse, legitimè ab eo
interpositam, idcirco dicimus sententiam nostram nihil firmitatus ha-
bere potuisse. Hinc est quod h. vestram modis quibus possumus
duximus exorandom, quatenus intuitu juris, & pro Domini. Præpositi
reverentia præfatum Dominum Henricum benigne & fraternè tra-

stantes, ipsum tanquam virum honestum & catholicum habeatis, favendo ei, quod semper apud vos orationibus nostris & obsequio volumus promereret. Henricus itaque super violentia sibi illata ad præsentiam summi Pontificis appellavit Præposito permittente, cooperante: nam quatuor marcas ad supplementum expensarum ei dedit. Romam tendens sequenti die beati Mauricei à Sereno monte egressus est. Rebus inter hæc ecclesiæ Sereni-montis dietim in pejus vergentibus Tidericus Præpositus de consilio familiarium suorum aliquos de fratribus locis aliis partiri disposuit pro conservandis videlicet expensis, assertens etiam illorum transmissione idoneè se à colligendis hospitibus excusari, quo tamen factò & suæ & subditorum suorum famæ non parvam maculam acquisivit. Negotio interim in eo procedente, ut de eorum, qui transmittendi erant, mansionibus ordinaret, fama hujusmodi circum quaque ciùt provincialibus cunctis innotuit, multis dolentibus quām maximè, eumque destructorem publicè clamantibus, eique maledicentibus pro eo, quòd talem ecclesiam, quam priores ipsius in magna honestate & rerum copia gubernassent, ipse ad tantam deduxisset inopiam, ut ad Dei servitium in ea congregati sustentationem de amplis ejus redditibus non haberent. Quiavero feminas quoque conversas emigrare proposuerat, plerique hæc audientium consuelo laicis more loquentes dicebant, moniales illas à monachis stupratas esse, quibus jam pariendi tempus instaret, eas pro crimine occultando occasione penitrix ad loca alia destinari. Ottomis autem Comitis de Brene, qui tunc advocatus loci erat, ministerialium quidam cum ipso Comite adhuc puerò ad locum accedentes, fratribus convocatis Præposito tunc absente propositum ejus valde esse reprehensible demonstrabant, ipsosque rogabant & hortabantur, ne ei ad recedendum aliquatenus consentirent, quibusdam ipso-

ipsorum, qui in congregatione seminarum consanguineas habebant, dicentibus, se nullo modo, ut ad se pertinentes quoquam transmittenet, permisuros. Præpositus dehinc rediens fratres ad consilium illorum inclinatos & quæ ab illis dicta fuissent, intelligens, latenter quidem pavidus, sed audaciam verbis prætendens dicebat, nunquam se illorum timore à proposito recessurum: nec tamen diu simulatæ inhærens constantia, sed statim sermone in aliud converso, illos quoque sibi consuluisse asserebat, ut expensas minus sumtuosas tam in cibo quam in potu habere assuereret, quod etiam facturum se pollicitus, in promissio verax inventus est. Denique cum jamdudum fratrum servitia, quæ sic vocare consuevit us anniversariis fidelium & diebus sanctorum festivioribus depurata liberè subtraxisset, nunc etiam quotidiane eorum procurationi cœpit detrahere, carnesque, quas in esum diebus alternis solabant percipere, eis diebus tantum Dominicis semel & tenuiter ministravit. Potus verò modis variis alterabatur, interdum videlicet de coctione baccharum lauri, qui modus festivior erat, non nunquam radicum urticæ, crebro enulae campane, præcipue cujusdam herbae ignotæ, quam Præpositus myrtum appellabat, quam tamen myrtum non esse omnines, qui myrtum noverant, testabantur. Alii herbam mortiferam esse dicebant. Alii nec herbam, sed surculos radicum arboris, qui vulgariter vichtin dicitur, quia in locis colligabantur, ubi hujusmodi arborum sylvas suisse constabat. Quicquid verò illud esset, decoctione ejus fratribus uti necessè fuit, vel sitis miseriam sustinere. Ejus verò sapor ita extitit extra-neus, ut plures ex fratribus antequam usum habere potuerint, decoctione aquæ simplicis uterentur, neque enim ut quondam vini habebant remedium, quod Præpositus, eis prorsus irrequiris, ita pro suo detrahebat arbitrio, ut si quo

anno

anno non ultra L. vel LX. carratas vinea attulisset, vini eos nec meminisse quidem, ut sic dixerim oporteret. Hinc itaque crebrae inter eos dissensiones oriebantur, quoniam hujusmodi defectum experientia non omnibus usque quaque communis erat, sed eis tantum quos adversarios Praepositus deputabat, si qui videlicet super his in querelæ vocem erumpere præsumissent, cum his quoque qui Praeposito familiarius adhæabant, cauas discordias cumularent. Quidam enim ipsorum, quorum capitaneus erat fratriss Praepositi filius, cuius supra in causa cameræ mentio facta est, pro suo viventes arbitrio ceteris fratribus, tam junioribus quam senioribus graves solabant existere, ut in eos non solum verbis sed etiam manibus excederent, quibusdam etiam interfectionem, quod dictu est horribile, minitantes, nec ipsum quidem Priorem, si vel occulte quicquam de eorum tractasset excessibus, expertum talium relinquentes. Hæc quidem de junioribus intolerabilia ut erant, judicantes, maximè cum Praepositus illos à talibus non compesceret, hujusmodi consensum inter se fecerunt, ut contra illorum violentiam opera se vicaria tuerentur. Vnde factum est, ut quoniam illi ab ipsis duplii numero vincebantur, à priori animositate penitus repressi nihil de ceterot alium attentarent: sed tamen ipsa sua repressione acrius incitati contra eos, qui se represserant, qui suis non poterant Praepositi viribus utebantur. Quicquid enim à quoquam illorum propter quotidianum defectum murmurantium dictum fuisset, quod derogationem Praepositi vel tenuiter redoleret, statim ejus notitiae deferebant, de quo ille vindictam sumere quantum poterat non negligebat. Singulorum etiam excessus, quos ante plures annos cognitos dissimulaverat, ut iustam videretur ultroniis habere materiam replicando, non nunquam vero etiam falsis eos, criminibus infamando. Maxime

ximè verò id agebat, ut unanimitatem eorum, per quām suos
despectui haberī videbat, terrore dissolueret, eosque cum il-
lis ad concordiam revocaret: sed propositum non obtinuit,
quoniam isti quantò magis impetrabantur, tantò sibi stricilius
ad hærebant, ne divisi malis quibus liber vel ab eo vel à suis illa-
tis facilius subderentur. Concordare autem causis discordia
non cessantibus, difficile eis videbatur, cùm videlicet necessaria
& consueta tam in vietu & in vestitu sibi subtrahi, hisque alios
delitosè uti, illorum quoque mala non modica à Præposito
non solum dissimulari, sed etiam defendi, sua verò interdum
minima exaggerari, seque pro his gravari consiperet. Præter-
ea cùm ipsi pro talibus à querelis temperare non possent, illi-
que easdem querelas, delationis habentes materiam, incessan-
ter contra ipsos Præpositum incitarent, ad hoc etiam impatiens
stimulati, eumque, quem ut patrem honorare debuerant,
conteminebant, graves non nunquam ipsi verborum contu-
macias irrogantes, ejusque interdum justæ correctioni contu-
maciter repugnantes. Licet autem ipse ad gravandum eos oc-
casione qualibet ex se ipso promptus semper existeret, certum
tamen est eum familiarium suorum delationibus ad malum sæ-
pius incitatum. In his præcipiis esse credebatur cellararius Ot-
to nomine, cui magno favore Præpositus erat obnoxius, vir
elatæ mentis & dubiæ veritatis. sed qui hæc ipsa animi virtus ver-
bis molibus occultate noverat, & cui ad hoc agendum vox ip-
sa naturaliter infirma satis utiliter serviebat. Hic cùm primùm
ad tale promotus fuisset officium, sicut à non nullis considera-
tum est, favorem frattum studiosè sibi met coepit conducere,
rerum mutationem jam tunc cogitans, eorum procurationi
tam cotidianæ quām festivæ diligenter intentus, adeo, ut ali-
quando die festiviori ferculorum, quæ eis ministrabat, usque
ad denarium numerus renderet, ad quod perficiendum paro-

etis quoque cuius præterat officio juvabatur. Fratrum verò ju-
niorum animos his rebus ita sibi devinxit, ut, quod ei erat val-
dè delectabile, crebrò circa ipsum collecti providentiam ipsius
collaudarent, ejusque provisioni gratias agerent, quorum plæ-
tique tempus venire, quo ipse Præpositus fieret exoptabant.
Verum post modicum hac ejus facta benevolentia cum rebus
quibus præterat deficiente, illorum quoque erga eum devotione
laßlabatur, & dilectio paulatim transibat in odium & contem-
tum, quoniam & in aliis rebus eum alium quam se ostenderet,
experiebantur. His enim, quos dudum aliis graves extitisse
prædictum est patronum se exhibebat, Præposito pro eis con-
tra alios suggestiones faciendo, eosque occultè, ut dicitur,
animando & consilia ministrando. In his itaque, licet magni-
pere latere desiderans, experimento cognitus, tempore pro-
cedente, cum necessaria fratribus præscripta modò subtrahiri
cœpissent, eis in querelam publicam contra Præpositum exci-
tatis, ipse quoque palam adversarium se eis exhibuit, non so-
lum quia insolubili quadam obligatione ipse & Præpositus qua-
si cohærebant, sed etiam, quia ab eis, quorum favorem maxi-
mè expetierat se contemni graviter ferebat eos verò qui partis-
erant Præpositi colligens, eisque rerum omnium quas aliis
subtrahebat copiam exhibebat, contra alios Præpositum variis
dilationibus ineitabat. Ne autem ipse cum aliis gravamina
procuraret, hujus studii mercede, Deo judice, fraudatus est,
imò confusionem ex eo vice prudenti & qui honestatem dilige-
ret importabilem reportavit. Nam cum exercitio aleæ omnis-
que generis ludorum deditus fuisset, tempore, quo de bona
promissione laudabilis videbatur, alios quoque de fratribus in
his rebus socios sibi studuit adhibere. Ipse verò cum quibus-
libet tam domesticis quam extraneis, qui similibus studebant,
diebus crebrò noctes continuans, damnosè nimis talibus insi-
stebat.

stebat. Denique alii xv. quidam xx. non nulli xxx. maresas ludo eum perdidisse infra unius anni spacium affirmabant. Qui rumor per cunctorum ora provincialium cum volveretur, Præpositum quoquenon latuit, secularibus quibusdam viris eum redarguentibus, cur talia non compescendo ecclesiam suam de honestari non minus, quam damnificari permetteret, cum quidem ipse hæc surdis auribus pertransiret. Fratres enim tam Prior quam alii sermones de his & similibus ad ejus familiares pertinentibus cum eo quicquam tractare superfluum iudicabant, scientes eum accusantibus, quam accusatis potius indignati. Cum itaque aliquando unus de fratribus cuius præ ceteris in præfato negotio familiaritate Cellerarius usus fucrat, sed quem tunc intensius persequi videbatur, ipso de quadam Præpositi derogatione accusante gravare disponeret, & ille quoniā testibus idoneis convinci non poterat, accusationem ipsam per obedientiam requisitus negando dissolvisset, de excessu alio, in quo eum olim se deprehendisse asserebat, videlicet de ludo aleæ, eum cœpit impetrare satisfactionis ab eo debitum repetendo. Mansio sanè, quæ curia Præpositi appellabatur, ipso quoque digrediente, eo tempore quasi gymnasium fuit alea, scacchis, tessellis globisque ludentium, Ottone signifero & quod his studiis competebat, quodam ejus serviente vini vel medonis venalitatem ibidem instituente, quasi taberna publica videbatur. Vbi die quadam frater ille, non tamen ludens, deprehensus, suspicionem ipsam à se protinus abstergere curavit, Præposito, cuius tunc favore potiebatur, ne sibi indignari debisset, neve sinistram de se suspicionem habere vellet, humiliter supplicando, ipso eum ut securus esset hilariter adhortante. Igitur à Præposito sibi malum paratum intelligens, ut ejus auctorem non nesciens, culpatus omnem illam insignem narrationem de cellerario cœpit evolvere, dicens eum potius argu-

endum & puniendum, qui tale damnum rebus communibus intulisset. Præposito autem ut taceret præcipiente, cùm non acquiesceret, excommunicationis contra eum statim sententiam promulgavit. Fratribus autem, qui, ut jam dictum est, contra familiarium Præpositi violentiam se vicissim tuebantur, quorum hic unus erat, sententiæ reclamantibus, tumultu facto Præpositus à consensu se abripiens, relieto capitulo egredens est. Quem cum *Otto* sequeretur, illi inordinatis in eum vocibus uti cœperunt, alii furem, alii sacrilegum, alii Iudam traditorem, alii aleatorem publicè inclamantes. Sequenti die Præpositus auctores tumultus illius mansuetè satis redarguens, monens ut à talibus temperantes essent; contra opinionem quidem omnium & suam consuetudinem, cùm & prolatam excommunicationis sententiam pridie facillimè relaxasset, non communi paci, sed cellarario tantum hac lenitate consulens, ne fortè districta facti illius examinatione motu aliquo concitato ille infamis amplius redderetur. Et ut ab omni parte plenam securitatem procuraret, eidem in virtute præcepit obedientiæ, ne quis de cætero criminaciones illas, quas ille injustè passus fuisset, præsumeret iterare. Hoc autem ejus studium protinus familiarium suorum excessibus, ex alio quoque ejus facto cognoscipotest. Vnus fratum, quos adversarios deputabat, in congregacione seminarum sororem habens carnalem, cuidam familiarium ejus indecenter ad hærentem, naturali zelo ductus Præposito de hac re non semel conquestus est, petens ut eandem sororem suam à familiaritate, in qua esset mali suspicio, coherceret. Præpositus verò aliud quām ille petebat exsequens, ab instantia conquerendi, cùm verbis non posset, verbibus cohercere curavit, dicens ecclesiam ex illis querelis damnum incurrisse, cùm ille, ut pro se aliquid diceret, eloquentiæ adjutorium non haberet. Nec defuit inter ista fratribus odiorum

diorum infelicitas, quibus ita contra se altrinsecus accensi erant, ut quidam partis Præpositi in divinorum celebratione proximis sibi in choro alterius partis fratribus pacis osculum publicè denegarent. Tales eo tempore fructus peccatis exgentibus ecclesia Sereni-montis de Prælati sui, filij peccati, moribus colligebat. Henricus de Rekkin Sereni-montis Canonicus x. Kal. Martij de itinere Romano reversus, literas ecclesiæ suæ à sede Apostolica impetratas attulit, quarum exemplum subjectum est. Honорius Episcopus servus servorum Dei venerabilibus fratribus Magdeburgenſi Mogontino & Colonienſi Archiepiscopis & eorum suffraganeis & dilectis filijs Abbatibus, Prioribus, Decanis, Archidiaconis, Præpositis & alijs ecclesiarum Prælatis per Magdeburgensem & Colonensem provinciam constitutis salutem & Apostolicam benedictionem: Non absque dolore cordis & plurima perturbatione didicimus, quod ita in plenisque partibus ecclesiastica censura dissolvitur, & canonice sententie severitas enervatur, ut viri religiosi, & hi maximè, qui per sedis Apostolicae privilegia majori donati sunt libertate, passim à malefactoribus suis injurias sustineant & rapinas, dum vix invenitur, qui congrua illis protectione subveniat, & pro foventa pauperum innocentia se murum defensionis opponat. Specialiter autem, dilecti filij, Præpositus & canonicis monasterij Montis-Sereni ordinis S. Augustini, quod ad Romanam ecclesiam nullo pertinet mediante, tam de frequentibus injuriis, quam de ipso cotidiano defecu justitiae conquerentes, universitatem vestram literis petierunt Apostolicis excitari, ita ut videlicet eis in tribulationibus suis contra malefactores eorum promta debeatis magnanimitate consurgere, quo ab angustiis quas sustinent & pressuris vestro possint præsidio respirare. Ideoque universitati vestrae per Apostolica scripta mandamus atque præcipimus, quatenus illos, qui possessiones vel res seu domos præditorum, Præpositi & canonicorum, vel hominum suorum, irreverenter invaserunt, aut ea injuste detinuerunt, quæ ipsis ex testamento decedentium relinquuntur, seu in eos contra A-

postolicæ sedis indulta sententiam excommunicationis seu interdicti præsumserint promulgare, vel decimas laborum de terris habitis ante concilium, quas propriis manibus aut sumtibus excollunt, seu nutrimentis eorum, spretis apostolicæ sedis privilegiis extorquere monitione promissa, si laici fuerint publicè candelis accensis excommunicationis sententia percellatis: si vero clericis vel canonici regulares seu monachi fuerint, eos appellatione remota ab officio & beneficio suspendatis, neutram relaxaturi sententiam, donec jam dictis Praeposito & canonicis plenè satisfaciant, & tam laici quam clerici seculares, qui pro violentia manuum injectione anathematu vinculo fuerunt mandati, cum dioecesani episcopi literis ad sedem apostolicam venientes, ab eodem vinculo mereantur absolvi. Villas autem, in quibus bona prædictorum Praepositi & canonicorum vel hominum suorum per violentiam detenta fuerint, quādiu ibi sunt, interdicti sententiae supponatis. Datum Laterani Novis Ian. Pontificatus nostri anno 11X. Willehelmus secundus de Lipzke Praepositus ad Præposituram Drubicensem translatus est, cui in priori ecclesia successit Ekkehardus ejusdem loci Canonicus.

Anno M CC XXIV. Sophia Quedlinburgensis Abbatissa filia Friderici Comitis de Brene, filii Marchionis Conradi Senioris, magnorum & non paucorum excessuum rea deponitur. Viros enim quosdam malignos & latrocinantes in castro Quedlingburg pro sua ut dicebat, tuitione colligens, turresque monasterii instar castelli munitas pro domicilio eis permittens, impudenter his res ecclesie impendebat, & fœda conferebat, cum illi pacem provincialium cotidianis incuribus perturbarent. Civium præterea Quiddelingeburgensium ditiones pro suspicione, quod civitatem Hojero Comiti de Valkinstein, cum quo ipsa de advocacia ejusdem civitatis litigabat, tradere vellent, captivatos tam diu afflixit, donec filios suos conservandæ ei fideli-tatis obrides dare coacti sunt, quorum plures, cum ipsa, pro eo quod

quod erat animi inclematis necessaria subtraheret, mortis periculum incurserunt. Adhoc etiam de dilapidatione, nec minus de lapsu carnis & neglectu religionis multipliciter infamata, omnibus circumquaque de se loquendi materiam ministrabat. Friderico autem Imperatore pro expugnandis paganis longo tempore in Siciliæ partibus occupato, Rex juvenis filius ipsius cum deputatis sibi principibus, Cis-Alpinum imperium gubernabat. Cui Northusen curiam celebranti, Henricus Comes Aschariaæ filius Bernhardi Ducis, & Hojerus Comes de Valkenstein, & alij plures nobiles & ministeriales, de præmissis Abbatissæ excessibus illa absente conquesti sunt. Præcipue obsum mortuorum patres, qui cum clamore vulgari, quo ad arma convocatio fit, justum contra eam judicium postulabant, quam Rex, ut de objectis satisfaceret, ad proximam curiam Egere per sententiam evocavit. Quo cum illa muliebri superbia venire contempisset, omni eam suæ dignitatis jure seculari, sententiantibus qui aderant, Principibus, spoliavit. Deinde inquisitione contra eam à sede Apostolica facta, inquisitorum sententia ita deposita est, ut ad candem dignitatem in aliqua ecclesia de cetero eligi non valeret. In locum verò ejus electa est Bertradus soror quondam Conradi Halverstadensis Episcopi & Guncelini & Friderici de Crozuc. Accidit in civitate Hallensi ut parochianus S. Gertrudis Wicmannus nomine, Novi operis canonicus die quadam ad morientem aliquem vocaretur. Qui veniens, invenit, hominem ex his, quibus est coquendi salis officium, qui se in sartaginem sui operis bullientem injecerat, nisi quod lingua adhuc vivaciter utebatur: à quo dum casus illius miserandi causam modumque requereret, ille presbyterum auditu recognoscens, quia visu non poterat, oculis scilicet de conditionis vaporibus obscuratis & cute turgescente compresissimis, rogabat ut submotis aliis soli ei loquendi sibi copia praestaretur.

Quod

Quod consecutus cœpit dicere : se magna peccatorum suorum
penitidine ad opus illud adductum, nec tamen ad hoc sine con-
silio accessisse. Presbytero verò dicente, non bono eum usum
consilio, cum illicitum sit, ut pro quaunque causa nobismet
ipsis mortis periculum inferamus, & quis tale ei ministrasset
consilium sciscitante, respondit : Ante dies aliquod cum me
peccatorum meorum recordatio tristem admodum reddidisset,
repentè ubi eram intrantes ad me vidi viros albis indutos ve-
stibus, qui me alloquentes, & sermonem mecum miscentes, in-
ter alias causas à me tristitiae requirebant. Quas cum eis sim-
pliciter aperuissem, me videlicet ex scelerum meorum memo-
ria tristari, pro quibus semper augmentum capientibus æternō
me non ambigerem suppicio deputandum : illi rectè & utili-
ter me tristari afferentes, consilium tale mihi se datus dice-
bant, quo ad plenam peccatorum indulgentiam pervenirem :
scilicet ut me ipsum Deo sacrificarem, & salis in sartagine bu-
liente corpus meum, cuius ministerio Deum offendissem, illis
servoribus iniicerem cruciandum ; affirmantes hoc Deo modis
omnibus placitum. Ego verò consilium amplectens cum illi
à me recessissent, cœpi observare tempus, quò id perficerem,
ne me cujusquam præsentia impediret. Hodie verò cùm solū
me esse contigisset, illi iteratò mihi apparentes svadebant, ut
ad propositum accederem, addentes, quod periculosa esset di-
latio, cum mors incerta tam consilium utile posset annullare.
Ego nihil morarus, quod monebant implevi, & nescio utrum
ex hoc mihi juxta illorum promissum indulgentia sit speranda.
Imò verò perpetuam per hoc damnationem, ait presbyter, ti-
mere debes, nisi pœnitentiae adjutorio redimaris ; demumque
eum instruens, ut consilium illud Diaboli, & qui sibi apparue-
runt Dæmones fuisse intelligeret, ad peccatorum ejus confes-
sionem instantiūs hortabatur, immensitatem divinæ miseri-
cordiæ,

cordiæ, & quā sit paratus Deus suscipere pœnitentes, ei sapientius inculcando. Ille deceptum se animadvertis, & ad tantam non solum infructuosè sed etiā periculose se venisse considerans, à fundo cordis ingemuit & sceleris in seipsum commissi se pœnitente modis omnibus fatebatur. Deinde peccatorū suorum vulnera fideli prorsus & devota confessione aperiens, ea pœnitentia lacrymis infundebat. Post confessionem jam bonæ spei factus, presbyter ut transitum suum, qui jam adesse videtur, eucharistiæ perceptione muniret admonente, respondit hoc quidem valde esse desiderabile, sed fieri non posse, quoniam inflato gutture glutendi copiam non haberet. Rogabat autem ut presbyter corpus Domini summis contingens digitis, eorum ablutionis aquam sibi sumendam porrigeret, pro testimonio fidei suæ quam de illo Sacramento firmiter retineret. In hac actione illis occupatis, subito presbyterum, an aliquid audiret, interrogavit. Quo respondente, nihil, scilicet nisi ipsum audire: cumque quid audiret vicissim interrogante, respondit: voces se multorum quasi sub terra audire lugentium & flentium, viderique sibi illorum esse, quos antè modicum consiliarios habuisset. Nec multò post Deum, ut sui misereretur crebro invocans, animam reddidit, ecclesiasticaque est conditus sepultura. De hoccum fatendum sit, cum peccatis aliis hoc quoque, quod se ipsum illicite punivit, fortasse credi potest, quod eadem pœna per ipsam pœnitentiam ut sic dicam purgata ipsi purgatoria sit effecta: sicut latroni illi beato post confessionem pœna scelerum non ineptè creditur contulisse martyrium.

Haldis leve civitas ab hominibus *Alberti* Archiepiscopi reædificatur, ipso in partibus *Lombardiae* servitio Imperatoris jam per trienium occupato. Discordia, de qua superiori locutione satis dictum est, inter fratres ecclesiæ Sereni montiis

necdūtū sōpita. *Tidericus* Præpositus die Parasceve in com-
muni capitulo in virtute præcepit obedientiæ, ut si quis ranco-
rem contra alterum retineret ab altaris abstineret communio-
ne. Post capitulo verò à quibusdam fratribus senioribus
contra suum propositum inductus, tam eos, qui sui favori e-
rant, quam illos, quos adversarios deputabat, privatim ad con-
cordiam hortabatur, continuato sermone subjungens frustra
eos carnium & aliarum rerum exactiōni facere, quoniam
ipse tantis expensis sufficiens non valeret. Illi verò quos per
excommunicationis verbum notaverat, responderunt, se dis-
cordandi causam non habere, nisi necessariorum defectum
& eo sublatō quiete se acturos: manente autem nullo modo
posse querimoniās cōhibere. Quo responso motus Præpo-
sitū ab interdicto quidem communicationis statim suos ab-
solvit, tanquam parati & concordiae in nullo reluctantēs, illis
verò introitum ecclesiæ distinctè interdixit, quasi per ipsos
pax & concordia turbaretur. Cum autem in hoc animi mo-
tu ad divinorum celebrationem accederet, quidam defratri-
bus cum rogantes ut pro reverentia festivitatis instanter indi-
gnationem compesceret, vix à sententiā reduxerunt, & com-
munionem quidem tunc illis indulxit, verū peracta festivi-
tate cum quibusdam ipsorum se minatus est aliter tractatu-
rum. Hoc enim artificio in omni penè casu, quō ei gravani-
di subditos occasio provenisset, ut consueverat, ut in decisi-
one causæ partem aliquam non relaxatam reservareret, de qua
oportune se tractaturū dicere solebat, ut sic eos suspensos
teneret, & trepidis suspicionib⁹, quasi impendente adhuc
gravamine, fatigaret. Verū paucis post festivitatem elapsis
diebus novam quandam illi turbationem hujusmodi occasio
procuravit. Quidam fratum laicorum, quos barbatos vo-
cari usus obtinuit, coquinæ officium commendatum habens,
fratris

fratribus tam verbis quām factis injuriosus esse consueverat, præsentim hic quos à Præposito noverat non amari. Inter cetera siquidem illorum temporum mala consuetudo dolenda irrepserat, ut quoniam carnes fratribus diebus statutis in communi non ministrabantur, isti nummos invicem conferentes & ad fora vicina transmittentes carnes emerent, quibus irrequiso Priori extra refectorium uterentur. Vnde siebat, ut in hujusmodi diebus vix duo vel tres præter Priorem fratrem hora refectionis in refectorio invenirentur. In hoc quoque negocio frater ille coquinæ præpositus malæ voluntatis his aliquid ostendere non negligebat, modò videlicet ad hæc necessaria denegando, modò cocos à præparatione rerum ad eos pertinentium prohibendo, eos verò qui partium erant Præpositi, tam in congregatione virorum quām fœminarum modis omnibus honorabat, eisque supra communem proculationem de rebus sui officii quicquid desiderasset impendebat. Fratres hic de familia ecclesiæ ex eo genere hominum, qui Zinurdones appellantur, tanta superbiæ, ut mirum esset rusticam mentem angustis rebus & paupertati assuetam tantum inflari potuisse, cum fratres quoque ipsius carnales & cognati cotidiano congregationis servitio in concoquenda cerevisia dediti, & ex eodem servitio sordidi sæpe vultus & habitus effecti, generis sui abjectionem ejus frequenter oculis præsentarent. Verum idem cum Ottone Cellerario ex magno dilectionis calore undecunque conflato, in unam, ut sic dicam, animam confluxerat. Præpositum verò obsequio, quod suis & maximè sorori ejus, quæ in congregatione fœminarum in seculari habitu vivebat, studiosè admodum impendebat, ita sibi devinxerat, ut querimonias fratrum, etiam Prioris, quas crebro de ipso proferebant, prius neglexeret, cum tamen ipse quoque elationi ejus nonnunquam testimonium perhiberet.

Y 2

Acci.

Accidit autem die quadam, ut unus fratum ex junioribus lignum unum ex his, quæ per sexagenas numerari solent, ut operis quipiam ex eo faceret, petiturus, illo absente coquinā intraret, & servis, qui aderant, licentiantibus lignum tolleret & abiaret, cui ille superveniens, quoniam hic ex eorum numero erat, quibus omnis boni principium negabatur, ut lignum redderet cum fastu verborum edixit. Quo nolente eum insecutus detinuit, & reluctantem etiam per capillos, ut ille fatebatur, retinere conatus est, qui tamen violenter se abripiens retento ligno recessit. Sed cū Præpositus eidē de lata contumelia conquerenti nihil satisfactione dignum factum esse judicasset, tam ipse, quam quidam ejus socii, impatientia itimulati, & ex præsenti facto præteritas recolentes injurias, opus opinione majus aggredi fratremque illum non verbis sed verbibus corripere statuerunt. Itaque oportunitate die quadam captata, Præposito absente eum aggrediuntur, quos ille cultello fixorio, quo dudum eos suspectos habens se munericrat, facile à se submovit, cum ad eum vacuis manibus accessissent. Erant autem quatuor numero. Vnus tamen eorum fustem habens aliquot ei plagas imposuit, cuius animositate & instantia territus & armaturæ suæ oblitus exclamavit & insugam versus in coquinam se recepit, ac per fenestram secretam aliquem famulorum alloquens, festine cellararium vocari fecit. Cui venienti quod sibi acciderat confuse exposuit, addens, quod pro illius hortatu, quo eum confidere & nihil tale timere crebro persuaserat, honoris sui & penè vitæ periculum incurrisset. Nec domo palam prodire ausus se in secretiori parte usque ad vesperam continuit, sicque per cellarium eductus ad allodium Lubacisdorp discessit, ut illic Præpositi redditum expectaret. Præpositus rediens ubi factum comperit, more suo iratus animi motum agitatione corporis &

ris & verbis minacibus fatebatur. Deinde cum reos in capitulo plagi virgarum siugilos è duobus emendari fecisset, adiicit præcipiens, ut fratrum omnium ultimi essent, donec ipse eos ad loca propria revocaret. Erat eo die vigilia Ascensionis Domini, quando videlicet ad processionis solennitatem adjacentium villarum numerosior solet populus convenire. Ili reputantes quòd Præpositus ultimatione eos ostenui habere vellet, ut in præsentia populi confusionem publicam ostenderent, responderunt se illi præcepto obedire non posse. Quos ille statim à communione fratrum suspendit, præcipiens eos ab omnibus evitari. Superiores sanè Præpositos ad interdicendum & excommunicandum non ita faciles fuisse constat, sed si quando, ut assolet, correctioni aliquem reluctari contigisset, dilatione interposita aliis fratribus id operis injungebant, ut admonitione fraterna eum ad obedientiam revocarent. Sic demonstrant esse peccantium emendationem querere, non gravamen. Unde fiebat sèpissime, ut tales, eorum oppressi manuetudine, erubescerent non obedire his quos non vindictæ, sed suæ salutis, cupidos agnoverissent. Hunc autem diverso modo agentem diversus sequebatur effectus, dum exturbatis & præcipitatis ejus sententiis subjecti ad maiorem proterviam raperentur. Quippe qui cum suo tantum gravamini studere experimentis pluribus didicissent, quod si eut alii penè omnibus, ita in hac quoque causa cognoscitur evenisse. Denique illi quos vitari præceperat, plures à fratribus suæ communionis particeps habentes, interdicti sententiam contemnebant: verùm quibusdam amicis suis eos admonentibus ne & sibi & aliis, qui pro ipsis solliciti essent, maius aliquod gravamen, occasione illius causæ, quæ in nulla sui parte esset favorabilis procurarent, difficulter licet, ut facerent, quod sibi injunctum fuerat, consenserunt. Sicque eisdem apud

Y. 3

Præ-

Præpositum pro eis intercedentibus in vigilia Pentecostes causa illius vinculis absoluti sunt. At frater ille coquinæ magister à loco ad quem discesserat negotio pendente redire pertinuit, nec etiam postmodum reversus satis securus fuit, nimirum experientia priorum tergitus, quoniam ei jam impossibile videri cœperat, quod priùs nec quidem cogitabile videbatur, cum etiam illi, quos nuper male expertus fuerat, ei nisi ab officio, in quo eis & aliis irrogasset injurias abstineret, pejora prioribus minarentur. Unde factum est, ut per plures dies nec iussione Præpositi, nec hortatu cellararii ad suum posset officium revocari. Inter hæc silentio premendum non est, quibus modis Præpositus defectum rerum, quas administrabat, subsidia parare tentaverit, siquidem, ut prædictum est, & indulgentiam hac ratione obtinuit, & fratres locis aliis partiri dispensavit, licet in his fortuna noluerit ei arridere. Est villa Episcopi Misnensis supra Mildam, miliari spacio distans à villa Numik, quæ Lubaniz dicitur. Hanc concambio acquirere, & in ea novum claustrum construere, & illuc congregationem transferre voluit, affirmans, quod in loco priori manentibus pro difficultate vecturæ & aquæ penuria extremæ inopie periculum ei immineret, quasi ei necessaria ad illum locum ventorum essent ministerio deferenda. Nec defuerunt defratribus, qui ci de hoc assentirent, & quidem seniores, licet pauci & tales qui pro privatis suis commodis & ejus favore ad quidlibet consensissent. Civitatem etiam in campo, qui ab occidente monti adjacet, ædificare propositum habuit, affirmans omnes suos consanguineos & plures alios prudentes viros, illud consilium approbasse. Adhæc proventus omnes possessionum ecclesiæ in tres partes dividere voluit, ut duas ex his fratres ad suos usus reciperent, ipse vero de tertia sibi & hospitiis provideret. Alias quoque divisionum species interponens.

nens. Erant enim hæc signa animi instabilis & perturbati & consilium non habentis, exemplo a grati, qui scribus vexatis nunc de latere in latus convertitur, nunc supinus jacet, nunc verò in ventrem regyratur, mutatione se sperans requiem invenire. Fratribus autem, qui nihil eum simpliciter agere arbitrabantur, cùm certum quoque sit, infirmas res divisione non roborari, sed magis infirmari, contradicentibus, ei que ad hoc ita respondentibus, ut duabus illarum partibus cum tertia sua compōsitis ipsis necessaria de omnibus ministraret, ait se eorum indigentia culpa non teneri, cùm constaret eos propriis utilitatibus reluctari. Sed cum die quadam in capitulo defecatum suorum ei commemorationem facientes, eosdem petenter emendari. Respondit eos non justè aliquid à se exigere, quibus facultatem, ut seipso copiosè procurarent de duabus scilicet possessionum suarum partibus, obtulisset: quod nunc quoque si vellent eis permitteret, vel si magis id eligerent, totam eis administrationem ex integro resignaret: quod quidem non ex intentione adjecit, sed quodam fervore loquendi, verbis ut plerumque contingit incaute procurrentibus, putans eos hoc nullo modo recepturos. Illis autem, si id fieret communis utilitatis spes nata est, & liberandi de hoc usque post prandium induciis postulatis & acceptis. Facto prandio ipso interim in sua mansione quiescente convenerunt & ut rotam administrationem suscepserent consenserunt. Quidam tamen familiarium ejus, quibus illud factum quædam Præpositi dejetatio videbatur, qui se quoque privatis per hoc commodis privandos sentiebant, licet propter communem consensum pallam reclamare erubescerent, mutationem hanc æquanimiter non serebant, quod etiam non usquequaque poterant occultare. Denique unus ipsorum filius fratri ejus, qui jam sèpibus commemoratus est, Priorcm & quosdam seniores, qui advo-

canū

candum Præpositum exierant, cursu præcedens, eumque qui-
escentem inveniens, ut surgeret clamare coepit, dicens eum
ut verbo ejus utar, præbendarium futurum, qui Præpositi no-
men haec tenus habuisset. Usque vero, et si grata ei pro se ejus
erat æmulatio, propter præsentes cum redarguens, indignari
ejus irreverentiae videbatur, ad fratres autem ejus perveniens
hoc quod elegerant sibi placitum videbatur. Deinde causæ
statum ordinaturus primo xxx. marcas ad suos & sibi servien-
tium privatos usus singulis annorum, quos illam or-
dinationem durare volebat sibi dari constituit, præter admi-
nistrationem victimus qui ei de communi juxta solitum exhiben-
dus. Tribus quoque, qui administrationi præcessent ejus per-
missu à fratribus electis, his insuper debita sua solvenda im-
posuit, & unum ex ipsis Ottone cessante Cellarium ordinavit.
Hæc vigilia Apostolorum gesta sunt. Pluribus itaque etiam
extraneis visum est commune bonum ecclesiæ Sereni-mon-
tis ex hoc principium accepisse, si tantum Præpositus fidem
negocio conservaret. Verum ipse quo animo factum illud
acceperit, non multò post etiam ad oculum demonstravit. E-
rat quidam de fratribus laicis quem negotiis suis agendis præ-
fecerat, qui duos equos habebat suis usibus deputatos. Hos
pro eo quod negotiis jam absolutus, negotiatore opus non
haberet, administratoribus illis ad communes usus potentibus
denegavit hactenque, quod eos sua, ut dicebat, pecunia com-
parasset, unde factum est, ut unus illorum die proximo cau-
sam aliquam ecclesiæ acturus pedibus suis iter agere cogere-
tur. Fratrem vero illum laicum contra ordinationem priori
die factam, in possessiones ecclesiæ præmittens, hominibus
placitum, quod vulgari verbo Gedimè dicuntur, jussit indicere,
quem ipse subsecutus nullo illorum trium præsente, placito
præsedit causas judicando, eo modo & aliis quibus vilici ne-
gociantur.

gociantur, aliquid pecuniae cupiens expiscari. Altera autem ordinationis istius die, eo ad mensam cum familiaribus considente, & de his quae agta fuerant sermoeinante, unus astantium pro favore ejus, ut aliquid solicitudinis pro ipso se habere ostenderet, dixit: quod in xxx. marcis sibi dandis sibi expensis non sufficienter suo judicio providisset. Cui subridens respondit, se infra anni spacium, si viviceret, illis xxx. alias lucratum. Vnde quis non videat, & in illis xxx. marcis exigendis, & in istis ut sperabat lucrandis, eum rebus communibus deprædandis, & suis privatis, quibus non egebat augendis, ingenio miserabiliter intendisse. Alium item equum, quo tempore aliquando vehi consueverat, quemque, cum ei propter incommoditatem incessus displicuissest, in opus allodii, quod in pede montis positum est, locaverat, ipso die, quo mutatio illa facta est, abstulit, satis ostendens, se communis utilitatis, quæ per alios promovenda foret, invidia non carere. Fertur etiam quod familiares suoshortatus fuerit, ut servitia quæ diebus festis & in anniversariis fidelium exhiberi consueverunt, quæ tamen ipse ante plures annos eisdem negaverat, exigerent, spondens, quod ad hoc eis adjutorio potirentur; quod quidem de eo verum esse illi probare visi sunt, eadem servitia exigendo. Illorum sanè trium qui administrationi erant præpositi tale fuit propositum, ut primò & præcipuè congegrationi necessaria providerent, ac demū extraneis & hospitibus juxta quod eis esset possibile ministrarent. Præpositus vero dicebat hospites etiam invitandos esse, quod se quoque facturum asseruit, quorum procurationi suo deberent exemplo diligentiam adhibere. Et quidem eum ab hospitibus frequentatum constat, sed maximè à suis consanguineis, quibus omne studium neglectis fratribus impendebat. Verum illi qualitatem animi ejus erga se & commissum sibi negligium signis præmissis & quibusdam aliis colligentes non aliud

Z

expe-

expedire viderunt, nisi ut maturè ab administratione recede-
rent, quoniam eo sibi obnitente, quanto diutius in ea stare con-
tenderent, tanto majorem confusionem, nihil utilitatis profici-
entes, inde reportarent. Itaque xiv. ab institutione sua die-
bus elapsismalæ voluntatis ejus coram fratribus judicia propo-
nentes, onus impositum simul deposuerunt, cum ille nec pro-
priam conscientiam, nec ea per quæ detectus erat, veritus ac bo-
na fide ad factum illud se accessisse juramentis horribilibus af-
firmaret. Licet autem ipsi administrationi renunciantes nihil
extra placitum ejus egissent, non tamen statim eos absolvere
voluit, contentiosè affirmans, se velle, ut quod ordinatum fue-
rat permaneret; nimirum hac in eis suspensione punire volens
hoc, quod quasi ad ipsum de mala administratione infaman-
dum illude eos suscepisse ministerium judicabat. Denique post-
modum uni eorum sibi familiariter adhærenti confessus est,
se propter hoc eisdem non mediocriter indignatum. Tandem
rebus ad priorem statum revocatis, Otto Cellerarius, ne vel ipse
vel Præpositus trium illorum proposito impares apparerent,
simul etiam diurnæ pertæsus discordiæ, Præposito persuasit,
ut carnes fratibus, quas penè per annum eis negaverat, mini-
straret. Præpositus verò indignantè ferens, quod id quasi coa-
ctus facere videretur, quippe per actionem talium qui juniores
essent & fratrū infimi (erant autem isti, de quibus superius di-
ctum est, quod contra violentiam familiarium Præpositi ope-
re vicaria tuerentur:) ut falsamentum ad carnes adderet, arctio-
ris eos cœpit disciplinæ vinculis innodare. Sed cum in capi-
tulo de ordinis observantia edita proponeret, illi, contra quos
specialiter his armis utebatur, ad hæc servanda se paratos dice-
bant, dum modò generaliter omnes eisdem legibus subjugaret.
Quod ipse virtutum omnium scrupulus, ac foedissimæ pravira-
tus dispositor, confusionum omnium & discordiarum promti-
simus

simus reparator, filius peccati, bestia perditionisque Præpositus propter eos qui sūt partis erant dictum intelligens, quos nimis ea nequaquam servaturos noverat, respondit se potestatem habere quos vellet à coactione liberos relinquendi; miserandus, quod eum ad tale responsum necessitas compulisset, quo se de potestate jactaret, quo posset suis dilectoribus perditionis aditum aperire. O more canem, o totius in omnia scleris adamantem. Cur repentina morte non occiditur qui tantæ abominationis ut sæpius dictum est princeps extitit. Instabat tamen coactioni pro eo quoque, quod eos videlicet discordiæ pertinacius inhærentes à se procedente pro se propter fratrem illum coquinæ magistrum, qui eorum timore officium suum recipere declinabat. Dedicationis autem ecclesiæ festivitate transacta, Alberto Præposito S. Afræ Misnensis mediantे, omnes ad concordiam redierunt: qua reconciliatione etiam magister coquinæ participans, ad officium suum timore rediit absolutus. Exinde omnis ille rigor de ordinis observatiōne inductus cœpit lentescere, & ad dissolutionem pristinam inclinare. Inter hæc nova quædam adversitas nata est hujusmodi occasione. Tempore quo Albertus Archiepiscopus sub Innocentio Papa, ejusdem Pontificis legatione functus est contra Fridericum Halverstadensem Episcopum, pro eo, quæd à favore Imperatoris excommunicati recedere solebat, excommunicationem suam promulgavit. Quem dum penè omnium ecclesiārum, quæ sub ipsius administratione erant, juxta mandatum prescripti legari vitandum decrevissent, Sifridus Abbas Ilzenburgenis ab ejus communione nequaquam credidit abstinendum. Pro quo dum idem legatus eundem non renitentem depositisset, monachis ipsius monasterii alterum pro eo eligendi legitimas inducias non negavit. Quibus, ut ipse testabatur exēmis, cum alium non elegissent, Hartwicū Pigaviensem monachum

nachum eis Abbatem instituit benedictione consu matum : illis pro eo, quod ipsum recipere nolebant, excommunicationis sententia involutis. Verum causæ procuratoribus ab utraque parte ad præsentiam summi Pontificis destinatis, Papa ex corū narratione factum agnoscens respondit, quod nec legati sui factum irrogare vellet, nec monachis justitiam denegare. Vnde dato mandato monachos absolví fecit sub hac forma : *ut Hartwicum Abbatem reciperent eique obedientiam facerent, habentes postmodum contra ipsum pro jure suo licentiam proponendi, rebus ecclesiæ intallis interim reservatis.* Quod cum illi facere contempsissent, ex ipsius mandato sententia denegationis lata est in eosdem, à qua ipso vivente constat eos nullatenus absolutos. Post mortem *Innocentii* monachi prædicti successori, ipsius *Honorio* aliud pro alio suggestentes, contra *Hartwicum Abbatem & Rochmannum* quendam monachum *Ilseneburgensem* qui adhæserat judices impetrarunt, facientes illos per eosdem excommunicationis sententia insamari. *Sifridus* sanè Abbas *Pigaviensis* *Hartwico* Abbat, qui ejus erat consanguineus cellam quandam, *Zcolene* dictam, assignaverat, de cuius redditibus suis posset necessitatibus providere. *Hardwico* iuterim Abbatem mortuo, *Rochmannus*, quem Abbas *Pigaviensis* in sua receperat, *Romam* protectus, executores obtinuit *Præpositum Brandenburgensem & Abbatem Pigaviensem*, qui monachos *Ilseneburgenses* præfatum monasterium relinquere, & ad præsentiam summi Pontificis gratiam petituros venire compellerent, sibique de rebus illius ecclesiæ convenienter facient provideri. Illis non ea, quā volebat, vigilantia in executione mandati utentibus, secundò *Romam* protectus aliud mandatum obtinuit : cuius continentia talis : *Honorius Episcopus servus servorum Dei, Abbat & Priori Pigaviensi Mersenburghensis diœcesis & Præposito Brandenburgensi salutem & Apostolicam benedictionem.* *Dilectus filius Rochmannus*, monachas

mona-

monasterii de Ilzenburg Halverstadensis dicensis, in nostra proposuit
præsentia constitutus quod venerabilis frater noster Albertus Magde-
burgensis Archiepiscopus, dum in partibus illis legationis officio fun-
geretur, Siffridum tunc monasterii prædicti Abbatem à regimine illius
canonicè removerit, exigentibus culpis suis, & Hartwicum monachum
eidem monasterio præficerit in Abbatem, monachis ejusdem loci pro-
eo, quod dicto Hartwico exhibere obedientiam ac reverentiam debi-
tam renuebant, excommunicationis vinculo innodatis. Eudem per-
tinaciter in sua contumacia perdurantibus, de speciali Apostolicæ sedis
mandato lata fuit degradationis sententia in eosdem, exceptis quibus-
dam valetudinariis & pueris, circa quos fuit hujusmodi sententiam tem-
perata. Verum iidem monachi tam degradationis quam excommuni-
cationis sententiam contemnentes, unum ex se in Abbatem eligere præ-
sumserunt, cum quo ipsum monasterium obtinentes, celebrare divina of-
ficia non verentur. Vnde nos honestæ memorie Brandenburgensi Epi-
scopo ac vobis filii Abbas & Præposte dedimus in mandatis, ut ab ipso
monasterio eiiceretis hujusmodi præsumtores, & tam diu degradatos
& excommunicatos, pulsatis campanis & candelis accensis, nunciaretis
eosdem & nunciare faceretis in partibus convicinis, donec dimisso mo-
nasterio sœpe dicto cum literis vestris rei seriem continentibus ad Apo-
stolicam sedem accederent misericordiam petituri, adjecto, ut ad eiici-
endum eos si opus esset, assumeretis auxilium brachii secularis, & præ-
fatum Rochmannum ab ipsorum molestiis defendantes, faceretis eidem
de bonis monasterii ipsius congruè provideri. Ac demum vobis præ-
fatis monachis & fautoribus eorum plus debito deferentibus, & prætex-
tu quarundam exemptionum malitiosè objectarum ab eis differentibus
procedere in negocio memorato, vobis in virtute obedientiæ districte
præcipiendo mandamus, ut si vera essent, que de ipsorum monachorum
degradatione ac contumacia sunt expressa, non admissis eorum excepti-
onibus non tardaretu procedere in negocio sœpe dicto. Nuper autem
præfatus Rochmannus proposuit coram nobis, quod ipso Episcopo viam

universæ carnis ingresso, & successore ejus extra provinciam commorante, vos in ipso negocio procedere non valetis, pro eo, quod in literis nostris expressum, quod si non possetis omnes executioni negotii interesse, dictus Episcopus cum altero vestrum procedet in eodem. Quare jam dictus Rochmannus nobis humiliter supplicavit, ut super hoc provideremus ei misericorditer dignaremur. Nos igitur te fili Prior præfato episcopo in execucione jam dicti negotii subrogantes per Apostolica vobis scripta in virtute obedientiae districte præcipiendo mandamus, quantum humano amore ac mundano timore postpositus in negotio ipso iuxta litterarum tenorem præfato Episcopo ac vobis filii Abbas & Præposite ultimo directarum sublato appellationis obstatculo, procedere non tardetis, pro certo scientes, quod si prædictus monachus pro defectu ad nos amplius fuerit laborare compulsus, poteritis meritò formidare, ne vos similis laboris angustias oporteat experiri, nullis literis obstantibus si que apparuerint a sede Apostolica impetrare, que de ipsorum culpa & pœna plenam & expressam non faciant mentionem. Quod si non omnes his exequendis poteritis interesse duo vestrum et nihilominus exequantur. Datum Laterani XII Kal. Febr. Pontificatus nostri anno VI. Sifrido itaque Pegaviensi Abbatem defuncto, Henrico, qui pro ipso electus erat & sui conjudices Tiderico Præposito missis literis præcepérunt, ut juxta formam in mandato expressam monachos sèpè dictos excommunicatos & degradatos nunciaret & in sua jurisdictione ficeret nunciari. Qui licet mandato obediens, quod jussum fuerat implevisset, ipsum tamen communioni in colloquio & convivio & divinorum celebratione non timuit implicari. Simile quoque mandatum iidem dederunt executores Ekkehardo Mersenburghensi Episcopo & Popponi Hallensi Præposito præfatos monachos denunciandi, eosque obedire nolentes excommunicationis vinculo ligaverunt. At monachi uno suorum missò mandatum pro se Apostolicum impetraverunt in hac forma : *Honorius episcopus servus*

servus servorum Dei dilectis filiis Abbatii & Priori de Walkinrid &
Præposito de Northusin Maguntinenis diœcesis salutem & Apostoli-
cam benedictionem. Sua nobis Abbas & conventus Ilseburgensis
petitione monstrarunt, quod cum Rochmannus quondam monachus iphus
monasterii falso nobis suggestus, quod ipsi excommunicati & degrada-
ti divina temere celebrabant, causam super his & aliis Abbatii & Pri-
ori de Pigavia & Præposito Brandenburgensi obtinuisse à sede aposto-
lica delegari, quia dicto Abbatte interim viam universæ carnis ingres-
so, Hartwicus monachus, qui se in locum ejus proponit electum, & præ-
fatus Prior contento tertio coniudice volebant in eadem causa præcede-
re ex parte dictorum Abbatis & conventus fuit excipiendo Præpositum
coram eis, quod cum prænominatus Rochmannus esset excommunicatus
tempore quo tales literas impetravit, prout erant in continenti probare
parati, nec exinde in literis mentio haberetur, ipsi earum auctoritate
procedere non poterant nec debebant. Sed quia dicti judices hanc ex-
ceptionem eorum denegabant admittere, ipsi ad nostram audientiam
appellaverunt. Ideoque discretioni vestra per Apostolica scripta man-
damus, quatenus si ita est revocato in statum debitum, quicquid post
hujusmodi appellationem inveneritis temere attentatum audiatis cau-
sam, & appellatione remota fine canonico terminetis, facientes quod
decreveritis per censuram ecclesiasticam firmiter observari, alioquin
partes ad priorum judicium remittentes examen, appellantem in ex-
pensis legitimis condemnantes. Quod si non omnes &c. Datum Late-
rani XIIII Kal. Decemb. Pontificatus nostri anno IIX. Eodem tem-
pore Henricus Pigaviensis electus Romam profectus proferen-
da benedictione rediit confirmatus. Rochmannus vero qui cum
ipso abierat quibusdam impedimentis aliquantum tremorari co-
actus postmodum reversus hujusmodi literis impetratis: Hono-
rius Episcopus servus servorum Dei dilectis filiis Abbatii & Priore
Pigaviensi Mersenburghensis diœcesis & Præposito de Brandenburg sa-
lutem & Apostolicam benedictionem. Dilectus filius Rochmannus mona-
chus

chus monasterii de Ilseneburg sua nobis petitione monstravit, quod cum post commissione varias bonae memoriae prædecessori tuo fili Abbas, & vobis fili Prior & Praeposite dederimus in virtute obedientiae in præceptis, ut monachos præfati monasterii, qui per uenerabilem fratrem nostrum Magdeburgensem Archiepiscopum, dum in partibus illis legationis officio fungeretur, propter suos pravos excessus excommunicati fuerunt, ac demum crescente ipsorum contumacia degradati, tamdiu pulsatis campanis & candelis accensis excommunicatos ac degradatos nunciare publicè curaretis, & faceretis arctius evitari, donec dimisso monasterio præfato cum literis vestris ad Apostolicam sedem accederent, misericordiam petituri, & defendantes præfatum Rochmannum à molestatoribus eorundem, faceretis eidem de bonis ipsis monasterii congruè provideri, & præfata excommunicationis sententia innovata fuerit postmodum & publicata in partibus convicinis, Præpositus Novi operis in Halle Magdeburg, diœcesis qui à nobis acceperat in mandatu, ut præfatas sententias faceret in partibus suis firmiter observari, deservens hominem contra Deum non solum noluit easdem sententias publicare, verum etiam ipsis excommunicatis impudenter communicare presumit, propter quod tulisti excommunicationis sententiam in eundem, qua contemta divina officia celebrare non veretur, in famæ ac salutis suæ dispendium, & ecclesiasticæ disciplinæ contemtum. Cum ergo tu fili Abbas prædecessori tuo succedere debes in hujusmodi onere, cum literæ prædictæ commissionis non expressis personarum sed locorum nominibus fuerunt impetratae, discretioni vestre per Apostolica scripta mandamus firmiter præcipiendo, quatenus juxta prædicti mandati tenorem sic diligenter in negocio procedatis eodem, quod vestre redditu dimis zelus inde possit meritò commendari, nullus literis obstantibus harum tenore tacito à sede Apostolica impetratis. Quod si non omnes &c. Datum Laterani 11. Non. Maii Pontificatus nostri anno 11X. Igitur judices monachorum Ilseneburgensium ex eorum probationibus sibi constare affirmantes, injuriam eis in sœpe dicto negocio irroga

Interrogatam, absolutos esse pronunciarunt: contra Rochmanum verò excommunicationis sententiam protulerunt: Henricum Abbatem pro eo, quod ipsum foveret eidem sententiæ involuentes: & Tiderico Præposito dantes in mandatis, ut eandem sententiam cum instantia publicaret. Nec multò post Abbatis quoque & suorum judicūm recepit mandatum, ut monachos Ilseburgenses excommunicatos & degradatos cum solennitate in literis Apostolicis expressa publicè nunciaret. Ipse verò mandato priori obedientiam servare decernens, studiosè illud exsequebatur, Abbatem & Rochmannum excommunicatos sèpius denunciando. Quod cum aliquando in conventu quodam Nuenburgensis & Mersenburgensis Episcoporum & aliorum plurium clericorum & Abbatे quoque præsente ficeret, erubescendum de se uterque spectaculum præsentibus præbuerunt conviciis se vicissim turpiter infundentes. Non autem Abbas & ejus conjudices auctoritatis suæ contemtum & quanimiter acceperunt, sed Præpositum excommunicationis sententiam ferentem hanc primò in capitulo Goslariensi promulgari fecerunt, ac ea postmodum iterata missis in vigilia beati Andreæ literis, fratribus quoque ut à communione ejus se subtraherent præceperunt. Literarum verò continentia talis fuit, *Henricus Dei gratia Abbas, Henricus Prior Pigaviensis, & Albertus Præpositus de Brandenborg, Dn. Tiderico dicto Præposito montis-Sereni spiritum consilii sanieris. Si ecclesia membrum utile fuissetis, Ilseburgensem, quos & ipse præciosos ab corpore publicasti, morbo communionis infici cavissetis. Verum quia sicut peccator, qui in profundum malorum devenit adeo Dei reverentiam contempsisti, ut in nos excommunicatus excommunicationis adiuvetus blasphemia protervire, pro eo quod Domini Pape preceptum in virtute obedientia nobis injunctum omittere non audemus, &*

AN

viii

CHRONICA

nos ejusdem praecepti clausula, que dicit nullis literis obstantibus,
hunc tenore racito a sede apostolica impetratis, à nostra non suffi-
fecit potentia de senare nos iterato quā fungimur auctoritate sen-
tentiæ vos excommunicationis involvimus, licet inviti & vobis
in Domino consulimus, ne clavum potestarem, quas à Domino Pa-
pa receperimus, vilipendere penitus presumatis, & sententias ini-
quitatis quas in nos temere promulgasti. in proximo festo S. An-
drea sicut publicè protulisti sic & publicè per vos corrigeremus
non solum ponderis nullius, sed etiam plenissimi erroris sen-
tentias ostendentes, alioquin ex tunc, quia crescente contumacia
crescere debet & pena, contra vos durius procedemus.

Dei gratia Henricus Abbas, Henricus Prior, Pigavienses, &
Albertus Propositus de Brandenburg executores sedis apostolicae
delegati, Venerabilibus Dominis Priori & iisque conventus Monis-
serni cum timore, qui postquam occiderit corpus, potest & animam
perdere ingebema: Cum justa mandatum apostolicum monachos
de Ilseburg excommunicatos & degradatos publicaverimus &
fecerimus per omnes ipsorum vicinas publicari, Monis sereni Pre-
positus inter ceteros qui nostum recipere praecepit, qui dictos
sacrilegos quos & ipse solenniter nunciarat, recepit ad divina,
cum & talium dictis judicibus, inde certius seductoris, Abbatis
scilicet & Priori de Walkenried eodem excommunicationis vincu-
lo ianuodatis, non solum in criminis communicat criminosis, verum
etiam pro ipsorum favore in nos pro justitiae castigantes excom-
municationis blasphemia procerde presumit. Et quia cum ex
enorme commissione respectu jurisdictionem talium nullam esse de-
baeris perpendas, & sciat de mandato sedis apostolice degradata-
rio Ilseburgensem & monachorum processit, si nec absolucionem i-
psorum ab ejusdem sedis apostolica expresso mandato & ipsorum
culpa & paupertate poenitentia admississe, quia idem iurisdictio lit-
eram & inclemenciam q̄ in mare non vere auctoritate quā sun-

G. 110. 8.

qui ipsius ejusdem excommunicationis vinculis, quia facinus
quos inquinat aquat, solenniter incedamus, ut vel hac districcio-
ne Sathanas deserat emendatum vel si ipsum vas sua processionis
invenerit, vos, quia in fructu operum elegissis filii Dei esse, juxta a-
timorem Domini patrem catholicum eligere mereamini. Ideoque
districcio vestra sub eadem excommunicationis pena districte
precipiendo mandamus, ut statim post litteras nostras vissas hu-
jusmodi arreptuum evitatis, scituri, quod omnes qui post hoc
mandatum receptum dicto presumtori communicare presumserint,
similem excommunicationis vindictam nominaliter fertientur.
Eratum tamen nullus pro hujusmodi mandato ab ejus se commu-
nicione substraxit, quidam pro ejus favore, non nulli vero, quoniam
stipendio suo defraudari & a loco emigrare, quod videlicet, eis qui
hoc facere voluerent solum restare videbatur, pondas importabi-
le iudicabant, presertim, cum non decesserent viri literati qui eos
non teneri ad obediendum precepis talibus faterentur, quo eis
excusari desiderantibus ut se excusatos esse, et si non credarent, sal-
tem se credere sibi met fingerent, suadebatur.

Duo novae conversationis in provincia & præcipue in
ipsa civitate Magdeburg haberi coeperunt, unus eorum, qui
sanctos predicatorum se nominant, alter eorum, qui minores
fratres appellantur, de quibus ferunt, quod ante hoc tem-
pus xx. annis instituti & ab Innocentio Papa fuerint confirmati:
& prior quidem clericorum tantum est: Sequens vero &
clericos & laicos recepit, quem dicunt ab institutore quodam
principium accepisse. Quid autem est hujusmodi novita-
tum introductio, nisi quædam exprobratio neglectæ & ocio-
se conversationis eorum, qui in ordinibus constituti sunt,
in quibus Ecclesia, primitus est fundata. Denique beatissi-
mus Augustinus & Benedictus, qui ita docuerunt, ut vixe-
runt, ad quantum sanctitatis culmen ex sua conversatio-

ne pervenerint, notum est, quorum præceptis, si quis obedi-
entiam servare voluerit, nullis novis institutionibus vide-
tur indigere. Nam si eisdem novis institutionibus sanctitas
quæritur, illa posset sufficere ad quam dicti fratres sanctissi-
mi secundum suas vivendo regulas pervenerunt. Non enim
facile credi potest, quod quisquam vel ex ordine sanctorum
Prædicatorum vel minorum fratrum Augustino vel Bend-
icto sanctior sit factus. Absit autem, ut quorumlibet bonis
studiis derogando, hæc dixerim, sed quia dolendum est, & val-
dè dolendum, quod primitivi ordines ex eorum qui eosdem
professi sunt, inordinata conversatione ad tantum deducti
sunt contemptum, ut seculo renunciare volentibus ad salutem
sufficere non credantur. Si enim posse sufficere putarentur,
nunquam novi alii quærerentur.

Presbyter quidam *Vidego* nomine plebanus villæ, quæ
Selevvene dicitur hæreditatem quandam à *Tiderico Præposito*
repetens, Abbatem & Priorem Pigaviensem judices super
hoc à sede Apostolica impetravit. A quibus Præpositus per-
emtoriè citatus est, cum die statuta non venisset, fratrem au-
tem unum ad appellandum tantum pro se miserat, excom-
municatus est, literasque in vigilia Natalis Domini recepit
ipsam sententiam continentis. *Rochmannus* monachus tam
pro suis negotiis, quam pro ecclesia Pigaviensi quam *Ecke-
hardus Mersenburghensis* Episcopus suæ jurisdictioni subii-
cere conabatur, cum nuncio Abbatis Romam profectus est,
cum eum Episcopus jam diebus xv vel amplius eodem itinere
præcessisset.

Anno m ccc xxv. *Conradus* quondam Halverstadensis
Episcopus monachus in *Sichem* obiit xi Kal. Iulii: ante quem
frater ipsius *Guncilinus de Crozuc* eodem anno mortuus est.
Cardinalis quidam Cisterciensis ordinis natione Teutoni-

GUS,

cus, cuius pater Comes de Vradegeno dicebatur, Portuensis & S. Rufinæ Episcopus, ad omnes ecclesias Galliæ & Teutoniæ à sede Apostolica destinatus, circa principium Augusti Misnam venit. Cujus adventus, pro eo quod justitiæ tenax & munerum contemtor dicebatur, Tiderico Præposito fibi malè conscio non parvæ træpidationis causa fuit, cum fratres quoque suos, si possibile eis fieret, accusationem contra se instituturos minimè dubitabat. Ita missò nuncio *Ville-helnum* Cillenensem & Albertum Misnensem S. Afræ Præpositos rogavit, ut ipsi de ecclesia Sereni montis legato suggestionem facientes orarent, ut eidem misericorditer provideret, quoniam impunè & à quolibet vastaretur, hoc procurare intendens, ut si forte de malo statu ecclesiæ suæ legatum audire contingeret, de hoc non ipse sed magis alii culpabiles tenerentur. Et illi quidem quod rogaverat exsecuti sunt, verū quidam qui legatum comitabantur & canonicorum Misænsium nonnulli, qui causam ecclesiæ bene noverant Sereni montis, ipsum familiari colloquio plenius instruxerunt, commemorantes eidem, qualiter ecclesia jam dicta in annis prioribus in omni honestate & rerum copia floruisse, nunc verò per negligentiam & improvidentiam Prælati sui extrema & rerum & honoris inopia laboraret, hortabanturque, ut, quoniam ecclesia ipsa immediate ad sedem Apostolicam pertineret, eam personaliter, non negligeret, visitare. Igitur à Misna digressus sequenti die Assumptionis S. Mariæ Hallis venit, ubi cum per biduum moraretur, innovatis de Tiderico Præposito accusationibus, simulque accusatoribus multiplicatis, extraneis tamen, contra ipsum incitatus est. Certumque erat eum ab ecclesia Hallensi recedentem ad Serenum montem iturum, si non à capitulo Halverstadiensi invitatus propositum mutasset. Interea fratres Sereni mon-

CHRONICA

vis diversis pro expectatione adventus ejus animorum motibus agebantur. Et Præpositus quidem & qui partis ejus erant verum timorem fictæ lætitiae securitate palliabant. Alii verò qui multorum malorum finem per eum se inventuros spebant pro diversitate referentium, quibusdam videlicet cū venturum affirmantibus, quibusdani negantibus, nunc spe a lacres nuac tristitia dejecti & trepidi videbantur. Sed cū verus rumor exiisset, quod Rudolfum Præpositum S. Iohannis Halverstadensis pro querimonia fratrum suorum deposuisset, & horum aucta fiducia & illorum simulata lætitia repressa est. Et jam de contemnendo ejus mandato, si aliquid simile contra Præpositum attentare voluisset, mutuo conferebant. Non autem accusantes Præpositum Halverstadensem defuerunt, sed aucti numero legatum in admirationem non modicam adduxerunt, ita ut easdem querelas depositione Præpositi indubitanter permitteret terminandas. Eodem tempore Ekkehardus Merseburgensis Episcopus de partibus rediit trans-Alpinis. De Halverf. ad verò progressus legatus die beati Egidii Magdeburg venit, ubi tribus hebdomadibus remoratus est. Ecclesia quædam est canonicorum secularium, quæ Bivera dicitur, cuius erat Præpositus VVildebrandus, frater Archiepiscopi Magdeburgensis. In hac præbendam vacantem legatus cuidam dedit, Præposito inconsulto: cui cū Præpositus infaciem contradiceret, eique exactiones, quibus ecclesiæ ad serviendum sibi compelleret, contumaciter exprimeret, eum excommunicavit, & ira verbis in audientia totius cleri & populi in eundem investitus est, ut garconem. & Sicut plerique se audivisse fatebantur, peccatorem publicè appellaret. Sequenti die beneficiis ecclesiasticis, quæ plura habebat eum spoliare coepit: & primò præpositura de Bivera, dicens, quod singulis diebus uno cum beneficio usque ad ultimum

timum nudare vellet, ita ut nec nomen ejus in ecclesia Magdeburgensi remaneret: Sed vix ei ab Archicopio, & ceteris qui aderant, Episcopis, ventia impetrata est cum prius ipse discalceatus & scopam ferens legati se pedibus prostravisset. Sabbato quatuor temporum, quod in hoc anno in vigilia beati Martiz evenierat, Hermannum Herbipolensem electum presbyterum, & sequenti die Episcopum consecravit. Noste beati Maurizii ad matutinas octo Episcopi huc eft Estoniensis, Cumanensis, Havelbergensis, Brandenburgensis, Mersenburghensis, Hildesheimensis, Herbipolensis & Magdeburgensis octo lectiones legerunt, legatis nonam, prius tamen benedictionem: *Dess misereatur nostri & benedict nobis, &c.* dicto a circumstantibus, Amen, sic deum legit. Eo tempore de praepositura Rezovensi quæstio vertebatur. Tempore namque, quo Albertus Archiepiscopus in partibus trans Alpinis servitio Imperatoris occupatus morabatur, destituto Johanne Praeposito de Rezovve, qui Erico successerat, Albertus Miliensis ecclesie canonicus in locum ejus electus est, ecclesiastique illam plus, quam per annum in seculari manens habitu gubernavit. Albertus Archiepiscopus reversus Alexandro canonicus Novi operis Praeposituram dedit diecens, donacionem ejus ad se devolutam, quoniam infra terminum electioni præscriptum legitimam personam, hoc est regularis ordinis, conventus eligere neglexisset. Hec ante adventum Cardinalis gesta sunt, verum postmodum adveniente Albertus Praepositus cum adiens supplicavit, ut causa sue favorem suum impendere dignaretur, quod in se factum fuerat confirmando. Quod cum legatus facere paratus esset, conilio suorum revocatus est, diecendum, audientiam Archiepiscopo concedendam. Eckhardus quoque Mersenburghensis Episcopus ab Alberto Praeposito pro eodem rogatus negotio devo-

devotum tñox spôpondit adjutorium cum magna Alexandri derogatione adiiciens, quod nullius ei loci Præpositura conveniens esset, nisi forte alicujus amœni nemoris speciosas meretrices habentis & cui taberna de proximo sit adjuncta. Legatus Archiepiscopum de causa conveniens cùm temacem sui juris invenisset, dixit, non oporrere eum de Præpositura Rezoviensi prænominato canonico obtainenda tanto per se sollicitum esse, cum ipse aliam videlicet Sereni-montis in promtu haberet, quâ posset ipsum honestius investire. Verum episcopus Mersenburgensis hoc rumore compertotimus ne cognatus suus Tidericus iulionestè deponeretur Alexandi colloquium petit, hortaturque ne donationem Archiepiscopi legitimam negligendam duceret, immò constanter ad obtainendum instaret, promittens se ei modis omnibus succursurum. Archiepiscopo deinde ad voluntatem suam inclinato, uterque legatum adeunt, eumque à proposito agendi contra Præpositum reducunt. Alexander verò, paucis evolutis diebus Præposituram Rezoviensem obtainuit. Igitur legatus missis literis, duobus diebus, hoc est, Matthiae & Mauricii, prourationem sibi de ecclesia Sereni-montis præcepit exhiberi, in qua sex marcæ expensæ sunt, tribus thribulis argenteis pro eisdem impignoratis. Intellexit tunc Præpositus malum quod evaserat, ipso sibi legato dicente, quod durè contra eum acturus fuisse, si non intercessores ipsius, quos plures & fortes haberet, eum à sententia revocassent: sciret tamen se nequaquam sine examine relinquendum. Præpositus verò malum sibi à fratribus suis procuratum coniiciens, quod etiam non usquequaque falsum erat, omnem in eos causam coepit refundere, multis eos apud legatum accusationibus infamando, ac ipse, Præposito à se recessente, advisitationem Sereni-montis ordinavit Conradum Hilden-

Hildenesheimensem Episcopum & Gotfridum quendam monachum Cistertiensis ordinis, ex his qui cum eum comitabantur. Quam tamen ordinationem Otto majoris ecclesiae Magdeburgensis Praepositus impedivit. Is enim Sophia Quedlinburgensis Abbatissae dudum depositae judices à quibus restitueretur Magdeburgensem & Hildenesheimensem & Mersenburgensem Episcopos à sede Apostolica impetraverat, timens, quia ne restitutio ipsa occasione visitationis praeditæ per absentiam Hildenesheimensis dilationem acciperet, factum illud petiit immutari. Restituta verò Abbatissa ipse eam usque Quidelingeburg prosecutus est, atque inde rediens ægritudine occupatus, novem diebus decubuit, sicque demum immatura morte vitæ terminum consecutus est. Cui in Praepositura succedens *VVildebrandus* frater Archiepiscopi, inopinata mutatione veritatem illius sententiae satis probasse visus est, qua dicitur, quod humilationem elatio & gloriam humilitas antecedat. Igitur cum circa finem Septembris legatus de civitate *Magdeburg*, itinere, quod juxta Serenum montem ducit Nuemburg profecturus esset, magna rursus fratres pro expectatione ejus sollicitudine tenebantur, crebroque ad loca unde procul videri poterat procurrentes speculabani: si forte ad eos occasione itineris declinaret. Ipse quoque Praepositus suspicionibus trepidus, quippe quem conscientia securum esse non patiebatur, cum nullo adhuc nuncio venturum didicisset, equitando tamen eidem tanquam jam venienti occurrentis, ecclesiam ornari, vexilla crucibus appendi, aliaque receptioni ejus convenientia parari præcepit, atque sub hac expectatione biduum exactum est, illo minimè veniente: Accidit verò inter hæc patrem ejus advenire filio collocuturum, quem in Sereno-monte repertrum audierat, quem casum multis visum est à casu Praepositum

Bb

situm

situm liberasse. Siquidem procurationi Comitis omnem
impendens diligenter, hoc meruit, ut eidem ad filium post-
modum veniens eum pro se Præposito gratiarum actionem
rependere postularet. Nec inefficax fuit ejus postulatio.
Denique legatus Serenum-montem præteriens cum Nuemburg
venisset admonitus, ut saepius, ne ecclesiam sæpe dictam abs-
que provisione relinquere, Ekkehardum Mersenburgensem,
sciens & certus ipsum esse cognatum Præpositi, visitatorem
dedit, ad hoc tantum ut Præpositum à gravamine custodiret
adjunxit ei Episcopo Brandenburgensi & Abbe Portensi,
ut etiam pro ecclesia aliquid fecisse videretur. Verum Bran-
denburgensis vicem suam Ernesto Scholastico Mersenburgen-
si agente Præposito commisit. Abbas vero pro se jam di-
ctum Goifridum monachum destinavit. His itaque cum Epi-
scopo Mersenburgenzi ad locum venientes, die xi M. virgi-
num coram altari beati Petri, convocatis primùm eis, literas
legati recitari fecerunt quarum continentia talis est.

C. divina miseratione Portuensis & S. Ruffine episcopus Apo-
stolicæ sedis legatus venerabilibus in Christo Mersenburgenzi & Bran-
denburgensi Episcopis & Abbati de Porta Cisterciensis ordinis Nu-
emburgensis diaœcesis salutem in Domino Iesu. Ad aures nostras no-
veritis pervenisse quod Mons-serenus negligatur in multis & in ma-
gno defectu si rerum atque disciplina. Quia vero ipse locus ad se-
dem Apostolicam respectum habet nullo mediante, nobis qui speciali-
ter incumbit providere, ne pereat, auctoritate legationis, quæ fun-
gimur, eobis mandamus quatenus accedentes ad locum ipsum visita-
tionis officium prosequamini diligenter, & studiosè reparationi ejus
intendentes plenam habentes potestatem statuendi & ordinandi que-
cunque videritis expedire, atque contradictores per censuram ecclæ-
sticam cohæcendi. Datum Nuenb. Kal. Octobris. Lectis lite-
ris, cum Episcopus modum visitationis se ignorare diceret,
quam-

quamvis modum, secundum quem ipse procedere disposuerat, non ignoraret. *Gotfridus* monachus, quoniam in ordine Cisteriensis usitata res est visitatio, modum ejus talem esse asseruit, ut singuli fratrum jurati dicerent veritatem de omnibus, quae vel à Præposito vel ab aliis in ecclesia sua fieri certum esset. Episcopus licet hunc modum commodum Præposito non esse sentiret, callidè tamen laudavit eum & tenendum esse dixit. Vnus vero de fratribus *Henricus de Rekkin* cuius jam sapientia mentio facta est his auditis, credens inquisitionem contra Præpositum faciendam, cartam, in qua plura & majora, in quibus ecclesiam damnificaverat, continebantur, Episcopo porrexit. At Episcopus ad id, quod ipse facere proposuerat tendens, ad Priorem & fratres conversus, si aliquid contra Præpositum vellent proponere à singulis requiebat, qui modus ab illo, quem prius laudaverat, & quem tenendum dixerat modis omnibus discrepabat. Quomodo judicia æquitatis inventiunt, qui pro judice lupum voracem sub agnina pelle recipiunt. Verebatur enim, ne visitatio vel inquisitio suo modo procederet hoc est, sub juramento & in secreto Præpositus numerositate contra se restantium gravaretur. Neque enim Præpositus ipse de omnibus, qui suæ parti essem vidabantur, satis securus erat, quod tamen si publicè & sine juramento requirerentur, nihil contra se dicturos, minimè dubitabat, cum adversarios quoque suos à libertate dicendi publica posset inquisitio refrenare. Verum isti, ut modum visitandi sibi præscriptum teneret cum instantia petentes, impetrare nullo modo potuerunt. Otantum Prælatum, justitiæ naufragium, nefandæ violentiæ principem, simulatæ sanctitatis & Simoniæ dignitatis insula sublimatum. Quomodo ille proderit, qui divini Spiritus sanctæque conscientiæ innis extitit! Prior itaque aliisq; pluribus dicentibus, quod nihil vellent

proponere, alii qui sive palam seu occulte requisiti quod verum erat non tacere decreverunt, quique continentiam literæ, quam *Henricus* exhibuerat, non ignorabant, dolum tamen, qui in verbo proponendi latebat, non intelligentes, sed hoc quoque ad inquisitionem pertinere simpliciter credentes, præsertim, quia in capite illius literæ ita scriptum erat: hæc sunt, de quibus inquiratis. Quidam quidem, pro tædio, non nulli verò etiam pro inopia verborum, ut brevi responso se absolverent, hoc se proponere responderunt, quod litera contineret. Recitata igitur ab episcopo litera, Præpositus ad respondendum, interloquendi copiam, petiit & accepit. Sicq; visitatio in actionem litis mutata est. Interlocutus autem cum suis respondit, plura contra se proposita, quæ tempore arbitrii in quæstione fuissent, & quæ arbitrium perpetuo silentio tradidisset. Ex qua re probare nitebatur, eos, qui proposuerant in crimen perjurii cecidisse, & consequenter pœnæ arbitrii, hoc est, excommunicationi subjacere; addens, eos contra se quod ex uniformi responso eorum posset colligi, conspirasse. Episcopo præterea, ejusque sociis dicentibus, quod iis, quæ olim proposita arbitrium intacta reliquisset, ipsi ad discutiendum manum non apponenter: ea, quæ de novo adjecta fuerant, facile diluit, cum non solum Episcopus & *Ernestus Scholasticus*, sed etiam *Henricus Mersenburgen sis* Præpositus frater ejus, & quidam Iuris-peritus *Johannes* nomine, quos Episcopus ad illum tractatum admiserat, patronos se ei exhiberent, non tamen responsiones ejus qualescumque sufficiente judicantes, sed etiam ipsi pro eo respondentibus, eumque ne fortè incautius aliquid diceret, allocutionem ipsius sapientus competentes. Fratres, ubi ad resistendum arctari se videbant, ad privatum petentes colloquium, consilium flagitabant.

bant. Ille malè cum ipsis actum esse protestatus, in tale cum eis consensit consilium, ut *Henricum de Rekkin*, qui tempore arbitrii à claustrō exsulabat, & alii, qui nondum emancipati arbitrio stare non promiserant dicentes, se vinculis arbitrii suo iudicio non teneri, magis autem sub poena arbitrii, propterea, quanquam ipsorum non eadem, quia prior Præpositus illud non servasset, qui & possessiones ecclesiæ sine consensu fratrum postea ab alienaverat personas etiam pro rebus receperat, debita ecclesiæ cum instantia & sub testimonio fratrum à Marchione non exegerat, violenter ablata non requiserat, privilegium de quodam contractu ante arbitrium sine consensu capituli factio cum sigillo capituli, ignorante capitulo, post arbitrium dederat: suspicionem verò conspirationis, si necesse foret, se posse detergere juramento. Itaque regressi, quod in consilio placuerat, responderunt. Ad horum principium, ita respondit Episcopus, quod non solum illi præsentes arbitrium servare promiserant, sed etiam omnes qui in ipsa ecclesia usque in finem futuri essent, eodem ad stricti vinculo tenerentur. Contra ea verò quæ detransgressione arbitrii posita sunt, quia veritate roborata excusari impudenter non poterant, vicissim ab illis inquirere studuit, utrum & ipsi arbitrium beneservassent, quia prius audierat, eos clausuris & proprietatibus non carere. Quibus dicentibus, quod arbitri discretioni Præpositi & Prioris hæc dispensanda reliquerint, ut eorum licentia talibus uterentur. Respondit, eos non hoc excusare, quod scriptura arbitrii non haberet. Illud tamen, quod de personis pro rebus receptis dictum erat, ita excusavit, ut diceret, quod si aliqui sine conditione verbis expressa aliquo reciperenrur, tales pro rebus non recipi sed cum rebus. Quidam sanè Iuris peritorum hujusmodi negotium *velatum Simoniam* vocant, credo propterea, quod hominem

nes lateat, quasi bona providenda non sit potius coram Deo, quam coram hominibus, coram quo indubitanter Simonia committitur, cum quis in claustrum suscipitur, quia si non daret aliquid, non susciperetur. Iterata post hæc interrogatio- ne Episcopus de observantia religionis & qualitate obedien- tiae Præposito & de procuratione fratrum à Priore & cæteris in virtute obedientie requirens, singula horum emendatione satis comperit indigere, pluribus causam in Præpositum re- fundentibus in tantum, ut Prior publicè fateretur, esse quos- dam fratrum, quos speciales Præpositi appellabat, quos nec Præpositus per se corrigeret, nec ab eo corrigi vellet, qui pro arbitrio suo viverent, & quorum exemplo aliis malè vivendi occasio præstaretur. Præpositus verò narrationem, quam ipse texuerat, scriptam proferens recitari fecit, in qua fratres non suæ partis quosdam ipsorum nominatim exprimens, ni- mis indecenter laceravit, ita ut aliquos ipsorum non minus falsis quām detestandis conaretur criminibus infamare. Mul- ta quoque de eorum inobedientia & contumacia conque- stus, plures excessus, quos ipse correxerat, replicabat, plurima quæ scripturæ deerant verbis supplens. quorum non pauca veritatis esse vacua notum erat. Aliam præterea conscriptio- nem recitari fecit, expensas quas per annos XIV se fecisse di- cebat, & damna, quæ ab aliis ecclesia suis pertulisset temporib- bus, continentem, per quam scilicet causas inopiae, qua in- presenti premebatur ecclesia, à se voluit submoveare. Episco- pus his patienter auditis nullam fratum, qui accusati tue- rant excusationem volens admittere, conscriptiones illas ro- cipiens apud se retinuit ac deinde cum sociis visitationis in- terloquitur, & dicebat, quod statum illius ecclesiæ talem in- enisset, ut de ejus reformatione non possent sine pruden- tum

tum virorum consilio perirestare. Ideoque se ad p̄fens re-
cessuros sed in octava beati Martini cum pleno consilio redi-
turos, monebatque, ut ipsi causam suam cum Præposito me-
dio tempore ita componerent, ut eorum deinceps præsentia
non egerent; obedientiam quoque Præposito debitam exhi-
berent, religionem, quam ipsis testantibus valde infirmam
constaret, ipsi per se ad emendationem reducerent, neque hoc
opus aliis reservarent, scientes indubitanter quemlibet illo-
rum, religioni non studentem, aut inobedientem repertum,
ita ab illa ecclesia removendum, ut ad eam regressum de cæ-
tero non haberet. Sicq; conventus ille solutus est. Majori
verò, quam nostris temporibus visa fuerit, diligentia in ecclæ-
sia Sereni-montis religio servari cœpit, & nova quædam re-
rum facies repente apparuit, dum fratres omnes, exceptis,
quos officia excusabant, quotidie simul horis canonicis ad
ecclesiam procederent, simul in refectorio reficerentur, in-
tra parietes claustrī se cohíberent, mox ut signum ad vespe-
ras datum fuisset, omni opere postposito, ad conventum con-
current, ad collationem federent, & tempestivè ad dormi-
torium convenirent. Instabat quoque Præpositus coacitioni,
non tamen cum dilectione, sed ut de suis accusatoribus se
vindicaret, religione pro gladio utebatur. Cujus rei proba-
mentum fuit, quod unum ex ipsis sacerdotem, pro eo quod
una vice hora tertia primo signo sonante ad conventum non
occurseret, virginum veberibus emendaverit. Neque enim
uniformiter circa omnes eandem distinctionem servabat, sed
etiam quod sibi faventibus vellet parcere non celebat; quæ
res aliis malum intolerabile videbatur. Intentionem quoque
ejus incitabat familiarium suorum instantia, qui pœnam ei
divinitus irrogari precabantur, si in cogendo illos, qui in de-
rogationem ipsius defectum religionis accusassent, tepidus
exti-

extitisset. Denique Episcopus, incertum utrum ex industria
an tædio interrogandi, de hoc articulo è paucissimis eorum,
qui erant ex parte Præpositi, requisivit. Cum itaque illorum
qui coactione arcebantur vita in amaritudine esset constitu-
ta, de hoc crebro inter se conferentes ingemiserent, quibus-
dam ipsorum utile visum est, ut Præpositum satisfactione
placantes, cum ipso & aliis ei faventibus concordarent, ita
enim posse fieri, ut rigorem suum circa eos æquè ut circa alios
temperaret. Conatum enim suum contra eum, quod multis
jam experimentis didicissent, inanem esse, ut ipsi captiosè ad
religionis observantiam cogerentur. Alios quoque quoti-
die sub oculis viderent sibi juxta suum viventes placitum in-
sultare. Hoc autem consilium quantum eis commodi & uti-
litatis procurasset, si illud seuti fuissent, postea cognove-
runt. Verùm quia plerisq; eorum ignaviam & timiditatem
redolere videbatur rejiciendum judicabant, cum tamen ipsi
nullum in quo fidendum eis esset, possent solatium demon-
strare: unde factum est, ut, quamvis ægrè, ad visitatorum re-
ditum instantem sibi cum suis Præpositum tolerarent. Qui
die constituta alii eos causis detinentibus venire prohibiti,
venturos se die beatæ Ceciliæ mandaverunt. Quo die cum
Episcopo & Scholastico Abbas quoque Portensis adfuit, quia
Gofridus, ut ipse postmodum testatus est, propter iniquitatē
prioris tractatus sequenti noluit interesse. Igitur in hoc loco,
quo supra, fratribus convocatis, Episcopus ab illis qui in li-
teram *Henrici* consenserant, qui erant xi. numero, requisivit,
utrum cum Præposito ad pacem & concordiam redire vellent,
an cum eo de jure contendere. De qua re illi cum Abbatे
solo collocuti ejus consilio Episcopum & Scholasticum ro-
gaverunt consilio interesse. Quod consecuti, dicebant, quod
se & causam illorum consilio & mandato vellent submittere
dum-

dummodo querimoniis ipsorum, priusquam ad audienciam venirent, præmissis, necessitatibus ecclesiæ providerent. Episcopus verò eos etiam hortabatur, ne aliquid eorum quæ dicenda essent, supprimerent, dicens hoc & sibi & illis expedire, quia nequaquam bene possent de rebus incognitis ordinare: adjecitque, quod consanguinitatis, qua teneretur Præposito, vellet illa die penitus oblivisci. His animati cuncta quæ vel à Præposito, vel à suis passi fuissent fiducialiter exponebant: præcipueque suspicionem conspirationis, à qua se immunes noverant, volentes abstergere, unanimatis suæ causam non celabant, hanc scilicet; quod Præpositus & familiares saepius in eos non solum verbis, sed etiam manibus excesserant, quosdam ipsorum etiam interficere minantes, talisque eos ad concordiam, qua se vicissim tuerentur, & de qua Præpositus eos infamaret, necessitas adduxisset, Hactenus codex Freherianus.

In diebus primi Ottonis Imperatoris, fuit quidam ^{Ti-}
dericus egregiæ libertatis vir. Hic genuit duos filios ^{Annexa-}
^{hæc super-}
donem & Fridericum Comites. In diebus autem tertij ^{De-}
Ottonis Imperatoris, mortuo Bione quodam Mersenbur-^{rioribus}
gensi Comite, Gislerus Archiepiscopus Comitatum ejus ^{erant in}
qui inter VVipperam & Salam & Saltam & VVillebeke flu-
vios situs est Dedoni acquisivit. Duxit præterea uxorem
Thiebergam filiam Tiderici Marchionis, genuitque ex ea
filium nomine Tidericum. Interfecit autem eundem Ti-
dericum VVernizo Marchio: filius autem Tidericus Co-
mitatum patris & omne beneficium dono regis obtinuit.
Marchia verò VVernizonis, & quicquid à Rege tenebat,

Cc

Bern-

Bernhardo Comiti, avunculo Tiderici Marchionis, con-
cessum est. Accepit itaque Tidericus Comes uxorem fi-
liam Ekkehardi Marchionis, qui in regia curte, quæ Poli-
se dicitur, interfectus est, Machtilden nomine, sororem
Hermannii & Ekkehardi Marchionis & ex matre Geronis
Marchionis. Gero autem fuit filius Dietmari Marchio-
nis, qui cum fratre suo Gerone Coloniensi Archiepisco-
po Nienburgensem Abbatiam, juxta Bodam & Salam fluvi-
os construxit. Fridericus verò Comes, Friderici Comi-
cis patruus, frater Dedonis, cùm non haberet mares fili-
os, sed tres filias, Hileburg civitatem suam eidem Tiderico
moriturus dedit, ut de consensu suo, quia hæres ejus
fuit, prædium omne quod remanserat, filiabus suis tra-
deret. Obiit autem in eadem civitate in sacra nocte E.
piphaniæ Domini. Hujus Comitatum, & super pagum
Suseitez potestatem, prædictus Comes Tidericus Impera-
toris munere post suscepit. Genuit itaque Tidericus Co-
mes hos filios Fridericum, Dedonem, Thiemonem, Geronem,
Conradum, Riddagum & filiam Hiddam. Ptimus filius Fri-
dericus fuit Præpositus majoris Magdeburgensis ecclie-
sæ, postea Magdeburgensis Episcopus. Secundus filius
Dedo Marchiam Hodonis Marchionis obtinuit, qui hære-
dem non habuit, & duxit uxorem Odam matrem Ottonis
Marchionis de Orlamünde, genuitque ex ea Dedonem ju-
niorem, qui in pueritia per posteriora confossus interiit,
& duas filias, quarum una Adelheidis nupsit Ernesto
Marchioni de Bavaria genuitque ei Luppoldum Marchio-
nem. Altera Agnes nupsit Friderico Comiti, peperit
que ei tres filios, Adelbertum Archiepiscopum, Dede-
nem & Fridericum, Palatinos Comites, & filiam Odam,
quam

quam Adelbertus quidam nobilis, cognominatus *Serve-*
ke de Summerscheburg accepit uxorem, genuitque ex ea
Fridericum Comitem Palatinum seniorem. Defuncto
verò Ottone Marchione & matre ipsius Oda. prædictus De-
*do Marchio viduam ejus *Adelam* duxit uxorem. Hæc
 fuit nata de *Brabantia* ex castello quod dicitur *Lovene*, e-
 rantque fratres ejus *Henricus Comes & Reiberus.* Genuit
 autem ex ea *Dedonem*, *Henricum Marchionem de Hileburg*,
 & *Conradum Comitem*, qui à paganis occisus est. I-
 dem Marchio *Henricus* genuit ex *Gerrude*, quæ erat de
Brunesvrig, *Marchionem Henricum Iuniorem.* *Thiemo*
Comes duxit uxorem *Idam filiam Ottonis Ducis de Nort-*
heim, genuit ex ea *Dedonem Comitem*, & *Conradum*, &
filiam nomine Machtildam, quam *Gero Comes de Bava-*
ria accepit uxorem, genuit ex ea *VVichmannum Archic-*
piscopum & Conradum. Illoque defuncto, accepit eam
Ludovicus Comes de Bavaria, præter *Ludovicus Abba-*
tis Mersenburghensis, & *Ludovicus Comitis patris Conra-*
di Præpositi. Quartus filius *Gero Comes* duxit *Bertam*
viduam cuiusdam Popponis, genuitque ex eis tres filios *Ti-*
dericum Comitem & VVillehelnum Comitem de Camburg,
 & *Guntherum Zeicensem Episcopum*, & filias *VVillam*,
Abbatissam de Gerbarside & *Thieburgam Præpositam de*
Gerenrode. Hujus Popponis frater fuit *Cuno senior de*
VVippera. Quintus filius *Conradus* duxit sororem *Tideri-*
ei senioris de Kathelenburg, quæ *Othilhildis* dicebatur, pe-
 peritque ei filiam *Bertradam*, quam *Beringerus Comes*,
 frater *Ludovicus Comitis senioris de Thuringia* accepit u-
 xorem, genuitque ei filium *Conradum* & filias quatuor,
 quarum unam *Cunegundam* accepit *Thimo de VVippera*, quæ
 genuit*

genuit ei *Ludeovicum*. Riddagus mortuus est sine liberis Hidda nupsit Duci Bohemico & genuit Guntherum patriarcham & matrem *VVichmanni de Cella*, Omissis aliis, Thiemonis genealogiam persequamur. Dedo filius Thiemonis duxit uxorem Bertham filiam *VViperti de Groiz*, genuitque ex ea filiam nomina *Machtildem*, quæ nupsit Comiti Rabodoni Bambergensi Advocato. Idem Dedo ecclesiam in honore beati Petri Apostolorum principis initiauit, quam præventus morte fratri suo *Conrado* consummandam reliquit. Habens enim votum visitandi sepulchrum Domini, uxorem suam *Bertram*, quam repudiaverat, Episcoporum consilio & judicio recepit, sicque profectus in terram peregrinationis sue, obiit, & lignum Domini ecclesie, quam in Monte Sereno fundare primus cœperat, transmisit quod usque ad præsens ibi habetur, & fideliū frequentatione honoratur. *Henricus autem junior Marchio de Ilenburg*, *Conradum fratrem prædicti Dedonis*, orto inter eos bello captivavit, & lecto ferreo in Kirchberg, multisque malis oppressit. Post mortem autem *Henrici* captivitate solutus, anno M CXXVII, liberalitate *Luderi Imperatoris* *Marchiam Misnensem suscepit*, cui etiam *Lusensem*, quæ *Orientalis* nunc dicitur, idem Imperator, postmodum concessit. *Conradus itaque Misnensis & Orientalis Marchio accepit uxorem Lucardem filiam cujusdam nobilissimi de Svevia nomine *Alberti**, quæ peperit ei hos filios, *Henricum*, qui in pueritia obiit, *Ottонem Misnensem Marchionem*, *Tidericum Orientalem Marchionem*, *Dedonem Comitem de Rocheluz*, *Henricum Comitem de VVitin*, *Fridericum*, *Comitem de Brene*. Filias quoque genuit sex, quarum tres *Gerberstai monachas fecit.*

cit. Odam & Bertam Abbatissam Gerberstadensem, Agnetam Quiddelingeburgensem Abbatissam: Quarta nupsit Palatino Rheni Gertrudis, quae viro defuncto Christum heredem faciens ecclesiam in honore Theodori Bamberg construxit, ibique monialibus Deo famulantibus se socians, in sancta conversatione vitam finivit. Quinta Adela copulatur Danorum Svenoni, qui genuit ex ea Luccardam, quam duxit Bartoldus Marchio de Bavaria; qui cum genuissent Popponem Bambergensem Praepositum & Bertram Gerbestaderensem, consensu Episcoporum propter notam adulterii separantur. Occiso à Danis Svenone, viudam ejus Albertus Comes Alberti Marchionis filius, duxit uxorem, genuitque ex ea Gertrudem Waltheri de Arnstein conjugem. Sexta Sophia nupsit Geberardo Comiti de Bavaria, filio sororis Luderis Imperatoris. Conradus igitur Marchio ecclesiam à fratre suo inchoatam in honorem beati Petri in Sereno-monte à fundamentis erexit, largisque suæ proprietatis prædiis ditatam, in jus & proprietatem Romanæ ecclesiæ tradidit, & clerum canonicorum regularium ibi Deo famulaturum instituit. Quibus & ipse omnibus mundi pompis ex integro renuncians, pauper pauperibus, pro veris divitiis associatur 11. Kal. Decembr. conversus, & in ipso anno Non. Febr. defunctus. Moritur autem anno M C LVI. à Wachmanno Magdeburgensi Archiepiscopo & Bolone Havelbergense Episcopo, praesentibus filiis suis & Alberto Marchione pluribusque liberis & ministerialibus condigne in ecclesia beati Petri sepelitur. Anno M C XVI. Kal. Ianuarii obiit Iudita uxor Viperti Marchionis, Vipertus Marchio Pigaviensis ecclesiæ fundator, cuius filiam Dodo Comes duxerat, anno

M C XXIV. xi. Kal. Junii moritur, relinquens heredem Hen-
ricum Marchionem. Quo sine herede mortuo Anno
M C XXXV. ii Kal. Ianuarii Imperator Marchiam ejus, quæ
Orientalis dicitur *Conrado* Marchioni concessit, cui etiam
Misnensem priùs concederat. *Berta* Comitissa, filia *VVi-*
persi, uxor *Dedoni* Comitis, proprietatem suam *Groitz* de-
dit *Dedoni*, filio *Conradi* Marchionis, quem filii loco nu-
terierat. Ipsa autem obiit anno M C XLIV. xviii. Kal. Ja-
nuarii. *Otto* Misnensis Marchio duxit uxorem *Heiduvi-*
gem, filiam *Alberti* Marchionis de Saxonie, ex qua genuit
filios *Albertum* & *Tidericum*, & filias *Adelam* & *Sophiam*. *So-*
phia nupsit *Olrico* Duci Bohemorum, qui genuit ex ea —

Reliqua hujus additamenti, eaque per pauca, periere.



INCIPIT